

K ~~2580~~  
3

# მოგზაურობა საბუნების

წმ. ქალაქს იერუსალიმსა და წმ. ათონის მთაზედ



დეკანოზის პეტრე დავითის ძის კონსტანტინისა,  
სჯულის მოძღვრისა ამიერ კავკასიის ქალწულთა ინსტიტუტისა  
იმაკრატორის ნიკოლოზ ქს.

თფილისი, 1901

სტამბა მ. შარაძისა და ამხანაგობისა, ნიკ., ქ., № 21.

გზნეულისა

91(3)



# მოგზაურობა <sup>2</sup>/<sub>3-788</sub>

წმ. ქალაქს იერუსალიმსა და წმ. ათონის მთაზედ. <sup>36814</sup>



2580  
3

დეკანოზის პეტრე დავითის ძის კონკოზვილისა, სჯულის მოძღვრისა ამიერ კავკასიის ქალწულთა ინსტიტუტისა იმპერატორის ნიკოლოზ 1-სა.

ტფილისი

სტამბა მ. შარაძისა და ამბანაგობისა, ნიკ. ქ. № 21

1901



Дана въ Кіевѣ, 10 Сентября 1900 г.  
Секретарь Кіевскаго епископа  
Владимиръ Александровичъ  
Сидоренко

Печатать разрѣшилъ Епископъ Кіевскій, 10 Сентября 1900 г.

1 1/2  
1900 г.

## წინასიტყვაობა.



იყრბით ჩემიღგან, რაც-კი თავის ცნობაში მოვსულთ-  
ვარ, რაც-კი ჩემ საყვარელ მშობელთაგან შემის-  
წავლია პირჯვარის გამოსახვა და შევიძელ ხსენება და  
გამოთქმა სახელისა ყოვლად ტკბილისა უფლისა იესო  
ქრისტესი, და შემდეგ სასულიერო სასწავლებელში ცნო-  
ბიერად შევისწავლე წმ. სახარების მოთხრობანი ქრისტე  
მაცხოვრის ქვეყნიერს ცხოვრებაზედ, იმ დროიდან მა-  
რად-ქამს ჩემთვის სანატრელი შეიქმნა მიმოხილვა და მო-  
ლოცვა იმ წმიდა ადგილთა, სადაც ყოვლად მოწყალე  
უფალმა იესო ქრისტემ, ძემან ღმრთისამან, სათნო-იჩი-  
ნა ხორციელად შობა ყოვლად წმინდისა ქალწულისა მა-  
რიამისაგან, და დაჰყო ქვეყანაზედ ხილულად მშ წელნი,  
ვიდრემდის შეასრულა ცხოვნება კაცთა ნათესავისა თა-  
ვის ჯვარცმითის სიკვდილითა, დიდებულის აღდგომითა  
და ხორციელად ამაღლებითა თვისითა ზეცად. სიყმაწვი-  
ლიდგან ჩემისა ამ სანატრელს ღღესა, გულითადის ჩემის  
საღმრთო წადილის შესრულებას ღირსმყო მე ყოვლად  
სახიერმა მაცხოვარმა, თვისის მიუთხრობელის მადლირდა  
და მოწყალეებითა, მხოლოდ ჟამსა მოხუცებისა ჩემისასა,  
როდესაც უკვე შევასრულე; მისისავე განუზომელის მოწყა-  
ლებითა, ორმეოცნი წელნი ჩემის მსახურებისა წინაშე წმ.  
დედა ეკკლესიისა და სამშობლოჲსა. სამადლობელად  
მოვლინიებულთა ჩემზედა მოწყალეებათა უფლისა მიერ  
ყოველთა დღეთა ცხოვრებისა ჩემისათა ვიდრე აქამომ-  
დე, საღმრთო ვალად დავუდგინე ჩემს თავსა წასვლა და  
მოლოცვა წმ. ქალაქ იერუსალიმისა, საიდგანაც აღმო-

ბრწყინდა ნათელი ქრისტეს სარწმუნოებისა და საიდგანადაც „უოჯელთა კიდეთა ქვეყანასათა იხსლეს მაცხოვრება ღმრთისა ჩვენსა“ (წარდგომა ჯვარის ამალღების დღესასწაულისა ცისკრად). ამავე დროს მოვისურვე მოლოცვა წმ. ათონის მთის სავანეთა, ვითარცა მართლმადიდებლის ეკლესიის ბურჯისა, სადაც არს ივერიის კარისა ღვთის მშობლის მონასტერი, რომელშიაც აწ სცხოვრებენ ბერძენთა მონაზონნი მამანი

გარდა დაკმაყოფილებისა ჩემის გულითადის სარწმუნოებრივის გრძნობისა და მისწრაფებისა, ჩემს მოგზაურობას პალესტინაში ჰქონდა მეორე საგნად პედაგოგიური მნიშვნელობაცა. აგერ, წყალობითა ღვთისათა, უკვე განველე პნ წელნი სამღვთო სჯულის მოძღვრებაში, და ახლა, შემდეგ მიმოხილვისა და მოლოცვისა წმიდა ქვეყანისა, პალესტინად წოდებულისა, თვალსაჩინოდ წარმოვიდგინე წმ. დაბადების და სახარების მოთხრობანი ანუ უმთავრესი შინაარსი ძველისა და ახლის აღთქმისა. ეს ცხადი ქვეშარიტებაა, რომ წაკითხვა მხოლოდ იმ სისრულით ვერ გარდმოგვცემს ცხადს ცნობასა, ისრე ნათლად ვერ დაგვიხატავს საგანსა, ვითარცა თვალთ ხილვა მისი. როდესაც წმ. თომა მოციქულმა თვალხმიერად იხილა სულთა იესოსათა სახე იგა სამსჯელთა და განკმარული გვერდი უფლისა იესო ქრისტესი, მაშინ ქვეშარიტად ირწმუნა აღდგომა ქრისტესი და დაღადაპყო: „უფალი ჩემი და ღმერთა ჩემი!“ (იოან. 20; 25—28).

ქართულს ენაზედ შემხვედრია სახელმძღვანელო საღმრთო სჯულისა, რომელშიაც უმეცრებით ნაჩვენები იყო გეთსიმანიის ბაღი, ვითარცა ადგილი ქრისტე მაცხოვრის საფლავისა, როდესაც, სახარების მოთხრობით, იგი საფლავი იყო გამოკვეთილ კლდეში იოსებ შევენერის მტილში (ბაღში), ხოლო ეს უკანასკნელი ადგილი შორავს გეთსიმანიას არა ნაკლებ ერთის ვერსის მანძილისა. რუსულს ენაზედაც წამიკითხავს სახარების განმარტებაში, რომ ვი-

თომც საცხოვრებელი ადგილი წმ. ზაქარია მღვდელისა, წმ იოანნე წინამორბედის მამისა, იყო ქალაქი ქებონი, რომელიცა შორავს იერუსალიმს სამხრეთად 30 ვერსით; წმ. ლუკა მახარებელი კი მოგვითხრობს, მის მიერ დაწერილს სახარებაში, რომ ყოველად წმიდა ქალწული მარიაში, შემდეგ ანგელოზისა მიერ ხარებისა, წარმოვიდა სანახავად ელისაბედისა; ზაქარია მღვდელის ცოლისა, ნაზარეთიდან შიდა კერძო ქაღაჭად აუდასსა (ლუკ. 1; 39, 40). ხოლო ეს უკანასკნელი ადგილი შორავს იერუსალიმს რვა ვერსით დასავლეთისკენ; ამ ადგილს ეხლაც უწოდებენ შიდა კერძოდ (нагорная), სადაც არის სამი მონასტერი—ერთი იოანნე ნათლისმცემელის შობის ადგილზედა რომის კათოლიკეთა, ხოლო მეორე იმ სახლის ადგილზედა, სადაც მიეგება მართალი ელისაბედი ყოველად წმიდა ქალწულს მარიამს და მოიკითხა იგი შემდეგის სიტყვებით: „კურთხეულ ხარ შენ დედათა შორას და კურთხეულ არს ნაყოფი მუცლისა შენას! და გინა (საიდგან) ჩემდა ესე, რათა მოვიდეს დედა უფლასა ჩემისა ჩემდა?“ (ლუკ. 1 თავ. 42-44). ამ ადგილზედ არის ახლად დაფუძნებული დედათა მონასტერი, რომელშიაც მოღვაწეობენ 80 დანი რუსნი, და მესამე მონასტერიც მეზობლად რუსებისა არის კვლადცა რომის კათოლიკეთა იმ ადგილზედ, საიდგან ელისაბედი წყალს ეზიდებოდა წყაროსას სახმარად.

მესამედ, ჩემს მოგზაურობას პალესტინაში და წმ. ათონის მთაზედ ჰქონდა სხვათა შორის ეს გულითადი წადილიცა, რათამცა მომეხილა დიდებულნი სავანენი და წმ. ტაძარნი, აღშენებულნი მეოთხე საუკუნიდგან დაწყებული ვიდრე მე-18 საუკუნის დასრულებამდის ქართველთა მეფეთა, მღვდელ-მთავართა, თავად-აზნაურთა და სრულიად კეთილ-მორწმუნეს ქართველის ერისაგან, ვითარცა ძეგლნი (სახსოვარნი) ჩვენის ცხოველის სარწმუნოებისა და მართლმადიდებლობისა, ეროვნულის ძლიერებისა და დი-

დებისა. გარნა, სამწუხაროდ, რაც ყოვლისა შემმუსრველს დროთა და ჟამთა ვერ დაუკლიათ მათ დიდებულთა ნაშთთათვის, ამას ასრულებენ დღეს, ჩვენის გულის მოსაკლავად, სხვა-და-სხვა ერთა მკრეხელნი ხელნი.

ეს აღწერა წმ. ადგილთა, შეძლებისაებრ ჩემისა, და გამოცემა მისი ბეჭდვით ვიკანდიერე მისთვის, რათა მივსცე მცირედი შემწეობა ჩვენს პროვინციის სამღვდელთა და დაბალს ქართველს საზოგადოებას, ვითარცა მოკლებულთა სულიერის საზრდოასა, რათამცა ისარგებლონ ამ წიგნის წაკითხვითა დასაკმაყოფილებლად თვის სარწმუნოებრივის გრძნობისა, რომელიც უღვივით მათ გულში ვითარცა ნაპერწკალი ხოლო მე, მიმბაძველი ქრისტეს მოციქულისა, ვიტყვი: „წადაღი გულისა ჩემისა და ვედრება ჩემი ღმრთისა მისართ არს საცხადებულად ქრთველის ერისა და ტომთა მასთა, რომელთაცა უბედურ ისტორიულთა გარემოებათაგამო ძალდატანებით უარჰყვეს სარწმუნოება ქრისტესი 17 და 18 საუკუნეში. ღმერთმან ინებოს, რათამცა ნაპერწკალი ცხოველის სარწმუნოებისა ქართველის ერის გულში აღგზნებულიყოს (ანთებულიყოს) ცეცხლად ქრისტე მაცხოვრის სიყვარულისა, და განდგომილნი ტომნიცა ქართველის ერისა ღვთისა წინამძღვანის მადლითა კვალადცა შემოუერთდენ თვის ქრისტეს მორწმუნეთა ძმათა. გამაგდანე, უფალო, ამთხედაცა ნათელი შეხი და ჰქმნათება შენა; ესენი მიმამღვეს და მამაყვანეს მე მთასა წმადსა შენსა და საყოფელთა შენთა“ (ფსალმ. 42, 3.)

ამის მსგავსნი აღწერილობანი წმ. ადგილებისა არა მცირედ მოიპოვებიან რუსულს ენაზედ. მაგრამ ქართულ ენაზედ მე არ შემხვედრია არც ერთი. მე-18 საუკუნის ნახევარში მოუხილავს წმ. ადგილები ორს ქართველს მღვდელ მთავარს: ტფილელს მთავარ-ეპისკოპოზს ტიმოთე გაბაშვილსა და რუისის მიტროპოლიტს იონა გედგონიშვილსა, და ამათ აღუწერიათ კიდევ თვისი მოგზაურო-

ბანი, რომელნიც 1852 წელსა დაუბეჭდია უკვე პლატონ იოსელიანს. მაგრამ ეს წიგნები ძვირად საპოვნელია ამ დროში და ენითაც ადვილი გასაგები არ არის, ვითარცა დაწერილი ას ორმოც და ათის წლის უწინარეს. ასე რომ მით სარგებლობა ვერ შეუძლიან ჩვენს მდაბიო საზოგადოებას. თავადს გიორგი ავალიშვილს 1820 წელს მოულოცნია ქრისტე მაცხოვრის საფლავი და რაოდენიმე სხვა სიწმიდე პალესტინისა. მრთელი წელიწადი გაუტარებია ამ მოგზაურობაში. საქართველოდან გასულა იგი ივლისის თვეში 1819 წელსა და იერუსალიმში მისულა 1820 წელს დიდმარხვაში და აღდგომის დღესასწაულებს დასწრებია. აღუწერია კიდევ დაწვრილებით თვისი მოგზაურობა. ეს ხელნაწარი არის დაცული ეხლა ქართველთა შორის წერა-კითხვის საზოგადოების წიგნთსაცავში. ამ აღწერაში თავადი ავალიშვილი იმოდენად წმ. ადგილებზედ არა სწერს, რაოდენადაც აღწერავს იგი უცხო ქვეყანათა ეროვნებათა და ბუნებასა. და თავის მგზავრობის შემთხვევათა. ენითაც ადვილი გასაგები არ არის ეს აღწერილობა; დაბეჭდილიც რომ იყოს, ამით სარგებლობა არ შეუძლიან ქართველს მდაბიო ერსა, ანუ საშუალო საზოგადოებასა.

1883 წელსა მოიარა პალესტინა, სინა და ათონის მთა ბ.ნმაალექსანდრე ანტონის ძემ ცაგარელმა, ღირსაღაპატივცემულმა პროფესორმა პეტერბურგის უნივერსიტეტისამ, მინდობილობითა რუსეთის პალესტინის მართლმადიდებელის საზოგადოებისა და სამგზავრო აღწერილობანი, როგორც თვისი მეცნიერული გამოკვლევანი შესახებ ქართულის მწიგნობრობისა და ნაშთთა პალესტინაში, სინაზედ და ათონის მთაზედ, გამოსცა რუსულად 1884 წელსა. ამითაც სარგებლობა არ ძალუძს ჩვენს მდაბიო საზოგადოებას, როგორც რუსულის ენის უცოდინარობით, ეგრეთვე ამ წიგნის სიძვირითა.



1899 წელსა მოუვლია აგრეთვე წმ. ათონის მთა ღირსად პატივცემულს პროფესორს მარს და ათონის ივერიის (საქართველოს) მონასტერში დარჩენილა 40 დღე გამოსაკვლევად ქართულის არხეოლოგიურის ნაშთებისა ამ სავანეში, მაგრამ ამის გამოკვლევათაც მეცნიერული ხასიათი აქვს და მით ვერ ისარგებლებს ჩვენი მდაბიო ერი. ხოლო სანუგეშებლად მრავალთა ქართველთა, მოსურნეთა მოლოცვისა ქრისტე მაცხოვრის ცხოველმოსილის საფლავისა და სხვათა სიწმიდეთა პალესტინისათა, რომელთაც ნივთიერი შეძლება ხელს არ უწყობს იმ სიშორეზედ მგზავრობისათვის, მათ ქრისტეს მოყვარეთა და მოსაუთა მოვახსენებ შემდეგთა სიტყვათა ღირსთა მამათასა: „სასიქადულო ის კი არ არის, რომ მოიხილო იერუსალიმი, არამედ რათამცა იცხოვრო იერუსალიმში სათნოებითა. ნუ წარმოიდგენ, რომ შენი ცხოვრება საშიშს მდგომარეობაშია მხოლოდ იმისათვის, რომ შენ არ გიხილავს იერუსალიმი, და ნუ ჩამთვლი მე უმჯობესად ამისათვის მხოლოდ, რომ მე იქ ვსცხოვრებ. სადაც უნდა იყო შენ—იქ ანუ აქ, სასყიდელი (ჯილდო) განიზომება ღმრთისა მიერ საქმეებითა“ (ნეტარი იერონიმი). თვითონ ამ ნეტარს მამა იერონიმეს განუტარებია 30 წელნი ქალაქს ბეთლემში, ქრისტე მაცხოვრის შობის მღვიმეში, სადაც მან სთარგმნა დაბადება (საღმრთო წერილი) ებრაულის ენიდან ლათინურად, გუჯგატად წოდებული, და ბოლოს აქვე აღასრულა თვისი ქვეყნიერი ცხოვრება მღვდლის ხარისხში 30 სექტემბერსა 420 წელსა, მე-90 წელსა შობიდან თვისისა

„უაგუგან—მყოფასა ძამართ მიგუენ სიეგარუჯითა და არა კიშითა“ (ნეტარი აგვისტინე) ეს ღირსი მამა აგვისტინე იყო ეპისკოპოსი ქ. ნაპოონისა, აღესრულა იგი 28 აგვისტოსა 430 წელსა, შობიდან თვისისა 76 წლისა. წმ. გრიგორსა, ნოსელ ეპისკოპოზსა, დიდი ვასილის უმცირესს ძმასა, კე-

თიღმოწიწებითის სიხარულითა მოუხილნია წმ. ადგილები პალესტინაში; მაგრამ მას ზედა მძიმედა უსიამოვნო შთაბეჭდილება მოუხდენია რომელთამე უწესოებათა და უთანხმოებათა პალესტინის მცხოვრებთა, რომელნიცა იყვნენ აღელვებულ სხვა-და-სხვა მწვალებლობათა მიერ. ამ გვარი მძიმე გრძობის გავლენის ქვეშ გრიგორი სწერავდა ერთს განდევილსა, რომელსაც მსურდა თაყვანის-ცემა წმ. ადგილთა პალესტინაში: „აქებდით უფალსა. იმა ადგილთა შინა, სადაც იმყოფებით! ადგრლის გამოცვლა არ დაგვაახლოვებს ჩვენ ღმერთსა. სადაც უნდა იმყოფებოდე შენ, უფალი მოვალს შენდა, უკეთუ სავანე შენის სული-სა აღმოსჩნდება ისრეთი, რათამცა დაემკვიდროს იგი შენ შორის და იცხოვროს შენ შორის; ხოლო უკეთუ შენი შინაგანი კაცი სავსეა ბოროტთა გულის-თქმათა მიერ, მაშინ შენ გინდა იმყოფებოდე გოლგოთაზედა, გინდა ზეთის-ხილთა მთაზედა, ანუ საფლავსა ქვეშე აღდგომისასა, შენ იმოდენადვე არ ძალგიძს შეწყნარება შენ შორის ქრისტესი, რამოდენათაც მათცა, რომელთაც დასაწყისიც არ დაუდვიათ თვისის აღმსარებლობისა... ნუ თუ წმ. სული მრჩობლად გარდამოვალს მხოლოდ იერუსალიმელთა ზედა, ხოლო ჩვენდა არა ძალუძს მოსვლა?..“

მაჟწეე მე, უფალო, გზაჲ, რამელსაცა ვადრადე, რამეთუ შენ-  
 ღამი აღვიდე სული ჩემი (ფსალ. 142, 8).



# ს ა რ ჩ ე ვ ი .

თავი	გვერდი
I. ტფილისიდან სტამბოლამდე . . . . .	1—5
II. წმ. სოფიას ტაძარი კონსტანტინეპოლში	5—8
III. ისევ სტამბოლში. . . . .	8—10
IV. ქართველთა მონასტერნი საქართველოს გარეთ . . . . .	10—14
V. სტამბოლიდან იერუსალიმამდე . . . . .	15—24
VI. ქ. იერუსალიმი და მისნი სიწმიდენი . . . . .	24—35
VII. დღესასწაულობა წმ. ცეცხლის გამოჩენისა	35—52
VIII. წირვა მშობელთა მსოფლიო მოხსენებისა	52—57
IX. წირვა მის უნეტარესობის იერუსალიმის პატრიარქისა . . . . .	57—60
X. ადგილი საიდუმლო სერობისა . . . . .	60—66
XI. ბეთლემი . . . . .	67—69
XII. რძიანი მღვიმე ყოვლადწმიდისა ღვთის- მშობელისა. . . . .	69—70
XIII. ღელე მწყემსთა . . . . .	70—73
XIV. ქ. ქებრონი, მამბრეს მუხა და მათი. მნიშვნელობა . . . . .	73—75
XV. ქართველთა შესანიშნავი ჯვარის მონასტერი. . . . .	75—84
XVI. ლოტის ანუ მკვდარი ზღვა . . . . .	84—87
XVII. მდინარე იორდანე და დაბა იერიქონი	87—93
XVIII. მთა-კერძო-ადგილი შობისა წმ. იოანე ნათლის-მცემელისა . . . . .	93—94
XIX. წმ. მოციქ. იაკობ ზებედეს მონასტერი	94—99
XX. ნაზარეთი . . . . .	99—102
XXI. თაბორი . . . . .	102—103
XXII. ტიბერიის ზღვა . . . . .	103—107
XXIII. ლავრა წმ. საბასი . . . . .	107—111

XXIV.	წმ. საუფლო საფლავის ბერძენთა ძმო- ბის დაარსება იერუსალიმში და მოქ- მედებანი მისნი . . . . .	111—114
XXV.	წმ. მთა სინა . . . . .	114—115
XXVI.	ქქ: პორტ-საიდ, ალექსანდრია, ქაირი.	115—118
XXVII.	სინას მონასტერი . . . . .	118—121
XXVIII.	წმ. ადგილები სინას გარეშემო. . . . .	121—124
XXIX.	განსხვავებანი საღმრთო წესების შე- სრულებაში იერუსალიმისა და რუსე- თის ეკკლესიათა შორის . . . . .	124—132
XXX.	დაბრუნება პალესტინიდან . . . . .	132—134
XXXI.	თუში მონაზონი ათონზედ . . . . .	135—139
XXXII.	წმ. ათონის მთა. . . . .	139—142
XXXIII.	რუსთა წმ. პანტელეიმონის მონასტე- რი და სხვანი რუსთა სავანენი წმ. ათონის მთაზედ. . . . .	142—154
XXXIV.	ათონის ძველი ივერიის მონასტერი და ახალი ქართველთა სავანე წმ. მო- ციქ. და მახარებლისა იოანნე ღვთის- მეტყველისა და მათი ურთიერთშო- რისი დამოკიდებულება . . . . .	154—163
XXXV.	წარწერა ათონის ივერიის მონასტრის კარისა ღვთისმშობლის ხატზედა . . . . .	163—175
XXXVI.	ივერიის მონასტრის დამფუძნებლის თორნიკე ერისთავის—ღირსი მამის იოანნეს ხატის მოსპობა ბერძენთაგან	175—178
XXXVII.	შეძენა მამულისა ათონის მთაზედ ქართველთა მშათაგან და დავის გა- მოცხადება მათგან ივერიის მონას- ტერზედ . . . . .	178—179
XXXVIII.	ათონის ივერიის მონასტრის ქარ- თულს დაბადებაზედ . . . . .	180—181

- XXXIX. ქართული. გალობის მდგომარეობა ათონზედ . . . . . 181—182
- XL. ბოლგართა სკიტი ღირსისა მამისა იოანე რილელისა. . . . . 182—183
- XLI. ბერძენთა ვატოპედის მონასტერი. . . . . 183—188
- XLII. ხილანდარის მონასტერი . . . . . 188—194
- XLIII. ათონის ზოგრაფის მონასტერი. . . . . —194
- XLIV. ქართველთა სოფელი იერისო . . . . . 194—195
- XLV. დაბრუნება ქართველთა სავანედ, გამოშვიდება ქართველთა ძმებთანა და კვალადცა მობრუნება რუსთა ბანტელეიმონის მონასტრად . . . . . 195—196
- XLVI. მგზავრობა კონსტანტინეპოლიდან ქ. ოდესსამდის . . . . . 196—198
- XLVII. განგრძობა მგზავრობისა ოდესსიდან სუხუმამდის . . . . . 198—200
- XLVIII. ქ. სუხუმის მცხოვრებელთა ქართველთა სარწმუნოებრივი და ზნეობრივი მდგომარეობა . . . . . 200—203
- XLIX. საფუძველნი, ძალი და მნიშვნელობა მშობლიურს ენაზედ ღვთისმსახურების შესრულებისა და სახარების გადაცემის მოსმენისა . . . . . 203—205
- L. ქოროხის ხეობაში მცხოვრებელთა ძველთა ქართველთა აწინდელი სარწმუნოებრივი და ზნეობრივი მდგომარეობა . . . . . 205—213
- LI. დაბრუნება სამშობლოდ . . . . . 213—214
- LII. დროა ბოლო მოედოს . . . . . 214—221
- LIII. რუსის გენერალის შთაბეჭდილება მიმოხილვის დროს ქართველთა წმიდათა სავანეთა პალესტინაში და წმ. ათონის შთაზედა . . . . . 221—222
- LIV. წერილი ათონის ქართველთა სავანის შმათაგან 10 ივნისს 1900 წელსა . . . . . 222—223

## მოგზაურობა წმ. ქალაქს იერუსალიმსა და წმ. ათონის მთაზედ.

ტფილისიდან სტამბოლამდე.

**მ**აისის 16 დღესა 1899 წლისას, კვირა დღეს, გამოვემშვიდობე დედა-ქალაქს ტფილისსა, ვახსენე უფალი ღმერთი, რათა წყალობა მისი თანამავალ ჩემდა ყოფილიყო ვითარცა ამ მოგზაურობაში, ეგრეთვე ყოველთა დღეთა ცხოვრებისა ჩემისათა და წარვემართე რკინის გზის სადგურად. სადგურამდე გამომაცილა ორმა ქართველმა მღვდელმა და ერთმაც ახალგაზდა მოხელე თანამოსამსახურე რუსმა. ჩვეუგე ვაგონში მარტოდ, ობლად, დაღონებული, მაგრამ გზა, რომელსაც წარვემართებოდი, და საგანი მგზავრობისა მახალისებდა, მამხნეებდა.

ერთს ვაგონში შემხვდა ორი ახალგაზრდა, როგორც აღმოჩნდა შემდეგ, ქართველნი ტომითაც, გვართაც და სამშობლოს სიყვარულითაც. ვიდრე გამოველაპარაკებოდი, ერთმა მათგანმა აზრით უკვე მიცნო და მკითხა: „თქვენ იერუსალიმს ხომ არ მიემგზავრებით?“ ნამდვილად, მაგრამ თქვენ საიღვან იცით ჩემი განზრახული მგზავრობა, როდესაც პირველად გხედავ? მან მიპასუხა: „მამა ჩემმა გ. ქ-მა, რომელიც თქვენ კარგად გიცნობთ, მითხრა, რომ იერუსალიმს მოგზაურობას აპირებთ“. სჩანს, ღირსეულს მამულიწვილს ღირსეულად აღუზრდია. ზვისი შვილები. ეს ახალგაზრდანი მიესწრაფებოდნენ ს. ატენს, რათა დასწრებოდნენ დღესასწაულობით ქარხნის გახსნას, სადაც მო-

ამზადებენ ხის ყოველ-გვარ მასალას და სადაც, პარაკლი-  
სის გარდახდის შემდეგ, ქართული ჩვეულებრივი ლხინი  
ექმნებოდათ. ჩემის მხრივ ვუსურვესასარგებლო საქმისა-  
თვის კეთილი წარმატება. ამ დროს შემოვიდა ვაგონში  
მესამე ქართველი ახალგაზრდა, ჩაცმული ქართულს ეროვ-  
ნულს გემოვნებაზედ, და უთხრა ქ—შვილებს, რომ ერთს  
განათლებულს ინგლისელ ქალს სურს დაესწროს ს. ატენ-  
ში ქართულს ლხინს, მაგრამ მომავალს სამშაბათამდის  
დრო არ ექმნებაო. შემდეგ ჩვენ დავშორდით ერთმანერთს  
ქ. გორის სადგურზედა, და აღარ ვიცი, როდის გარდაი-  
ხადეს ატენში ლხინი.

რიონის სადგურზედ შემხვდა ორი ფრანგი, რომელ-  
ნიც მისდევდნენ ერთს გურულს მებატონეს მის მამულის  
სანახავად და შესასყიდად. საქმეუხარო იქნება, თუ საქარ-  
თველოს მამულები გადავიდა სხვა ტომთა ხელში და ჩვე-  
ნი ერი კი დარჩა შემდეგ ბოგანოდ. უკეთუ ჩვენმა ერმა  
დაიცვა თავისი არსებობა აქამდის, ეს სხვათა მიზეზთა  
შორის იმისათვის, რომ თავისს მამულზედ, მის წინაპარ-  
თა სისხლით მორწყულზედ, იყო იგი მტკიცედ დამკვიდ-  
რებული.

16 მაისს, ღამის ცხრა საათზედ, მოვედით ქ. ბათუმს  
მშვიდობით, და პირდაპირ ცეცხლის გემ „ცესარევიჩ გი-  
ორგი“-ზედ გადაველ, რომელიც ერთის საათის შემდეგ  
გაემგზავრა ოდესისაკენ.

17 მაისს დილით მოვედით ფოთის ნავთსადგურში,  
სადაც გაჩერდა ცეცხლის გემი დილის ათს საათამდე. აქ  
მუშაობდა მანქანა, რომლითაც იღებენ ქვიშას ზღვის ძი-  
რიდგან ნავთსადგურის დასაღრმავებელად. აქ ერთი უბე-  
დური კაცი ზღვაში ვარდებოდა თავის დასარჩობად, მაგ-  
რამ აღრე შენიშნეს და დაიხსნეს სიკვდილისაგან; ვინაო-  
ბა ამ უბადრუკისა ვერ შევიტყვე, ჩოხა ემოსა და თავი-  
სის ვინაობისა არა სთქვა-რა. ბათომიდგან წამოსული აქ

შემხვდა ერთი სომეხი, სოხუმში მოვაჭრე, რომელმაც გარდამოცა, რომ ქუთაისის სომეხთ არ ესმით თავისი სამშობლო ენა, და ამის დასამტკიცებლად მიიხრა შემდეგი შემთხვევა: შევედი ქუთაისის სომეხთა ეკლესიაში და სომხურად ვთხოვე ერთის აბაზის წმ. სანთელი მოეყინათ ჩემთვის, მიღდისამ ვერ გაიგონა ჩემი თხოვნა და ქართულად მიიხრა: რა გინდაო? და შემდეგ სხვებმა ქართულად უთარგმნეს მიღდისას ჩემი სურვილი და მხოლოდ მაშინ მომყიდა სანთელი. ეს სომეხი თითონ ოსმალეთიდან ახლად გადმოსახლებული იყო და არ იცოდა ქართული.

18 მაისს შემხვდა გემზედ თანამოგზაურად ნოვოროსიისკი დამ კერჩამდის ახალგაზრდა ინჟინერი რუსი, რომელმაც მკითხა: „На какой службѣ состоите Вы, на русской или грузинской? ვუბასუხე: совмѣщая ту и другую вѣсть — какъ это возможно? მივუგე: ვისაც სწავლა მიუღია რუსულს ენაზედ, მას შეუძლიან ემსახუროს რუსეთის სახელმწიფოს, გვარტომობის მიუხედავად. მე თითონ ქართველთ ეროვნებისა ვარ და ემსახურებ რუსულს სახელმწიფო სასწავლებელში, ისე, როგორც თვით რუსნი.

კვალად მკითხა: რა განსხვავებაა რუსთა, ქართველთა და ბერძენთა ეკლესიათა შორის? მივუგე: არსებითი (უმთავრესი ანუ დოგმატიური) გარჩევა მათ შორის არა არის რა. იგინი არიან შეერთებულ ერთ გვარის სარწმუნოების აღსარებითა და ლოცვათა და საიდუმლოთა ერთობითა ანუ ზიარებითა. მცირედი განსხვავება მათ შორის შეიძლება იყოს წესებში, მაგრამ ამ გვარი გარჩევა წესებში სრულიად არ დაარღვევს ერთობასა სარწმუნოებისასა მათ შორის, მაგალითებრ: მცირე ანუ ქვემო რუსეთის ეკლესიაში, ეგრეთვე ბერძენთა ეკლესიაში, მიღებულია წესად, რომ სახარების კითხვის დროს წირვაზედ მღვდელი ანუ დიაკონი მიიქცეს პირით ერისაკენ, ხოლო დიდს რუსეთში კი მობრუნდება მღვდელ-



ლი აღმოსავლეთისაკენ, ვითარცა საქართველოს ეკკლესიაშიაც მიღებულია. შემდეგ განაგრძო: ვიყავი ბერძენთა ეკკლესიაში და სხვა წესები ვნახე. მე ვკითხე: სახელობრ რომელნი? მან მიპასუხა: „ვერც ერთი საგალობელი სლავიანურს კილოზედ ვერ მოვისმინე ბერძენთა ეკკლესიაშია“. ამის პასუხად ვუთხარ: საეკკლესიო გალობა რვა ხმად ანუ კილოდ განიყოფება. ეს შემოღებულია მერვე საუკუნიდგან ქრისტეს შობისა. ყველა მართლმადიდებელთა ეკკლესიათა რვახმაზედ აქვთ დაწყობილი გალობანი თვისს ეროვნულს კილოზედ, ანუ გემოვნებაზედ; ამისათვის ცხადია, რომ ერთის ენის კილო მეორეს უცხოად ეჩვენება. მაშასადამე საქართველოს და ბერძენთა ეკკლესიასაც თვის ეროვნულს კილოზედ აქვს შემოღებული და დაწყობილი საეკკლესიო გალობა.

აი ასეთი შემცდაოი წარმოდგენა აქვთ რუსის ზოგიერთ მეცნიერთა სხვა ეროვნულს საეკკლესიო გალობასა და საგანზედ.

«ცესარევიჩი გიორგი»-ს გემზედ, რომლითაც ვიმოგზაურე ბათომიდამ ოდესსამდის, იყვნენ ორნი ძმანი, შობილნი ქართველ დედისაგან (გურიილგან) და ზანგის მამისაგან; კარგად იციან ამათ ქართული და რუსული ენა, ერთი ზღვაოსნად ჰმსახურობს ამავე გემზედ, ხოლო მეორე—მზარეულად. ქართველთ გვარტომობის იერი ეტყობათ.

ამავე გემზედ შემხვდა ბერძნის სახლობა, რომელსაც წამოეყვანა ბათომიდგან ერთი ათის წლის ქართველი ქალი გურიილგან. ამ ქალისთვის ეთქვა ერთს ჩემს თანამოგზაურს სომეხს ჩემი ვინაობა, მაშინვე მოვიდა ჩემთან და მთხოვა ლოცვა-კურთხევა; მაშინ უკვე მოვედით ოდესის ნავთსადგურზედ და დროება არა მქონდა დაწვრილებით გამოემკითხა ამ ქალისათვის მისი ვინაობა, მხოლოდ ის-კი მითხრა, მიგყავართ სტამბოლსაო, და აღარ

შემხვედრია სხვა გემზედ, როდესაც გავემგზავრეთ ოდესილამ სტამბოლისაკენ.

ამავე გემზედ შემხვდა ახალგაზდა სომეხი ერევნიდან პ. ნიკ. აფ—ნი; თავის ხარჯით მიემგზავრებოდა ვენას ბუნების მეტყველების მეცნიერების შესასწავლად. მეორედ მიდიოდა ამ აზრით სამზღვარ გარედ. ოდესილამ გავემგზავრა რკინის გზით. რამდენადაც პირველი შემთხვევა სამწუხაროა—მცირე წლოვანის ქალისა უცხო ქვეყანაში და უცხო ტომის სახლობაში მსახურება, რადგანაც იგი ადვილად დაივიწყებს სამშობლო ენას უცხო ქვეყანაში და სრულიადაც გადაგვარდება, ეგოდენ მეორე ამბავი სომხის ახალგაზრდის მისწრაფება მეცნიერების შესასწავლად, ვითარცა მწყურვალისა წყალზედ დასაწაფებლად, სანუგეშებელი და სასიხარულოა სამშობლოსათვის. იგი თავისუფლად ჰლაპარაკობდა ფრანგულად და ესმოდა ინგლისურცა.

ქ. ოდესაში მივედით 22-ს მაისს და ამავე რიცხვის საღამოს ხუთს საათზედ გავემგზავრეთ კონსტანტინეპოლისაკენ „აზოვი“-ის ცეცხლის გემით. 23-ს მაისს, საღამოს 7 საათზედ, მივედით სტამბოლს. 24 მაისს მოვიარე სტამბოლი ანუ კონსტანტინეპოლი, მოვიხილე წმ. სოფიას ტაძარი, ოდესმე დიადი შვენება ქრისტიანობისა და აწ მეჩითად გარდაქცეული.

### წმ. სოფიას ტაძარი კონსტანტინეპოლში.

**მ**ირველს შვილთაგან ბორცზედა სტამბოლისა, ძველს მოედანზედ „ავვისტეონისა“, ბრწყინავს დიდებული ტაძარი წმ. სოფიასი, — დიდებული, წარჩინებული ხელოვნება ბიზანტიისა, გვირგვინი ხელოვნებისა და კანონი საეკლესიო ხუროთ-მოძღვრებისა. ეს ტაძარია აკვანი რუსთა სარწმუნოებისა: ამ ტაძრიდამ აღმობრწყინდა მაცხოვარებითი ნათელი ქრისტიანობრივის მართლმადიდებლობისა;

ამ ტაძარში მოისმინეს წირვა მთავარ ვლადიმირისა მიერ მივლინებულთა, და არ იცოდნენ ამ დროს, ცაში იყვნენ, თუ ქვეყანაზედ. აქ გაბრწყინდნენ ნათლითა ჭეშმარიტის სარწმუნოებისათა და გარდაიტანეს იგი სარწმუნოება შემდეგ რუსეთში.

წმ. სოფიას ტაძარი აღშენებულია ბრწყინვალე მეფობაში იუსტინიანე იმპერატორისა. კონსტანტინე დიდმა პირველმა აღაშენა კონსტანტინეპოლში ეკლესია სახელსა ზედა ღვთისა სიბრძნისა (სოფია ბერძნულად ჰნიშნავს სიბრძნესა), მაგრამ ეკლესია ესე ხის სახურავითა დაიწვა აღრეულობისა დროსა, რომელიც მოჰხდა მიზეზისა გამო განდევნისა წმ. იოანე ოქროპირისა, მხოლოდ არა სრულიად: საკურთხეველი დარჩა უვნებლად. ამასთანავე იყო გადარჩენილი სამღვდელმთავრო სელი (კრესლო) ოქროპირისა, რომელიც არის აწ საპატრიარქო ეკლესიაში სტამბოლს. განახლებული იმპერ. თეოდოსი მცირისაგან (401—450 წ.). ეკლესია წმ. სოფიასი კვალადცა გადაიწვა მეორე აღრეულობის დროსა 532 წელსა. მაშინ იმპერატორმა იუსტინიანემ გარდასწყვიტა აღშენება ახალის ტაძრისა, რომლითაც უნდოდა დაებნელებინა დიდება-შარავანდელი სოლომონის ტაძრისა. აღშენება დაიწყო 23 თებერვალსა 533 წელსა და დასრულდა ხუთის წლის, ათის თვის და ორის დღის განმავლობაში. კურთხევა ახლად აღშენებულის ტაძრისა შესრულდა 22 დეკემბერსა 537 წელსა, მინა პატრიარქის დროსა, როდესაც იუსტინიანემ წარმოსთქვა შემდეგი შესანიშნავი სიტყვები: „ჰი, სოლომონ, მე გარდაგემატე შენ!“ აღშენება ტაძრისა დაჯდა 2 მილიონი და ოცი ათასი თუმანი. ეს ჯამი ფულისა შედარებით ჩვენს დროებასთან შეეთანასწორებოდა დაახლოვებით სამას მილიონ მანეთსა. გუმბათი წმ. სოფიასი თავის მოყვანილობით აღემატება ყოველთა გუმბათთა დიდებულთა ტაძართასა. გუმბათს აქვს 32 ფან-

ჯარა. ეს გუმბათი არის გაშლილი და ისრე მოსჩანს თითქოს სივრცეში ეკიდოს და ყოვლის მხრით სჩანს ძირამდის. მრთელი შენობა არის კვადრატი (ოთხკუთხი) 240 ფუტი (105 ადლი) სიგანით, და 269 ფუტო სიგრძითა (118 ადლი).

ტაძარსა აქვს ასი კამარა (კოლონა) 40 დაბლა ტაძარში და 60 ხორაზედ. იგინი არიან აღგებული უძვირფასეს ფერად მარმარილოს ქვითა.

შინაგან კედლები გადაკრულია აგრედვე მარმარილოთი, ხოლო ქერი არის მოფენილი ფერად-ფერადის კენჭით დასურათებულ სხვა და სხვა მხატვრობითა, რომელთაც უმეტარი ოსმალები დროგამოშვებით შელესავენ ხოლმე კირითა. შესანიშნავია სიტყვანი სულთან აბდულ-მეჯიდისა, რომელნიც უთხრა მან ხუროთ მოძღვარსა, განმახლებელსა სოფიას მეჩითისა 1849 წელსა; „შედებეთ მოზაიკა, რაც შეიძლება, სუბუქად, რომ შესაძლებელ იყოს ყოველთვის წაშლა საღებავისა. ვინ იცის, შესაძლებელია, ჩემმა მოადგილემ ისურვოს სრულიად გამოჩენა მათი. იუსტინიანეს დროს წმ. სოფიას ტაძარში მსახურობდა სამღვდელთა დასი 1000 კაცამდე.

შემდეგ იმპერატორმა ირაკლიმ შეამცირა ეს რიცხვი და დააწესა სამსახურებლად ამ ტაძარში: მღვდელნი 80 კაცი, დიაკონნი 150 კაცი, კერძო დიაკონნი 70 კაცი, დიაკონისსები დედანი—40, მკითხველნი 160 კაცი., მგალობელნი 25 კაცი, მეკარენი—75: სულ 600 კაცი.

წმ. სოფიას ტაძარი იქმნა გარდაქმეულ მეჩეთად მაჰმად მეორის მიერ შემდეგ დაპყრობისა კონსტანტინეპოლისა. როდესაც დამპყრობელი ძლევამოსილად შევიდა ქალაქში, წარემართა უწინარეს ყოვლისა წმ. სოფიას ტაძარსა, და, განკვირვებულმა მის დიად მშვენიერებით, იქვე უბრძანა მოლლასა მაღალის ხმით წარმოთქმა ისლამის თაყვანისცემისა. ეს პირველი მუსულმანთა ლო-

ცვა შესანიშნავს საქრისტიანო ტაძარში იყო შესრულებულ საკურთხეველში წმ. ტრაპეზსა ზედა, სადაც შევიდა თვით მაჰმადიც. ეს იყო 29 მაისსა. შემდეგ პირველს ივნისს 1454 წელსა, პარასკევსა წმ. სოფიას ტაძარში შესრულებულ იქმნა პირველი სრული სარწმუნოებრივი მსახურება წესისამებრ მაჰმადიანთასა!..

კურთხეულ არს განგება ღვთისა! მაისის 11-ს იყო დაფუძნება კონსტანტინეპოლისა და ამავე თვის 29-ს მოჰხდა მისივე დამხობა; და მაგიერ ცხოველმყოფელის ჯვარისა წმ. სოფიას გუმბათზედ აწ ბრწყინავს ნახევარ მთოვარე.

ვითარცა შვენის ამ ტაძრის დიდებას, ისრე სუფთად ვერ ინახავენ ოსმალონი. ხორაზედ რომ აველი, ვნახე, რომ ფრინველთა სკინტლით იყო საფეე იქაურობა.

ასოცი დიდად მშვენიერი ხომლი და ექვსი ათასამდე ლამპარნი, მათზედ ზევიდან მიბმულ სირაქლემის კვერცხებითა, ანათებენ მეჩეთსა ზოგადის ლოცვის დროსა, ხოლო „ბაირამის და რამაზანის“ დღესასწაულებზედ რიცხვი სანთელთა ორკეცდება თითქმის.

### ისევ სტამბოლში.

**მ**აისის 24-სა მოვილოცე ბერძენთა ეკლესიები: საპატრიარქო, ვლაქერნისა, წყარო ყოვლად წმიდისა ღვთის მშობლისა, და რამდენიმე სხვა.

ამ დღესვე შევედი რუსთა ათონის პანტელეიმონის მონასტრის მეტოქში (სადგურში), სადაც ვისადილე; აქედგან აცილებდნენ იერუსალიმით მობრუნებულთა მლოცავთა რუსთა ორასამდე კაცსა, და ახლად მიიღებდნენ ამავე მეტოქში და ორს სხვა რუსთა მონასტრების სადგურშიაც ოდესიდამ მოსულთა „აზოვ“ ის გემით სამასამდე სულს, რომელთა შორის ერთი ქართველი მე ვიყავ. სა-

ქებელია რუსთა დაბაღის ხალხის ასეთი სარწმუნოებრივი მისწრაფება წმ. ადგილების მოსალოცავად. ერი, ბერი, მღვდელი, ქალი და კაცი, მოხუცი და ჭაბუკი ერთნაირად მიისწრაფებიან სალოცავად იერუსალიმს, და იერუსალიმიდგან მობრუნების შემდეგ მამაკაცი მიდიან წმ. ათონის მონასტრებში მოსალოცავად, ხოლო დედანი ბრუნდებიან სამშობლოში. ქართველს ერს, მე-4-ე საუკუნიდგან დაწყებული ვიდრე 16—17 საუკუნემდე, ჰქონია ამ გვარი მსვლელობა იერუსალიმს იქაურ წმ. ადგილთა მოსალოცავად. მეცნიერი ისტორიკოსი 18 საუკუნისა ბატონიშვილი ვახუშტი მოგვითხრობს შემდეგსა: სულთან სულეიმანმა წარმოუგზავნა ელჩი სამთა მეფეთა: გიორგი IX ს ქართლის მეფესა, ბაგრატს იმერეთისას და ლევანს კახეთისას, და შემოუთვალა: „იერუსალიმი, აკვანი თქვენის სარწმუნოებისა, დაპრობილია ურწმუნოთაგან, გარნა მე მომიცია იგი თქვენდა, წარვედით, განდევნეთ იგინი და უფლებდეთ თქვენ“. ამ გვარის წინადადების შემდეგ, ეს მეფენი, რადგანაც სცხოვრობდნენ კეთილის ურთიერთობით, დაუყოვნებლივ შეიკრიბნენ, შეჰკრიბეს ლაშქარნიცა და ზოგად წარემართნენ საბრძოლველად. მათ შეუერთდა ეგრეთვე ყვარყვარე ათაბეგიცა. როდესაც იგინი მიუახლოვდნენ იერუსალიმსა, მცხოვრებნი ამ ქალაქისა ჰკითხვიდნენ: „გამოგვიცხადეთ—უკეთუ თქვენ მტერნი ჩვენნი ხართ, მცირედნი ხართ თქვენ; ხოლო უკეთუ სტუმარნი, მაშინ ძალიან ბევრნი ხართ?“ მეფეთა რაინდულად მიუგეს, რომ იგინი საკმაო ძალით მოსულან საბრძოლველად. მაშინ დაიწყო სისხლ-მფრქვევი ომი, ქართველთ შემუსრეს იგინი, უკან აბრუნეს, შევიდნენ ქალაქში, გაცარცვეს იგი, აიღეს მრავალი დავლა-ალაფი და ტყვენი. სულთანმა ამისათვის მისცა მათ წმიდანი ადგილნი: საფლავი უფლისა, გოლგოთა, ბეთლემი და ჯვარის მონას-

ტერი. შემდეგ ამისა სამნივე მეფენი და ყვარვარე მობრუნდნენ გამარჯვებით თითოეული თავის საჩუქოში. ეს მოხდა ვახუშტისაებრ 1525 წელსა. ამ დროს ლევანს კახეთის მეფეს მოუსვენებია იერუსალიმიდან ნაწილი ცხოველ-მყოფელის ჯვარისა, რომელიც აწცა დაცულია კახეთის ალავერდის სამიტროპოლიტო ტაძარში და ჯვარი იგი შეუმკია მასვე მეფესა ფას-დაუღებლის უძვირფასესის თვლებითა.

მეჩვიდმეტე საუკუნეშიაც ასეთის ღირსებითა და პატივის ცემით მიიღებდნენ ქართველთა მლოცავთა, იერუსალიმს მიმაჯალთა, შეიწყნარებდნენ მათ არა ქედმოდრეკილად მაჰმადიანთა წინაშე, არამედ პატივისცემით, ვითარცა ძლევა-მოსილსა ერსა; დროშა-ბაირად გაშლილნი, სრულიად შეჭურვილნი, საომარის იარაღით მოსილნი თავიდგან ფეხამდის, ხარკ-გარდაუხდელად შევიდოდნენ ქართველნი იერუსალიმს, და ესრედ დიადი იყო სახელი ქართველთა ერისა! ამავე დროს სხვათა ეროვნებათა ქრისტიანობის სარწმუნოების აღმსარებელნი ევროპიელნი, ანუ აზიელნი, საომარს იარაღს აიყრიდნენ, დაწესებულს ხარკს გარდაიხდოდნენ ფულითა, და შემდეგ ეღირსებოდნენ იერუსალიმში შესვლას და ლოცვასა. ქართველს ერს პალესტინაში ჰქონია ოდესმე 19 მონასტერი და აწ არცა ერთისა მქონებელია.

### ქართველთა მონასტერნი საქართველოს გარეთ.

#### პალესტინაში:

1. მონასტერი წმ. ჯვარისა.
2. წმ. მოციქულთა, აღშენებული საქართველოს მეფის გიორგი I-მეორე.
3. მართალის მამამთავრის აბრაამისა, განახლებული თავად გიორგი აბაშიძის მიერ 17 საუკუნეში.

4. წმ. ნიკოლოზისა, აღშენებული საქართველოს დედოფლის ელენას მიერ.
5. წმ. მოციქულისა და მახარებელისა იოანნესი, აღშენებული სამცხეს ათაბეგებისა მიერ.
6. წმ. ვასილისა, აღშენებული თავად ამირინდო ამილახვარისა და თავის მიერ.
7. მეორე საეპანე წმ. ნიკოლოზისა, აღშენებული პაატა და ქაიხოსრო წულუკიძეთა მიერ.
8. წმ. თეოდორესი, აღშენებული მზრუნველობითა ბეჟან და ბადურ თავად ჩოლოყაშვილთასა.
9. წმ. პირველ-მოწამისა თეკლასი, აღშენებული ქრისტეფორე ზედგინიძისა მიერ.
10. წმ. მთავარ-მოწამისა გიორგისა, აღშენებული თავად დადიანის მიერ.
11. დედათა მონასტერი პატივად მირქმისა უფლისა, აღშენებული რაკის ერისთავისა მიერ.
12. წმ. მთავარმოწამისა დიმიტრისა, აღშენებული ქსნის ერისთავის შალვას მიერ.
13. ქართველთა დედათა მონასტერი წმ. ქალწულ-მოწამისა ეკატერინას სახელზედა, აღშენებული თავად ამილბარ ციციშვილის და თავად მაჩაბლისა მიერ 17 საუკუნეში.
14. ტაძარი ქრისტეს აღდგომისა გოლგოთაზედა.
15. მონასტერი წმ. წინასწარმეტყველისა სამოელისა.
16. წმ. მოციქულისა იაკობ ზებედეისი, სადაც ეხლა სცხოვრობს სომეხთა პატრიარქი.
17. ღირსისა მამისა საბა განწმედილისა.
18. წმ. და მართლისა სვიმეონ ღმრთის მიმრქმელისა, იერუსალიმიდან 4 ვერსზედ დაშორებული, სადაც ზაფხულობით სცხოვრობს საავარაკოდ ბერძენთა პატრიარქი იერუსალიმისა.
19. წმ. იოანნე ნათლის მცემლისა იორდანის პირზედ.



მონასტერნი სირიაში და სხვაგან.

20. ღირსისა მამისა სვიმეონ მესვეტისა.
21. ყდ წმ. ღვთის მშობელისა—კალოპოს, მახლობლად ალექპო ქალაქისა.
22. მონასტერი კვიპროსის კუნძულზედ.
23. სინას მთაზედ.
24. ქ. ტრაპეზონში.
25. შავმთაზედ სირიაში.
26. ივერიის კარისა ღვთის-მშობლისა ათონის მთაზედ.
27. წმ. ფილოთეოზისა ათონზედვე.
28. ეკლესია ყდ წმ. ღვთის მშობელისა შიასა წმიდასა ოლიმპოს საბერძნეთისასა, ქვაბსა საყოფელთა ქართველთასა.
29. ბოლგარიაში მონასტერი წმ. მოციქულთა სწორის ნინოს სახელზედ, მთაში, ოცის ვერსის დაშორებით ქ. ფილიპოპოლიდგან, რომელსაც აქამდის უწოდებენ ქართველთა სავანედ.
30. 1870 წელს დაფუძნებული სავანე ქართველთა ძმათაგან წმიდისა იოანნე ღვთისმეტყველისა ათონის მთაზედ, სადაც მოღვაწეობენ აწ შწ ძმანი ქართველნი.
31. მთავარ ეპისკოპოზი ტიმოთე, რომელსაც მოუხილავს პალესტინა 1752 წელსა, ამბობს თვისს მოგზაურობაბი, რომ ქართველებს ნაზარეთში ჰქონიათ ოთხი მონასტერი.
32. მონასტერი იერისო სალონიკის მახლობლად, სადაც ამ ოცის წლის წინად ქართული წარწერა ყოფილა ეკლესიის კარების თავზედ, რომელიც ბერძნებს მოუსპიათ.
33. მონასტერი კონსტანტინეპოლში, რომლის ეკლესიაში არიან დაკრძალულ წმ. ნაწილნი ღირსისა მამისა ჩვენისა ილარიონ ქართველისა, საკვირველმოქმედისა.

განსაცვიფრებელია და საკვირველი ასრეთი სიმრავლე სავანეთა და ეკკლესიათა, ქართველის ერისაგან შენებულთა საქართველოს გარეთ. ივინი აქამომდის წარმოადგენენ დაუციწყართა ძეგლთა ქართველის ერის ღრმა სარწმუნოებისას, კეთილმსახურებისას ჭ ეროვნულის ძლიერებისას. ჭეშმარიტად, ამ ღმრთისა მიერ კურთხეულს ერს შეიძლება მიეწეროს წმ. მოციქულის სიტყვანი: „უოგლსა ქვეყნასა განხდა ხმა მათი და კადეთა სოფლისთა სიტყვანი მათნი.“ ახლა რამდენი მოიპოვებიან დანგრეული სავანენი და ეკკლესიანი საქართველოს გარეთ, რომელთა სახელები არ შეგვინახა ისტორიამ. ჩემის აზრით, საეკკლესიო და სამოქალაქო ისტორია ვერ წარმოადგენს ამის მსგავსს მაგალითსა, რომ რომელსამე ერსა ჭკონდეს. ეგოდენი სავანენი და ეკკლესიანი გარეშე თვისის სამშობლოსა.

და იყვნენ უკანასკნელნი პირველ, ხოლო პირველნი იყვნენ უკანასკნელ\* (ლუკ. 13, 30). ესრედ დამართვია ჩვენს ერსა, სარწმუნოებისათვის მრავალ-წამებულსა.

მე მისს კვლავ დავათვალიერე სტამბოლის შესანიშნავი ადგილები. ამავე დღეს წავედით რკინის გზით ქ. სან-სტეფანოს, სადაცა დაიწერა პირველი პირობა რუსთა და ოსმალთა შორის შერიგებისა 1878 წელსა. აქ ვნახე ახალი ეკკლესია, აღშენებული რუსეთის მთავრობისაგან იმ ადგილზედ, სადაც არიან დაკრძალულ ძეგლნი რუსეთის ძღვევა-მოსილ მხედართა, სარწმუნოებისა, მეფისა და სამშობლოსათვის მოწყვეტილთა 1877 - 1878 წელს. ეკკლესია სიმაგრის მსგავსად არს აღშენებული, გარს ქვითკირის გაღაფანი აქვს შემორტყმული, რომელშიაც დატანებულია სათოფეები მტერთა მოსაგერებლად.

ეს ეკკლესია აკურთხეს 8 დეკემბერსა. 1898 წელსა, მაგრამ საკუთარი სამღვდლო დასი არა ჭყავს დანიშნულ და ირიცხება სამხედრო უწყებაში. მცველად ამ ეკკლესიისა იყო ერთი შავმთიელი ვაჟკაცი, ქართველი კი მე

იქ არავინ შემხვედრია, თუმცა მითხრეს, რომ ვითომ ამ ეკკლესიის უფროსი მცველი ქართველიაო. ეკკლესია იგი შიგნით დახატულია, მხოლოდ არა ფერადის საღებავითა.

### სტამბოლიდან იერუსალიმამდე.

**მ**აისის 25-ს, გემზედ გარდასვლამდე, შემხვდა სტამბოლში მღვდელი მ. იასე შელია სამეგრელოდან. ამას უკვე მოელოცნა იერუსალიმი და სხვა წმ. ადგილები პალესტინისა, სადაც მთელი ზამთარი გაეტარებინა და აწ ოდესისაკენ მიემგზავრებოდა ქალაქ კიევისა და ჩერნიგოვის სიწმიდეთა მოსალოცავად. ძვირფასია უცხო ქვეყანაში თვისის სამშობლოს კაცის ნახვა. ეს მ. შელია 1877 წელს ტყვედ ყოფილა წაყვანილი აფხაზეთიდან, სადაც იგი ჰმსახურებდა იმ დროს მედავიტინედ. ტყვეობაში გაეტარებინა ორი წელი ქ. ტრიპოლისში. შერიგების შემდეგ ოსმალთა ტყვეებში იქმნა გამოცვლილ და დაბრუნებულ სამშობლოში.

„აზოვ“-ის გემზედ იყო რამდენიმე სახლობა ურიათა, საქართველოდამ იერუსალიმს მიმავალთა და ქართულად მოსაუბრეთა. შემდეგ ვნახე იგინი იერუსალიმში, ფულს ახურდავებდნენ.

26 მაისს დილით გემზედ გარდავიხადეთ ცისკარი პასექის დღესასწაულის წარგზავნისა. ამ შემთხვევაში წარმოვიდგინე პირველ ქრისტიანობის ჟამნი, როდესაც დევნულნი სარწმუნოებისათვის ქრისტიანენი, გემზედ შეკრებილნი, შეასრულებდნენ ღვთის-მსახურებას. მერვე საგალობელი პასექისა: „აღიხილენ თვალნი შენნი გარემო, სიონ, და იხილენ, რამეთუ აჰა მოვიდენ შენდა, ვითარცა ღვთივ ბრწყინვალენი მნათობნი, დასავალით, ჩრდილოთ, ზღვით და აღმოსავალით, შვილნი შენნი, კურთხევად

ქრისტესა საუკუნოდ“, ცხადად წარმომიდგენდა ამ წინასწარმეტყველების შესრულებასა ამა შემთხვევაშიაცა (ისაია 60 თავი, მუხლი 4). აგერ ჩრდილოეთით რამდენიმე ასირუსი და აღმოსავლეთით ერთი მე ქართველი, მიმავალნი სიონ-იერუსალიმსა სადიდებელად ქრისტეს ცხოველს-მყოფელის საფლავისა. დღის სამ საათზედ მოვედით მიტილენის ქალაქს; იგი მშვენივრად არის გაშენებული ზღვის ნაპირზედა, ბალებით შემკობილი. ამავე საღამოზედ ცეცხლის გემზედ შევასრულეთ მწუხრი და ცისკარი ამაღლების დღესასწაულისა.

27 მაისს, ამაღლების დღეს, ვიყავი სმირნის სამიტროპოლიტო ეკკლესიაში, შევნიშნე ტრაპეზი არა თანასწორის ზომისა ყოვლის მხრივ. ვითარცა კონსტანტინეპოლში, აგრეთვე სმირნაში, სახარება პირქვე იყო დადებული ტრაპეზზედ, ვგონებ უფრო დაუდევნელობით და არა რომელიმე საფუძველით. წინად ვფიქრობდი, რომ არაბული სახარება იქმნებოდა, რადგანაც არაბული წერა და ბეჭდვა იწყება ვითარცა ურიული მარჯვენის მხრიდან მარცხენისაკენ, და ამისათვის, მათ ენაზედ დასტამბული თავი ანუ დასაწყისი ჩვენებურად ბოლოდ გამოჩნდება, მაგრამ სახარება გადავშალე რამდენსამე ადგილს და ბერძნული აღმოჩნდა: ოდიკსაც არა ჰქონდა გარედან ილიტონი, ანუ შესახვევი ხელ სახოცი, ანუ, უკეთუ ჰქონდა, ზედ იყო მიკერებული, როგორც სარჩული.

სმირნაში ვნახე ამაღლების დღეს მიტროპოლიტი ვასილი, ლოცვა-კურთხევა მივიღე მისგან; იგი სცხოვრობს სახლში მარტივად, ვითარცა პირველ ქრისტეანობის დროის მწყემსმთავარი.

სმირნაში ითვლება 150 ათასი მცხოვრები. სმირნა ეკუთვნის კონსტანტინეპოლის საპატრიარქოსა. პალესტინასა და ასურეთში, ანუ აწინდელ სირიაში, მომეტებული

ნაწილი მართლ მადიდებელთა ქრისტიანეთა არიან არაბ-ნი; ამათ მღვდელნი და ეპისკოპოსნი თვისის ეროვნობისა ჰყავთ და ისინი არაბულს ენაზედ აღასრულებენ ყოველს ღვთის-მსახურებასა. ეკკლესიებშიც და წმ. ხატებზედაც წარწერანი არაბულს ენაზედ არის. წარსულს წელს გარდა-იცვალა პატრიარქი ანტიოქიისა, ამოიჩინეს ერთი არაბ-თა მღვდელ-მთავართაგანი პატრიარქად მაგრამ ეს არჩე-ვანი არ შეიწყნარეს სხვა პატრიარქთა ბერძენთა, რომელ-თაც ჰსურთ, რომ ბერძენთაგანი იყოს ამორჩეული, მაგ-რამ ანტიოქიის სამწყსოს და სამღვდელთა უნდათ თვი-სის ტომის პატრიარქი, და არა უცხო ეროვნებისა. რომელსაც არ ესმის ადგილობრივი ენა და არ იცის ადგი-ლობრივი ჩვეულებანი სამწყსოსი.

ამ გვარსავე შეიწროვებულს მდგომარეობაში იმყო-ფებოდა ბოლგართა ეკკლესია 1870 წლამდის. ამათ ჰყავ-დათ ბერძენთა ეპისკოპოსნი, რომელთაც არ იცოდნენ თვისის სამწყსოს ადგილობრივი სლავური ენა და ერს არ ესმოდა მწყემს-მთავართა ენა. ამისათვის ბოლგართა აღი-მალღეს ხმა. მოსთხოვეს კონსტანტინებოლის პატრიარქს განთავისუფლება ბოლგართა ეკკლესიისა. პატრიარქს არა ჰსურდა მათი განცალკევება და ბოლოს რუსთა მთავრო-ბის დახმარებით და სულთანის თანხმობითა განთავისუფ-ლდა ბოლგართა ეკკლესია ბერძენთა პატრიარქის დამო-კიდებულებისაგან და მიენიჭა უფლება თვისის მიტრო-პოლიტის და ეპისკოპოსთა აღმორჩევისა.

სმირნაში გავიცანი სტუდენტი კიევის აკადემიისა, შობილი სმირნის ქალაქისა, არაბის ტომისა, უკვე კურს-დამთავრებული; იგი უკვე დაენიშნა მიტროპოლიტს იე-როკირიქსად ანუ საზოგადო მქადაგებელად ეკკლესიებში.

სმირნიდგან წამოვიდა სხვა სტუდენტი მოსკოვის უნი-ვერსიტეტისა, არაბთაგანივე, შობილი იაფფის ქალაქსა, სადაც იგი მოდიოდა მშობელთა სანახავად.

სმირნაში უჩიოდნენ კრიტიკადან გამოდევნილ ოსმა-  
ლთა მხედართ, რომ იგინი აწუხებენ ქრისტიანებს ამ ქა-  
ლაქშიო.

ვითარცა ვნახე და მოვისმინე ზარის რეკვა სმირნასა,  
სტამბოლსა და საზოგადოდ პალესტინასა, ამ სახით სრუ-  
ლდება: ზარის ყურზედ არის მობმული თოკი და, როდე-  
საც თოკს ჩამოსწევინ, მთელი ზარი ქანაობს და ისე ირე-  
კება; ენას კი არა სცემენ ზარის გვერდებსა. არამედ გვე-  
რდები ქანაობის დროს ხვდება ენას და უსიამოვნო ხმა  
გამოდის; ამ სახედ მცირე ზარების რეკვა კიდევ შესაძ-  
ლებელია, მაგრამ დიდი ზარებისა, რამდენისამე ათ და ას  
ფუთიანისა, შეუძლებელია და არც მოიპოვება დიდი ზა-  
რები აღმოსავლეთის ქვეყნებში. აქ წარმოდგენა არა აქვთ  
ხმაზედ განწყობილის ზარების რეკვისა. ვითარცა რუსე-  
თის ქალაქებშია, მაგალითებრ კიევსა, პეტერბურგსა,  
იაროსლავში, სადაც ზარებზედ მოწყობილის ხმით მთე-  
ლი საგალობელი ატკობს მსმენელთა ყურთა, ვითარცა  
ლოცვისა „აცხოვნე. უფალო, ერი შენი“ და სხვათა საგა-  
ლობელთა.

სამოსის კუნძულზედ ითვლება 60 ათასი სული მცხო-  
ვრებელი; მათ ჰყავთ ოსმალეთის გუბერნატორი, რომე-  
ლიც არ იღებს მონაწილეობას შინაგან მმართველობის  
საქმეში, მხოლოდ ხარკსა ჰკრებავეს. სამოსის კუნძულზედ  
ქალაქ „ვიტის“ ღვინო სახელი-განთქმულია მთელს არ-  
ქიპელაგის კუნძულების ღვინოებში. ვითარცა კახეთის  
ღვინო სრულიად საქართველოში.

28 მაისს, საღამოს რვა საათზედ, გამოვიარეთ „რო-  
დოსის“ კუნძულთან; აქ გემი არ გაჩერებულა; აქედან  
იწყება შესვლა ხმელთა შუა ზღვაში. ეს კუნძული დასა-  
ხლებულია ებრაელებით, რომელნიც გადმოსულან ისპა-  
ნიიდან, და ევრეთვე ბერძენთა მცირე რიცხვით. ეს ებრა-

კ 2580



ელნი არიან ტანით წამოსადეგნი და მისდევენ, როგორც ნაფოსნობას, აგრეთვე მიწის მოქმედებას.

„ხიოსის“ კუნძული ითვლება სამშობლოდ ჰომიროსისა. გარდმოცემაა, რომ აქ გარდაცდებულ იქმნა ზღვაში იონა წინასწარმეტყველი და შთანთქმულ ვეშაპისაგან. ხმელთა-შუა ზღვა ფერით ემსგავსება ფირუზსა და ამისათვის თვალთათვის დიდად სასიამოვნოა იმისი ყურება.

„აზოვის“ გემზედ, რომლითაც ვიმგზავრეთ ოდესი-დამ იაფამდის, შემხვდა ბერძნულის ენის მასწავლებელი პეტერბურგის ერთის გიმნაზიისა. იგი მიემგზავრებოდა ქ. ათინას, ბერძენთა ძველის განათლების ბუდეში, სოკრატის, პლატონისა და არისტოტელის დედა-ქალაქში. მას ჰსურდა იქ ადგილობრივ შეესწავლა ძველი ბერძნული ენა. როდესაც დავიწყე მასთან საუბარი რუსეთის უნივერსიტეტებში მომხდარ უწესოების შესახებ, მან გამოსთქვა ის აზრი, რომ იმ არეულობაში არიან მომეტებულად ბრალეულნი ის სტუდენტები, რომელნიც დაბალის წოდებიდგან წარმოსდგებიანო. მე ამ აზრს არ დავეთანხმე, რადგანაც შთამომავლობით დაბალის წოდების სტუდენტები შეძლებით ხელ მოკლენი არიან მომეტებულად, და ამისათვის ვერ იქონიებენ იმდენს გავლენას თავისს ამხანაგებზედ, რომელნიც შთამომავლობით მაღალის წოდებიდგან წარმოსდგებიან, და ამიტომ წინამძღვრობას ვერ გაუწევენ მათ ამ არეულობაში. შემდეგ ამავე მასწავლებელმა წარმოსთქვა ის აზრი, რომ ვიდრე ხალხი გაუნათლებელია, ამ გვარი უწესოება ხშირად მოჰხდება უმაღლეს სასწავლებელთა შორისაო. ამასაც, რასაკვირველია, ვერ დავეთანხმე, რადგანაც დაბალს ერს არავითარი გავლენა არა აქვს უნივერსიტეტზედ, როგორც პირდაპირ, აგრეთვე შვილებზედ გავლენით.

29 მაისს მთელი დღე ხმელთა-შუა ზღვით სიარულში გავატარეთ.

30 მაისს, შუადღის შემდეგ, სამს საათზედ, მივედიო ტრიპოლის ქალაქს. ეს ქალაქი განიყოფება სამ ნაწილად, რომელიც ზღვის ნაპირზედ არის გაშენებული; ამისათვის ამ ქალაქს ეწოდება „ტრიპოლი“, რაიცა ბერძნულს ენაზედ ნიშნავს: „სამს ქალაქსა“. გამოიტანეს ამ ქალაქიდან გემზედ გასასყიდად: კიტრი, ქერამი, არა უკეთესი ტფილისისა, ლიმონი და ფორთოხალი. ამ ქალაქის ციხეში იმყოფებიან პერობილნი პატიმარნი დასასჯელად, როგორც რუსეთიდან იგზავნიან ციმბირში. აქაურნი მცხოვრებნი მომეტებულ ნაწილად არაბნი არიან; არაბულ ენაზედვე სრულდება აქ წირვა და ლოცვა და ყოველი ღვთის-მსახურება. აქვე იწყება ლიბანის მთები. უწინარეს ქრისტეს შობისა ეს მთები იყენენ მოსილ ხშირის უდაბურის ტყეებით, ვითარცა დავით მეფე—წინასწარმეტყველი მოიხსენებს თავისს საღმრთო ფსალმუნში: „მართალი ვითარცა ფინიკი აყვავდეს და ვითარცა ნაძვი ლიბანისა განმრავლდეს“. ამ მთებიდან მიეზიდებოდნენ სოლომონ ბრძენის მეფის დროს კვიპაროსისა და ნაძვის ხის მასალას ღვთისა ტაძრისა და სამეფო სახლის აშენებისათვის, ხოლო აწ ეს მთები წარმოადგენს გაშიშვლებულს გორებს, მოკლებულს ყოველს მცენარეულობას; ხოლო თითონ ქალაქ ტრიპოლში მშვენიერი წალკოტებია ფორთოხლისა, ლიმონისა და სხვათა ხილთა, და აგრეთვე ვენახები.

31 მაისს, დილის ექვს საათზედ, მივედიო ქალაქ ბერიუთს. ამ ქალაქში მთავარ-მოწამე გიორგიმ მოჰკლა ვეშაპი და დაიხსნა მეფის ასული ვეშაპის შთანთქმისაგან. პირველად შევედიო ამ დიდებულის ძლევა-მოსილის ეკლესიაში, შემდეგ ვნახეთ ის ადგილი, სადაც წმ. გიორგიმ დასცა ვეშაპი; ამ ადგილზედ არს ეხლა მაჰმადიანთა სამლოცველო; უეჭველია, უწინარეს აქ იქმნებოდა ქრისტეანეთა სამლოცველო, მაგრამ შემდეგ მაჰმადიანთა ძალმომრეობით წარუტაცნიათ ეს ადგილი. ამ სამლოცვე-



ლოში მოასვენეს საკრებულო ტაძრიდან წმ. გიორგის ხატი, მოგვეცეს ნება სამლოცველოში შესვლისა, შემდეგ ფერხთ გახდისა, აღვანთეთ სანთელნი წინაშე წმ. გიორგის ხატისა, ვიგალობეთ ტროპარნი წმ. გიორგისა და ვემთხვივნით მისს ხატსა. საკვირველია ასეთი ერთობა ამ ადგილზედა ქრისტეანეთა და მუსულმანთა შორის; ვგონებ ამისათვის შეთანხმებულან იგინი ერთმანეთში, რომ ორივენი სარგებლობენ მლოცავთა საწირავით. ამ სამლოცველოსთან არს ჰა, საიდანაც ამოიღეს წყალი და შევსვით; არს პატარა მოგრძო ქვა, რომელზედაც მჯდარა მეფის ასული, როდესაც მოელოდებოდა ვეშაპის გამოსვლას ტბიდან; ეს ტბა ეხლა დამშრალია და შიგ ჰბულობენ მრავალნი ქვემძრომნი.

ამ ქალაქის სახელიდამ, შესაძლებელია, იყოს აღებული წოდება სოფლის ბრეთისა, რომელიც მდებარებს ქართლში; აქაურს ტაძარში, რომელიც აღშენებულია წმ. მთავარ მოწამე გიორგის სახელზედ, განისვენებენ წმ. ნაწილნი ღირსისა მამისა პიროსისა, ერთის ათცამეტთაგანის კაპადოკიელთა მამისა, რომელნიც მოვიდნენ საქართველოში შემდეგ წმ. მოციქულთა სწორისა ნინოსი, მეექვსე საუკუნის ნახევარში.

ამ ქალაქში ირიცხება 20 ათასი მცხოვრები, არის რამდენიმე სასწავლებელი სხვა-და-სხვა სარწმუნოების აღმსარებელთათვის. რუსეთის საპალესტინო საზოგადოებას აქვს ამ ქალაქში დაარსებული ხუთი სკოლა, რომელშიაც სწავლობს 500 ყმაწვილი, ქალი და ვაჟი.

ამ სკოლებს განაგებს დიდად პატივცემული მარიამ ალექსანდრეს ასული ჩერქასოვისა, უკვე მოხუცი; 12 წელია სცხოვრობს თურმე ბეირუთში, შეუსწავლია არაბული ენა. აქაურს მართლ-მადიდებელთ უმრავლესობას შეადგენენ არაბნი. სამშობლო ენასთან რუსულსაც ასწავლიან ყმაწვილებს, მხოლოდ საღმრთო სჯულს ასწავლიან ყვე-

ლა კლასებში სამშობლო არაბუღის ენაზედ. როდესაც ჩემმა თანამოგზაურმა რუსის დეკანოზმა ი. სოლომინმა ჰკითხა ქნ ჩერქასოვისას, რატომ რუსულს ენაზედ არ ასწავლით საღმრთო სჯულსა და საეკლესიო გალობასაო, მან გონივრულად უპასუხა: ამათთვის უსარგებლო იქმნება უცხო ენაზედ შესწავლა საღმრთო სჯულისა, რადგანაც ეკლესიაში თავის მშობლიურს ენაზედ ისმენენ ღვთის მსახურებასა და საზოგადოებაც ადგილობრივ არაბუღს ენაზედ ლაპარაკობსო. ქეშმარიტად, რომ ასეა და კარგი იქმნება, ყველა ასე უცქეროდეს ამ საგანს.


ქ. ბეირუთში ღვთის-მსახურებას ასრულებენ არაბუღს ენაზედ და ადგილობრივი მთავარ-ეპისკოპოზი ემორჩილება ანტიოქიის პატრიარქსა. მართლ-მადიდებელთა არაბთა აქვსთ აქ ცხრა ეკლესია.

ხმელთა-შუა ზღვის აღმოსავლეთის მხრივ, ალექსანდრეტას და ბეირუთის ქალაქებ შორის არის პატარა ქალაქი ლოტოკია, შემკობილი მშვენიერის ღვთის და ზეთისხილის ბაღებითა. იქ არის ერთი მართლ-მადიდებელთა ეკლესია და რამდენიმე ნახევრად დარღვეული ციხეები; მათ შორის უჩვენებენ ერთსა, რომელშიაც ოდესმე ვითომც დამწყვედელი ყოფილა თამარ დედოფალი. ჩემის მოგზაურობის დროს იერუსალიმს და აგრეთვე იქიდან დაბრუნების შემდეგ არ გამოუვლია გემს ამ ქალაქის ნაპირზედ, და მე თვითონ არ მინახავს ეს ქალაქი. არ ვიცი, საიდან ამოუღია ეს ცნობა თამარ დედოფალზედ რუსის მოგზაურს მღვდელს მ. ალექსანდრე ანისიმოვს, რომელსაც ორგზის მოულოცნია იერუსალიმი და სრულიად პაღესტინა 1875 და 1881 წლებში. ვინ ყოფილა ეს თამარი, როდის და რად ყოფილა დამწყვედელი, ამაზედ არას მოგვითხრობს ეს ზემოხსენებული მ. ანისიმოვი თავის წიგნში, რომელიც გამოსცა 1899 წელსა.

ეს ზემოხსენებული დედოფალი თამარი იქმნებოდა

ასული (ქალი) საქართველოს დედოფლის რუსუდანისა. ეს უკანასკნელი მისთხოვდა მაგიდ ედდინს, რომელიც იყო შვილი ყილიჯ არსლან III-სა, არზრუმის სულთანისა. რუსუდანს ამ გაქრისტიანებულ თათრისაგან გაუჩნდა ორი შვილი—თამარ და დავითი. ეს თამარი იყო შვენიერი სახითა და კეთილი ზნეობითა, მსგავსი თავის ბებრის დიდის თამარისა. დედა მისმა მიათხოვა იგი, წინააღმდეგ მისის სურვილისა, გაიათ-ედდინსა, ქაიხოსრო II-სა, მცირე აზიის სულთანსა. გრიგ. რჩეული შვილი თავის ისტორიულს რომანში, არ ვიცი, რა საფუძვლით უწოდებს თამარის ქმარს ყიანდინს სულთანად სტამბოლისა, როდესაც 1354 წელსა, ეამსა მის ისტორიული რომანის დასრულებისა, სტამბოლი ჯერ კიდევ ბიზანტიის იმპერატორის ტახტის ქალაქს შეადგენდა, და ოსმალთა დაიპყრეს იგი მხოლოდ 1454 წელსა. თამარ ბატონი შვილს, უწინარეს თავის გათხოვებისა გაიათ ედდინზედ, მიეცა ფიცით სიტყვა გათხოვებაზედ შელვასათვის, ქართველ თავადი შვილისა. თუმცა თამარმა გამოუცხადა ეს საიდუმლო თავის დედასა, მაგრამ რუსუდანმა იძულებით დაარღვევინა თამარს ეს ფიცით მიცემული სიტყვა, პოლიტიკურის მოახრებითა, რათამცა სიძე მისი, ვითარცა მახლობელი მოსამზღვრე საქართველოს სამეფოსი ყოფილიყო მომხრედ და შემწედ ქართველის ერისა მტერთა შემოსევის დროს.

რომ მოცილე არა ჰყოლოდა რუსუდანის შვილს დავითსა საქართველოს ტახტის მემკვიდრეობაზედ, ამისათვის რუსუდანმა მოაშორა საქართველოს თავის ძმისწული დავით, გიორგი ლაშას შვილი, პირდაპირი კანონიერი მემკვიდრე საქართველოს მეფობის გვირგვინისა, და გააყოლა თან ეს დავითი, ჯერეთ ისევ ყმაწვილი, თავის სიძესა და ქალსა უცხო ქვეყანაში, რათამცა მისთვის მოესპოთ როგორმე სიცოცხლე. მაგრამ სიძემ და თამარმა დიდად შეიყვარეს იგი, ვითარცა ძმა და შვილი. მაინც



PHOT. LEONIDOFF, BATUMI.

რეინის გზის ვაგზალი იერუსალიმში.

არ დასცხრა რუსუდან თავის მზაკვარის აზრის განსახორციელებლად; მან კვალადცა მისწერა თავის სიძეს, რომ შენს ცოლს თამარს უყვარს თავისი ბიძაშვილი დავითი არა ნათესაობრივის სიყვარულითა, და შენ დაბრმავებულხარ და ვერა ჰხედავო. ამ საშინელს ცილისწამებას დაერწმუნა სიძე, და ბრძანა ჩაგდება ზღვაში დავითისა; ღვთისმშობელმა, რომლისა წმ. ხატი ყელზედ ეკიდა დავითსა, დაიხსნა დარჩობისაგან; შემდეგ ჩაგდებინა იგი სიძე სულთანმა გველებით სავსე ხაროში. ყოვლად მოწყალე ღმერთმა დაიცვა უვნებელად იგი, ვითარცა ძველ აღთქმაში დანიელ წინასწარმეტყველი ლომთა პირისაგან. შესაძლებელია, რომ ამ დროს, როდესაც დავით ბატონიშვილი იტანჯებოდა ყოვლად უსამართლოდ, თამარიც იქენჯნებოდა და ნამდვილ ამ მდგომარეობაში იქმნებოდა დამწყვედული თავის ქმრის სულთანის ბრძანებით საკუთრად ციხეში ზღვის პირად, რომელსაც ზეპირ გარდმოცემა აქამდის უწოდებს თამარის ციხედ.

ლოტოკია შემდეგ გადარქმეულა ლაოდრიკად ასურეთის მეფის ანტიოქ II-საგან პატივსადებლად თვისის ცოლისა უწინარეს ქრისტეს შობისა. ეს ქალაქი მოხსენებულია იოანე მახარებელის გამოცხადებაში, შვიდს ეკკლესიათა შორის მცირე აზიისა: „ვიცანი საქმენი შენი, რამეთუ არცა ტფილი ხარ და არცა გრილი. მეგულეების აღმოგდება შენი პირისაგან ჩემისა“. ესრეთ აუწყებს იოანე მახარებელი, ქრისტე მაცხოვრის პირით, თავის წმიდა გამოცხადებაში ანგელოზსა (ებისკოპოზსა) ლაოდრიკის ეკკლესიისას (გამოცხ. იოან. პ, 15 - 16).

ლაოდრიკის ქალაქი მდებარეობდა ფრიგიის სამფლობელოში. ეხლა წარმოადგენს ერთს ღარიბს სოფელსა, სადაც მოსჩანს 20-დე სახლი ძველის შესანიშნავის ნანგრევებითა დიდად შევნიერთა ძველთა შენობათა.

ვითარცა ვუწყით საეკკლესიო ისტორიიდან, ლაო-

დიკიაში იყო ადგილობრივი (поместный) კრება წმ. მათა 367 წელსა შემდეგ ქრისტეს შობისა, რომელზედაც დაადგინეს 60 კანონი შესახებ ეკლესიების კეთილ წესიერებისა და სამღვდელთა ცხოვრებისა. ქრისტეანობრივი სარწმუნოება დათრგუნვილია ეხლა აქ, დავიწყებული და არ მოიბოვება არცა ერთი ქრისტეს მორწმუნე; ხოლო მაჰმადის სჯულს ღრმად გაუდგამს ძირკვი, რის თვალსაჩინო დასამტკიცებელად მოსჩანს ხუთი მეჩეთი.

31 მაისს ღამით ზღვის ღელვა და ფრთონა იყო და გამომჩნდა ზღვის სნეულება კურთხეულ არს განგება უფლისა! ორის კვირის განმავლობაში სრულიად არ შემხვედრია ღელვა და უკანასკნელს ღამეს, ხმელეთს რომ მიუახლოვდით, მხოლოდ მაშინ შემხვდა.

პირველს ივნისს, დილის რვა საათზედ, მივალწიეთ იაფფის ქალაქის კიდესთან. ნავთსადგური არ არის აქ. ცეცხლის გემიდგან ნავებით გავედით ნაპირზედ. ღელვა აქანებდა ნავს ერთის საჟენის სიმაღლეზედა. ქალებმა და ზოგიერთმა კაცებმა, ზღვის ზვირთების მნახველებმა, ტირილი დაიწყეს, მოელოდნენ ზღვაში დაღუპვას; მადლობა ყოვლად მოწყალე უფალსა, ყოველნი მშვიდობით გავედით ხმელეთზედ. ამავე დღეს პირველ საათზედ წარვედით აქედგან რკინის გზით და საღამოს ექვსს საათზედ, მადლითა ღეთისათა, შევედით წმ. ქალაქს იერუსალიმს.

### 3. იმრუსალიმი და მისნი სიწმინდანი.



არდმოცემისაებრ ყოველთა აღმოსავლეთის ერთა, ქ. იერუსალიმი აღაშენა დიდმა მღვდელ-მთავარმა ღმრთისა მადლისამ ჭ მეფემ სალიმისა მელქისედეკმა. წოდება „სალიმი“, განმარტებისაებრ წმ. პავლე მოციქულისა, ნიშნავს მშვიდობას. ამავე გარდმოცემისაებრ, მელქისედეკმა გადმოასვენა იერუსალიმში გვამი პირველ-მამისა

ჩვენისა აღამისი, რომელიცა იყო დაცულ ნოეს მიერ კიდობანში წარღვნის დროს და დაფლა იგი გოლგოთაზედ. შემდეგ, დაეფუძნება-რა შემდგომს მუხლზედ შექმნათა წიგნისა: და ცხონდა სემ (იცოცხლნ). ხუთას წელ და შუთა ძენი და ასულნი (შექმ. ია, ია), გარდამოცემა ამტიციებს, რომ სემ, ძე ნოესი, ცხოვრებდა კვალადცა აბრაამის დროსაც და რომ ეს სემ იგივე მელქისედეკია, ვინაიღვან სიტყვა მელქისედეკ აღნიშნავს „მეუფესა სიმართლისა“ (ებრ. 7, 2) და ესე არს იგი სახელწოდება, რომელიც შესძინა თავსა თვისსა შემმა თვისის მართალის ცხოვრებითა. ხოლო რომელ დროიდან იწყო წმ. ქალაქის წოდება იერუსალიმად, არა არს უწყებულ. საღმრთო წერილში სახელი იერუსალიმ პირველად მოიხსენება ისუ ნავეს წიგნში (10, 23): „და გამოიყვანეს მისდა ხუთნი მეფენი ქვაბით და მეფე იერუსალიმისა“... იებუსელნი, შთამომავალნი ქანაანისანი, ძისა ქამისნი, ფლობდენ სალიმით ძველის დროიდან ისრაიტელთა მოსვლამდის ქანაანის ქვეყანაში; მათ აღაშენეს ციხე სიონის მთაზედ. შემდეგ დავითის გამეფებისა მან გამოდევნა იებუსელნი იერუსალიმით 1050 წელსა ქრისტეს შობის უწინარეს. მან თვისი სამეფო ტახტი გარდმოიტანა აქ და უწოდა ამ ქალაქს „დავითის ქალაქი“.


რავდენი საიდუმლოა საკვირველ-დიდებული შეერთებულია სახელწოდებაში იერუსალიმ! მელქისედეკ, მეუფე სიმართლისა, და ძველი აღთქმის მღვდელ-მთავარი, პირველ-მომასწავებელი ქრისტე მაცხოვრისა, სიტყვისაებრ წინასწარმეტყველისა დავითისა, „შენ ხარ მღვდელ უკუნისამდე წესსა ზედა მელქისედეკისსა“ (ფსალმუნი 109, 4), აშენებს „ქალაქსა მშვიდობისასა“ და დაჰფლავს მას შინა გოლგოთაზედა დაცემულს აღამსა. ახალის აღთქმის საუკუნო მღვდელ-მთავარი — ძე ღუთისა ამ ქალაქსა მუჟადობისას გოლგოთაზედვე თვისის ნებსითის სიკვდილით შეა-

რიგებს შემოქმედთან დაცემულს ქმნილებას ღუთისას და მესამე დღეს აღდგომითა თვისითა მშვილობას სოფელსა მონიჭებს! იერუსალიმ, ქალაქო წმიდაო! განგსწავლა (დაგსაჯა). შენ უფალმან საქმეთა შინა ხელთა შენთასა, და კვალად შეიწყალნეს შვილნი მართალთანი. წარმართნი შენდამი შორით მოვიდენ და, ძღუტნთა მტვირთველნი; თაყვანის-ცემდენ შენ შორის უფალსა ღმერთსა (ტობ. 13; 11, 14). ეს წინასწარმეტყველება იერუსალიმზედ აღსრულდა და სრულდება დღეინდელადმდე. გარნა წარსულითა და აწმყოთი არ განისაზღვრება მნიშვნელობა იერუსალიმისა. არს ყოველგან გავრცელებული აზრი, რომელ მეორე მოსვლა უფლისა — განსჯად ცხოველთა და მკვდართა იქმნება აქვე, სადაც მან სათნო იჩინა მიღება ჯვარცმითის სიკვდილისა ჩვენისა ცხოვნებისათვის. ეს აზრი დაფუძნებულია იოველ წინასწარმეტყველის სიტყვებზედ, რომელიც უფლის პირით ამბობს: „აღდგედ და აღვიდოდედ ყოველნი ნათესავნი ღებედ მიმართ იოსაფატისსა, რამეთუ მუნ დაგსჯედ განსჯად ყოველთა ნათესავთა გარემოთა“ (იოვ. 3, 12).

რომაელთა მფლობელობის დროს, იმპერატორ აღრიანმა (136 წელსა), რათამცა ამოეფხვრა ურიათა ხსოვნიდან ძველი იერუსალიმი, შეუცვალა ეს სახელი, და უწოდა წმიდა ქალაქსა „ელია-კაპიტოლია“, საკუთარის თვისის გვაროვნობითის სახელწოდებისაებრ და აღშენებულსა იერუსალიმში ტაძარსა ზებეს კაპიტოლიისაებრ. სამასის წლის განმავლობაში, ვიდრემდის იერუსალიმი წარმართთა მფლობელობაში იმყოფებოდა, აქაურნი ების კოპოსნი იწოდებოდენ ელიის ებისკოპოსებად: მხოლოდ კონსტანტინე დიდმა დაუბრუნა მას ძველი თვისი ისტორიული სახელი — იერუსალიმი.

მეორე დღეს, 11 საათზედ, წარვემართენით ქრისტე





ტაძარი ქრისტე მაცხოვრის აღდგომის იერუსალიმში.

მაცხოვრის აღდგომის ეკლესიად. სამწუხაროდ, კარები დახშული დაგვხვდა.

ამ დღეს მოვილოცეთ წმ. აბრამის მონასტერი, რომელიც არის აღშენებული ქართველ მეფეთაგან და მოღვაწეობდნენ იქ ქართველნი მამანი და შემდეგ ამ მონასტერს დაჰპატრონებიან ბერძენთა მონაზონნი მამანი. აქ უჩვენებენ ადგილსა, სადაც აბრაამ შესწირვიდა მსხვერპლად ღმერთსა ძესა თვისსა ისააკსა. ამ მონასტერში აღმოუჩენიათ ხუთის წლის წინად წყლის საცავი, წმ. ელენე დედოფლისაგან აღშენებული თაღებით, 15 საყენი სიგძით და 6 საყენი სიღრმით. შიგ ეხლაც ბევრი წყალია კლდიდან ნაჟონი; შემოდგომასა და ადრე გაზაფხულზედ მარტის გასვლამდის წვიმებისაგან უფრო ემატება, და იგი შეადგენს წყლის საგზალს ამ სავანეში მცხოვრებთათვის, რადგანაც მდინარე და წყაროები იერუსალიმში არ მოიპოვება და ქმებაში წვიმისაგან შეკრებილ წყლით კმაყოფილდებიან, ვითარცა საქართველოს წმ. სავანეთა შინა დავით გარეჯელისა და იოანე ნათლის-მცემელისა.

ერთს მდიდარს ინგლისელს ქალს ამ ორის წლის წინად უთხოვნია ნება-რთვა ოსმალთა მთავრობისათვის თავის საფასით წყალის გამოყვანისა იერუსალიმში, მხოლოდ იმ პირობით-კი, რომ გამგებლობა ამ წყლის სარგებლობისა მის ხელში ყოფილიყო. ოსმალთა მთავრობას არ შეუწყნარებია მისი თხოვნა, უარი გამოუცხადებია და უთქვამს მისთვის: ჩვენ მოგვეცი ოცი ათასი თუმანი და ჩვენ გამოვიყვანთ წყალსაო. ეს ქალიც არ დათანხმებულა ამ წინადადებაზედ. ეხლა აღუშენებია ამ ქალს იერუსალიმში ორი დიდი ვრცელი სამ სართულიანი სახლი, და ჯერ არ გამოუცხადებია, რა დანიშნულებას მისცემს ამ სახლებს.

1820 წელსა, აპრილის 2-სა, თავადს გიორგი ავალიშვილს იერუსალიმში წმ. მამამთავრის აბრამის მონასტერ-

შე წაუკეთხავს ქვაზედ. შემდეგი წარწერა ქართულად: „მე მონამან ღმრთისა და მსახურმან ბატონისა ჩემისა თავადისა იოანნე აბაშიძისამან, გიორგი ჩიკოიძემ, წარმოვლენილმან ქართლით მის მიერ საფასეათა მისითა განსახლებელად წმიდისა ამის მამათ მთავრისა აბრაჰამის ტაძრისა ხარჯსა ზედა მისსა, აღვასრულე ბრძანებული თავადისა მის, ბატონისა ჩემისა, განმახლებელმან სამწირველოჲსა ამის, საუკუნოდ სახსენებელად სულისა მისისა, სახლეულთა და ერთ-სისხლთა მისთა, ხოლო საოხადცა ჩემ ცოდვილისათვის სულისა, გვევდრებით ყოველთა მართლმადიდებელთა ქრისტეანეთა, აღმომკითხველთა წერილისა ამის, ლოცვათა, შორის თქვენთა დაუფიწყებლობასა თავადისა იოანნე აბაშიძისა და ყმისა მისისა, აზნაურისა გიორგი ჩიკოიძისა. ჩუჟთ-სა წელსა, სექტემბერსა ია-ს დღესა“.

ეხლა ამ მონასტერს ჰფლობენ ბერძნები და სრულიად მოუხპიათ ეს ქართული წარწერა, ვითარცა სხვა ეკლესიებშიაც, რომელნიც ოდესმე ქართველებს აღუშენებიათ პალესტინაში.

2 ივნისს, ოთხშაბათს, შუადღის შემდეგ, სამს საათზედ, წარვსდევით მისს უნეტარესობის წინაშე იერუსალიმის ბატონიარქისა დამიანესა. ჩემთან იყვნენ სამნი სამღვდელონი: ერთი დეკანოზი, ერთი მღვდელი და ერთი მღვდელ-მონაზონი, რუსთაგანნი. მიგვიღო ყოველნივე მამობრივის სიყვარულითა; გამოგვიკითხა, ვინ რომელ ქვეყნიდგან ვიყავით. როდესაც მოვახსენე მისს უნეტარესობას, რომ ქართველი ვარ-მეთქი, მკითხა საქართველოს მღვდელმთავრების - ალექსანდრეს, გრიგორის და ბესარიონის ამბავი. არ უწყოდა, რომ უკვე შეერთებულია გურია და სამეგრელოს ეპარქიები. შემდეგ ვთხოვეთ ლოცვა-კურთხევა წირვის შესრულებისათვის იერუსალიმის ტაძრებში მან რწმუნების, ქალღმრთის მოითხოვა. სხვებმა წარუდგინეს. მე არა მქონდა წამოღებული მოწმობა სასულიერო მთავრობისა-

გან. ამისათვის ნებას არ მადღევდა წიროვისას. დავარწმუნე მისი უნეტარესობა, რომ ქართუელი ვარ, კახეთში შობილი და ვიცოცხლე ადგილი და სოფელი „აღდგომა“, რომელიც კახეთის მეფეს ლეონს შეუწირავს ქრისტეს საფლავისათვის მეთქო. მაშინ ბრძანა, რომ „მე თვითონ ვყოფილვარ სოფელს აღდგომაში“. დასარწმუნებულად ჩემს პიროვნებისა კვალადცა მოვახსენე, რომ მე, ვითარცა საქართველო სხეობარქიო სასწავლებელთა საბჭოს წევრმა, ვუწყვი, რომ ამ წლის დამდეგს ჩვენს საბჭოში წინადადება მისცა თქვენს წარმომადგენელს ტფილისში, იერუსალიმის (ჯვარის მაშის) ეკლესიის წინამძღვარს არქიმანდრიტს სოფრონსჳ, რათამცა გაემართა ეკლესიის ეზოში სამრევლო სკოლა; მან თვისის მოვალეობისამებრ მოახსენა ეს ჩვენი წინადადება თქვენს უნეტარესობას და წარსულს აპრილში უკვე მოვისმინეთ ჩვენს საბჭოში, რომ თანახმა არა ხართ ჩვენს წინადადებაზედ. აწცა კვალად უმდაბლესად გთხოვ, დაგვთმობთ ერთი ოთახი ჯვარის მაშის ეკლესიის ეზოში სკოლის დასარსებლად-მეთქო. ხოლო მის უნეტარესობამ აღმითქვა, რომ კვალად განვიხილავთ ჩვენს სინოდში ამ თხოვნასა და შევასრულებთ თქვენს წინადადებასაო. ამ საუბრის შემდეგ მისი უნეტარესობა დარწმუნდა ჩემს პიროვნებაზედ და ნებადამართო მღვდელ-მოქმედებისა, ვითარცა იერუსალიმში, ეგრეთვე გარეშე ეკლესიებში, სადაც მოვისურვებდი. შემდეგ ჩვეულებრივის წესით პატივი გვცა შარბათითა და ყავითა. საღამოს ოთხ საათზედ, ორს ივნისს, ოთხშაბათსა, დირს ვიქმენით პირველად თაყვანისცემას ქრისტე მაცხოვრის ცხოველს-მყოფელის საფლავისასა, რომელიც საეკლესიო საგალობელის გამოხატვით არს „უმშვენეირეს სამოთხისა და უბრწყინვალეს სამეფო სასძლოისა, ვითარცა წყარო ჩვენს აღდგომისა“. თითონ ქრისტეს საფლავი წარმომადგენს პატარა ეკლესიას, დიდს ტაძარში მღებარესა. ბერძნები უწოდებენ ამ ცხოველ

ლს. მყოფელ საფლავსა უფლისასა „წმიდა კუვეკლიად“, რა-  
 აცა პნიშნავს: განსასვენებელსა ანუ სამეფო საუნჯესა, რა-  
 დგანაც აქ განისვენა სამი დღე ხორცითა, ვითარცა მკვდა-  
 რმან, მაცხოვარმა კაცთა ნათესავისამ. შესავალი კარი მი-  
 სი ძლიერ დაბალა; ასე რომ შესვლის დროს თავი უნდა  
 მოიდრიკო სრულიად მუხლებამდე. ზედ საფლავზედ არის  
 დაფარებული მარმარილოს ქვა. ამ ადგილზედ ასვენია სა-  
 მი აღდგომის ხატი, საშუალო — ბერძენთა, მარჯვნივ — რო-  
 მის კათოლიკეთა და მარცხნივ — სომეხთა. ამ ქრისტეს სა-  
 ფლავზედ შეასრულებენ ყოველ ღამე წირვასა ღამის 12  
 საათის შემდეგ, პირველად ბერძენნი ანუ მართლ-მადიდე-  
 ბელნი, მეორედ — სომეხნი და უკანასკნელ — ფრანგნი. ხო-  
 ლო როდესაც მოისურვებენ რუსნი ანუ ქართველნი წირვის  
 შესრულებასა ამ წმ. ადგილზედ, ამათ საკუთრად ნებას  
 არ აძლევენ წირვისას ქრისტეს საფლავზედა და შეუძ-  
 ლიანთ სწირონ მხოლოდ ბერძენთა სამღვდელთაგანსთან  
 ერთად. ემინიანთ როგორღაც, რომ უფლების პირველო-  
 ბას არ შეეცილნენ რუსნი ანუ ქართველნი. კობტებს გა-  
 რედგან დასავლეთის მხრით მიუშენებიათ ქრისტეს საფ-  
 ლავის სამლოცველოზედ თვისი სამწირველო. შიგ ეკლესი-  
 აში სცხოვრობენ სენაკთა შინა მონაზონნი მამანი ქრი-  
 სტეს სარწმუნოების აღმსარებელნი: ბერძენნი, სომეხნი  
 და ფრანგნი.

თაყვანივეცით ქრისტეს საფლავსა. გამოუთქმელია  
 მორწმუნე გულისათვის ის საღმრთო წამი, როდესაც  
 ქრისტეანე პირველად ეღირსება ამ სულიერს ნუგეშსა და  
 სიხარულსა. შემდეგ მივმართე ჩემს თანამოგზაურს ორენ-  
 ბურგელს მ დეკანოზს ი. სოლომინს და ვუთხარი: გამოვ-  
 თქვათ ჩვენი აწინდელი სარწმუნოებრივი გრძნობანი-მეთქი.  
 მკითხა მან; რითაო? შესაბამის გალობითა, ვუპასუხე მე.  
 შემდეგ მკითხა: ნებას მოგცემენო? მე მიუვგე: ვის  
 შეუძლიან აღგვიკრძალოს? მაშინ ვიწყეთ ჩვენ გალობა.

შემდეგთა საგალობელთა: „მშვენიერმან იოსებ ძელისაგან გარდამოხსნა თვით უბრწყინელი ხორცი შენი...“ „ქრისტე აღსდგა მკვდრეთით; აღდგომისა შენსა, ქრისტე მაცხოვარ, ანგელოზნი უგალობენ ცათა შინა“; აღდგომა ქრისტესი ვიხილეთ“; „ანგელოსი დაღადებს: მიმადლებულო წმ. ქალწულო, გიხაროდენ“; „განათლდი, განათლდი, ახალო იერუსალიმ“; „ხორცითა მიიძინე, მაცხოვარ...“ შემდეგ გვანიშნა ხელით ბერძნის მღვდელ-მონაზონმა, იქ მდგომარემ. რომ ჟამი არს ამიერ განსვლისაო. გამოვედით რა ქრისტეს საფლავის სამლოცველოდგან, ვიხილეთ მუნ მდგომარენი ფრანგთა სამღვდელონი მონაზონნი, უკვე შემოსილნი, რომელნიც ელოდებოდნენ ჩვენს გამოსვლასა. როგორც შევნიშნეთ, სასტიკად შემოგვხედეს და ვითარცა შემდეგ ვცანით, იმისათვის იყვნენ უკმაყოფილონი, რომ ნახევარ საათის განმავლობაში ვისარგებლეთ მათთვის დანიშნულ ჟამით; შემდეგ დამშვიდდენ, როდესაც გაიგეს, რომ ჩვენ ბერძენნი არ ვიყავით, არამედ ახლად მოსულნი მლოცავნი რუსეთით და საქართველოით. უფროსი ფრანგთა სამღვდელო შევიდა ქრისტეს საფლავის სამლოცველოში, ხოლო სხვათა მონაზონთა გარეშე საფლავისა დაიჩოქეს, რადგანაც შიგნით საფლავის წინაშე ოთხის კაცის მეტი ვერ გაიმართება.

დაიწყეს ლიტანია გალობით, რამაც ნახევარ საათს გასტანა. და შემდეგ გალობის წართქმით წარემართნენ მარჯვენა მხარეს, სადაც თავისი დაჩემებული სამლოცველო აქვთ, რომელიც უწინარეს ქართველების საკუთრება იყო.

ქრისტეს აღდგომის ეკკლესია იკეტება ოსმალთაგან დანიშნულ მეკარესაგან ყოველ საღამოს შვიდს საათზედ და განიღება მისგანვე დილის ხუთს საათზედ, შემდეგ წირვის შესრულებისა ბერძენთაგან. თვით ამ ეკკლესიაში აქვთ ბინა მცველთა ოსმალთა. ვითარცა სჩანს, აქვე აღა

სრულებენ იგინი თვისს ჩვეულებრივს ლოცვასა, „ნამა-  
ზად“ წოდებულსა, დადებულია ფასი ეკკლესიის კარის  
გადებისათვის: ერთი კარისთვის ორი მანეთი ყოველ დღე  
და ორივე კარებისათვის—სამი მანეთი. როდესაც თვით  
პატრიარქი სწირავს დღესასწაულში, მხოლოდ მაშინ გაა-  
ლებენ ორივე კარს. სამწუხაროდ ჰმოქმედებს მორწმუნე  
ქრისტიანის გულზედ, როდესაც ამ მდგომარეობაში ჰხე-  
დავს ქრისტე მაცხოვრის აღდგომის ეკკლესიასა, ყოვე-  
ლთა წმიდათა უწმიდესსა ადგილსა.

სამხრეთის მხრით არის დიდი შესავალი კარები ქრი-  
სტეს აღდგომის ეკკლესიაში, ხოლო მეორე კარები ამავე  
მხრით ოსმალთ ამოუშენებიათ:

ამავე ეკკლესიის გუმბათს ქვეშ არის გოლგოთაც სა-  
მხრეთის მხრივ, ის ადგილი, სადაც ჯვარს აცვეს უფალი  
იესო ქრისტე; აქაც აღშენებულია სამწირველო ტრაპეზი  
მართლ-მადიდებელთაგან. აქვე ტრაპეზს უკან აღმართუ-  
ლია დიდი ჯვარი, ჯვარცმულის უფლისა იესო ქრისტეს  
ხატითა, გარემო მისა მდგომარენი სრულის ტანით მარ-  
ჯვენით დედა ღვთისა მგოდებელი და მარცხენით—საყვა-  
რელი მოწაფე ქრისტესი იოანე მწუხარე სახით. ქვის  
გულიც შეძრწუნდება და მოვა ღმობიერებაში ამ სურა-  
თის ხილვით. დავარდით წინაშე ჯვარცმულისა მეუფისა,  
მაცხოვრისა კაცთა ნათესავისა, თაყვანი ვეცით და ვიგა-  
ლობეთ წინაშე მისსა: „ჯვარსა შენსა თაყვანის-ვცემთ, მე  
უფეო“; აცხოვნე, უფალო, ერი შენი და აკურთხე სამკვიდ-  
რებელი შენი, ძლევა ჯვარითა ბარბაროსთა ზედა კეთილ-  
მორწმუნეს ხელმწიფესა ჩვენსა იმპერატორსა ნიკოლოზ  
ალექსანდრეს ძესა მოანიჭე“, და საგალობელი პატივად  
იოსებ მშვენიერისა, რომელმან ძელისაგან გარდამოხსნა  
უხრწნელი გვამი ქრისტესი და დაფლა იგი თვისსა მტილ-  
სა შინა, თავისათვის კლდეში გამოკვეთილსა საფლავსა“.   
რადგანაც ეს საგალობელი არ არის ქართულს ენაზედ,

ამისათვის ეთარგმნე იგი სლავურადამ პირდაპირ: „მოვედით, ვნატრიდეთ იოხებს მარადის მოსახსენებელსა, რომელი ღამით მოვიდა პილატესსა, და გამოსთხოვა ცხოვრება იგი ყოველთა; მომეც მე უცხო იგი, რომელსა არა აქვს, სადა თავი მიიდრიკოს, მომეც მე უცხო იგი; რომელიც ბოროტმან მოწაფემან ვანსცა სასიკვდილოდ; მომეც მე უცხო იგი, რომელსა დედა, ხედვიდა რა ჯვარსა ზედა დამოკიდებულსა, მგოდებელი ხმობდა და დედობრივ ღაღადებდა: ვაი მე, შვილო ჩემო, ვაი მე, ნათელო ჩემო და საშოო ჩემო საყვარელო! რამეთუ სვიმეონის მიერ წინასწართქმული ეკკლესიასა შინა დღეს აღსრულდა: გულსა შენსა მახვილი განვიდეს. თაყვანისუცემთ ვნებათა შენთა, ქრისტე, თაყვანისუცემთ ვნებათა შენთა, ქრისტე, თაყვანისუცემთ ვნებათა შენთა, ქრისტე, და წმიდსა აღდგომასა შენსა“.

ამავე ეკკლესიაში არის სვეტი, რომელზედაც მიბმულ იყო ქრისტე მაცხოვარი დაშოლტვის დროსა. აქვე უჩვენებენ ადგილსა, სადაც განიყვეს მხედართა საუფლო სამოსელი და კვართსა მისსა ზედა განიგდეს წილი (ფსალ. 21, 18).

ადგილი ქრისტეს საფლავის ქვაბისა შეადგენს თითქმის ოთხ-კუთხიანს საყენს (კვადრატს); მისი სიგრძე იმოდენია სივრცით, რამდენზედაც დაეტევა გაშლილი გვამი მიცვალებულისა; თავისუფალი ადგილი საფლავსა და ქვაბის კედელს შუა შეადგენს ერთსა და ნახევარსა ნაბიჯსა. კლდის სარეცელი, რომელზედაც განისვენებდა ყოვლად უხრწნელი გვამი იესო ქრისტესი, მდებარებს მარჯვენა მხარეს შესავლიდან; იგი შემოსილია შარმარილოთი არა იმოდენ შევენებისათვის, რავენათაუც დასაფარავად თაყვანისმცემელთა კეთილმსახურის წადილისაგან, რომელნიც მოსტეხავდნენ საფლავისაგან ნაწილებსა სახსოვრად. გარშემო ქრისტეს საფლავის ქვაბისა ამოჭრით წარწერილია



ტროპარი წმ. იოანე დამასკელისა: „ვითარცა ნათლით-  
შემოსილსა და ვითარცა უშვენიერესსა სამოთხისასა, ეს-  
რეთ გიცნობთ შენ, რომელი გამოსჩნდი მხსნელად ყოვ-  
ლისა სოფლისა, აღსდგე. უბრწყინვალესი ყოველთა ნა-  
თელთა ქრისტე, ღმერთი ჩვენი, და გამოჰსჩნდა საფლავი  
შენი, ვითარცა წყარო ჩვენი ალდგომისა“. მარმარილოს  
ფიცარი, რომელიც ჰფარავს წმიდა საფლავსა, გახერხი-  
ლია შუაზედ ორად, თითის სიღრმეზედ; ორ ნაირად  
ჰხსნიან ამ გახერხილს: პირველად, რადგანაც სალადინ სუ-  
ლთანო მარმარილოს ეზიდებოდა ალდგომის ტაძრიდან  
მეჩეთისათვის, ამისათვის წმ. საფლავის მონაზონთა (ბე-  
რებმა) შიშის გამო, რომ სულთანმა არ წაართვას ეს წმ.  
საფლავის მარმარილოს ქვაც, გახერხეს იგი ნახევრად შუ-  
აზედ; მეორე მიზეზად ამბობენ, რომ ამ მარმარილოზედ  
იყო მიჭედილი ნაპირებზედ რკინის ლურსმებით, ტყვიით  
შედუღებული, ოქროს ფიცარი, რომელიც ჰფარავდა  
ქრისტეს საფლავსა ზევითის მხრიდამ.

როდესაც გარემოადგა იერუსალიმსა ჯართა სალა-  
დინი, მონაზონთა, შიშის ზარისაგან შეპყრობილთა, რა-  
თამცა ეს ოქროს ფიცარი, საფარებელი წმ. საფლავისა,  
არ ჩავარდნოდა ხელში ქალაქის დამპყრობელსა, ისწრა-  
ფეს აგლეჯა მისი მარმარილოსაგან, მაგრამ რადგანაც ვერ  
შესძლეს აგლეჯა ტყვიით შედუღებულის ლურსმებისა,  
მაშინ გახერხეს მარმარილო და ამ სახით მოაშორეს მარ-  
მარილოს ოქროს ფიცარი, და ამასთანავე მოამტვრივეს  
მარმარილოს ქვის ოთხი კუთხეცა.

თალიდამ ჩამოშვებულნი ლამპარნი ანათებენ ქრის-  
ტეს საფლავის სამლოცველოსა; მათგან 13 ლამპარი ეკუ-  
თვნის მართლ-მადიდებელთა, მათ შორის ქართველ მეფე-  
თაგანაც იქმნება შეწირული, 13 ეკუთვნის რომის კათო-  
ლიკეთა, 13 სომეხთა და 4-ც კობტებსა. თვითონ წმ. სა-  
ფლავზედ ანთია დღე და ღამე განუქრობლად დაუშრეტე-

ლნი ლამპარნი: სამი, ესე იგი თვითოეულის ეროვნობისაგან, ბერძენთა, სომეხთა და ლათინთა, როდესაც წმ. ბქენი დახშულ არიან, და ექვსი, როდესაც წმ. ბქენი გაიღებიან ღვთის-მსახურებისათვის. ტაძარში ორი ბერძენი მონაზონი, ლამპართა აღმნთებელნი წმ საფლავზედ, დანიშნულ არიან სულთანის ბრძანებით და იგინი უელიან მორიგობით „კუეუკლიას“ ანუ ქრისტეს საფლავის სამლოცველოსა.

ქრისტე მაცხოვრის საფლავის სამლოცველო განიყოფება ორ განყოფილებად: პირველი შესავალშივე—იწოდება სამხრედ ანგელოზისა, რომელიც ახარებდა სახარულევანსა ქრისტეს აღდგომასა მენელსაცხებელთა ღვდთა. სამხრე წმ. ანგელოზისა შეადგენს სწორე ოთხ-კუთხიანს ოთახსა, რომლის თანასწორნი მხარენი ხუთ აღლამდის არიან. საშუალ ამისა სდგას მაღალი მარმარილოს ვაზა; ამ ვაზაში შთადებულია ნაწილი იმ ლოდისა, რომლითაც დაფარულ იყო შესავალი უფლის საფლავისა, და რომელიც შემდეგ აღდგომისა გადმოგორებულ იყო ანგელოზისაგან კარისა მისგან საფლავისა. წირვის დროს ეს ვაზა იხმარება ტრაპეზად; ხოლო შიგნით განყოფილებაში წმ. საფლავის საფარებელი მარმარილოს ქვა იხმარება სამკვეთლოდ. ვაზას თავზედ არიან დაკიდებულნი დაუშრეტელნი ლამპარნი, რიცხვით ათხუთმეტნი, რომელთაგანაც 5 ეკუთვნის ბერძენთა, 5—ლათინთა, 4—სომეხთა და 1—კობტებსა.


დასავლეთის მხრივ კუეუკლიისა მიშენებულია საწყალი სამლოცველო კობტებისა მხოლოდ ეს-ღა გადარჩენია ცეცხლსა, რომელმაც შთანთქა მთელი ტაძარი 1808 წელსა. პირველ ქრისტეანობილამ დაწყობილი მე-18 საუკუნემდის ქართველებს პირველი ადგილი ეპყრათ გოლგოთაზედ. კუეუკლიას პირდაპირ თავზედ ადგას დიდი გამლილი გუმბათი, ხოლო ქრისტეს აღდგომის საკრებულო ტაძარს იმაზედ რამდენადმე უმცირესი გუმბათი.

## დღესასწაულობა წმ. ცეცხლის გამოჩენისა



იდს შაბათს, დღითგან ადრე, იკრიბებიან წმ. საფლავის ტაძარში მომეტებული ნაწილი მართლმადიდებელთა ქრისტეანეთა ადგილობრივ მცხოვრებთა და ყოველნი მლოცავნი, რომელნიც მოსრულნი არიან ყოველთა კიდეთაგან ქვეყანისათა ფერად-ფერადთა ეროვნებათა, გარდა ლათინებისა, და დალაგდებიან ტაძრის სხვა და სხვა კუთხეებში, სადაც ვინ ჰპოვებს უძჯობესად. ყოველნი ლამპარნი და სანთელნი, რომელნიც მოიპოვებიან ტაძარში, დაიშრიტებიან. მრავალ-რიცხვოვანი ჯარიც ოსმალთა დალაგდება გარეშემო წმ. საფლავის სამლოცველოსი და საშუალ ადგილებზედ ტაძრისა ასაშორებელად და დასამშვიდებელად უწესოებისა, რომელიც შესაძლებელია მოჰხდეს ტაძარში შეჯახების დროს ამ დღეს ამოდენთა ერთა და ხალხთა შორის.

დღე-შაბათის ცისკრის დაწყების წინად, არაბნი მართლმადიდებელის სარწმუნოებისა შეასრულებენ ძველის დრო-დან ნება-დართულის სულთანის ფირმანით ჩვეულებასა სინარულის გამოცხადებისათვის წმ. ცეცხლის გამოჩენის მიზეზისა გამო: ხმა-მაღალის გროვით ივინი შემოურბენენ სამგზის გარეშემო კუვეუკლიასა, სცემენ ტაშსა და მადლა ხმით დადადებენ: „*ჟუჟალო შეკვაწაჯან*“ და „*არა არს სხვა საწმუნოება, გარდა მართლ-მადიდებელის საწმუნოებისა!*“ შესავალი კუვეუკლიისა ანუ წმ. საფლავის სამლოცველოსი დაიწვევა და მიიბეჭდება განსაკუთრებითი ბეჭდითა მაჰმადიან მეკარეთაგან წმ. საფლავის ტაძრისათა. საკრებულო ტაძრის საკურთხეველში შეიკრიბებიან: ბერძენთა პატრიარქი და მის იქ არ ყოფნაში ერთი მღვდელ-მთავართაგანი იერუსალიმის საყდრისა (ტახტისა), ჩვეულებრივ მიტროპოლიტი პეტრის ქალაქისა სრულის მართლ-



საფლავი ქრისტე მაცხოვრისა.

მადიდებელის სამღვდელოების თანადასწრებითა, შემდეგ სომეხთა სამღვდელოება და მოდასენი სხვათა ქრისტიანეთა ეროვნებათა. ხოლო ოდეს იგი მოიწევა დანიშნული უამი, სამეუფო კარნი გაიღებინ და სამოსელ-ვახდილი პატრიარქი ანუ მიტროპოლიტი ერთს მხოლოდ თეთრს ბისონში, გროვა სანთლებით ხელთა შინა, რომელნიც არიან დანიშნულ მისადებად წმ. ცეცხლისა, წინამძღომელობითა მთელის სამღვდელოებისათა, შემოსილითა სრულის ბრწყინვალე შესამოსელითა, წარემართება წმ. საფლავის სამლოცველოსაკენ გალობითა: „აღღვამასა შენსა, ქრისტე მაცხოვარ, ანგელოზნი უვალბენ ცათა შინა და ჩვენცა ქვეყანასა ზედა ღირს-მყვენ წმიდითა გულითა დიდებად შენდა“.

სადმართო კრება სამგზის შემოუვლის წმ. კუეუკლიას, ლიტანიის შემდეგ ბეჭედი კარებიდან აიხსნება და მართლმადიდებელი ბერძნის პატრიარქი ზოგად სომეხების პატრიარქისათანა შევალს წმ. საფლავის ქვაბსა. მხოლოდ საფლავსა შესვლის უწინარეს ოსმალნი უშინჯავენ ჯიბეთა და თითქმის წვერსაც, რომ დაფარული არა ჰქონდეს წუმწუმა. ამ დღესასწაულობითს წამს დამშვიდდება ეკლესიაში აღევლება: ყოველივე აღივსება მოლოდებითა და ღრმა დუმილი სუფევს ყოველსა კუთხესა ვრცელის და მრავალ-ეროვნულის მორწმუნეთა კრებისა. ერთბაშად მოისმის ქუხილის მსგავსი ყვირილი სხვა და სხვა ენაზედ 30 ათასის კრებისა, რომელიც შეაძრწუნებს ძარღვებსა, და მაღალი თაღებიც ტაძრისა აორკეცებენ ამ ხმიანობასა. წმ. ცეცხლი აღმობრწყინდება თვით ქრისტე მაცხოვრის საფლავიდან, და იქიდან აღანთებს სანთელთა პატრიარქი. ამ წმ. ცეცხლს მოლურჯო ნათელი აქვს და არცა სწვავს. ზოგნი პირისახეზედაც შემოივლებენ ანთებულს სანთელსა და არა სწვავსო, ვითარცა გადმომცეს იქ დამსწრეთ წმ. ცეცხლის გამოჩენის დროსა. ამ დროს თითო-

ეულს იქ დამსწრეს, დიდსა და პატარას, უნდა ეპყრას ხელთა შინა ოცდა ოცამეუტა სანთელა, სახსოვრად ქრისტე მაცხოვრის ქვეყნიერად ცხოვრებისა შპ წელთა. წმ. ცეცხლი გარდაეცემა მარჯვენით რგვალის სარკმელით ანგელოზის სამხრედამ მართლ-მადიდებელის პატრიარქისა მიერ, ხოლო მარცხენით კერძო — სომეხთა პატრიარქისაგან.

მარჯვენის სარკმელიდამ წმ. ცეცხლს მიიღებს ჩვეულებრივ რომელიმე გამოჩენილი პატივცემული სახლობა ადგილობრივთა მართლ-მადიდებელთაგანი და გარდაიტანს მას საკრებულო ტაძრის საკურთხეველში, სადაცა კანდელაკი წმ. საფლავისა დაურიგებს ყოველთაა ტაძარში მყოფთა. ხოლო სომეხნი, კობტები და სირიელნი მიიღებენ წმ. ცეცხლსა სომეხების პატრიარქისაგან მარცხენა სარკმელიდან (ფანჯრიდან), გარდაიტანენ თავის სამლოცველოებში და დაურიგებენ თვისთა; ზარების რეკითა, რკინის სარაკუნებელის ტყეებითა; სასიხარულო ხმითა დედაკაცთა და ტაძრის განათებითა ში ათასის ცეცხლითა. პატრიარქს გარდაიყვანენ არაბნი ხელითა უკანვე საკრებულო ტაძრის საკურთხეველში, სადაც დაუყოვნებლივ დაიწყება დიდშაბათის ცასკარი. ამ წამიდან იერუსალიმის ეკლესიებში და გარემო სოფლებში აღეგზნება ცეცხლები. ხოლო ტაძარში მყოფნი თითოეული ამ ეამად მხოლოდ ხუთს წამს აღანთებს ში-ს სანთელს და შემდეგ ერთბაშად მოასყენებს განგებ მომზადებულის შავის შალის ანუ მაუდის ქუდითა, ერთბაშად დახურავს და ჩააქრობს, რომ სანთლის კორიანტელმა ანუ კვამლმა არ შეაწუხოს იქ მდგომარენი.

წმიდა ცეცხლის გამოჩენის დღესასწაულობა შთაგონებდა უმაღლესს გალობათა მიხზველსა ჩვენის ეკლესიისას დაეწერა ტროპარი, რომელიც იგალობება ცისკრად წმ. პასექისა: „აწ ყოველითურთ აღივსო ნათლითა ცა, და ქვეყანა, და ქვესკნელი, და ყოველივე ქმნი.

ლი დღესასწაულობს აღდგომასა ქრისტესსა, რომლითა განეჰსძლიერდით“.

ჩრდილოეთის კედელზედ წმ. საფლავის ტაძარსა, თითქმის მრთელს მისს სიგრძეზედ, აქვს მიშენებული ფრანგთა მონასტერი. შესავალი მასში არის წმ. საფლავის სამლოცველოდამ თითქმის პირდაპირ წმ. საფლავისა. ოდესმე ეს მონასტერი გვეკუთვნოდა ქართველებს და იყო ნაკურთხი წმ. იოანნე მახარებელის სახელსა ზედა. მაგრამ ფრანცისკანებმა, ფრანგების მონაზონთა, რომელნიც გამოდევნილ იყვნენ სიონიდან, სადაცა იგინი დიდის ხნიდამ სცხოვრობდნენ, იქირავეს ქართველთაგან ეს მონასტერი თავიანთთვის საცხოვრებლად, ხოლო შემდეგ ისარგებლეს ხელ-შემწყობ გარემოებითა უფულოებითა და დაუდევნელობითა ამ სავანეს მფლობელთასა, მიითვისეს იგი და უწოდეს სხვა სახელი: „მონასტერი მაცხოვრისა“ და რომელნიმე მწერალნი უწოდებენ მას წმ. ქალწულ მოწამის ეკატერინეს სახელისას; იგი შემკობილია ძვირფასის ხატებითა და სურათებითა.

ამ მონასტერში დაბინავებულია ეხლა მცველი დასი წმიდა ქვეყანისა, გამგეობის ქვეშ იღუმენისა, რომელსაც აქვს შემდეგი ტიტული: „მცველი სიონისა და წმ. ქვეყანისა.“ მისს გამგებლობას და მასთან არსებულ საბჭოს აქვს რწმუნებული დაცვა ყოველთა წმიდათა ადგილთა პალესტინისათა, რომელნიც იმყოფებიან ფრანცისკანთა ხელშია და რომელნიც მომეტებული ნაწილი არიან ისპანელეზი და სიცილიელეზი. საუკეთესო შვენებას ამ მონასტრისას შეადგენს შინაური ეკლესია ფრიად მოწყობილი და დიდის ვემოვნებით შემკობილი. რომის კათოლიკეთა მონასტერს ეკუთვნის მას ზედ მიშენებული მონასტერი წმ. თეოდორეთა, წოდებული „ახალ სახლად“, სადაცა დაბინავდებიან უფასოდ მლოცავნი რომის კათოლიკეთა აღ-

სარებისანი, რომელნიც მოდიან იერუსალიმს დასავლეთის ევროპიდან.

ამავე დღეს ვნახეთ ახლად გამოჩენილი გზა, რომლითაც მიჰყავდათ იესო ქრისტე იერუსალიმით გოლგოთაზედ ჯვარცმისათვის. აღმოუჩინიათ ქალაქის ბჭენი და ერთს ქვაზედ წარწერა აღრიანესი, რომის კეისრისა. ამის ბრძანებით მეორედ დააქციეს იერუსალიმი 13<sup>მ</sup> წელსა, და აღაშენეს ქრისტეს ჯვარცმის ადგილზედ წარმართთა საკერპო ვენერისა, ხოლო ქრისტეს აღდგომის ადგილზედა — იუბიტერისა. წარმართთა სურდათ სრულიად დაეთარათ და მოესპოთ ქრისტეანეთათვის ეს წმ. ადგილები, მაგრამ ღვთისა განგებისაებრ ეს წარმართთა ტაძარნი აღმოჩნდნენ შემდეგ ძეგლად, მაჩვენებელად ქრისტე მაცხოვრის საფლავისა. „და სათელა იგი პნელსა შინა ჭსსანს, და პნელმა იგი გერ დაჰყარა“ (იოან. 1, 5).

ამაო იყვნენ მზაკვარებანი წარმართთა და მათის ურწმუნო იმპერატორისა. ადგილები იერუსალიმის სიწმიდეთა და საზოგადოდ სრულიად პალესტინისა, სამასის წლის განმავლობაში დაცულიყვნენ ქრისტეანეთა ხსოვნაში, რომელნიც მოვიდოდენ თაყვანის საცემლად საიდუმლოდ.

ნეტარმა ელენა დედოფალმა, აღძრულმა ქრისტეს სიყვარულით, მოისურვა აღმოჩენა ამა წმ. ადგილებისა და ჰპოვა ცხოველს-მყოფელი ჯვარი ქრისტესი 326 წელს, რომლისა სახსოვრად ეკკლესიამ დააწესა დღესასწაული 14-ს ენკენისთვისა, მსოფლიო ამადლება პატიოსნისა და ცხოველს-მყოფელისა საუფლო ჯვარისა.

პირველი ეკკლესია ქრისტე მაცხოვრის საფლავზედ მანვე აღაშენა და კურთხევისათვის მისსა მოუწოდეს 300 ეპისკოპოსთა. კურთხევა შესრულდა 13-ს სეკდემბერსა და სახსოვრად მისსა დააწესეს დღესასწაული „ენკენია“, ანუ განახლება კურთხევისა, და ყოველ წლივ დღესასწაუ-



ლობდნენ ამ კურთხევის დღეს; ამისთვის სეკდემბრის თვეს ეწოდება ტენკენისთვე.

საზოგადოდ ძველ ქრისტიანობის დროსა ჰქონდათ საღმრთო წესად შემოდებული, ეღვესასწაულნათ წლითი წლად კურთხევის დღე ადგილობრივის ეკკლესიისა. შემდეგ ეს წესი გამოვიდა ხმარებიდან და მისს მაგიერ ვღვესასწაულობთ იმ დღესა ანუ რიცხვსა, როდესაც შესრულდება ხსენება იმ წმიდისა ანუ დღესასწაულისა, რომლის სახელზედაც არის ნაკურთხი ეკკლესია.

მართლ-მადიდებელთა ტრაპეზი გოლგოთაზედ არის დამტკიცებული ოთხს პატარა სვეტზედა, იმ წმიდა ადგილზედა, სადაც იყო დამყარებულ მაცხოვრის ჯვარი. ტრაპეზს ქვეშ მოსჩანს რგვალი გაღებული ადგილი, სადაც იდგა ჯვარი ქრისტესი. ეს ადგილი გარშემო მოქედილია ვეცხლითა, რომელზედაც ამოჭრილია გამოხატულება ქრისტეს ვნებათა.

მარჯვენით ტრაპეზისა მოსჩანს გაპობილი კლდე, რომელიც გასქდა იმ წამსა, რაჟამს უფალმან განუტევა სული ჯვარსა ზედა. ტრაპეზზედ არიან დაკიდებულ 14 ძვირფასნი ლამპარნი, შეწირულნი ქრისტიანეთა მეფეთაგან. იატაკი არის მოფენილ თეთრისა, შავისა და წითელის ქვითა მარჯვენით მართლმადიდებელთა ტრაპეზისა, სამხრეთით კერძო, არის სამწირველთა ფრანგთა, რომელიც მხოლოდ ღვთის მსახურების დროს განიყოფება ფარდითა.

პატრიარქი და მღვდელმთავარნი გოლგოთაზედ სწირავენ უმიტროდ პატრისადებლად ამ ადგილზედ იესო ქრისტეს დამდაბლებისა.

ჩრდილოეთის ნაწილს ქვეშ გოლგოთისა, რომელიც ეკუთვნის ბერძენთა მართლმადიდებელთა, არის ბნელი სამლოცველო ადამისა. აქ რკინის ხრახნილში შეიძლება დანახვა ტრაპეზს უკან ბუნებითის კლდისა გოლგოთისა და გამსქდარნი ქვანი ჟამსა იესო ქრისტეს სიკვდილისა.

ამ თვალთ ხილულს გახეთქილს კლდეს აქვს შესანიშნავი სიღრმე. ამ ადგილსა, საიდუმლო გარდმოცემით აღმოსავლეთისა და მოწმობისაებრ უძველესის სირიულის ხელნაწერისა, იყვნენ დამარხულ მართალ ნოეს მიერ ძვალნი და თხემი (თავის ქალა) პირველის მამის ადამისა, და ჟამსა იესო ქრისტეს ჯვარცმისასა გარდამოსრული მის ცხოველს-მყოფელი გვერდისაგან სისხლი დაფარდა თავსა ზედა სამოთხეში შემცოდველისა პირველ მამისა ადამისა და განბანა იგი სამოთხესა შინა მის მიერ ქმნულ ცოდვისაგან. ამ გარდამოცემის საფუძველზედ შემოვიდა ჩვეულებად გამოხატვა ჯვარს ქვეშე ადამის თავისა და ძვალთა მისთა. ამავე გარდმოცემაზედ უნდა იყოს დაფუძნებულ, ჩემის აზრით, ჩვეულება, მიღებული სრულიად საქართველოს ერისაგან: მიცვალებულის შესანდობარის წარმოთქმის დროს სუფრაზედ რაოდენსამე წვეთს ღვინოს დაასხამენ პურზედა. აქავე უჩვენებენ ადგილსა, სადაც გარდმოცემით იყო დაფარულ მტვერი მელქისედეკისა, იერუსალიმის აღმაშენებლისა, მღვდლისა ღმრთისა მადლისა.

მ იენისს, ხუთშაბათს, დილის შვიდს საათზედ, წავედით ეტლით ზეთისხილის მთაზედ, რომელიც მდებარეობს აღმოსავლეთით ქ. იერუსალიმისა; აქედან ამალდა უფალი იესო ქრისტე; აქ მოვისმინეთ წირვა სლავურს ენაზედ. ეს ამალღების ეკკლესია ახლად აღუშენებია რუსეთის მისსიას იმ საძირკველზედ. სადაც აღუშენებია ეკკლესია ნეტარსა ელენე დედოფალსა მეოთხე საუკუნეში, რომელიც შემდეგ შეუმუსრავთ მაჰმადის მორწმუნე არაბთა მეშვიდე საუკუნეში.

აქ, ძველ ნანგრევებში, საძირკვლის გაწმენდის დროს, აღმოუჩენიათ იატაკზედ მოზაიკა, რომლითაც არის დახატული თევზი და მამალი ქათამი და აქვს წარწერა იატაკზედ. ეს წარწერა ემსგავსება ძველს ქართულს ზუცურს ასო-მთავრულს. სახე და სახელწოდება თევზისა ჰქონდათ


მიღებული პირველთა ქრისტეანეთ სიმბოლოდ ანუ ნიშნად ერთ-მორწმუნეობისა. სიტყვა თევზი, ბერძნულად „იხთის“, შესდგება იმ ასოთაგან, რომლითაც დაიწყობიან ბერძნულს ენაზედ სიტყვანი: „იესო ქრისტე, ღეთისა ძე, მაცხოვარი“.

ხოლო სახე მამლისა ჰნიშნავს დაცემასა, ანუ უარისყოფასა პეტრე მოციქულისასა, და აღდგენასა ანუ სინანულსა მისსა, და კვალადცა მოციქულის ღირსებაზედ აღყვანებასა. აქვე, ზეთის ხილის მთაზედ, უჩვენებენ ფეხის კვალს ქრისტე მაცხოვრისას, დაშენილს ამალღების დროსა. ეს კვა ოსმალთა მეჩეთშია და ფასით უშვებენ ქრისტეანეთა სანახავად და პატრუსაცემლად მისა, ვითარცა კვარცხლბეკისა ფერხთა მისთასა.

ამალღების მთაზედ, რაოდენადმე დაბლა მის უკანასკნელის მწვერვალისა, ოდესმე ჰშვენოდა დიდებული ტაძარი „ამალღებისა“, აღშენებული წმ. ელენე დედოფლისა მიერ იმ ადგილსა ზედა, საიდგანაც ამალღდა ზეცად მაცხოვარი; ეხლა ეს ადგილი შემოზღუდულია ქვის გალავანითა და შესვლა იქ შეიძლება მხოლოდ ერთის კარებითა: მახლობლად უბრალოდ აშენებულის ოსმალთა მეჩეთისა, მაღალის გარეშემო სარბენით (მინარეთი), შუა ეზოში სდგას რვა-კუთხიანი შენობა ზევიდამ გახსნილის გუმბათითა. ის აზრი ყოფილა წმ. ელენესი ეკკლესიის აღშენების დროს ამ ადგილზედა, რომ მლოცველთა შესძლებოდათ ხრლვა ცისა, სადაცა დიდებრთ ამალღდა ქვეყანით ქრისტე მაცხოვარი. კედლები სამლოცველოში ცალიერია, არ მოიპოვება იქ არცა წმ. ხატები, არცა ლამპარნი, ხოლო მარჯვენით შესვლისათანა, რომელიც არის ბუნებითის კლდისა, სჩანს კვალი მარცხენა ფერხისა უფლისა იესო ქრისტესი; ხოლო აღბეჭდილი კვალი მარჯვენა ფერხისა გარდატანილია აქედამ და ინახება „რელაქსა“-ს მეჩეთში იერუსალიმშივე. მრთელი შემოზღუდუ-

ლი ეზო ეკუთვნის ოსმალთა, რომელნიც ნებას აძლევენ ყოველ ქრისტიანეს, შეასრულონ აქ ღვთის-მსახურება გაწყობილთა შუა ეზოში საკურთხეველთა შინა,— მართლ-მადიდებელთა: ბზობასა, ამაღლებასა და ღღესა უფლისა ფერისცვალებისასა.

1870 წელსა, როდესაც იერუსალიმში ზეთის ხილის მთაზედ საძირკველსა სთხრიდნენ ახალის ეკკლესიისათვის რუსეთის პალესტინის მისიის გამგეობითა, აღმოჩენილა ფერადი იატაკი, მოზაიკით დაფენილი (ფერადი მარმარილოს ქვით), ზედ დახატულ მოზაიკითვე ფრინველებითა და თევზებითა, რომლებს მნიშვნელობაზედ ზევით ვსთქვი; იმ დროს იქ დასწრებია რუსეთის დიდი მთავარი კონსტანტინე ნიკოლოზის ძე და მისი ბრძანებით შემოუზღუდნიათ ეს ადგილი რკინის ღობითა (решетка), და მასზედ სიარული აღკრძალულია. აქვე შკაფში აქვს დაცული ნამტვრევენი და ნატეხნი სხვა და სხვა ძველთა საფლავთა ქანდაკებისა, სვეტებისა და ჩუქურთმებისა სხვა და სხვა შენობათა, რომელნიც უბოვნიათ საძირკველის დაღრმავების დროს. იქვე არის ძველი აკლდამა იმ დროისა, როცა იერუსალიმი იქმნა დაქცეული. ამ აკლდამაში ყოფილა გამოკვეთილი ხუთი, ექვსი საფლავი; მათ შორის რომელნიმე არიან გახსნილნი და მათში მოსჩანან ძვალნი გაშიშვლებულნი; ხოლო სხვა საფლავნი არიან დახურულ და მტკიცედ გადაღესილ; ზევით მათ ფიცრებზედ არიან აღბეჭდით აღმოჭრილნი ლურსმითა (рѣзцомъ) ჯვრები და წარწერანიც; ეს წარწერანი ჰხმობენ, რომ საფლავნი დაიტევენ თავის შორის ფსუაჟათა სამთათა ქართველთა ქრისტიანეთა შუგთასა. ეს ცნობა ამოვიღე რუსის მღვდლის მ. ალექსანდრე ანისიმოვის წიგნიდამ, რომელიც დაბეჭდილია 1899 წელსა. ხოლო ჩემთვის არ უჩვენებიათ ეს ქართულნი წარწერანი, ჩემდა სამწუხაროდ. ეხლა ზეთის-ხილის მთაზედ სდგას შვენიერი ტაძარი,



ქვაბი მაცხოვრის შობისა.

რუსთაგან აშენებული. ხოლო 1875 წელსა მამა ანისიმოვს კარავში უწირავს ამ ადგილას ბზობისა და ამალღების დღესასწაულებში. ამ ტაძარშია დაკრძალული გვამი რუსის მონასტრის წინამძღვრის არქიმანდრიტ ანტონინისა, დიდისა მოღვაწისა და მშრომელისა რუსეთის ეკლესიის სასიქადულოდ. რაც რუსეთის მისიას პალესტინაში მამულები აქვს შეძენილი და მასზედ შენობანი, სრულიად ამ ნეტარხსენებულს მ. ანტონინს შეუსყიდნია დიდის გამოცდილებით და მოხერხებითა, წინააღმდეგ ბერძენთა, რომელნიც მსურველნი არ არიან, რომ რუსეთის გავლენა გაძლიერდეს პალესტინაში, თუმცა რუსეთის მართლმადიდებელის მორწმუნე ერის შემოწირულობით სცხოვრებენ აქაურნი მრავალ რიცხვოვანნი ბერძენთა მონასტერნი. რუსეთის შემოსავალი რომ მოაკლდეთ, შიმშილით ამოსწყდებიან, ვითარცა თევზნი უწყლოდ.

ამალღების ეკლესიასთან არის აღშენებული რუსთა მისიისაგან მაღალი სამრეკლო, რომლიდგანაც ზარის რეკა სასიამოვნოდ მოისმის მთელს იერუსალიმში. ამ სამრეკლოდგანვე სჩანს ხმელთა შუა ზღვა ხს ვერსის სიშორეზედ და მარილოვანი ზღვაც 40 ვერსის სიშორეზედ.

რუსეთის მართლმადიდებელს პალესტინის საზოგადოებას, ამ ნეტარხსენებულის მ. არქიმანდრიტის ანტონინის წინამძღვრობის დროს, აღუშენებია: იერუსალიმში მშვენიერი მონასტერი ორის ეკლესიით, ერთი საკრებულო ტაძრით და მეორეც ქსენონში — სნეულთა მლოცველთათვის რუსთა, ამალღების ეკლესია ზეთისხილის მთაზედა; მონასტერთანვე აღუშენებია ორ-სართულიანი სასტუმრო სახლი პატივცემულთა მლოცველთათვის, რომელნიც ფასის გარდახდით დღეში 1—3 მანეთამდის, დაისადგურებენ იქ; ამ სასტუმროს განაგებს საკუთარი მმართველი ერისაგანი. აგრეთვე შეუძენია მამულები და აღუშენებია სახლები მლოცავთათვის: ქალაქს იაფფაში მშვენიერის წალკოტით

და ეკლესიით, ხმელთაშუა ზღვის ნაპირზედა, მამბრეს მუხასთან და იერიქონში, აქაც მშვენიერის ბაღებითა და სახლებითა მლოცავთა მოსასვენებლად. ხსენება მართლისა ქებათ აღსაწულებას. ამ ღირსს მამასა და მოღვაწეს დიდის პატივისცემით და ლოცვით იხსენიებს ყოველი მლოცველი პალესტინის სიწმიდეთა, როდესაც ჰხედავს მისს ნაშრომს სამშობლოს სასიქადულოდ.

ზეთისხილის მთაზედვე არის მღვიმე ღირსის დედა პელაგიასი, სადაც იგი მოღვაწეობდა. ლარნაკი ანუ საფლავიცა მისი არს ამაღლებული, მაგრამ წმ. ნაწილნი მისნი, ვგონებ, აქ არ მოიპოვება და გარდატანილია სხვა ადგილასა; ეს მღვიმეც ოსმალთა მფლობელობაშია.

ღირსი დედა პელაგია შთამომავლობით იყო ანტიოქიის ქალაქიდან, ასული წარმართთა მშობელთა, არა ჩვეულებრივის შვენიერებისა, შეუდგა მეძავობასა, შეიძინა დიდი სიმდიდრე. ერთჯერ შევიდა იგი ანტიოქიის საკრებულო ტაძარში, აღტაცებული დარჩა წმ. ეპისკოპოსის ნონის ქადაგებითა საშინელს განსჯაზედ და დაუსრულებელს ტანჯვაზედ ცოდვილთასა. შემუსრვილმა გულითა ცოდვითა თვისთათვის ღირსმა პელაგიამ, განბრწყინვებულმა ღვთაებრივის მადლითა, დაუტევა წარმართობა და ბიწიერის ცხოვრების გზა და დაბინავდა მამაკაცის სახედ ამ გამოქვაბულში, სადაც ათს წელზედ მომეტებული განატარა სასტიკს მოღვაწეობაში. მისს ხსენებას ეკლესია დღესასწაულობს რვა ოკდომბერსა. ამ ადგილს პატივისცემენ მაჰმადიანნი და ურიანიცა.

ელეონის ანუ ზეთის ხილის მთის ძირში არს გეთსიმანია, სადაც იყო მტილი, რომელშიაც უფალი იესო ქრისტე უკანასკნელ ჟამსა ჰლოცულობდა და ევედრებოდა: „მამაო ჩემო! უკეთუ შესაძლებელ არს, თანაწარმხედინ ჩემგან სასვეელი ესე; ხოლო არა ვითარ მე მნებავს, არამედ ვითარცა შენ“ (მათ. 26, 39).

აქვე გეთსიმანიაში არის საფლავი ყოვლად წმიდისა ღვთის-მშობელისა; ამ საფლავზედვე არის სამწირველო. გეთსიმანიაშივე არის ახალი ეკკლესია, აღშენებული რუსეთის იმპერატორის ალექსანდრე მესამისგან, აწ ღვთისა მიერ განსვენებულისა, მოსახსენებელად ღედისა თვისისა იმპერატრიცა მარიამ ალექსანდრეს ასულისა, წმიდისა მოციქულთა სწორისა მარიამ მაგდალინელის სახელსაზედა; ამ ეკკლესიაში ღვთის-მსახურება სრულდება მხოლოდ შაბათობით სლავურს ენაზედ. ეს ეკკლესია აკურთხეს 1 ოკტომბერს 1888 წელსა თანადღსწრებითა მათ იმპერატორებით უმაღლესობათა დიდის მთავრის სერგი ალექსანდრეს ძისა, დიდის მთავრინა ელისაბედ თეოდორეს ასულისა და დიდის მთავრის პავლე ალექსანდრეს ძისა.

4 ივნისს, პარასკევს, მოვისმინე წირვა დილის შვიდს საათზედ გეთსიმანიაში, სადაცა არს საფლავი ყოვლად წმ. ღვთის-მშობელისა. მწირველი იყო ბერძენთა იგუმენი; წირვაზედ ჰვალობდნენ რუსთა დედა-მონაზონნი მწყობრად, ტკბილად, ღმობიერად, რომელნი მოსრულ იყვნენ იერუსალიმს სალოცავად და რამდენსამე თთვეს და იქნება წელსაც დარჩებიან აქ. სამოციქულო და სახარება ჯერ ბერძნულად წაიკითხეს და შემდეგ სლავურად. თვით საფლავის ქვა არს დადებულ ტრაპეზად; საფლავში შესასვლელად დაბალი თაღია, ვითარცა ქრისტეს საფლავზედ, უნდა წელში მოიდრიკოს კაცი შიგ შესასვლელად. ბერძნებმა გაათავეს წირვა დილის რვა საათზედ, აკრიბეს საღმრთონი ჭურჭელნი, სახარება და სამოსელნი; შემდეგ შემოვიდნენ სომეხნი, ამავე ტრაპეზზედა სწირეს, გარდა სამღვდელთა, სომეხთაგანი არავინ იყო. კობტებსაც ამავე ტაძარში აქეთ სამწირველო, დასავლეთის მხრივ, საკუთარს კუთხეში. კობტების მღვდელი შეიმოსა გრძელის თეთრი სტიხარით; რომელსაც გულსა და ზურგზედ შავი ჯვარი აკერია, თავსა და მხრებზედა მოიხვია გრძელი თე-



თრი პირსახოცი; ბარძიმი ჩვენი მსგავსი აქვთ; სამს სეფის-კვერზედა სწირა; სეფისკვერი თხელია; დიდს გამოსვლაზედ მღვდელს ზურგზედ ჰქონდა გადაშლილი დიდი დაფარა, ვიხარცა ბერძენთა და ათონის რუსთა მონასტერშიაც მიუღიათ. სომხები და კობტები ერთს ტაძარში ერთს დროს ასრულებენ წირვასა, თუმცა მათი სამწირველოები დაშორებულია ერთმანეთისაგან ზუთის ნაბიჯის მანძილზედ. ცხადია, ერთმანეთს დაუშლიან, მაგრამ ამათი ყური შეჩვეულია ამ გარემოებასა.

ამავე გეთსიმანიის ტაძართან არის საფლავი წმიდათა და მართალთა იოაკიმე და ანნასი, მშობელთა ყოვლად წმ. ქალწულისა მარიამისა, და მის დამწინდებელის იოსებ მართლისა.

სადაც უფალი იესო ქრისტე ლოცულობდა უკანასკნელად გეთსიმანიის მტილში, იმ ადგილზედ ფრანგთა მონასტერია, სადაც აქვთ გაშენებული პატარა ბაღი. აქვე უჩვენებენ ადგილს, სადაც უფალმა იესო ქრისტემ განაღვიძა მოციქულნი პეტრე, იაკობ და იოანე, დამძიმებულნი ძილითა, რქვა რა მათ: „აღსდევით, აჰა, მტერი მოახლოებულ არს“. მეორე ადგილს უჩვენებენ, სადაცა სხვანი მოწაფენი ელოდებოდნენ გარეშე მტილისა. ერთის სიტყვით, აქ აღნიშნულია ქრისტეს თვითოველ ფერხის გადადგმა უკანასკნელთა დღეთა: ადგილი დაშოლტვისა, პირველ, მეორე და მესამე დავარდნისა ჯვარს ქვეშე, სადაც სვიმონ კვირინელი იტვირთებს ჯვარსა უფლისასა, სადაც მაცხოვარი ეტყვის დედათა იერუსალიმელთა: „ნუ სტირთ ჩემზედა, არამედ თავთა თქვენთათვის სტიროდეთ და შვილთა თქვენთათვის“ (ლუკ. 23, 28).

ქრისტეს აღდგომის ტაძრის კარების გარეთ, მარცხნივ, საშუალო სვეტზედ არის ქართული წარწერა ასომთავრული, რომლიდგანაც ამოვიკითხე მხოლოდ შემდეგი: „ქრისტე მაცხოვარ, შეიწყალე ჯარვარ...“ გაგრძელება

ამოფხვრილია, რადგანაც ეს ადგილი სვეტისა გააბი-  
ლია. სვეტის გასქდომის მიზეზად აი რას მოუთხრობენ  
გარდმოცემით: 1549 წელსა, დიდს შაბათს, არ მიუციათ  
ნება ძალმომრეობით მართლ-მადიდებელთა ბერძენთა პა-  
ტრიარქისათვის, რათა შესულიყო და მიეღო ქრისტე მა-  
ცხოვრის საფლავიდან საღმრთო ცეცხლი, რომელიც  
სასწაულებრივ ყოველს დიდს შაბათს აღმობრწყინდება  
ცხოველ-მყოფელ საფლავიდან. ეს უფლება ანუ უბირა-  
ტესობა ქრთამისა გამო ოსმალთა ფაშას გარდაეცა სომე-  
ხთა პატრიარქისათვის. თუმცა-ღა შესულა სომეხთა პატ-  
რიარქი ქრისტეს საფლავის წინაშე, მაგრამ სასწაულებ-  
რივ არ ანთებულა სანთელი მის ხელში, არამედ საღმრ-  
თო ცეცხლი აღმობრწყინებულა ქრისტეს საფლავიდან  
და გამოვარდნილა გარეთ კედელში ამ ზემოხსენებულის  
სვეტით, და იქიდან აღუნთიათ სანთელი მართლ-მადი-  
დებელთა, მდგომარეთა თვისის სამღვდლოებით ეკლეს-  
იის გარეთ კარებთან. ხოლო სომეხნი ამბობენ, რომ ამ  
სვეტიდან გამოჩნდებოდა წმიდა ცეცხლი საზოგადოდ ლა-  
რიბთა მლოცველთათვის, რომელთაც არ შეეძლოთ გარ-  
დახდა ჩვეულებრივის ხარკისა უფლებისათვის დასწრები-  
სა ტაძარში დიდს შაბათსა, წმიდა ცეცხლის გამოჩენის  
წამსა.

წმიდა ანუ მადლიანი ცეცხლი აღმობრწყინდება ქრის-  
ტე მაცხოვრის საფლავიდან ყოველს წელს დიდს შაბათს.

დიდს პარასკევს, შემდეგ ცისკრის დასრულებისა,  
ღამის 12 საათზედ, გააქრობენ ყოველთა კანდელთა და  
სანთელთა მრთელს ტაძარში და წმ. საფლავზედაც; ესრე  
იქმნება, ვიდრე მართლ-მადიდებელი პატრიარქი ეღირსე-  
ბა წმ. ცეცხლის მიღებას ქრისტე მაცხოვრის საფლავი-  
დან; და მაშინ აღანთებენ კვალადცა კანდელთა და სან-  
თელთა მრთელს ტაძარში, და ამ საათიდან ანთებული  
სანთელი და კანდელი ქრისტეს საფლავიდან მიღებულის

ცეცხლითა აღარ დაიშრიტება მრთელს წელს ქრისტეს საფლავზედა, ვითარცა დღე, ეგრეთვე ღამე.

ბრწყინვალე აღდგომის ლიტანიისზედ გარე შემოუვლიან ქრისტეს ცხოველ-მოსილის საფლავის სკმოლოცველოსა თორმეტის მკანფასის დროშითა (ბაირალითა), რომელნიც შეუწირავთ ბერძენთა კეისართა და ქართველთა ძეგუთა და ზაცრაანქთა, გალობითა: „აღდგომასა შენსა, ქრისტე მაცხოვარ, ანგელოსნი უგალობენ ცათა შინა; და ჩვენცა ქვეყანასა ზედა ღირს-მყვენ წმიდით გულითა დიდებად შენდა“.

ბრწყინვალე აღდგომის წირვაზედ ბერძენები კითხულობენ სახარებასა ჩვეულებრივ ბერძულსა და არაბულს ენაზედა, ხოლო მწუხრზედ ამა დღესასწაულისა სხვა და სხვა ენაზედ წაიკითხავენ სახარებასა, და სახარებიდან თითოეულის მუხლის წაკითხვის შემდეგ რეკავენ ზარსა.

სიმიდრით და შვენიერებით არც ერთი ეკკლესია არ შეედრება მრთელს პალესტინაში წმ. მოციქულის იაკობ ზებედეს ტაძარსა იერუსალიმში. ეს ეკკლესია აღუშენებია საქართველოს მეფეს, გიორგი კუროპალატსა, XI საუკუნის ნახევარში, და ეხლა, ჩვენდა სამწუხაროდ, სომხები ჰფლობენ მას, თითქმის ასის წლის განმავლობაში. აღმოსავლეთის წმ. ადგილების მომხილველი და აღმწერელი მურავიოვი სწერს, რომ იერუსალიმის საპატრიარქოში არის გრამატა მასზედა, რომ სომხები მოვალენი არიან გარდასცენ ეს ტაძარი ქართველთა, როდესაც იგინი შემძლებელ იქმნებიან გარდაუხადონ ყოველ წლიური ხარკი ზვანთქარს ამ მონასტრის მფლობელობისათვის. მაგრამ ბ-ნ ცაგარელს ეს გრამატა ვერ უნახავს იერუსალიმში მყოფობის დროს 1883 წელსა.

იერუსალიმში, გეთსიმანიის მახლობლად, ლათინთა მონასტერში უჩვენებენ ცხოვართა საბანელსა, რომელსაც ეწოდებოდა ებრაელებრ „ბითეზდა“, სადაც იყო ხუთი განყოფილება და მათ შინა მრავალნი უძღურნი ელოდებოდნენ განკურნებასა წყლისა ამღვრევის ჟამს, და სადაც

უფალმა იესო ქრისტემ განკურნა სიტყვითაჲმ წლის გარღვეული ანუ უძლური. მღვიმეში ანუ სარდაფში ღრმად არის ჩასასვლელი, და იქ ეხლაც არის წყალი. ამავე მონასტერში გამოფენილია ქალღმერთად წარწერა ოცს ენაზედ იმ მოთხრობისა, რომელსაც აგვიწერს იოანე მახარებელი თავისს სახარებაში (თ. V, 1—15). ქართულს ენაზედ ვერა ვპოვე ეს წარწერა. სჩანს, არა სცოდნიათ ქართული ენა, რომ მას ზედაც გამოეწერათ ეს დასაწყისი სახარებისა. ფრანგებს საზოგადოდ სუფთად აქვთ დაცული ის წმიდა ადგილნი, რომელნიც მათ მფლობელობაშია. ამავე მონასტრის ბაღში უჩვენებენ იმ ზეთისხილის ხესა, რომლის ქვეშაც უკანასკნელად სისხლის ოფლით ევედრებოდა იესო ქრისტე ზეციერსა მამასა.

4 ივნისს, პარაკევს, საღამოს 7 საათზედ, წავედით ქრისტეს აღდგომის ტაძარში; რვა საათზედ დახშეს ოსმალებმა ბჭენი ეკლესიისანი. ეკლესიაში იყვნენ ღამის სათევად მრავალნი მლოცველნი რუსნი 120 კაცამდე და სამღვდელნი სამნი, და მათ შორის მე. აქ უნდა მოვიხსენო, რომ ბერძენთა; სომეხთა და ლათინთა მონაზონთა მამათ შიგ ეკლესიაში აქვთ სენაკები და მიუცილებელი საჭირო ადგილებიცა. ილტვის ბერძენთა მონაზონთა მწუხრი სერობითურთ გოლგოთას ეკლესიაში, მთავარებისკობოსის თანადასწრებით. მწუხრის შემდეგ ბერძენთა მონაზონნი შევიდნენ თავისთა სენაკებში, და დაურჩით ტაძარში მხოლოდ უცხოეთით მოსულნი. ვიწყეთ გოლგოთაზედ შესრულება დაუჯდომელისა ვნებათა უფლისათა, რომლისა თავი და ბოლო მე წავიკითხე და შუა ნაწილი—რუსის მ. დეკანოზმა; ჩემმა თანამოგზაურმა პალტსტინაში.

გოლგოთაზედ ტრაპეზს ქვეშ არის ამოჭრილი ადგილი, ვერცხლით მოჭედილი, რომელზედაც კოფილა დამყარებული ჯვარი უფლისა; ყოვლისა ამის მხილველსა

მცირე მორწმუნესაცა უნებლიედ აღეგზნება სარწმუნოებრივი გრძნობა. ყოველის ლოცვის შემდეგ ამ ადგილს მუხლ-მოდრეკით თაყვანსა სცემენ მლოცველნი. კვალად-ცა განვაგრძეთ შესრულება დაუჯდომელისა ცხოველ-მოსილის საფლავისა და აღდგომისა უფლისა, ყოველად წმიდისა ღვთის-მშობელისა, წმ. მღვდელ-მთავრისა ნიკოლოზისა. ეს გაგრძელდა რვა საათიდგან დაწყებული თორმეტამდე. მონაწილეობას იღებდა ლოცვაში დაბალი ერიც რუსთაგანი არა მხოლოდ მოსმენითა, არამედ კითხვითა და ზოგადის მწყობრის გალობითაც.

### წირვა მშობელთა მსოფლიო მოხსენებისა



განსხვავება ჩვენებურსა და ბერძნულ წარვას შორის



ენისის ნ, შაბათს, მშობელთა მსოფლიო მოხსენებას, ღამის 12 საათზედ დარეკეს, ვიწყეთ შუალამის ლოცვანი ქრისტეს აღდგომის საკრებულო ეკლესიაში, შემდეგ განვაგრძეთ ცისკარი; ცისკარს შეუერთეს წირვა, რომელიც შევასრულეთ ქრისტე მაცხოვრის საფლავის ეკლესიაში. ოთხნი თანამწირველნი ვიყავით, ერთი რუსის დეკანოზი, ერთი მე ქართველთაგანი, ორი ბერძენთა მღვდელ-მონაზონი. მთავარ-ეპისკოპოზი, კირილე ბერძენი, იყო უპირატესი მწირველი.

წინა საღამოზედვე, უწინარეს მწუხრისა, შეიწვიეს მლოცველნი დარბაზში ბერძენთა მამათა და წინადადება მისცეს, დაეწერათ მათ თვისნი ცოცხალნი და მიცვალებულნი წირვაზედ მოსახსენებლად. ვინც წერა არ იცის, თვით ბერძენნი ჩასწერენ დაეთარში მათ სახელებს მოსახსენებლად. ამ შრომისათვის მლოცველნი შესწირავენ ფულსა შეძლებისაებრ.

წირვაზედ შევნიშნე შემდეგი განსხვავებანი, არა ჩვეულებრივი ჩვენთვის: დიდს გამოსვლაზედ, ან პატროსანთა ძღვენთა გამოსვენების დროს (ბარძიმ-ფეშხუ-მითა), მოიხსენეს პირველად მართლ-მადიდებელი რუსეთის იმპერატორი, მეუღლე მისი, დედა მისი და მემკვიდრე მისი, შემდეგ იერუსალიმის პატრიარქი და სხვანიცა მართლ-მადიდებელი პატრიარქნი სახელდობრივ; მერე წაიკითხა მწირველმა მთავარ-ეპისკოპოზმა განსახსნელი ლოცვა, რომელიც ჩვეულებრივ წაიკითხება აღმსარებელთა ზედა კურთხევანიდგან: „უფალო, ღმერთო ჩვენი, ძეო და სიტყვაო ღმრთისა ცხოველისაო, მწყემსო და კრავო“, და მოიხსენა სახელდობრ სიიღამ ცოცხალნი, ვინც ჩაწერილ იყვნენ. შემდეგ წაიკითხა ეგრეთვე მიცვალებულთა სახელები და მათთვისაცა წაიკითხა მთავარ-ეპისკოპოზმა რუსულს ენაზედ ლოცვა, რომელიც ჩვეულებრივ წარიკითხების მიცვალებულზედ ანდრძის შესრულების დროს. ამ გვარს წირვას უწოდებენ „*паархитительная литургия*“, „განმხსნელი წირვა“. მშვიდობიანი კათაკმეველთათვის და შემდეგ მცირე კვერექსი სრულიად გამოსტოვეს; საღმრთოთა ძღვენთა კურთხევის ანუ განწმედის უწინარეს, მთავარ-ეპისკოპოზმა დაწესებული ლოცვა რუსულისა და ქართულის კონდაკით არ წარმო-სთქვა, და არცა არს იგი შეტანილი ახალს ბერძნულს კონდაკში: „უფალო, რომელმან ყოვლად წმიდა სული შენი ჟამსა მესამესა მოწაფეთა შენთა გარდამოუვლინენ და განანათლენ იგინი, მას, სახიერ, ნუ მიმიღებ ჩვენგან, არამედ განმიახლე მედრებელთა შენთა“. ეგრეთვე ასამაღლებელზედ: „ვმადლობდეთ უფალსა“, ბერძენნი გალობენ მხოლოდ შემდეგ სიტყვებსა: „ღირსა არს და მართალ“; ხოლო კაგრძელება ამ საგალობელისა გამოტოვებულია ბერძნულს კონდაკში.

ლოცვა ყოვლად წმიდის სულის გარდამოსვლისათვის,

საიდუმლო ზიარების შესრულებაზედ „უფალო, რომელ-  
მან ყოვლად წმიდა სული შენი ჟამსა მესამესა მოწაფეთა  
შენთა გარდამოუწლინენ“, გამოტოვებულია ბერძნულს  
ახლად გამოცემულს კონდაკში იმ საფუძველით, როგორც  
ამბობენ ბერძენთა მამანი, რომ ეს ლოცვა არ იბოვება  
წინა საუკუნეების კონდაკებშიო. მართალია, ეს ლოცვა  
არ იყო ხმარებული იოანე ოქროპირის დროსა იმისა-  
თვის, რომ ეს ლოცვა ჯერ არ იყო შედგენილი იო-  
ანე ოქროპირის დროსა. საზოგადოდ უნდა ვსთქვათ;  
რომ მღვდელ-მოქმედებანი და ლოცვანი მოციქულთა  
დროიდან თანდათან ივსებოდა და სისრულეში მოდიო-  
და წმ. მამათაგან; მაგალითებრ, იოანე ოქროპირის დროს  
არ იყვნენ შედგენილ და ხმარებულ შემდეგი საგალობე-  
ლნი: 1) მხოლოდ შობილი ძე და სიტყვა ღმერთისა; უკვ-  
დავი არსება; 2) ტროპარნი მესამე და მეექვსე გალობი-  
დან; რომელნიც წარიკითხებიან მცირე გამოსვლის დრო-  
სა; ესე იგი; წმ. სახარების გამოსვენებაზედ, რადგანაც ეს  
საგალობელი არიან შედგენილნი შემდეგ ოქროპირისა;  
3) სამწმიდა გალობა „წმიდაო ღმერთო“ იქმნა შემოღე-  
ბულ წმ. პროკლე პატრიარქის დროსა; რომელიც იყო  
ოქროპირის მოწაფე, და შემდეგ ოქროპირის უსამართ-  
ლოდ განდევნისა; მის მეექვსე მოადგილეთაგანი კონსტან-  
ტინეპოლის საპატრიარქო საყდარზედ ამავე წმ. პრო-  
კლეს შთაგონებით ბიზანტიის იმპერატორმა თეოდოსი  
მცირემ გარდაასვენებინა აფხაზეთის ქალაქ კომანიდან  
438 წელსა, სადაც აღსრულდა წმ. იოანე ოქროპირი,  
მისი წმ. ნაწილნი კონსტანტინეპოლად, შემდეგ 30 წლი-  
სა ოქროპირის აღსრულებისა; 4) წარმოთქმა ბეჯითის  
ანუ მრჩობლის მშვიდობიანისა შემდეგ სახარების წარკი-  
თხვისა; 5) საგალობელი „რომელნი ქერუბიმთა საიდუმ-  
ლოდ ვემსგავსენით“, არს შედგენილი იმპერატორ იუს-  
ტინე მცირის დროსა; 6) სიმბოლო სარწმუნოებისა, შედ-

გენილი პირველს მსოფლიო კრებაზედ 318 ღმერთ-შემოსილთა მამათაგან ნიკეას ქალაქსა 325 წელსა და დასრულებული მეორე მსოფლიო კრებაზედ 381 წელსა ქ. კონსტანტინეპოლსა. ეს მართლ-მადიდებელის სარწმუნოების აღსარება იყო შეტანილი წირვის წესში ტიმოთე პატრიარქის დროსა 510 წელსა; 7) ლოცვა სულის წმიდის გარდამოსვლისათვის, რომელიც ზევით მოვიხსენიე; 8) ქებითი საგალობელი ღვთის-მშობლისა მიმართ: „ღირს არს ჭეშმარიტად“ და „უბატონსენსა ქერუბიმთასა და აღმატებით უზესთაესსა სერაბიმთასა“; 9) საგალობელი წირვის დასრულებაზედ: „აღავსე პირი ჩემი ქებითა შენითა, უფალო“, არის შეტანილი წირვის წესში პატრიარქ სერგისა და იმპერატორ ირაკლის დროსა 620 წელს.

ეს ზემოხსენებულნი საგალობელნი და ლოცვანი თუმცა-ღა არიან შეტანილნი შემდეგ წირვის წესში, მაგრამ მცირედათაც არა სცვლიან გარეგანს წესსა ლიტურგიისას (წირვისას), რომელიც მიუღია წმ. ეკლესიას მოციქულთა დროდგან. პირველად ლიტურგიის წესის შედგენა მიეწერება წმ. იაკობ მოციქულსა, ძმასა უფლისასა, პირველს მღვდელ-მთავარს იერუსალიმის საყდრისას ეს წირვა წმ. იაკობ მოციქულისა სრულდებოდა საქართველოს ეკლესიაში მეცხრე საუკუნემდის; ხოლო იერუსალიმის ეკლესიაში სრულდება წელიწადში ერთგზის, ამ მოციქულის დღესასწაულზედ. მეოთხე საუკუნეში წმ. იაკობ მოციქულის წირვის ლოცვები, მომეტებულად საიდუმლოდ სათქმელნი, შეამოკლა წმ. ვასილი დიდმა, კესარია კაბბადუკიის მთავარ-ეპისკოპოზმა. ხოლო წმ. ვასილის წირვისა საიდუმლოდ წარმოსათქმელნი ლოცვანი შეამოკლა წმ. იოანე ოქროპირმა; წესი და რიგი კი წირვისა დაშთა სრულიად შეუცვლელად. ამ დიდთა მღვდელ-მთავართა შეამოკლეს საიდუმლო ლოცვები იმისათვის, რომ მორწმუნეთ ემძიმებოდათ ხანგრძლივ ეკლესიაში.



დგომა და ყურადღებით მოსმენა. ხოლო იოანე ოქროპირის ღრობიდან წმ. მართლ-მადიდებელს ეკლესიას უპყრია უცვალვებლად ეს საღმრთო ლიტურგია ანუ წირვა.

ამისათვის, ერთი საგალობელი ანუ ლოცვა რომ გამოაკლდეს წირვის წესსა იმ მიზეზით, რომ იგი არ იყო მოციქულთ ღროსა, რომელთაგანაც არიან შედგენილნი უმთავრესნი წესნი და ლოცვანი წირვისა, მაშინ შეიძლება სხვებიც გამოვტოვოთ, ხოლო ამ სახით სრულიად დაირღვევა წესი ლიტურგიისა, ვითარცა ოქრო-ქსოვილ ფარჩიდან ერთი ძაფი თუ გამოვაკელით, მაშინ მრთელი ქსოვილი დაირღვევა.

„მოციქულთა ქადაგება და წმ. მამათა მოძღვრება სწორად ბეჭედად სარწმუნოებისა და კვართად სამღთოდ ღმრთის-მსახურებისა ქრისტეს ეკლესიასა ბრწყინვალედ ჰმოსიეს, და მართლ-მადიდებლობით აღიდებს დიდსა და უბიწოსა ღმრთის-მსახურების საიდუმლოსა“ (კონდაკი: კვირიაკესა სამას ათრვამეტთა ღმერთ-შემოსილთა მამათა ნიკელთა).

შემდეგ წირვის შესრულებისა ქრისტეს საფლავზედ, დიდი პანაშვილი გარდავიხადეთ გოლგოთაზედ მოსახსენებლად პირველ გარდაცვალებულთა მამათა და ძმათა, სარწმუნოებით და სასოებით აღდგომისა აღსრულებულთა. ამ პანაშვილში მიიღეს მონაწილეობა სამმა მღვდელმთავარმა, ექვსმა არქიმანდრიტმა, ოცამდე—იღუმენმა, ორმა დეკანოზმა, ერთმა ქართველმა და მეორემ—რუსმა, და მღვდელ-მონაზონთა. მთავარ-დიაკონი წარსდგებოდა თითოეულის ეპისკოპოსის და არქიმანდრიტის წინაშე და კურთხევანიდამ ჰგალობდნენ სძლისპირებს მუხლებითურთ. დილის ხუთს საათზედ გამოვედით ეკლესიიდან, ცისკრისა, წირვისა და პანაშვილის შესრულების შემდეგ. ამ დამისთევამ ქრისტეს აღდგომის ტაძარში, სადაც არს ქრისტე მაცხოვრის ცხოველ-მოსილი საფლავი და გოლგო-

თაც—ქრისტეს ჯვარცმის აღგილი, დიდად იმოქმედა ჩემ-  
ზედ, რადგანაც თვალით ვიხილე და ყურით მოვისმინე  
სარწმუნოებრივი გრძნობა რუსთა მდაბიო ერისა, ცხადად  
გამოჩენილი ამ ღამეს გოლგოთის წინაშე, სადაც ყოველ-  
ნი ღამსწრე მლოცავნი ერთგულად ისმენდნენ და ერთ-  
ხმად ჰგალობდნენ მოხუცნი ჰაბუკთა თანა, მამრნი და მდე-  
დრნი, დაუჯდომელთა ვნებათა უფლისათა, ცხოველ-მყო-  
ფელის საფლავისა და უფლისა აღდგომისასა, ღვთის-მშო-  
ბელისა, და წმ. მღვდელ-მთავრის ნიკოლოზ საკვირველ-  
მოქმედისასა, ღამის 8 საათიდან შუალამის 12 საათამდე.

### წიგნა მის უნეტარესობის იერუსალიმის პატრი- არქისა.



ენისის ნ-ს, კვირას, სულის წმიდის გარდამოსე-  
ლის დღესასწაულს, ვიყავ თანაწირველი მის  
უნეტარესობა დამიანე პატრიარქთან მისისავე წინადა-  
დებით; წირვა შესრულდა ქრისტე მაცხოვრის საფ-  
ლაზედა. მისს უნეტარესობას მიეგებნენ შემოსვლა-  
ზედ ჯვარითა, სახარებითა, აღდგომისა და დღესას-  
წაულის ხატებითა; შემობრძანდა ეკლესიაში დიდის  
გამოჩენით. წინ მოუძღოდა დიდი ჯვარი დროშის სა-  
ხედ, მას მოსდევდნენ კავასნი ყავარჯენებით, თავ-დაბუ-  
რულნი წითელის ფესკებით. ამ შემთხვევაში ბერძენთ ავი-  
წყდებათ მოციქ. პავლეს მოძღვრება: „ყოველი მამა კაცი,  
რომელი ილოცვიდეს თავ-დაბურვილად, არცხვენს თავსა  
თვისსა. და ყოველი დედაკაცი, რომელი ილოცვიდეს  
თავ-დაუბურველად (თავ-დაუხურავად), არცხვენს იგი თავ-  
სა თვისსა; რამეთუ ერთ არს, და იგივე არს დაყვენილიცა  
იგი.(თავ-მოპარსული)“ (1 ეპისტ. კორინ. II თ. 4—7). უკან  
შეუღლებოდნენ მას მთავარ-ეპისკოპოსნი; შეიმოსა წითელის  
ხავერდის მანტიით. შემოსვლისათანავე დავარდა და ამ-

ბორსუყრ ლოდსა ნელსაცხებელისასა, რომელზედაც იოსებ და ნიკოდიმოსმა, ფარულთა მოწაფეთა ქრისტესთა, შემურეს ყოვლად უხრწნელი გვამი მისი და შემდეგ დასდევს საფლავსა, რომელი გამოკვეთილ იყო მტილსა შინა იოსებისასა. ეკკლესიაში შემობრძანდა პატრიარქი დილის შვიდს საათზედ. თაყვანის-ცემის შემდეგ დიდს საკრებულო აღდგომის ტაძარში, დაჯდა იგი მარჯვენა მხარეს, საშუალ ეკკლესიისა, მაღალს დასაჯდომელზედა და წარესდევით მის წინაშე მეტანიით და მივიღეთ მისგან კურთხევა; და შემდეგ დაიწყეს ჩვეულებრივი შემოსევა პატრიარქისა; მკერდსა ეკიდა მას ორი პანაგია; თანამწირველად მისა იყვნენ ამა სამების დღესასწაულზედა ერთი მიტროპოლიტი, ერთი მთავარ-ეპასკოპოზი, ორი არქიმანდრიტი, ორი დეკანოზი, ერთი რუსი და მეორე ქართველი, სამიც მღვდელი, მათ შორის ერთი არაბთაგანი და ორიც ბერძენი. მღვდელ-მთავარნი და არქიმანდრიტნი უმიტროდ იყვნენ წირვაზედ, მხოლოდ იყვნენ თავდაბურულ ბარტყულებითა. სხვა ბერძენთა სამღვდლოებას ჩვეულებრივ თავზე ჰხურავს შავი კამილაკები, განურჩევლად ხარისხისა. სახარება და სამოციქულო წაიკითხეს ამ დღეს სამს ენაზედ: ბერძნულად, არაბულად და სლავურად. სლავურს ენაზედ სახარების კითხვის დროს არხიდიაკონი მოიქცა აღმოსავლეთად, ხოლო ბერძნულისა და არაბულის კითხვაზედ დასავლეთად იქმნა მიქცეული ერისადმი. ბარძიმსა და ფეშხუმსა ეფარა ოქროს ხუფები დიდს გამოსვლაზედ, ხოლო დიდი დაფარნა გადააფინეს ზურგზედ არხიდიაკონსა და შეუკრეს წინადამ ლენტით. ქერუბიმთა საგალობლის დროს თვით პატრიარქმა უკმრთა საკურთხეველში, და გარეთ ერსაც. დიდს გამოსვლაზედ საღმრთო ძღვენით გარე შემოვუარეთ ქრისტეს საფლავის სამლოცველოს. დიაკონად ხელდასახმელი, ტრაპეზისა გარემო სამეზის შემოვლისა შემდეგ, ტრაპეზის წინ, შუაზედ დააყენეს და არა

მარჯვენით კუთხეზედა, ვითარცა მიღებულია წესად რუსეთის ეკკლესიაში. ხელდასხმის ანუ კურთხევის ყამსა ომოფორის ქვეშ ეპყრა ხელნი პატრიარქსა თავსაზედა ხელდასახმელისასა. ახლად ხელდასხმულ დიაკონმა წირვაზედ შუა ეკკლესიაში წაიკითხა სამსახურის სია თვისის შთამომავლობისა, სწავლისა და სამსახურისა და მოიხსენა, რომ იგი იაპონიის მისსიაში მიდის ქრისტეს სარწმუნოების საქადგვებლად.

ბერძენთა პატრიარქს ქ. იერუსალიმში, სული წმიდის გარდამოსვლის დღესასწაულზედ, როდესაც მე თვითონ თანამწირველ ვიყავ მისის უნეტარესობისა; ხელდასხმის დროს ხელნი ეპყრა თავზედა დიაკონად საკურთხებელისა და ხელთა ზემოდან ეფარა ომოფორი, ჩემის აზრით, ეს კანონიერი უნდა იყოს, რადგანაც აღყვანებას სამთავე უმთავრესს სამღვდელო ხარისხზედა ეწოდება ხელდასხმა, рукоположение, ბერძნულად „ხაროტონა“, რაიცა პირდაპირ ჰნიშნავს ხელის დადებასა. ამისათვის საიდუმლო მღვდელობისა იწოდების — ხელდასხმად, ვითარცა საიდუმლო ქორწინებისა იწოდების — წესად დაგვირგვინებისა, რადგანაც გვირგვინთა დადებანი თავზედა სოძისა და სხსლოისა არის უმთავრესი წესი ამ საღმრთო მოქმედებაში.

ბარძიმ-ფეშუმის გამოსვენებაზედ ეგრეთვე მოიხსენა პატრიარქმა ცოცხალნი და მკვდარნი ლოცვების წაკითხვით რუსულს ენაზედა, ვითარცა ზევით იყო თქმული მთავარ-ეპისკოპოსისაგან წირვის შესრულება.


წირვის შემდეგ იწყო მწუხრი, რომელზედაც პირველდაწყებითი ფსალმუნი „აკურთხევს სული ჩემი უფალსა“, წაიკითხა პატრიარქმა სრულიად ზებირად, პირმიტცეულმა ერისაჲენ. მწუხრზედ ამ დღეს დაესწრო ყოველივე სამღვდელოება იერუსალიმისა: წ მღვდელ-მთავარი, რვა არქიმანდრიტი. პირველი ლოცვა მუხლ-მოდრეკით წაეკო

თხა პატრიარქმა ბერძნულად; მეორე ლოცვა რუსულად — მელეტი მთავარ-ეპისკოპოზმა და მესამეც — მოხუცმა მღვდელმა — არაბულად — თავისს სამშობლო ენაზედ, გრძნობიერად. წირვა მწუხრით დასრულდა დილის ათს საათზედ. წირვისა და მწუხრის შემდეგ პატრიარქი გამოაცილეს დიდებით თავისს სასახლემდის ქვევითად, რადგანაც ქუჩის სივიწროვის გამო ეტლი ვერ გაივლის ამ ადგილას; წინ მიუძღვარებდნენ დიდს ჯვარსა დროშასავეთ, ყველაზედ წინ მიუძღოდნენ კავასები, ჩვენის ჟანდარმების მსგავსად, წესის დასაცველად გზაში; ეკკლესიაშიაც ამ მოვალეობას ასრულებენ კავასნი.

წირვის შემდეგ შევედით პატრიარქთან დღესასწაულის მისალოცავად; იგი ბრძანდებოდა მალალს დასაჯდომელზედა სამეფო ტახტის მსგავსად. პატივი გვცეს ჩვეულებრივ შარბათით და ყავით; სამღვდლოებასთან მიულოცეს პატრიარქსა მრავალთა ერისაგანთაცა.

### ადგილი საიდუმლო სერობისა.

**მ**ვიდს ივნისს მოვიხილე სიონის ქორი (სამლოცველო სახლი მალლა სართულში); ეხლა აქ სდგას ოსმალთა მეჩეთი და პირველ დროს კი ყოფილა პირველ ქრისტიანეთა ეკკლესია სიონისა. აქედან არის კეთილ-მოწიწების მიბაძვით აღებული სახელ-წოდება სიონისა, რომლის სახელზედაც საქართველოში რამდენიმე შესანიშნავი ტაძარია აღშენებული. ამ მეჩეთში, ძველად სიონის ქორში, არიან საფლავნი დავითის, სოლომონის და სხვათა მეფეთა ისრაელის ერისათა. აქ იყო იგი „დიდი, დაგებული“, განმზადებული ქორი, რომელშიაც შესრულებულ იქმნა საიდუმლო სერობა; აქ მაცხოვარმან დაჰბანნა ფერხნი მოწაფეთა თვისთა და წინასწარ-ეტყოდა მათ ნებისით ვნება-



ბათუმის ქალაქი

იერუსალიმი ქრისტე შაცხოვრის კვენიურის ცხოვრების დღეთა შინა.

და თვისთა, და დაამტკიცებდა სარწმუნოებასა და სიყვარულში; აქედან გამოვიდა იგი მოწაფეებითურთ გეთსიმანის მტილსა (ბაღსა). აქ იყვნენ შეკრებულ მოციქულნი „შიშისათვის ურიათასა დახშულის კარებით“, და უფალი გამოეცხადა მათ შემდეგ აღდგომისა თვისისა. დახშულის კარებით, ანუგეშებდა მათ და გარდასცა მადლი სულისა წმიდისა; აქავე მეორეგზის გამოეცხადა იგი, რათამცა დაერწმუნებინა მოციქული თომა თვისსა აღდგომაზედ; აქავე გავარდნილის იუდა გამცემელის მაგიერ იყო წილით აღრჩეულ მოციქულად მატათან; აქ ღღესა მეერგასესა (მწ) გარდამოვიდა სული წმიდა მოციქულთა ზედა, სახითა ცეცხლისა ენათა. უწინარეს სულის წმიდის გარდამოსვლისა სიონის ქორში იყარეს წილი ათორმეტთა მოციქულთა და ყოვლად წმიდა ღვთის-მშობელმან, ვის რომელს მხარეს შეჰხვდებოდა ქადაგება სახარებისა. და ამ წილის ყრით დედასა ღმრთისასა ერგო წილად ივერია—საქართველო. ამავე სიონის ქორში წმ. იაკობ მოციქული, ძმა უფლისა, წოდებული მცირედ, იყო დადგენილ პირველ ეპისკოპოზად იერუსალიმისა. აქ შესდგა პირველი მოციქულთა კრება ქ. იერუსალიმსა; აქ შეასრულა წმ. იოანე მხარებელმა პირველი წირვა ყოვლად წმიდა ღვთის-მშობელი-სათვის; აქა სცხოვრებდა 24 წლის განმავლობაში ყოვლად წმიდა დედა ღმრთისა საფარველსა ქვეშე თავის ძისა პირველის ეკლესიისასა და აქავე დაასრულა თვისი ქვეყნიური ცხოვრება. ხოლო მეორე ნაწილი სიონისა, რომელიც განიყოფება ქვითკირის გალავანითა, დანიშნულია სასაფლაოდ ქრისტეანეთა, განურჩევლად აღსარებისა, ეროვნობისა და წოდებისა.

იერუსალიმში არაბთ მღვდელთ მიუთვისებიათ ის უფლება, რომ უკეთეს სხვა ეროვნების მართლ-მადიდებელი ქრისტეანე გარდაიცვალა, პატრონი მიცვალებულისა მიუცილებლად ვალდებულია მიიწვიოს ანდერძის წესის

შესასრულებელად არაბთაგანი მღვდელიც. არაბთა მღვდელთავე კვალადცა აქვთ მეორე უფლება: როდესაც იერუსალიმის რომელსამე ეკლესიაში შესრულდება ტაძრის დღესასწაული, მაშინ არაბთაგანი მღვდელიც უმკველად მონაწილეობას იღებს ღვთის-მსახურებაში და ამ ერთის დღის შემოსავალი საწირავი მის კუთვნილებას შეადგენს.

7 იენისს, ორშაბათს, სულის წმიდის დღეს, ვიყავ კვალადცა თანამწირველ პატრიარქისა რუსთა მისიის სამების საკრებულო ტაძარში. ამ დღეს თანამწირველად პატრიარქისა იყვნენ ორი არქიმანდრიტი, რრი დეკანოზი და 12 მღვდელი და მღვდელ-მონაზონი. ეკლესიაში შემოსვლაზედ მივეგებენით პატრიარქსა შემდეგის წესით: რუსთა არქიმანდრიტი, წინამძღვარი ამ მონასტრისა-ჯვართა, შუაში მდგომარე, ბერძნის არქიმანდრიტი—დღესასწაულის ხატითა მარჯვენით, და მარცხენით მე—სახარებითა. პატრიარქის შემოსვლაზედ რუსთა არქიმანდრიტმა გამოიტანა პატრიარქის მიტრა, ბერძნისამ—ომოფორი, მე მივართვი ენქერი, რუსის დეკანოზმა—ბისონი, სხვებმაც დანაშთენნი შესამოსელნი. წირვაზედ, შემდეგ „ღირს-არსისა“ ანუ დღესასწაულის მეცხრე სძლისპირისა, ბერძენთა ეკლესიაში მიღებულთა შემდეგი წესი: დიდის ლანკანით მოართმევენ პატრიარქსა ანუ სხვა უბირატესს მწირველსა სეფისკვერთა მრთელთა და დაჭრილთაც; უბირატესი მიიღებს ხელშე ლანკანსა ანუ სინსა და მით გამოახავს ნიშანსა ჯვარისასა წმ. ძღვენთაზედა, შემდეგ დასწერს ჯვარსა ლანკანსა, სეფისკვერებით სავსესა, აიღებს რაოდენსამე ნაჭერს სეფისკვერისას და შეეხება მით ბარძიძსა, და შემდეგ გარდასცემს ლანკანსა დიაკონსა, რომელმაც მოართვა იგი, და ერთს ნატებს სეფისკვერისას მასთანავე უბოძებს მას.

ამ წირვის დროს ჰვალობდა ორი გუნდო; საპატრიარქ-



რქო ხორო—ბერძნულად და მონასტრის საერო წოდების მგალობელნი—რუსულად. სახარება და სამოციქულო ჯერ ბერძნულად წაიკითხეს და შემდეგ სლავურად. პატრიარქი და არქიმანდრიტები ბერძნულად ამბობდნენ ასამაღლებელთა და სხვა სამღვდელონი სლავურად. ასამაღლებელნი რიგზედ სათქმელნი ყველას შეგვხდა. მე შემხვდა მეორედ ასამაღლებელი: „და ღირს მყვენ ჩვენ, მეუფეო, კადნიერებით დაუსჯელად კადრებად და ხდად (მოწოდებად) შენდა ზეცათა ღმრთისა მამისა და თქმად“.

ამ მონასტრის საკრებულო ტაძარში არის სამაგალითოდ მოწყობილი სალარო: თითოეულ შკაფში განსაკუთრებით აწყვია ფილონები, მეორეში—ოლრები, მესამეში—სტიხრები და სხვა. ოცი წყვილი სამღვდლო და სადიაკონო შესამოსი არის; აგრეთვე არის საღმრთონი ქუჩქელნი ოქროსი და ვერცხლისა ცხრა წყვილნი. რომელნიმე მათგანნი ძვირფასნია და შემოწირულ სამეფო პირთა რუსეთის საიმპერატორო სახლისათა.

წირვის შესრულების შემდეგ, მ. არქიმანდრიტმა რაფაელმა, რუსთა მონასტრის წინამძღვარმა შეიწვია თავის სადგურში ჩაიზედ მისი უნეტარესობა და მწირველნი სამღვდელონიც. დარბაზში იყვნენ, სამღვდელოების გარდა, რუსის კონსულის სახლობა, მდივანი კონსულისა და დრაგომანი მისივე. მისმა უნეტარესობამ მიბრძანა ჩაის ტროს: როგორ მოგწონს ჩვენი ქალაქიო? მე მოვახსენე: ვმადლობ ქრისტე მაცხოვარსა, რომელმან აკურთხა სლვანი ჩემნი და ღირს-მყო ხილვად წმ. ქალაქის იერუსალიმისა, და თაყვანისცემად ცხოველს-მყოფელის თვისის საფლავისა. შემდეგ ბრძანა: „ტფილისში შევისწავლე ქართული ენა და აქ დამავიწყდა და მცირედ-ლა მესმის: როგორ მშვიდობით ბრძანდებით?“ მე უმდაბლესად მადლობა მოვახსენე ეგვეითარის მამობრივის სათნოყოფისა და ყურადღებისაფვისა ჩემდა მომარტ.

ყოველს პარასკეობით იერუსალიმში მცხოვრებნი ებრაელნი შეიკრიბებიან გლოვის ადგილსა მახლობლად სიონისა, ქალაქის გაღავნის წინაშე, რომელშიაც დღემდის მოიპოვებიან ლოდნი დროთაგან აღშენებისა სოლომონის ტაძრისა, უწინარეს ქრისტეს შობისა ათას ორმოც წელთა (1040), და აქ ტირილ-გოდებით წარმოსთქვამენ შემდგომს მუხლებსა:

სასძლოთათვის (вертовъ), რომელნიც არიან დაქცეულ,

ტაძრისათვის, რომელიც არს დანგრეულ,  
ზღუდეთათვის, რომელნიც არიან დარღვეულ,  
დიდებისათვის ჩვენისა, დაღუბილისა,  
დიდებულთა მამაკაცთათვის, დაცემულთა აქ,  
უძვირფასესთა საუნჯეთათვის ჩვენთა, დამწვართა აქა,  
მღვდელთათვის ჩვენთა, რომელთაც შეურაცხ ჰყვეს  
ეს საკურთხეველი...

მსხდომარე ჩასკუბებით ერი თითოეულს მუხლზედ მოსთქვამს: „ჩვენ აქ ვსხედვართ და ვსტირთ“.

შემდეგ წინამდგომელი აღიმაღლებს ხმასა და განაგრძობს: „გვედრებით შენ, მოწყალე იქმენ სიონზედა“.

ერა. შეკრიბე ძენი ისრაელისანი.

წინამდგომელი. ისწრაფე, ისწრაფე, გამომხსნელო სიონისაო!

ერა. უთხარი სიხარული იერუსალიმსა.

წინამდგომელი. რათამცა დიდება და დიდებულება დაგვირგვინებდენ სიონსა.

ერა. ჰოი, იყავნ მოწყალე იერუსალიმისა მიმართ.

წინამდგომელი. რათა კვალადცა გამოჩნდეს სუფევა სიონსაზედა.

ერა. ნუგეშ-ეც მტირალთა იერუსალამისათვის.

წინამდგომელი რათამცა მშვიდობა და ბედნიერება შემოვიდეს სიონსა ზედა.

ერა. და კვერთხი იესესი აღყვავდეს სიონსა ზედა.

პარასკეობით შეკრებიან, ამისაფვის რომელ ამ დღეს იყო აღსასრული მათის ეროვნულის არსებობისა, ამ დღეს მოჰხდა იუდიანთა სრული დამხობა, სოლომონის ტაძრის დარღვევა და დაწვა და გარდასახლება მათი ბაბილონს ტყვეობაში. ეს უბედურება ეწვია მათ უწინარეს ხუთასის წლისა ქრისტე მაცხოვრის შობამდის. ხოლო მეორე გზის დამხობა იერუსალიმისა და დაწვა ზორობაბელის ტაძრისა, რომელშიაც ჰქადაგებდა ქრისტე მაცხოვარი და რომლისა დარღვევაც და დამხობა იერუსალიმისა წინასწარ-სთქვა თვით უფალმა იესო ქრისტემ, უწინარეს თავის ჯვარცმისა, როდესაც მხილველი ზეთისხილის მთიდგან „ქსტირია და მსხუდა და იტოდა, ვითარმედ შეეშენა კაენა შენ და ეს ამას მშვიდობად შენდა; ხოლო აწ დაუფარა იგი თვალთავს შენთა რამეთუ მოფლენან დღეი შენზედა, და მოკადგან შენ მტრთა შენთა დაშაწი, და გარემოკადგენ შენ, და შეკავიწროონ შენ უოკლით კერძო; და დაკარდვიონ შენ, და შეიღწი შენნი შენ შორის დაგნენ, და არა დაჰშეს ქვა ქვესაზედა შენ შორის, ამისთვის რამეთუ არა გულის-ხმა-ჰყუა უამი მოხედვისა შენისა (ლუკ. 19; 41—44). არა წარხდეს ნათესავი ესე, ვიდრემდე ესე უოკლი იფოს (ლუკ. 21, 32). წინასწარმეტყველება ესე აღსრულდა 70 წელსა შემდეგ ქრისტეს შობისა ანუ უფლისა მაცხოვრის ამალღების შემდეგ 36 წ. ვითარცა პირველი დაქცევა იერუსალიმისა და დაწვა სოლომონის ტაძრისა ნაბუქოდონოსორის მიერ, ქალდეველთა მეფისა, 500 წლის უწინარეს ქრისტეს შობისა, ეგრეთვე მეორე გზის დამხობა იერუსალიმისა და დაწვა ზორობაბელის ტაძრისა რომაელთა კეისრის ტიტუს მიერ, მოჰხდა ათსა აგვისტოსა პარასკევსა დღესა. ამით უნდა სცნან ურიათა, რომ ეს სრულიადი მათი ეროვნული დამხობა, შემუსრვა იერუსალიმისა და წმიდა ტაძრისა, და გაფანტვა მათი ყოველთა კიდეთა ქვეყანისათა ეწვია მათ განგებულებისაგებრ ღვთისა, უსჯულმოებისა და ურწმუნოებისათვის მათისა. პარასკევი არს დღე იგი, როდესაც ბილატემ უთხრა ურიათა იესო

ქრისტეზედ: „უბრალო ვარ მე სისხლისაგან მაგის მართლისა; თქვენ იხილეთ. და მიუგო ყოველმან ერმან: „სისხლი მაგისი ჩვენზედა და შეილთა ჩვენთა ზედა“ (მათ. 27; 24, 25). ამავე პარასკევს დღესა გამომხსნელმა ქვეყანისამ, მათ მიერ ჯვარცმულმა, განუტევა სული თვისი ჯვარსაზედა, მვედრებელმა ზეციერისა მამისა მიმართ: „მამაო! მიუტევე ამათ, რამეთუ არა იციან, რასა იქმან“ (ლუკ. 23, 34).

7 იენისს, ორშაბათს, საღამოს ხუთ საათზედ, ჩემის თანამოგზაურით რუსის დეკანოზით წარვემართენით ეტლითა ქ. ბეთლემს და მივედით იქ ერთის საათის განმავლობაში; იგი პშორავს იერუსალიმს ათს ვერსამდის. დაგბინავდით ბერძენთა მონასტერში, რომლის წინამძღვარმა მთავარ-ეპისკოპოზმა სტეფანემ მიგვიღო და გამოგვკითხა ჩვენი ვინაობა. პირველსავე შეხვედრაზედ წინადადება მოგვცა, ჩავვეწერა დავთარში ჩვენნი ცოცხალნი და მკვდარნი მოსახსენებლად წირვაზედა და ჩვენცა შეძლებისაებრ მივართვით საწირავი. შევედით ეკლესიად, თაყვანი-ვეცით ქრისტე მაცხოვრის შობის აღდილსა ანუ ქვაბსა, რომლისა თაზედაც არს ბერძენთა სამწირველო; ამ ტრაპეზის ქვეშ არის ვეცხლით მოჭედილი აღგილი ვარსკვლავის სახედ შემდეგის ზედწარწერითა: „აქ იშვა მაცხოვარი ქვეყანისა უფალი იესო ქრისტე“. მლოცავნი დავარდებიან და თაყვანისცემენ ამ წმიდა აღდილსა. 1850 წელსა ამ ტრაპეზისათვის შემოსწირა ფრანგთა იმპერატრიცამ ევგენიამ ძვირფასი ოქროთ ნაკერი ფარდა, ღირებულნი რავდენიმე ათას მანეთად. ეს ფარდა მოიპარეს და ამ შემთხვევამ გამოიწვია დიდი ამბოხება აღმოსავლეთის ომის უწინარეს. ამავე ტაძარში მარჯვენით, ორის ნაბიჯის სიახლოვეს, თაყვანი-ვეცით ბავასა, რომელსა შინა მიიწვინა ყრმა ახალი, ქრისტე იესო, პირველ საუკუნეთა ღმერთი; ეს წმ. ბაგა შეადგენს ფრანგთა სამლოცველოს, ხოლო მარცხნივ არს სომეხთა სამწირველო.



მთაწარის მთა.

ზეთის-ხიდის მთა.

ბ ე თ ლ ე მ ი.



ურთხეული საუკუნიდგან ქალაქი, რომელსა შინაც თვით ღმერთმან, დამბადებელმა მსოფლიოსა, სათნო იჩინა ხორციელად გამოცხადება ცხოვრებად ქვეყანისა ყოვლად წმიდისა ქალწულისა მარიამისაგან, არის მითს გრეხილის ფერდობზედ დაშენებულ დაშვებულს ვაკეზედ. იგი აშენებულია სამხრეთით იერუსალიმისა ორის საათის მანძილზედ. საღმრთო წერილში იგი იწოდება ბევრნაირად: „ბეთლემი“, „ბეთლემი იუდეანთა“, გასარჩევად ბეთლემისა გალილიეანისა, რომელიც ეკუთვნოდა ზაბულონის ტომსა; „ევფრათა“, ანუ „სახლი ევფრათა“, თვისის არა ჩვეულებრივის ნაყოფიერებისათვის, ვინაიდგან ევფრათა ებრაულად ჰნიშნავს ბარაქიანობას, ნაყოფიერობას; იწოდება ეგრეთვე „ქალაქად დავითისა“, ვითარცა სამშობლო წინასწარმეტყველისა და მეფისა დავითისა. ბეთლემი ურიულად ჰნიშნავს — სახლი პურისა. ეს სახლი პურისა გამოსჩნდა სახლად კურთხევისა და მადლისა ღვთაებრივისა, რომელიც აღმოგვიცენდა დავრდომილს კაცობრიობას აქ განხორციელებითა მხოლოდშობილისა ძისა ღვთისათა. .და შენ, ბეთლემ, ქვეყანა ეგე იუდასი, არა სადა უმრწემეს ხარ მთავართა შორის იუდასთა: რამეთუ შენგან გამოვიდეს წინამძღვარი, რომელმან დაჰმწყსოს ერი ჩემი, ისრაილი“ (წინასწარ. მიქ. 5, 2; მათ. 2, 6).

მეორე საუკუნის დამდეგს, შემდეგ ქრისტეს შობისა, ბეთლემში კვლადცა იყვნენ ურიანი: ევარესტ, რომთა პაპი, იყო ნათესაობით ბეთლემელი ურია. გარნა იმპერატორმა ადრიანემ სსსტიკის ბრძანებით აღუკრძალა ებრაელთა დასახლება და ცხოვრება ბეთლემში; და ესლა არ მოიპოვება ბეთლემში არც ერთი ურია. პირველი ტაძარი ქრისტეს შობის ადგილზედ აღაშენა ნეტარმა ელენა დედოფალმა, რომელიც შემდეგ დაქცეულ იქმნა სარკი-

ნოზთაგან და მეხუთე სჭუკუნტში განზახლა ის ტადარი იუსტინიანე კეისარმა.

მცხოვრებნი აწინდელის ბეჭლევისა, რიცხვით ექვსი ათასამდე, მომეტებული არიან ქრისტიანენი; მანგან ნახევარზედ მომეტებული არიან მართლ-მადიდებელნი არაბნი, დანარჩენნი—ლათინები, სომხები, კობტები და მეოთხედი ნაწილიც მაჰმადიანნი. უმთავრესს წარმოებას ბეთლემის მცხოვრებელთა შეადგენს ხენა თესვა პურისა ღაპირუტყვთა მოშენება, ხოლო კერძობითად კეთება კრალოსანთა, ჭვართა, ხატთა, სამაჯურთა სადაფისაგან, შეკრება ფერაღ ფერადთა ადგილობრივთა ყვავილთა გაზაფხულზედა, ხელოვნებით გახმოზა მათი, ჯსრე რომ ბუნების სიმშენიერეს არ მოაკლდებიან ღა შემდეგ ალბომებად მოამზადებენ მათ. ყოველსა ამა ხელოვნების ნაწარმოებსა მჭობად ყბდულობუნ მისულნი უცხოეთით მლოცავნი. ბუნებითნი წარმოებანი ბეთლემისა არიან: ზეთი, მომზადებული ზეთისხილიდამ, ლეღვი, პროწყული დმ განსაკუთრებით ღვინო. საზოგადოდ პალესტინაში მოღდის ტკბილი ღვინო, რომელსაც მიწის გემოც მოსდევს, რადგანაც ვაზს სარი არ უდგას, და ყურძენი მიწას ეხება, და ამისათვის მისი დაღვევა ჩვენებურს კაცს ემძიმება, თუ წყალით არ შეაზავა. ნამდვილად ამგვარს ღვინოს თვისება გამოიხატება, როდესაც მეგრუასესა დღესა, შემდეგ ქრისტეს აღდგომისა, სული წმიდა გარდამოვიდა მოციქულთა ზედა და მათ სხვა და სხვა ენათა ზედა იწყეს დიდება ღმრთისა, ხოლო რომელნიმე წარმართნი „ეკატხუკუს ღა იტყოდეს, გახანმედ ტბილთაგან სასე ანან იგინი“, ე. ი. მოციქულნი (საქ. მოციქ. 2, 13); „განაიდგან ვერ გუდან-ხმ. ჰევეს წანანთთა მოციქულთა ზედა მოსრული მალე სეჰლასა წმადისა ღა მოკად-საგანებელ აქმნეს იგინი უცხოთ მანხენს უნათ“ (სტრქარონსა ზედა დასდებელი კვირიაკესა შეეკრეს სისასა მწუხრად). ტხმოთე მთავარ-ეპისკოპოზი გარდმო-

გვცემს, რომ ქართველებს მე-18 საუკუნეშიაც კვალბდცა ჰქონდათ ზეთლეშის ქრისტეს შობის ეკკლესიამ ტრაპეზნ მღვდელ-მოქმედებისათვის.

ესილი დიდი თვისი შეწირვის ქაღახებაში ქრისტე მაცხოვრის შობის დღეზედ, ლეთის-მშობლის პირით, ეს-რეთ ამბობს: „რაიმე სახელაჯდვა შენ, საყვარულო ჩემო? ჭითარ უნდა გრწოდარ შენ? მრმაკვდავად? ვარნა მუცლად გრღე შენ გარდამოსვლითა წმინდისა სულისათა. ღმერთად? შაგრამ შენ გმოსრა ქაცობრივი სხეული.

ვითარ უნდა მოვიქცე მე შენს წინაშე? „ახანამდებვარ მე მოგიახლოვდე შენ კმევითა გუნდრუკისათა, ანუ წინა-დაგიდვა შენ საზრდად რძე ძუძუთავან ჩემთა? ვალდე-ბულ ვარა მე მქონდეს შენზედ ზრუნვა, ვითარცა თვიბ ნაზსა დენასა, ანუ ვალდებულ ვარ გემსახურო შენ, დავარდნილმა შენს წინაშე მტვრად: აი საკებრველები წინა-ღმდეგობა (противоположности): ცა შენი სამკებრებელია, ხალო მე ნანათი შევაქცევ შენ ჩემს მუხლგზზედა!“

ქრისტე მაცხოვრის შობის ადგილზედ ბეთლემის ტაძარში თაყვანისცემს დროს მომაგონდა ზემოხსენებულნი ღვთივ-შეწირენი სიტყვანი მსოფლიო მოძღვრისა და დღის მღვდელ-მთავრისა ესილისა.

**„რძინი მღვიმე ყოვლად წმიდისა ღვთის-მშობელინა.**



რას ნაბრჯზედ აღმოსავლეთის მხრივ ბერძენთა მონასტრისაგან ზეთლეშში მდებარებს პატარა მღვიმე, გამოკვეთილი კლდეში, სიგრძით ორსა საყენი, სიგანით საყენი და ნახევარი და სიმაღლით ერთი საყენი. შესაყალი მღვიმეში არს ჩრდილოეთის მხრით კბით 18 საყენ-ხურით: ეს გამოქვაბული შეადგენს საკუთრებასა ფრანგთა მონაზონთასა (ბერებისას) და უწოდებენ მას: „ქვაბი ღვთის-





მშობელისა და რძიანი მღვიმე<sup>4</sup>. ამ მღვიმეში ყოვლად წმიდა ქალწული პირველ საუკუნეთა ყრმითურთ მიეფარა დევნულებისაგან იროდისა, როდესაც წმიდა სახლობა ივლტოდა ეგვიპტედ, ვიდრემდის მართალი იოსებ იყილდა ბეთლემში სამგზავროდ საჭირო საქმელსა საგზლად.

მოუთხრობენ, რომ როდესაც ყოვლად წმიდა დედა ღვთისა აწოვებდა ღვთაებრივს ყრმას იესო ქრისტესა, მაშინ რამდენიმე წვეთი მის რძისა დავარდა ძირს და ამისათვის ქვას ამ მღვიმეში აქვს მოთეთრო რძის ფერი. ამას ფხეკავენ და განაზავებენ წყალში, რომელიც გარდაიქცევა თეთრად, ვითარცა რძე, აკეთებენ ნაძირალისაგან კვერის ხშიადის მსგავსს, რომელსაც უწოდებენ „რძედ ღვთის-მშობელისა“ ანუ „დაბეჭდილ მიწად“, ვინაიდან ამ კვერიებზედ, რომელთაც მრავლად მიეზიდებიან ევროპაში გასასყიდელად; დაბეჭდილია ჯვარი ანუ ასო მ (მარიამ).

გალესილნი წყალში ეს კვერიები, ამობობენ, შველიან მშობიარეთა ძნელის მშობიარობის დროსა. როდესაც საჭიროება მოითხოვს, ამ სახედ მოიქცევიან: კვერიას ჩაუშვებენ სტაქან წყალში სამს ანუ ოთხს წამს, და როდესაც წყალი გათეთრდება, კვერიას ამოიღებენ, გაანმობენ და შეინახავენ სახმარებელად მეორე გზის, ხოლო წყალს დაჰლევენ.

### ღელე მწყემსთა.

 მოსავლეთით ბეთლემისა, გაივლით რა ნაყოფიერს ვაკესა, რომელიც იყო მინდორი ბოოსისა და მასზედა ოდესმე რუთ შეჭკრებდა თავთავსა, მარჯვნივ მხარეს გზისა სძევს არაბთა სოფელი „ბეთ-სახურ-ელნასასარა“, რომელიც დასახლებულია მარდლ-მადიდებელთა მიერ. ესენი შეადგენენ 500 სულამდის. მარცხენით ამ სოფლისა გადაშლილა ნაყოფიერი „ღელე მწყემსთა“, რომელზედაც



გეთსიმანის მტელი (ბალი).

ღვთაებრივს ღამეს იესო ქრისტეს შობისას ღარიბნი მწყემსნი ელირსნენ მოსმენას ანგელოსთა ღიდების-მეტყველებისას: „ღიდება მაღალთა შინა ღმერთსა, და ქვეყანასა ზედა მშვიდობა, და კაცთა შორის სათნოება“! ადგილი ამ სახარულევანის ხარებისა გარემოზღუდულია გალავნითა, ოდესმე მაგრითა, და აწ ნახევრად დანგრეულითა. გალავნის ჩრდილოეთის ნაწილში არიან დაცულ ნანგრევები, რომლებიც შესდგებიან ღიდ ღოდთაგან და რომელნიც მოწმობენ, რომ ოდესმე აქ შვენოდა ღიდი ეკლესია, რომლისა ტრაპეზი დაცულია აქამოდღის. თითქმის საშუალ გალავნისა არის ჩასავალი მღვიმეში, რომელშიაც აშენებულია ეკლესია 30 ფუტი სიგრძით და 20 ფუტი სიგანით. იატაკი ეკლესიისა არის მოფენილი ქვებითა, შიგა და შიგ მოზაიკითა—ფერადის კენჭებითა. ეკლესია ფრიად ღარიბია. მის აღშენებას მიაწერენ წმიდა დედოფლის ელენას დროსა. იგი არის სამრევლო ეკლესია მცხოვრებთათვის სოფლის „ბეთ-სახური“-სა. მოხილვის დროს მლოცველთ არაბთა მღვდელი ძველს დაბრანძულს სამოსელში ჩვეულებრივ გარდაუხდის პარაკლისს, რომელზედაც სახარებას, ადგილის შესაბამს, უკითხავს რუსთა ყოველთვის დანჯღრეულს სლავურს ენაზედ.

ქრისტე მაცხოვრის შობის ადგილსა, სადაცა „ანგელოსთა სიმრავლე ერთა ცისათა აქებდეს ღმერთსა და იტყოდეს: ღიდება მაღალთა შინა ღმერთსა; და ქვეყანასა ზედა მშვიდობა, და კაცთა შორის სათნოება“ (ლუკ. 2; 13, 14); და აგრეთვე ტაძარსა ქრისტე მაცხოვრის აღდგომისასა იცავენ შეჭურვილნი ურწმუნო ოსმალნი, ჩვენდა სამხილებელად, რამეთუ დაგვივიწყებდეს ჩვენ მცნება უფლისა იესო ქრისტესი: „მშვიდობასა დაგატყუებ თქვენ; მშვიდობასა ჩემსა მიგნებ თქვენ. (იოან. 14, 27.) აეგრებოდეთ ურთიერთანს, ერთანსა მე შეგაეგრან თქვენ; ამით სცნან ყოველთა, ერთანმედ ჩემნი მოწაფენა ხართ, უკეთუ აეგრებოდეთ ურთიერთანს“ (იოან.

13 თავ., 34, 36 მუხლ.). და აგრეთვე არ აღვასრულებთ მოციქულის მოქმედებასა: „პატივისცემითა ურთიერთარს წინაუღწრობლით“, უკეთუ ურთიერთადს აკბანებოდეთ და შეიჭამებოდეთ, ახადეთ, ნუ უკმუნ უნდურთაჲს განაღებეთ (ამოსწავლოთ) (გალატ. 5, 13). ამისათვის ამ წმიდა ადგილებზედა იქმნებიან არა იშვიათად: მტერობანი, შურნი, გულისწყრომანი, წვალებანი, შფოთებანი და თითქმის კაცის-კლვანიცა ქრისტეს სარწმუნოების სხვა და სხვა აღმსარებელთა და წარმომადგენელთა შორის, და ამგვარის მოქმედებითა, სიტყვისაებრ წინასწარმეტკველისა ისაიასი: სახელი დიდი ღმრთისა და მაცხოვრისა ჩვენისა იესო ქრისტესი და მისი კეთილმოქმედება სარწმუნოება იგმოების ჩვენთვის ურწმუნო მაჰმადიანთა შორის“ (რომაელ. 2, 24).

ვითარცა იერუსალიმში, ბეთლემის ტაძარშიაც ვანუშორებლად იმყოფებიან ოსმალთა მხედარნი წესიერების დასაცველად და ქრისტეანეთა შორის უთანხმოების და დავის მოსასპობელად. ვითარცა მწვანე ველი, მოფენილი ფერადის ყვავილებითა, წარმოადგენს მშვენიერს სურათს თვალთათვის და კეთილ სუნნელებითა დამატკობოვლია საყნოსელოსათვის, ეგრეთვე ღვთის მსახურებანი, სხვა-და-სხვა ენათა ზედა შესრულებულნი, ამშვენიებენ ქრისტეს ეკლესიასა. ამისათვის, მცნებისაებრ მოციქულისა, ვალდებული ვართ „ვისწრაფეთ დაჰრჩხად ერთობასა მას სუფიასა საყნოსელთა (კეთილთა) მით მშვიდობასათა“ (ეფეს. 4, 3).

ქრისტეს მშობის ადგილზედ ბეთლემში არის ვრცელი ტაძარი, აღშენებული იმპერატორის იუსტინიანეს მიერ. ამ ტაძარში საწუალი ადგილი სამწირველო უბურიათ ბერძენთა; ეს ტაძარი არს აღშენებული მსგავსად წმიდისა სოფიოქსი კონსტანტინეპოლში, მხოლოდ იმ ზომისა არ არის. თალი ამ ტაძრისა არს ხისა; რადგანაც ქრისტეანენი ვერ შეთანხმებულან ამ

ტაძრის გუმბათის განახლების შესახებ, ოსმალთა მთავრობას განუახლებია ხის ქვრითა და საფასე წაურთმევი ქრისტიანეთათვის. ეს ტაძარი ქვეთკირის კედლით არის გაყოფილი შუაზედ, რადგანაც ერთი ნახევარი ამ ტაძრისა დასავლეთის მხრით ოსმალთ ოდესმე საჯინიბოდ გარდაუქცევიათ; ხოლო მეორე ნახევარი აღმოსავლეთის მხრივ ქრისტიანებს შეუზღუდავთ კედლითა ქრისტე მაცხოვრის შობის ადგილის დასაცველად, მეორე ნახევარიც ეხლა ბერძენთა საკუთრებას შეადგენს და იქაც ლამპარნი ანთია, მაგრამ შუა იგი კედელი „მტერობისა“, რომელიც განყოფს ეკლესიასა, მაინც არ არის „დარღვეული“ ბერძენთაგან აქამომდე. ღამე იქ ვათიეთ; მეორე დილით ოთხს საათზედ, ცისკრის მოსმენის შემდეგ, რომელიც ღამის პირველ საათიდან დაიწყეს, გარდავახდევინეთ პარაკლისი და გამოვედით ბეთლემიდამ.

#### ჟ. ქებრონი, მამბრას მუხა და მათი მნიშვნელობა.

**ს**ამის საათის განმავლობაში მოვედით მშვიდობით ეტლითა ქალაქ ქებრონს, რომელიც ირიცხება უუძველეს ქალაქად პალესტინაში, თანამედროვედ მამათ-მთავრისა აბრაამისა. აქედგან სამის ვერსის სიშორეზედ ქვევითად წარვედით მამბრეს მუხასთან, რადგანაც გზის სივიწროვის გამო ეტლი ვერ გაივლის იქ. ამ მუხას ქვეშ აბრაამმა იწვია წმ. სამება სამ მოგზაურის სახედ. ამ დღეს წირვა იყო ამ მუხას ქვეშ; თუმცა ეკლესია არ არის იქ, მაგრამ პატრიარქის ნება-რთვითა და კურთხევით სწირავენ აქ სულის წმიდის გარდამოსვლის დღესასწაულის მესამესა დღესა, პატივსადებლად ამ წმიდა ადგილისა.

მხოლოდ პარაკლისზედ მივუსწარით. ამ ისტორიულის ნაშთისა, დზბადებაში ხსენებულის მუხეს ოთხს ტო-

ტში ორი-ღა არის ნედლაღ აქამომდის; პირველის შეხედვით ჩვენებურს მუხას არ ემსგავსება, ფურცელნი უფრო წვრილი ასხია დამცირედ ეკლიანიც, გარნა რკო და ქერქი სრულიად ჩვენის მუხისა აქვს. ეს ადგილი, სივრცით ას დღიურამდის, შეუსყიდნია რუსეთის პალესტინის საზოგადოებას ნეტარხსენებულის არქიმანდრიტის ანტონინის მიერ, დიდის მზრუნველისა და მოღვაწისა სასიქადულოდ რუსეთის ეკკლესიისა; და გაუშენებიათ დიდი ზვარი, რომელშიაც არაბნი მუშაობენ. თითონ მუხას აქვს შემოვლებული რკინის ზღუდე ოცის საჟენის სივრცით ყოველის მხრიდგან, და ნებას არ აძლევენ მლოცავთა; მოსწყვიტონ სახსოვრად ერთი ფოთოლი მაინც ამ მუხისაგან; მხოლოდ ძირს ჩამოკვივნულს რკოს ფასით ურიგებენ მსურველთა. აქ აღუშენებია რუსეთის პალესტინის საზოგადოებას ორ-სართულიანი სახლი მლოცავთა მოსასვენებლად. აქვე ახლად აღუშენებიათ ქვითკირის მაღალი კოშკი, საიდგანაც მოსჩანან ხმელთაშუა და ლოტის ზღვები. ქებრონის ქალაქში არის დიდი მეჩეთი, რომლისა ქვეშე არიან დაკრძალულ სამარენი წმ. და მართალთა მამათ-მთავართა აბრაამ, ისააკ და იაკობისა, და წმ. და მართალთა დედათა—სარრა, რებეკა და ლიასი. ნეტარს ელენას აქ აღუშენებია ეკკლესია. რომელიც შემდეგ, მეშვიდე საუკუნიდამ არაბთა გარდაუქცევიათ მეჩითად.

ქრისტეანეთა და ებრაელთა შეუძლიანთ მხოლოდ გარედგან შეიხედონ ამ სამლოცველოში მცირე ხვრელით, საიდგანაც არაფერი მოსჩანს.

ბეთლემიდგან მომავალნი ამ ქებრონის გზაზედ ჰნახავთ პირველად ილია წინასწარმეტყველის ბერძენთა მონასტერს, სადაც შევედით ქებრონიდგან მობრუნებულნი და ვილოცეთ. ეს სავანე ოდესმე შეადგენდა ქართველთა მამათა სამკვიდრებელს, ვითარცა ქართველის ერისაგან აღშენებულსა. შემდეგ გზიდგან მოშორებით ოთხის



მამბრის მუხა.

ვერსის მანძილზედ მოსჩანს წმ. გიორგის ეკლესია, სადაც ჰყავთ კვეთებელნი, რკინის ჯაჭვით დაბმულნი, რომელნიც განიკურნებიან აქ. მერე გზის პირადვე არის სოლომონ მეფის აუზები, დიდის ქვითკირით შემოზღუდული. ამაში იკრიბება შემოდგომით და ზამთრობით წვიმის წყალი, მხოლოდ აწ გაოხრებულა და განუწმედელად დატევებულია. ამ აუზებთან არის დიდი ციხე-გალავანი, როგორც სჩანს, მტერთან საბრძოლველად და მოსაგერებლად.

8 ივნისს საღამოზედ დავბრუნდით მშვიდობით ჩვენს სადგურზედ ქ. იერუსალიმს.

ყოველს ჩვენს მოგზაურობის დროს, როგორც იერუსალიმში, ეგრეთვე გარეშე ადგილებში მიუცილებელად და მოუშორებელად თანა გვყავდა ერთი შეიარაღებული კავასი, შავმთიელი, გზის მაჩვენებელად და ავაზაკთაგან დამცველად.

### ქართველთა შესანიშნავი ჯვარის მონასტერი.



თხზაბათი, 9 ივნისი. ამ დღეს ვნახე და მოვილოცე ჯვარის მონასტერი, რომელიც ჰშორავს იერუსალიმს სამის ანუ ოთხის ვერსით. თითონ ბერძენნი უწოდებენ ამ სავანეს ქართველთა მონასტრად. ამის ხილვამ ამიშალა სულის დიდი მწუხარება. ოდესმე სახელოვანს დიდებულ ქართველთა ერსა იერუსალიმში ჰქონდა 18 მონასტერი და აწ არცა ერთი და მოკვებოვება! ვაი ჩვენს დაკნინებას! ამ მონასტერში ეხლა სასულიერო სემინარიაა, სადაც იღებს განათლებას შვიდს ენაზედ ბერძენთა და არაბთა ახალგაზრდობა. ვისისა და რა საშუალებით ინახება ეს სასწავლებელი? ამ მონასტერს, ქართველ მეფეთაგან აღშენებულს მეხუთე საუკუნეში, მათგანვე აქვს შეწირული ქ. ტფილისში მამული, წოდებული „ჯვარის მამისად“. აქ,



ტფილისში, არის ეკკლესია, გარეშემო სახლები და ღუქნები, მისი კუთვნილი; აი ამ ღუქნებისა და ეკკლესიის შემოსავლით უცხოეთში ინახება სემინარია უცხო ტომთა აღსაზრდელად და განსანათლებლად. შარშან საქართველოს საეპარქიო სასწავლებელთა საბჭომ წინადადება მისცა ამ ეკკლესიის წინამძღვარს, მ. არქიმანდრიტს სოფრონსა, ტომით ბერძენსა, რათა ეკკლესიის ეზოში გაჰმართოს სამრევლო საეკკლესიო სკოლა; ხოლო მან მოახსენა საბჭოს წინადადება პატრიარქსა; იერუსალიმის სინოდმა განიხილა რა ეს თხოვნა, რასაკვირველია, უარ ჰყო შესრულება ამ გვარის წმიდა მოვალეობისა, ვითარიც არს ყრმათა საღმრთო რჯულის სწავლება ეკკლესიის მფარველობის ქვეშ. როგორც ზევით იყო თქმული, ივნისის 2-ს პირადადაც მოვახსენე მის უნეტარესობას ეს საქმე და ვნახოთ რა გამოვა?.. 1897—1898 წელსა, ოსმალთა და ბერძენთა შორის ბრძოლის დროს კრიტის კუნძულიდამ დეპეშით უბრძანებდნენ ჯვარის მამის წინამძღვარს არქიმანდრიტს თფილისში, რათა აქაური საეკკლესიო შემოსავლიდან გაეგზავნა ფული ომის გასაგრძელებლად; და აქაური საეკკლესიო სკოლის შესანახავად კი არ მოეპოვებათ არცა ბინა და არცა სხვა ღონისძიება!!

მე-18 საუკუნის ნახევრამდის ყოფილან ამ ჯვარის მონასტერში ქართველნი წინამძღვარნი და მამანიცა. მე ვნახე ერთი საბუთის ქაღალდი ათონის ქართველთა სავანეში, რომლიდგანაც ცხადად სჩანს, რომ კონსტანტინეპოლისა და იერუსალიმის პატრიარქთა სრულიად გარდაუხდლიათ ვალები, რაოდენიც ყოფილა ამ სავანეზედ. გარდაუხდლიათ შემოწირულებითა, რომელიც საქართველოს მეფისა, პატრიარქისა და ერისაგან მიუღიათ, და დანაშთენიც ვითომც თითონ დაუმატებიათ, და აცხადებენ ამ ქაღალდით, რომ შეუძლიანთ ქართველთა მიიღონ თავის მფლობელობაში ეს მონასტერიო. ეს გარდაწყვეტილების პირი

გადმოღებულა კონსტანტინეპოლის საპატრიარქო არქივიდან და ეს დადგენილება არის თარიღით 1702 წელს, თარგმნილი რუსულად და დაბეჭდილი; და ეხლა ერთს უბრალო ოთახსაც არ გვითმობენ ჩვენს სამშობლოში ჩვენის შვილების აღსაზრდელად, არ გვითმობენ იმ მამულიდგან, რომელიც საქართველოს მეფეს შეუწირავს ქართველთა საფანესა და ძმათათვის, ხოლო თითონ ბერძენნი სუქდებიან ჩვენის პურითა, ღვინითა და სხვა კეთილითა. აი ამას შეიძლება ვუწოდოთ სიტყვით ოქროს მთების ბოძება, და საქმით თიხისაც არ მიცემა.

ჯვარის მონასტერს გარშემო ავლია ოთხ-კუთხიანი მკვიდრი ქვითკირის გალავანი, დასაცველად და უშიშარ საყოფელად მონაზონთა თავს დასხმისაგან მტერთა და ავაზაკთასა. მონასტრის ეკკლესია მშვენიერის გუმბათით არის განათებული ზევიდამ; იატაკი მოფენილია მოზაიკითა ანუ ფერადის მარმარილოთი, რომელზედაც შესავალთან სტოვაში ეკკლესიის კარებ წინ მოსჩანან ცხადად შავი ნიშნები—ვითარცა კვალნი სისხლისა აქ მოწყვეტილთა ქრისტეს სარწმუნოებისათვის მონაზონთა სარკინოზთაგან. მთელი კედლები ეკკლესიაში არის დასურათებული მხატვრობითა ძველისა და ახალის აღთქმათა მოთხრობებითა. უკანასკნელად განუახლებია ეს ტაძარი 1644 წელსა სამეგრელოს მთავარს ლევან დადიანსა. საშუალ ეკკლესიისა ირგვლივ მარმარილოს იატაკზედ აწერია ქართულის ასომთავრულით სახელი განმაახლებელისა, მხოლოდ გადაცვეთილია ფერხთაგან და ძნელად წაიკითხება.

საუფლო ჯვარის ძეგლისათვის, რომლის სახელზედაც არის დაფუძნებული ეს წმ. საფანე, აღმოსავლეთის გარდმოცემანი და ერთი სირიული აპოკრიფთული წერილი მოგვითხრობენ შემდეგსა: ერთს დროსა, როდესაც ლოტმა შესტოდა, წარვიდა იგი, რათა ეღვიარებინა თვისი შეცოდება წინაშე აბრაამ მამა-მთავრისა. შემდეგ მოსმენისა ლო-

ტის მძიმედ შეცოდებისა, აბრაამმა გამოიღო ცეცხლიდამ სამი მუგუზალი, რომელნიც იყვნენ კვიპაროსისა, ნაძვისა და სოჭისა (пелга) და უბრძანა ლოტსა: დანერგე ეს მუგუზალნი და მორწყე; უკეთუ ეს მუგუზლები იხარებენ და გაიზრდებიან, ეს იქნება ნიშნად მიტევებისა შენის მძიმე ცოდვისა. ლოტმა შეასრულა ესრეთ, ვითარცა უბრძანა მას ბიძამან; მუგუზლები განედლოდენ, აღმოსცენდენ და შეერთდენ ერთ ხედ. სოლომონ მეფის ტაძრის აღშენების დროს იქმნა მოჭრილ ეს ხე, მაგრამ რადგანაც არ გამოდგა შენობისათვის, იგი იქმნა დატევებულ უხმარებელად. ხოლო მაცხოვრის ჯვარცმის დროს, საკუთარის განგებითა ღვთისათა, იგი იქმნა მოღებულ და ხმარებულ ჯვარის მოსამზადებელად, რომელზედაც ჯვარცმული იქმნა უფალი ჩვენი იესო ქრისტე.

მეორე გარდმოცემა მოგვითხრობს შემდეგსა: როდესაც პირველი მამა ადამ მძიმედ დასნეულდა, მან წარავლინა სეთი, ძე თვისი, ედემსა, რათამცა ეთხოვნა წამალი საკურნებელად უძღურებისა. ანგელოზმა, რომელიც იცავდა სამოთხის ბჭეთა ცეცხლის ხრამლითა, წამლის მაგიერ მისცა მას სამი თესლი: კვიპაროსის, ნაძვის და სოჭისა. მაგრამ სეთის მობრუნებამდის უკვე გარდაიცვალა ადამ. სეთის მოუვიდა აზრად დათესვა ამ სამის თესლისა მამის საფლავზედა. ამ სამის თესლისაგან აღმოსცენდა შემდეგ ერთი ღიღი ხე. როდესაც აშენებდნენ სოლომონის ტაძარსა და ყოველის მხრიდგან შეჭკრებავდნენ უმჯობეს მასალათა, მაშინ ეს ხეც იქმნა მოკვეთილ; მაგრამ გამოჩნდა იგი ხმარებისათვის უვარგისად; ამისათვის იგი იქმნა გადაღებულ მახლობელს სილოამის საბანელში ხიდათ, რომლითაც გადადიოდნენ მეორე ნაბირზედ. როდესაც უფალსა იესო ქრისტეს მიუხაჯეს ჯვარცმით სიკვდილი, მაშინ ურიათა მოინდომეს მძიმე ხისაგან შემზადება ჯვარისა მათ მიერ მოძულებულის რა-

ბინისათვის (მოძღვრისა) და აღირჩიეს ეს ხე, ვითარცა ყველაზედ უმძიმესი, რადგანაც მთელი საუკუნოები იღვა წყალში.

ეს გარდმოცემა, შეწყნარებული მამათა მიერ ეკკლესიისა და წმ. იოანე დამასკელის მიერ და სხვათა გალობის მთხზველთა ქრისტიანობრივის ეკკლესიისა, შეიქმნა საფუძველად აღშენებისა ამ აღდიღზედ სავანისა და სახელწოდებისა მისისა მონასტრად პატიოსნისა და ცხოველსმყოფელისა ჯვარისა. მონასტერს გარეშემო აქვს მშენიერი ვენახი, და ბაღიც ღიმონისა, ფორთოხალისა, ლღვისა და ბროწეულისა. შიგ მონასტრის ეზოს ამშენებებს დიდებული კვიპაროსის ხე ოცის საჟენის სიმაღლისა.

იერუსალიმის ჯვარის მონასტრის იღუმენი დაინიშნებოდა ქართველთ მეფისაგან. იგივე იღუმენი ირიცხებოდა წინამძღვრად გოლგოთისა, და იგზავნებოდა იგი საქართველოდამ: იგი განაგებდა ყოველსავე: ქართველთა შენობებსაც და მონასტრების ძმობათაც პალესტინაში; ამ იღუმენის შუამავლობით საქართველოს მეფესა ჰქონდა მიწერ-მოწერა იერუსალიმის პატრიარქთან. უფლის საფლავზედ 1049 წელსა უკვე იყო ქართველ ძმათა კრებული.

მახლობლად ჯვარის მონასტრისა, ესრეთ წოდებულ „ვარდის ღელესა“, არის დაბა „მალხა“, სადაც სცხოვრობს 600 სული ორივე სქესისა; ამბობენ, რომ ვითომც ეს მცხოვრებნი არიან შთამომავალნი აქ გადმოსახლებულთა ქართველთა მეფე ვახტანგ გორგასლანის დროსა მეხუთე საუკუნეში, დასაცველად ჯვარის მონასტრისა მტერთა დაცემისაგან. მათ დაუვიწყებიათ მშობლიური ენა და სარწმუნოებაცა მამა პაპათა; მაგრამ გარდმოცემით იციან, რომ იგინი არიან შთამომავალნი შორეულ ჩრდილოეთიდან გადმოსახლებულთა, და უწოდებენ თავის თავსა „გურჯებად“ — ქართველებად; და გარეშე მცხოვრებნი არაბნიც ისე უყურებენ, ვითარცა

მოსუტრსა უცხო ტომსა. იგინი ლაპარაკობენ არაბულად, რაოდენადმე თათრულად და ბერძნულადაც. იგინი იცავენ ჯვარის მონასტერსა და ემსახურებიან მას. იგინი სარგებლობენ საკუთარის უფლებითა შეიმუშავონ მონასტრის მინდვრები და ვენახები და აძლევენ მონასტერსა მხოლოდ მესამედს ნაწილს შემოსავლისას. მონასტერს არ შეუძლიან ეს საქმე ვარდასცეს სხვათა, რომ უსიამოვნობა არ გამოიწვიოს მალხის მცხოვრებთა შორის. სახითა, ზნეობითა და ჩვეულებითა იგინი განსხვავდებიან გარეშე მცხოვრებთა არაბის ტომისაგან.

იერუსალიმში მიღებულია წესად ყოველს ეკკლესიებში ხმარება აიაზმისა მარტივის წყალის მაგიერ ვარდის წყალით მომზადებულისა. ქრისტეს საფლავის წინაშე მლოცველთა შესვლის და გამოსვლის დროს ასხურებენ ვარდის წყალის აიაზმითა ვერცხლის სურიდამ. მახლობლად სოფლის მალხისა არს ვრცელი „ვარდის ღეღე“; ამ სოფლის მცხოვრებნი მისდევენ ბლომად ვარდის მოყვანას და იგინივე შეამზადებენ ვარდის წყალსა, და აქედან ეგზავნებათ ვარდის წყალი აიაზმად სახმარებელად და ტრაპეზის კურთხევაზედ განსაბანელად, სრულიად პალესტინაში და კონსტანტინეპოლის საპატრიარქოშიაც.

თავადს გიორგი ავალიშვილს ჯვარის მონასტერში, ტრაპეზის ძირს, სადაც მოსჩანს ძირკვი ამ ადგილზედ მოკვეთილის ძელისა, რომელზედაც ჯვარს-ეცვა უფალი იესო ქრისტე, უხილავს ქართული წარწერა, რომელიც ეხლა სრულიად მოსპობილია. ამ თავადს წამოუღია აქედან 15 ქართული წიგნი, დაბეჭდილი და დაწერილი ეტრატზედ, 1820 წელს.

ამ ღროებით ჯვარის მონასტერში-ლა დარჩენილა ქართული წარწერანი, რომელნიც სხვა მონასტრებში სრულიად ამოუფხვრიათ; ეკკლესიის დასავლეთის კარების თავზედ შიგნიდან არს წარწერა ქვაზედ ქართული

ასომთავრულით, ამისვე მეორე ნახევარზედ იგივე-ბერძნულად.

მარცხნივ მხარეს სვეტზედ კვალად ქართული წარწერაა, საშუალო სვეტზედ ეგრეთვე; მხოლოდ ამ ადგილზედ ახლად ხის კიბე გაუმართავთ კათედრაზედ, ვითარცა ქანდარაზედ, ასასვლელად, სახარების წასაკითხავად, ვითარცა არს მიღებულ ეს წესი ბერძენთა ეკკლესიაში მე-15 საუკუნიდამ; და ამ კიბეს, ჯერედ შეუღებავს, დაუფარავს ზედ შუაზედ ქართული წარწერა. ამის წამწერელი ევედრება მიქელ და გაბრიელ მთავარ ანგელოსთა; საშუალო იატაკზედ მრგვალად არის ქართული წარწერა. უკანასკნელად ეს სავანე განუახლებია სამეგრელოს მთავარს ლევან დადიანს, რომელსაც ბერძენნი და რუსის მწერალნი შეცდომით უწოდებენ „ტატიანი, საქართველოს ბრწყინვალე ხელმწიფე“. საკურთხეველში ორსავე მხარეს კედლები ახლად შეღესილია თეთრად. ცხადია, აქ ქართველთა წმიდანების სახენი წაბლალულ და დაფარულია. მე რომ გულმწუხარედ ვუყურებდი ესე ვითარს მტარვალობასა და ვაუზიარე ჩემის სულის კვუნვარება მ. რუსის დეკანოზს, მან ჰკითხა ეკკლესიის მოსამსახურე ბერძენს: ეს კედლები ნახევრად რად არის გათეთრებულიო? უგუნურმა მოგვიგო: ეს ოსმალთ: გაათეთრესო. თითქოს ოსმალთათვის ერთი და იგივე არ იყოს ბერძენთა და ქართველთა წმიდანები? ტრაპეზის ქვეშ არს ირგვლივ ნაჩვენები ადგილი, რომელზედაც მოუჭრიათ სამ-გზის სანატრელი ხე ქრისტეს ჯვარცმისათვის. ამ კედლის უკან უჩვენებენ ძირს იმ ხისას. ამაზედაც ბერძნული წარწერა დაშთენილა და ქართული ამოუფხვრიათ. მხილველს ამ ბოროტ-მოქმედებისას უნებურად მოაგონდება ფსალმუნის სიტყვანი: „საჯენ. უფალო, მავნებელნი ჩვენნი და ჰბრძოდე მბრძოლთა ჩვენთა“ (ფსალ. 34, 1); ანუ იოანე ღვთის-მეტყველის გამოცხადების სიტყვანი: „უკეთუ ვინმე მოაკლოს სიტყვათა

წიგნისა ამის ცხოვრებისათა, მოაკლენ ღმერთმან ნაწი-  
ლი მისი წიგნისა მისგან ცხოვრებისა (გამოცხად. იოან.  
22, 18). საზოგადოდ უნდა შევნიშნო, რომ ყველა  
მონასტერში, რომელიც-კი დაფუძნებულია ქართველთა-  
გან, ბერძენნი სპობენ ყოველს კვალსა ქართველთა მოღ-  
ვაწერებისას; დასავლეთის კარებთან მარცხენით კერძო  
ღარღინილან დახატულნი კედელზედ ობლად მხოლოდ  
ორნი ღირსნი მამანი ევთიმი და გიორგბ; ამათაც მხო-  
ლოდ ბერძნული წარწერა აქვთ. დავარდი წინაშე მათ-  
სა და გულ-მხურვალედ შევავედრე იგი ერი, რომლისაც  
შვილნი იგინი იყვნენ და გაუნათლებდენ ცხოველის სარწ-  
მუნოებითა კეთილმსახურების გზასა თვისს სამშობლოსა.  
და აწცა არიან იგინი მეოხნი მხურვალენი წინაშე ზეცი-  
ერის მეუფისა ქართველის ერისათვის. გულთუ ზეცებზე  
შოთა რუსთაველის სურათი, და ძლივს შევნიშნე მარ-  
ჯვენა მხარეს სვეტზედა, რადგანაც წაბლალულია ზედ  
წარწერა მას ზედა. არაფერი ნაშთი ქართულის მწიგნობ-  
რობისა არ შაჩვენეს ამ მონასტერში და დიდად გულ-  
ნატკენი დაებრუნდი იქიდან ბინაზედ.

შემადგენელი რუსულს ენაზედ წიგნისა „მაჩვენებე-  
ლი გზისა პალესტინაში“ შეცდომით უწოდებს წმ. კონს-  
ტანტინე მოციქულთა სწორის თანამედროვეს „ივერიის  
პრინცი მარიაში“, აქ უნდა ვიგულისხმოთ საქართველოს  
მტფე შირიან. ამასვე მიაწერს საქართველოს ისტორია  
პირველ სამლოცველოს აღშენებას გოლგოთაზედ. აგ-  
რეთვე სრულწიად შეცდომით სწერს ზემოხსენებული წი-  
გნის გამოცემი რუსულს ენაზედ, ვითომც ქართველთა  
მმათაგან გაყიდულნი ვალებში ჯვარის მონასტერი გამო-  
ისყიდა იერუსალიმის პატრიარქმა დოსითეოსმა თავისის სა-  
ფასითა ბერძენთა სასარგებლოდარა. ამ მწერადს არა სცოდ-  
ნება არსებობა ზემოხსენებულის საბუთისა, რომლიდანაც  
ცხადად სჩანს, რომ ჯვარის მონასტერი დაიხსნეს ვალოსა-

გან იმ შემოწირულებით, რომელიც უძღვნეს საქართველოს მეფემ, პატრიარქმა, მთავართა და ქართველთა ერმა; დამატებით კი თავისი ჯიბიდან ბერძენთა პატრიარქები არას დაუმატებდნენ.

არავითარის სულთანის ფირმანით ჯვარის მონასტერი არ იქნება გარდაცემული და დამტკიცებული ბერძენთა საკუთრებად, როგორც შეცდომით იხსენიებს რუსის მწერალი; ამისათვის, რომ ეს ცნობა ეწინააღმდეგება ზემოხსენებულს გარდაწყვეტილებას იერუსალიმისა და კონსტანტინეპოლის პატრიარქებისას. ამ მონასტერს დღესაც ბერძენნი უწოდებენ ქართველთა სავანედ. რუსის მწერალი ამბობს კვლავაც შეცდომით, რომ წარწერა ხატებზედ ჯვარის მონასტერში ქართულადაც არის; ხოლო მე ერთიც ვერა ვნახე წარწერა ხატებზედ ქართულად, მხოლოდ კედლებზედ სამს ადგილას არის წარწერა ქართულად, ვგრეთვე იატაკზედა. მაშასადამე, შესაძლებელია, რომ შემდეგ მოუსპიათ ბერძენთა ქართული წარწერანი ხატებზედა. არა რომელისაჲმე კლასიკურის მწერლის სურათი არ მოიპოვება ამ მონასტერში, როგორც ამბობს რუსის მწერალი, ვითომც პლატონ ფილოსოფოსის სურათი ენახოს შიგ ეკლესიაში. ვგრეთვე არც იმას იხსენიებს რუსის მწერალი თავის წიგნში, რომ ამ ჯვარის მონასტერს ქ. ტფილისში აქვს შეწირული ქართველთა მეფეთაგან მამული, რომელზედაც არს აღშენებული ეკლესია და გარემოჲ მისსა რამდენიმე დუქანი; ამათს შემოკლებლით ბერძენნი სარგებლობენ და ინახავენ სემინარიას იმავე ჯვარის მონასტრის ეზოში.

18 მონასტერში, რომელნიც ქართველთა აღშენებებით იერუსალიმში, მხოლოდ ჯვარის მონასტერს და შერჩენია სახელი ქართველთა სავანისა, და ამის ცნობაც სწორედ არა სწერს რუსის მწერალი. იაკობ ზებედევი მოციქულის მონასტერს იერუსალიმში დიდად აქებს კარ




თილ-მდგომარეობით რუსის მწერალი; იგი აწ სომეხთა პატრიარქის მეტოქიად ითვლება; ესეც ქართველების სავანე ყოფილა და ამაზედაც სრულიად არას ამბობს რუსის მწერალი.

### ლოტის ანუ მკვლარი ზღვა.



ენისის 10, ხუთშაბათს, დილის ხუთ საათზედ გავემგზავრე ეტლით იორდანისაკენ ჩემის ერთგულის თანამოგზაურით მ. დეკანოზითურთ და შეიარაღებულის კავასით; გავიარეთ სოფელს ბეთანიაზედ; იერუსალიმსა და იორდანეს საშუალ გზაზედ არის სახლი მოგზაურთა და სიცხისაგან დამაშვრალთ შესასვენებლად. ამ სახლს უწოდებენ: „სასტუმროდ მოწყალე სამარიტელისა“, მოხსენებულისა სახარების იგავში. ამ გზით ჩავიარეთ ღირსის მამის გიორგი ხოზიბელის მონასტრისაკენ. იგი აღშენებულია კლდეზედ, ღრმა ხეობაში; მისავალი საცალფეხო გზა აქვს შორით, წინ ხეობაში წყარო ჩამოუდის. ეს წყალი ზამთრობით მიმდინარეობს იერიქონამდის, ხოლო ზაფხულობით გზაზედ შრება და იქამდის ველარ აღწევს. შორიდგან დავიწერეთ პირჯვარი და შიგუდაბნოში ვერ მოვახერხეთ შესვლა სიშორისა და გზის სივიწროვისა გამო, და იმიტომაც, რომ იორდანისაკენაც დავიგვიანებდით. დილის ცხრა საათზედ მივალწიეთ სავანეს ღირსის მამის გერასიმე იორდანის-პირელისას. მონასტერი იგი მდებარეობს იორდანე მდინარისა და მკვლარის ზღვის მახლობლად. შევედით ეკლესიაში, ვილოცეთ და შესანიშნავი ძველადგან არა აღმოჩნდა რა; კანკელი ახალი აქვს, რუსეთიდგან შემოწირულის ხატებით. აქ გვიჩვენეს კარი, რომელსაც მოჰხვედრია ტყვია რევოლვერისა; იგი უსროლია ბერძნის პატრიარქის ნიკოდიმესათვის ბერძნის მორჩილს. ამ სავანეში მოღვაწეობენ ზოგად ბერძენთა და არაბთა მონაზონნი ძმანი. აქ



PAUL T. WELLS, DEL.

რუსების მონასტერი იერუსალიმში.

შვეისვენეთ პირველ საათამდე და შემდეგ ჩავედით ეტლით მკედარს ზღვაზედ, რომელიც ჰმორავს გერასიმეს მონასტერს ოთხის ვერსით. აქაც შვეისვენეთ ორი საათი და ვიბანავეთ ზღვაში. ძლიერ მლაშე და მწარეა ამ ზღვის წყალი; თვალში რომ მოხვდეს, ფრიად სწვავს; ნავთ-კუბრის სუნი უდის ამ ზღვასა. ცოცხალი თევზი და არა რაიმე სხვა პირუტყვი არ მოიპოვება ამ ზღვაში; იორდანიდგან თუ შვეიდა თევზი, მსწრაფლ იხოცება და ტალღები გარეთ გამოაგდებს და არცა აქვთ მსვლელობა ხომალდითა ანუ ნავითა ამ ზღვაზედა.

არა-სასიამოვნო აზრები ამეშალა ამ ზღვის ხილვაზედ. ეს ის ადგილია, რომელზედაც თვალ-ნათლად გამოცხადდა ღვთის რისხვა და წყევა მემავობით უკიდურესად გარყვნილ ცხოვრებისათვის ძველთა აქაურთა მცხოვრებთა. წარმომიდგა თვალ-საჩინოდ დაბადების ის მოთხრობა, როდესაც ოთხი ქალაქი: სოდომი, გომორი, ადამუ და სებოიმ ზეცით მოვლენილმა ცეცხლმა შთანთქა; მხოლოდ განერა ამ საშინელს უბედურებას შართალი ლოტი თავის სახლობით, მაგრამ ცოლიცა მისი ურჩებისათვის გაქვავებულ იქნა, რადგანაც, წინააღმდეგ ანგელოსთა ბრძანებისა, „მიიხილა მან უკუღმართ“, როდესაც მოესმა ხმა ზეცით გადმოსულ ქექა-ქუხილისა. და იმ ადგილზედ, სადაც იყო ოთხი აღყვავებული ქალაქი, შემდეგ მათის შთანთქმისა, გაჩნდა ეს ქეშმარიტად კუბრიანი ზღვა. მცხოვრებნი ამ ქალაქებისა დაისაჯნენ, ვითარცა ნახევრად წარმართნი; გარნა ჩვენ ვიწოდებით ქრისტეანებად და შართლ მადიდებლადაც კი. ხოლო რა იქმნების ჩვენ შორის— „სამაგელჲს სიტყუადჲ“ (ეფეს. 5, 12). რამდენი დრო მიდის, გარყვნილება უფროს მომეტებულად ვრცელდება, ვითარცა საფრანგეთში და ევროპის სხვა ერთა შორის. ცხოვრება ხორციელის სიტკობების მოყვარეობისა, საუბედუროდ, მრავალთათვის შეადგენს ჩვეულებრივს

კმაყოფილებას. მრავალნი უყურებენ ეხლა მრუშებას, მე-  
ძაგობას ანუ როსკობობას, არა ვითარცა ბიწიერებას, რო-  
მელიც გამოიწვევს სიძულვილსა, არამედ ვითარცა მოსათ-  
მენს საქმესა, ფიქმის ჩვეულებრივს, ბუნებითსა. მამანი  
ხშირად თვალს არიდებენ თავის შვილების უხნეო ცხოვ-  
რებას და არ შეაყენებენ მათ ყოველის ღონისძიებითა  
ბიწიერ ცხოვრებისაგან; არიან ბევრნი იმ გვარნი ღმრ-  
ნიცა, რომელნიც მცირედ ჰზრუნავენ შესწყვიტონ თავი-  
სუფალი ცხოვრება ასულთა თვისთა. შედეგად ამ გვარს  
თავისუფალს ცხოვრებას მოსდევს ის, რომ მრავალნი ვაჟ-  
ნი ხანგრძლივ ვრიდებიან კანონიერს ქორწინებასა, და  
შეირთვენ ცოლს მაშინ, რიდესაც ყოველნი გრძობანი,  
რომელნიც საჭირო არიან დამშვიდებულ მეუღლეობი-  
თის ცხოვრებისათვის, უკვე დაჩლუნგებულთა, როდე-  
საც სიმრთელე ჯანისა და ძალ-ღონე წარუგვათ მე-  
ძაგებთანა; ხოლო რომელნიმე სრულიად არა ქორწინე-  
ბიან, რადგანაც პოულობენ უწყსო ცხოვრებაში მომეტე-  
ბულს სიტკბობებასა და კმაყოფილებასა. და ამ გვარნი  
კაცი, ამისთანა ქრისტიანნი იქმონენ იმას, რასაც ბი-  
რუტყენიც არა შვრებიან! და ამ გვარნი კაცი არა ჰგრძნო-  
ბენ სინიდისის მხილებას, არ ეშინიანთ ეკლესიის მუქა-  
რისა. უბედურნო! თქვენ უნდა მოგიყვანათ აქ! თქვე-  
ნის თვლით უნდა იხილოთ წარმწყმედელნი შედეგ-  
ნი გარყვნილის ცხოვრებისა სოდომ-გომორის მცხოვრე-  
ბელთა! ეს შედეგნი საშინელის სინამდვილით წარმოგიდგე-  
ბიან აქ თვალ წინ და იქმნება იძულებულნი გამხდარიყავით  
და დაფიქრებულიყავით თქვენს გარყვნილს ცხოვრება-  
ზედ; იქმნება აქედგან გამოგეტანათ მაცხოვრებელი გა-  
ვეთილი მომავლისათვის, იქმნება ჩილულნი ცხადად  
სასტიკნი კვალნი საშინელის ღვთის რისხვისა გადაქცეუ-  
ლიყო საღსრად გამოფხიზლებისა თქვენის ზნეობრივის  
სიმთვრალისაგან, დაგეცვათ კიწმიდე და უმანკოება ზორ-

ცივლი და შეგვეყენებინათ თავი თვისი ხორციელის სიტყ-  
ბოების მოყვარეობისაგან, და აღგესრულდებინათ მოძღუ-  
რება იგი წმ. მოციქულისა პავლესი: „არა უწყითა, რა-  
მეთუ ხორცი იგი თქვენნი უამარნი თქვენ შორის დამ-  
კვიდრებულისა სულისა წმიდისა არიან!? აღიღეთ უკვე  
ღმერთი ხორცითა მაგით თქვენთა და სულითა მაგით  
თქვენთა, რომელნი იგი არიან ღმერთისა“ (1 ეპოსტ. კო-  
რინთ. 6; 19, 20).

### შენიანე იორდანე და ღაბა იეროქონი




კვდარის ანუ ლოტის ზღვიდგან ამოვიარეთ იორ-  
დანეს მდინარისაკენ. აქ ვაკურთხეთ წყალი ღირღეს  
განცხადების წესით, ვითარცა ექვსი იანვარსა, ესეთ  
მისგან და ვიბანავეთ შიგ; წყალი მდორედ მომდინარეობს,  
თუმცა რუსები ამას ჩქარს უწოდებენ. მდინარის ნაპირები  
ღერწმითა და ტყით არის დაფარული. მოგვითხრეს ჩვენ,  
რომ იმ ადგილას, სადაც ჩვენ წყალი ვაკურთხეთ, ნათელს-  
ულია უფალსა იესო ქრისტესა. ექვს იანვარს მიტროპო-  
ლიტი ბერძნისა ქალ. ბეთლემიდამ აქ ჩამოდის და წყალს  
აკურთხევს. ამ დროს დაესწრობა ხოლომე ათასამდე კაცო  
რუსის მლოცავნი.

ამ ადგილიდგან სამის ვერსის სიშორეზედ არის წმ.  
იოანე ნათლის მცემლის უღაბნო, კართველთაგან ზღმუ-  
ნებული, სადაც ამოვიარეთ, შევედით, ფილოცეთ, ღაუა-  
თვლიერეთ ეკლესია და შესანიშნავი აქაც არა აღმო-  
ჩნდა-რა. აქიდგან ამოვიარეთ იერიქონში, რომელიც მდე-  
ბარეობს მონასტრიდგან ერთის საათის მანძილის სიშო-  
რეზედ. აქ არ შეგვისვენია, გავწიეთ პირდაპირ წმ. ელი-  
სე წინასწარმეტყველის წყაროსაკენ, რომელიც კეთილ გე-  
მოვწნია, წასკვილს ხბრუნებს და რწყავს ზქაურს ვენახებ.

სა, დანაკისკუდთა (ინდის ხურმა), ლიმონისა; ფორთოხა-  
ლისა, ვარდისა და ბანანის ბაღებს.

მცენარე ბანანი არის. ბალახის გვარი, რომელიც აღიზრ-  
დება სიმაღლით ექვსი და სიზრქით ერთ ადლამდე. ისხამს ნა-  
ყოფთა უფერულ მოთეთრ-ყვითლო კიტრისა და ბადრიჯა-  
ნის მსგავსთა, გარდა ფერისა; ნაყოფთა ამათ ხმარობენ საჭ-  
მელად მოხარშულთა წყალში, რომელთაც გარდააძრობენ  
ქერქსა, რომელიც არის ზრქელ და ადვილად გასაფცქე-  
ნელ. მოხარშულს ბანანს დასჭრიან და ჩაჭყრიან სირჩაში,  
სავსე ტკბილის ღვინითა, რომელნიც უმისოდაც არიან  
ღიად ტკბილ და ყუათიან; ბანანს სჭამენ უმსაცა, მხოლოდ  
ქერქ გაცლილსა, ვითარცა ცეცხლის გემზედ მოჰქონდათ  
სხვა ხილის მაგიერად. ფოთოლი ამ მცენარისა არის სი-  
გრძით ადლ ნახევრამდე, და სიბრტყით ძირში უფროს  
ადლის მეოთხედისა. ეს მცენარე გამოსცემს მხოლოდ  
ერთს ყვავილსა თესლად, რომლითაც ამრავლებენ მება-  
ღენი; ხოლო შემდგომად მოკრებისა ნაყოფთასა, მოსჭ-  
რიან ძირში ბალახსა ამას, რათა შემდგომს წელსაცა გა-  
მოსცეს ნაყოფი, და უკეთუ არ მოსჭრეს ძირში, დაშ-  
თება უნაყოფოდ.

ელისეს წყაროს სათავესთან შესრულდა რვა საა-  
თი საღამოსი; აქედგან ხუთის ვერსის სიშორეზედ  
არის მაღალი მთა. რომელზედაც ქრისტე მაცხოვარ-  
მა განატარა მარხვითა და ლოცვითა ორმოცი დღე  
და ორმოცი ღამე; ამისათვის ამ მთას უწოდებენ „ორ-  
მეოც დღიან მთად“. ეს მთა დაჰყურებს იორდანის ღე-  
ლეს; ამ მთაზედ არის ბერძენთა სავანე. ელისეს წყარო-  
დგან შევეუდექი ამ მთას ქვევითად ჩემის თანამოგზაურით მ.  
დეკანოზით და კავასათა, რადგანაც ეტლი ვერ ავიდა ამ  
გზით, მონასტრის ბაღამდის მივალწიეთ, თითქმის შუა  
გზამდის, რომ ღამის ცხრა საათი შესრულდა; შემდეგ ვე-  
ღარ შევძელით ფეხით სიარული აღმართზედ, შორიდ-



Հ. ԲԱՆՈՒՄՅԱՆ ԳՐԱԳՐԱՐԱՆ

հորըմեջ

გან ვილოცუთ ეს წმიდა ადგილი, დავბრუნდით უკანვე ელისეს წყაროზედ და ეტლით წავედით იერიქონს.

იერიქონის ქალაქში დიდად პატიესცემენ ელისე წინასწარმეტყველის ხსენებას: შემდეგ ზეცად ამაღლებისა ილია წინასწარმეტყველისა, მეორე დღეს მოვიდა იერიქონში მისი ყოფილი მოწაფე და შემდეგ მოადგილე მისის დიდებულის მსახურებისა და მემკვიდრე მისის ღვთაებრივის მადლისა, რომელიც მასში განისვენებდა და მის მიერ საკვირველ-მოქმედებდა, ელისე წინასწარმეტყველი. ქალაქის მცხოვრებელთა მოახსენეს შემდეგი სათხოვარი: „საყოფელი ქალაქისა ამის კეთილ, ვითარცა შენ ჰხედავ, გარნა წყალნი ბორბოტნი (დამცდელნი) და მიწა უნაყოფო. და უთხრა ელისემ: მომართვით მე ახალი ქურჭელი და შთაყარეთ მას შინა მარილი; და მოართვეს მას. და განვიდა ელისე წყალის სათავესთან, და შთაყარა წყალში მარილი და სთქვა: განიკურნენ წყალნი ესე და აღარ იყოს მათგან შემდეგ სიკვდილი და უნაყოფობა, და შეიქმნა წყალი ესე ამ დღიდგან კეთილ-გემოვან“ (4 მეფ. 2; 19—22). და ამ სასწაულის გამო წყალსა ამას უწოდეს ელისე წინასწარმეტყველის წყაროდ. ამ სასწაულზედ არის მოხსენებული სხვათა შორის კურთხევანშიაც, ლოცვაში, რომელიც წარმოითქმება მარილის კურთხევაზედ.

ამ წინასწარმეტყველის ხსენების დღესასწაულზედ, რომელიც შესრულდება 14 ივნისსა, საღმრთო წესად აქვთ მიღებული იერიქონში ყურძნის კურთხევა.

დღესაც მოსჩანან იერიქონში ნაშთნი იმ ზღუდეგალავანთა, რომელნიც შეიმუხრნეს ისუ ნავეს დროსა, შემდეგ შეიდ გზის შემოვლისა სჯულის კრდობნითა გარემოს ქალაქისა, რაიცა შესრულდა 1450 წელსა უწინარეს ქრისტეს შობისა.

ამავე ქალაქში ჰქონდა აღშენებული მეფე იროდისა დიდნი სრა-სასახლენი და აქა სცხოვრებდა უკანასკნელს



ღრღესა ეს ბოროტ-მოქმედი, თანამედროვე ქრისტეს შობისა; ამის ბრძანებით იქმნენ ამოწყვეტილ 14 ათასი ყრმა-ნი ბეთლემში და მის გარემო დაბნებში; ამანვე დაარჩო ტბაში თვისის ცოლის ძმა, ახალგაზრდა მღვდელ-მთავარი ალექსანდრე. მოჰკლა ცოლი თვისი შვენიერი მარიამ და ორნი შვილნი მისგან შობილნი, მოჰკლა სიდედრი თვისი, ორი თვისი ძმა და ბიძაცა.

როდესაც იგრძნო უკანასკნელი დღე თავის სიცოცხლისა და დარწმუნებული იყო, რომ იგი სძულდათ ურიებს და არ იტირებდნენ მის გარდაცვალებაზედ, მისცა საშინელი ბრძანება თავის დას სალომესა, შეეკრიბა მეფის სახელითა ყოველნი დიდებულნი და დარბაისელნი სამოცდაათ სულამდის, და გაეწყვიტა იგინი ჟამსა მის სიკვდილისასა, და როდესაც მათზედ იტირებენ მეუღლენი, დედანი და შვილნი, მათ შორის მეც მიტირებენო. მაგრამ გულ-კეთილმა და კეთილ-გონიერმა სალომემ არ შეასრულა ეს ბარბაროსული თხოვნა მომაკვდავის ძმისა, და შემდეგ მეფის სიკვდილისა ყოველნივე გაანთავისუფლა. იროდ მეფის სრა-სასახლეთა შვირედი ნაშორც არ მოსჩანს, ისრე აღვილა პირისაგან ქვეყანისა.

აქ არის სახლი რუსთა მლოცველთა მისადებლად; ეს სახლი აშენებულია რუსთა პალესტინის საზოგადოებისაგან და აქ დავიბანაკეთ იმ დამეს. ძლიერ ცხელოდა, ისრე, როგორც აბანოში; კარსა და ფანჯრებს არ აღებენ, რადგანაც სახლი გაივსება მუმლითა და კოლოთი და დამე მოსვენებას არ მისცემენ კაცსა. იერუსალიმში და იერიქონშიაც საწოლები გარემოს დაფარულია თხელის ქსოვილის ფარდებით, რომ კოლოები არ შევიდნენ და არ უბინონ მძინარესა. ეს სასტუმრო აშენებულია აგერ უკვე ოცი წელიწადია. იერიქონში სცხოვრობენ ბედუინები და არაბნი მაჰმადის სარწმუნოებისანი.

მთელს პალესტინაში არ მოიპოვება იმგვარი მშვენ-

ერი ფინიკის ზეები, ვითარცა იერიქონშია. რუსთა საიზოგადოებას თავისი ბალიცა აქვს იერიქონში.

ეს სასტუმრო სახლი აღუშენებიათ იმ ადგილზედ, სადაც გარდმოცემით უცხოვრია ზაქეს, მეზვერეთა მთავარსა, სახარებაში მოხსენებულსა. ზე, რომელზედაც ავიდა ზაქე იესოს პირის ხილვისათვის, იწოდება ქართულს სახარებაში „ლელტ-სულელი“, ხოლო სლავურში „ЯГДИ-ХИНА“; ერთი ამგვარი ხესდგას რუსის მეტოქიაში; იგი იზრდება საშუალ ნიგვზის ტოლი; ნაყოფი მისი და ფურცელნი ემსგავსება ლელვსა, ხოლო წვირილი ნაყოფი და ფურცელნი ასხია, არა მწიფდება და მომეტებული ნაწილი ძირს ცვივდება. ზე ამისი ჩვენებურს ლედვზედ უფრო დიდი იზრდება, და ხილიცა მისი უგემურია და უსარგებლო. რუსთა საზოგადოების ეზოში აღმოუჩენიათ ნაწი თი ძველის ეკლესიისა, რომელსაც ეხლა სწუმენდენ.

7-ს ივნისს, დამის 12 საათზედ, ამ სასტუმროში მცხოვრებს მორჩილს რუსსა შემოსმენია გარედახ ხმა; გასულა ქუჩაში და უნახავს, რომ ამადის მამულის მახლობლად გზაზედ ამოუთხრიათ მიწა არაბთა და მიაგორებენ დიდს ქვაბსა. უკითხავს, რას მიაგორებთო? არაბს უპასუხნია: ქვას მივაგორებო. რუსსაც უპასუხნია: ქვას მაგგვარი ზრიალი არ ექმნებაო. შემოგბრუნებულა სახლში, რათა მოახსენოს ეს შემთხვევა უპირატესს მონაზონსა, და ვიღრემდის გასულან ივინი გარეთ, ქვაბი უკვე ცალიერი დახვედრიათ. თუცა-ღა გამოუცხადებიათ რუსთა მონაზონთა ამ შემთხვევის შესახებ პოლიციისათვის, მაგრამ ქვაბის მპოვნელნი არაბნი არა მხილდებიან,

იერიქონში ისეთი ტროპიული სიცხეები არის ხოლმე, რომ 14 ივნისს, დღესა ელისე წინასწარმეტყველის ხსენებისასა, სრულიად მწიფე ყურძენს აკურთხებენ ყოველს წელსა. ერთს რუსს, ქ-ნ ბაღდანოვიჩს, აღუშენებია ქალაქ იერიქონში საკუთარის საფასით ეკლესია ელისე

წინასწარმეტყველის სახელზედ, მასთანავე სასტუმრო სახლი და ბაღიც მლოცავთა შესაწყნარებლად. სიკვდილის წინად ყოველივე ეს უანდერძებია და გარდაუცია ბერძენთა პატრიარქისათვის. ამ გვარს სახლს მომეტებულად საჭიროებენ რუსთა მლოცავნი, რომელთა რიცხვი, პალესტინაში მომავალთა, მრავლდება ათასობითა, და საზოგადო რიცხვით ერთი სამად აღემატება ყოველთა ქრისტიანეთა მლოცავთა, ეროვნების განურჩევლად.

ეს მაგალითი შეწირვისა მომაგონებს შეორე ამ გვარს შემთხვევას, მხოლოდ ქართველთა ცხოვრებისას. საქართველოს ერთი კეთილშობილთაგანი, კაცი ცხოვრებაში გამოცდილი და უკვე მოხუცებული ჩ., ამ ორის წლის წინად აღძრული მოღვაწეობითა კეთილ-მსახურებისათა, წავიდა იერუსალიმს და თვისი საკუთრება რამდენიმე ათასი მანეთი—შესწირა იერუსალიმის საპატრიარქოს. ერთს წელზედ მომეტებული ვეღარ შესძლო იქ ცხოვრება და ეხლა ათონის ქართველთა სავანეში იწყებს მოღვაწეობას. ცხადია, გაცემულს ფულს აღარ დაუბრუნებენ ბერძენთა მონაზონნი. იქ რომ არ შეეწირა, განა თვით საქართველოში მცირედნი არიან სავანენი და ეკლესიანი, რომელნიც ღიდს ნაკლულევანებას ითმენენ და მოოხრებაში მოდიან!

სხვა-და-სხვა ერნი, აღმსარებელნი ქრისტეს სარწმუნოებისა, მართლ-მადიდებელთ გარდა, მოდიან იერუსალიმში სალოცავად არა იმდენნი რიცხვით, როგორც რუსეთიდგან. ფრანგნი, იტალიელნი, ისპანიელნი, გერმანელები და ინგლისელები მოდიან იერუსალიმს მომეტებულად ზამთრობით, შემდეგ წლიურის შემოსავლის შეკრებისა და უფრო წესიერად. თითოეულს კრებას, ერთად მოსულსა, თვისი ამორჩეული კაცი ჰყავს; ამას ემორჩილებიან ვითარცა წინამძღვარსა; ეს ერთი ჰხარჯავს ყოველის საჭიროებისათვის, იგივე აძლევს კრებას ანგარიშს ყოველ

დახარჯულ ფულისას. ესენი არც ქვევითად დაიარებიან სალოცავად, როგორც რუსთა მდაბიო ხალხთაგანი; არამედ ჰქირაობენ ეტლებსა, ცხენებსა, ვირებსა ანუ ჯორებსა და ისე მოგზაურობენ წმ. ადგილების მოსალოცავად; არც დიდხანს რჩებიან პალესტინაში, ორი კვირა, ანუ ერთი თვე, და შემდეგ ყოველნი ერთად ჰბრუნდებიან სამშობლო ქვეყანაში. ხოლო რუსთა მლოცავნი, მოსულნი პალესტინაში დეკემბერს, რჩებიან აქ ივნისის დაწყებამდის, ხოლო ბევრნი სრულს წელსაც; ამასთანავე შეხვდებით მრავალსა მათგანსა, რომელნიც რამდენსამე წელს ატარებენ იერუსალიმში—მამაკაცი და დედაკაცი; და ზოგნი მათგანი მეორედ და მესამედ არიან მოსულნი იერუსალიმს. მე თითონ ვნახე ცეცხლის გემზე, რომლითაც მოველი იაფფაში, ერთი რუსის ახალგაზდა ქალი, რომელიც მესამედ მოდიოდა იერუსალიმში სალოცავად. იორდანეს ვაკე ყველაზედ უღრმესია დედა-მიწის ზურგზედა, იგი დაბლად არის ზღვის დონეზედ 1400 ფუტითა.

11 ივნისს, პარასკევს, დღის 11-ს საათზედ, დავბრუნდით იერუსალიმს მშვიდობით ჩვენს ბინაზედა.

### მთა-კერძო-ადგილი შობისა იოანე ნათლისმცემლისა.



ენისის 12 წარვედით მთად კერძოს, რომელი ჰშორავს იერუსალიმს რვა ვერსით. აქ არის რუსთა დედათა სავანე, რომელსაც განაგებს იერუსალიმის რუსთა მისსიის არქიმანდრიტი; წირვას მიუხსნაო; გვიჩვენებს აქ ადგილი, სადაცა წმ. ქალწული მარიამ მოიკითხვიდა ელისაბედსა. ამ დღეს ფრანგებმა იდღესასწაულეს ამავე დაბაში შობა იოანე ნათლისმცემლისა, რადგანაც ეს რიცხვი ეთანასწორება 24 ივნისს იულიოსის კალენდარისამებრ, როდესაც მართლმადიდებელი ეკლესია აღასრულებს დღესასწაულსა იოანე წინამორბედის შობისასა.

ფრანგებს აქვთ აქ ორი ტაძარი, ერთი ზაქარიას სახლის ადგილზედ, და მეორეც იოანნე წინამორბედის შობის ადგილზედ. რუსთა დედათა მონაზონნი არიან მთაღკერძოს სავანეში ასამდე სულნი. ზოგადი ტრაპეზი აქვსთ; წინაღ-კი ყველას თავისის ხარჯით უცხოვრია. წირვაზედ ამ სავანეს ეკკლესიაში წაიკითხა სახარება რუსის მღვდელმა ერისაჲს პირ-მიქცეულად. როგორც სიანს, რუსთაც მიუღიათ ასეთი ეკკლესიური წესი, რაიცა სარწმუნოების დოღმატს ანუ კახონს არ შეადგენს.

13 ივნისს, კვირას, ვწირე რუსთა მონასტრის საკრებულო სამების ტაძარში ძამა წინამძღვართან; თანამწირველნი ვიყავით რვანი; არქიმანდრიტს მიტრაზედ ჯვარი აქვს; ასამაღლებელის დროსა: „მადლი უფლისა ჩვენისა იესო ქრისტესი, და სიყვარული ღვთისა და მამისა, და ზიარება სულისა წმიდისა იყავნ თქვენ ყოველთა თანა“, გააღეს სამეფონი კარნი და წინამძღვარმან ჯვარით, მოღებულთ ტრაპეზიდგან, გამოსაჭა ერსა ზედა ნიშანი ჯვარისა, ესე იგი, აკურთხა იგინი ჯვართა; ეგრეთვე მოიქცა ასამაღლებელის დროსა: „და იყვნენ წყალობანი ღმრთისა და მაცხოვრისა ჩვენისა იესო ქრისტესნი თქვენ ყოველთა თანა“. ამასაც ეგრეთვე მოართვეს ლანკანითა სეფისკვერნი, ვითარცა პატრიარქის წირვის დროსა, და ამანაც გადასწერა ჯვარი ხელითა ლანკანსა.

ამ დღეს სიცხე ეს გრადუსზედ მომეტებულია; დილის რვა საათის შემდეგ გარედ გასვლა ძნელია, სახლში ჰრადუსია; ეკკლესიიდგან გამოსვლის შემდეგ თვალები ამიქრელდა მეტის-მეტ სიცხისაგან, ვეღარა დავინახე-რა.

**წმ. მოციქ. იაკობ ზებედეს მონასტერი.**



ენისის 14 შვეველი წმ. მოციქულის იაკობ ზებედეს ტაძარში წმ. მოციქ. იაკობ ზებედეს მონასტერს, რო-

მელოც ასის წლის წინად ქართველთ ერის საკუთრება იყო და აწ ჰელობენ მას სომეხნი, აქვს ბაღი, რომელშიაც შესანიშნავია ერთი უზარმაზარი კვიპაროზის ხე. მონასტერს აქვს ღრდი ვრცელი ეზო, რომელშიაც არის კარგად მოწყობილი სკოლა. სადაც იზრდებიან 40—50 ჭაბუკნი სომეხნი, აქვს სტამბა, შიგვე არის საცხოვრებელი ადგილი სომეხთა პატრიარქისა; ეკლესია წმ. მოციქ. იაკობ ზებუნდეს სახელზედ არის ერთი პირველ-ხარისხოვანი ეკლესიათა შორის პალესტინისა, შესანიშნავი თვისის სიმდიდრითა, ხუროთმოძღვრებითა და აღმოსავლურის ფერად-ფერადის ქანდაკებითა. ეკლესია ნათდება ზევიდან უუმბათით, მრავალნი ძვირფასნი ოქროსა და ვეცხლის ლამპარნი ზრწყუნავენ ყოველს მხრით. მარცხენა სამხრეთი უჩვენებენ ადარლს წმ. მოციქულის იაკობის წამებისას, რომელიც წინაშე უფლანსა იესო ქრისტესი სცილილობდა, თვისის დედის სალომეს შუამდგომლობითა, მიეღო პირველი ადგილი ქრისტეს ქვეყნიერს სუფევში, ვითარცა შოშრებული ნაწილი ურიათა ელოდებოდა, მაგრამ ღვთის განგებამ პირველობა მას არგუნა წამებაში, რადგანაც თვისი სისხლი დაახოცა ქრისტეს სარწმუნოებისათვის უპირველეს ყოველთა ათორ მეტთა მოციქულთა და წარეკვეთა ბავი გალილიის მეფის იროდ ავარიპას ბრძანებითა. ამის წამების ადგილზედ ხუთნი ლამპარნი ანთით განუქრობელიად. ჯვამი წმ. იაკობ მოციქულისა საიდუმლოდ იქმნა წაღებულ იერუსალიმით ესპანისა და აწ განისვენებს ქალაქსა „სანტ-იაგო-დი-კოსპოსტელო“-ში. დასავლეთის მხრივ ამ წმიდა ადგილისა არის საფლავი იერუსალიმის ეპისკოპოზის მაკარისა, თანამზრახველისა და თანამოსაგარისა წმ. ელენე დედოფლისა ცხოველს-შყოფელის ჯვარის პოვნაში და აღშენებაში იერუსალიმს ტაძართა და ღვთივ-სათნო შენობათა.

ამ დიდებულის მონასტრის შესახებ; რომელიც საქართვე

ლოს ურის შეგნებას შეადგენდა ოდესმე, და იყო ძველი ჩიგნის ეროვნულის ძველის კეთილ-მსახურებისა და ჭეშმარიტის სარწმუნოებისა, რუსის მწერალი ერთს სიტყვასაც არ ამბობს, რომ ოდესმე ეს სავანე ქართველს ერს ეკუთვნოდა. ცხადია, რომ ეს უმეტრებით მოსვლია, რადგანაც სომეხნი და ბერძენნი გარემოებას ამ მონასტრისას არ აღვიარებდნენ მის წინაშე შიშისა გამო, რომ ქართველმა ერმა, ძველად დიდებულმა ქრისტეს სარწმუნოებითა, რაინდობითა და ნივთიერის შეძლებითა, კვლადცა თავი არ იჩინოს, არ განახლდეს ვითარცა ორბისა საჭაბუკე მასა და აღვივდეს, ვითარცა ფინაია, უდიდესისა და უძლიერესის მართლ-მადიდებელის რუსეთის იმპერატორის მფარველობის ქვეშე. ღვთის მადლითა ესეც შესაძლებელია! ქართული ნაშთი ყოველივე მოუსპიანთ სომხებს ამ სავანეში, ვითარცა ბერძენთა და ლათინთა სხვა ქართველთა მონასტრებში.

სიმდიდრით და მშვენიერებით არც ერთი ეკლესია არ შეედრება მრთიფს პალესტინაში წმ. მოციქულის იაკობ ზებედეტს ტაძარსა იერუსალიმში. ეს ეკლესია ადრე შენგებია საქართველოსთვის, გიორგი კუროპალატსა მე-XI საუკუნის ჩახევარში, და ეხლა, ჩვენდა სამწუხაროდ, სომხები ჰფლობენ მას, თითქმის ასის წლის განმავლობაში. მურავიოვი სწერს, რომ იერუსალიმის საპატრიარქოში არის გრამატა მასზედა, რომ სომხები მოვალენი არიან გარდასცენ ეს ტაძარი ქართველთა, როდესაც იგინი შემძლებელ იქმნებიან გარდაუხადონ ყოველ-წლიური ხარკი ხონთქარსა ამ მონასტრის მფლობელობისათვის. მაგრამ ბნ ცუდარელს ეს გრამატა არ უნახავს იერუსალიმში მყოფობის დროსა 1883 წელსა.

ამ დღესვე ხუთს საათზედ. ვნახეთ ბერძენთა იერუსალიმის პატრიარქი დამიანე და გამოვთხოვეთ კუროთხევა სამგზავროდ სამშობლოსაკენ. მაკურთხა ქრისტე მაცხო-

ვრის აღდგომის ხატითა. თუმცა-ღა ჩვენ ვაპირებდით წასვლას გალილევას, ნაზარეთისა და თაბორის,—ფერის-ცვალების ადგილის-მოსახილველად, მაგრამ პატრიარქმა არ გვირჩია, რადგანაც იქ მომეტებული სიცხეები იქმნება ამ დროს და შეიძლება ავად გახდეთო. ჩვენც უარ-ვყავთ იქ მგზავრობის სურვილი.

15 იენისს, სამშაბათს, დილის რვა საათხედ გამოვესალმეთ წმ. ქ. იერუსალიმს; უკანასკნელად ვილოცეთ ქრისტეს ცხოველ-მყოფელის საფლავისა და ჯვარისა წინაშე გოლგოთაზედ. პატრიარქი შეგვხვდა ამ დილითაც, ეკლესიიდან დაბრუნების შემდეგ, რაც დიდ ნუგეშად მივიღეთ; კვალადცა გვაკუთხა მისმა უნეტარესობამ და დაგვილოცა მგზავრობა. სამგზავრო სადგურამდის გამოგვაცილეს მელეტი მთავარ-ეპისკოპოსმა და პალესტინის რუსთა საზოგადოების გამგემ ბნმა მიხილოვმა თავისის სახლობით. ეს უკანასკნელი დიდს ყურადღებას აპყრობს მლოცავთა მდგომარეობას და ყოველის მხრით სცდილობს გაუადვილოს მლოცავთა უცხო ქვეყანაში მიმოვლა. მანვე გამოგვაყოლა საკუთარი კავასი იაფთამდის, სადაც მოველით მშვიდობით შუადღის 11 საათხედ.

იაფთაში დავიბანაკეთ რუსთა სავანეში. იგი არს მორწორებით სამის ვერსტისა სამგზავრო სადგურიდგან. ეს სავანე აშენებულია იმ ადგილს, სადაც ბეტრე მოციქულმა აღადგინა მკედრეთით კეთილ მორწმუნე ტაბითა დედაკაცი. ამ ადგილზედ არის აშენებული ახალი ეკლესია რუსთაგან, თუმცა არა იმ საფლაზედ, სადაცა უჩვენებენ ქებას, რომელსა იყო დადებულ მკედარი ტაბითა. ამავე გამოქვაბულში არის რამდენიმე საფლავი, აწ ცალიერი, რადგანაც გვამნი გადაუსვენებიათ სხვა ადგილზედა.

იაფთაში სცხოვრობენ ქრისტეანენი არაბნი მცირედ, ხოლო მომეტებული ნაწილი არიან მაჰმადის სარწმუნოებისანი. ამათ ჯვარის დანახვაზედ აღქმვრებათ ხოლმე სი-



ძულვილი ანუ ფანატიზმი; ამისათვის ურჩევნ მღვდელთა დაპყრონ ჯვარი, რომელსაც ჩვენ ვატარებთ მკერდზედ გარედგან, ნიშნად სამღვთო ხარისხისა ანუ კეთილის და წარჩინებულის სამსახურისათვის დაჯილდოვებისა, სიტყვისაებრ მოციქულისა: „რომელნი კეთილად ქსმდოდანს ზუგსნი, ორის ნაწილის ზატივისა დარს-იყვნედ, უფროს სოლო, რომელნი ქმრებოდენ სიტყვისა და მომღვრებათა“ (პირ. ების. ტიმ. ნ, 17).

იაფთაში რუსთა საღვურს გარემოს არს მშვენიერი წალკოტი, სავსე ყოვლის ტროპიკულის მცენარეთი. არის ვრცელი ბაღი ფორთოხალისა და ლიმონისა, არის ფინიკებიცა, თუმცა არა ხშირად; ვენახი მცირედია; ჩვენებური ნიგვზის ხე მხოლოდ ორი ვნახე მთელს პალესტინაში; აქვე არიან: ბანანი, ნუში, ალენდრა და სხვანი ოცამდე ფერად-ფერადნი მცენარენი, თვალთა მასიამოვნებელნი და ყნოსვისა და გემოვნების დამატკბობელნი.

რუსები ისეთს აღტაცებაში მოდიან ამ ბაღის ხილვით, რომ ქვეყნიერ სამოთხედ უწოდებენ. მანქანებით ამოჰყავთ წყალი ბაღების მოსარწყავად; მანქანებს ატრიალებენ ჯორის ანუ ვირის საშუალებით.

15 ივნისს საღამოზედ მოვიდნენ ქ. ყაზანიდგან 21 მოწაფენი რუსთაგანი გიმნაზიის ორის უფროსის კლასისა, ორის მასწავლებლის წინამძღოლობით. ესენი მიემგზავრებოდნენ იერუსალიმს სალოცავად და პალესტინის სხვათა წმ. ადგილთა მოსახილველად ღმერთმან ინებოს და აკურთხოს, რათა ამათმა კეთილ მსახურების მაგალითმა სხვათაც აღუძრას საღმრთო სურვილი წმ. ადგილთა მოლოცვისა და მოხილვისა, განსამტკიცებელად სარწმუნოებრივის გრძნობისა, რაც. სამწუხაროდ, ახლთათაში სუსტად ჰლვივის, ვითარცა ნაპერწყალი ნაცარს ქვეშ; ღმერთმან ინებოს, ეს წმ. მისწრაფება დიდ საღმრთო ცე-

ცხლად ქრისტეს სარწმუნოებისა და სიყვარულისა აღ-  
გზნებულიყო. თითოეულს მოწაფეს ცეცხლის გემით მოგ-  
ზაურობა დაუჯდება ექვს მანეთად, მხოლოდ საზრდო თვისი  
უნდა ჰქონოდათ. მოსკოვის სასულიერო აკადემიის სტუ-  
დენტებმაც თავის რექტორის წინამძღოლობით მოილო-  
ცეს პალესტინის წმ. ადგილები 1900 წელსა. აი, კეთილი  
მაგალითი ვითარ მიმზიდველი და მისაბაძველია!

ტროპიკული სიცხე-პაპანაქების მიზეზით და ამ დროს  
გავრცელებულის შავის ქირის გამო მე ვერ შევასრულე  
მიმოვლა და მოლოცვა ჩრდილოეთის ნაწილის პალეს-  
ტინისა, გალილიად წოდებულისა, რომელიც შესანიშნა-  
ვია არა ნაკლებ სამხრეთის პალესტინისა სახარების მოთ-  
ხრობათა მიერ, და ვერცა მოვილოცე სინას მთა, რომ-  
ლის მწვერვალზედაც წინასწარ-მეტყველმა მოსემ მიი-  
ლო ღმრთისაგან ორნი სჯულისა ფიცარნი ზედ დაწე-  
რილის ათის მცნებითა. ამისათვის ამ შესანიშნავ წმიდა  
ადგილებს აღწერაში ვისარგებლე რაოდენადმე რუსულს  
ენაზედ გამოცემულის წიგნებიდამ—ათონის წმ. ილიას  
მონასტრისა მიერ და მღჳდლის მ. ალექსანდრე ანისიმო-  
ვისაგან, რათამცა კეთილ მსახურის და კეთილ-მორწმუ-  
ნის მკითხველისათვის მიმეცა შეძლებისაებრ სრული წარ-  
მოდგენა აღმოსავლეთის წმიდა ადგილებზედა.

### ნ ა ზ ა რ ე თ ი.

**მ**ირველად თავ-მდაბალი, მაგრამ შემდეგ ყოვლად  
ღიდებულ შეიქმნა ქალაქი ნაზარეთი. აქ მოივილი-  
ნა ზეციით მთავარ-ანგელოზი გაბრიელ რქმად ყოვლად  
წმიდისა ქალწულისა მარიამისა მიმართ: „გიხაროდენ, მი-  
მადლებულო! უფალი შენთანა; კურთხეულ ხარ შენ დე-  
დათა შორის; სული წმიდა მოვიდეს შენზედა და ძალი

მალღოსა გფარვიდეს შენ; ამისთვისცა შენგან შობილსა წმიდა ეწოდოს და ძე მალღოსა“ (ლუკ. 1; 28-35). ამ ქალაქში შესრულდა საუკუნიდგან დაფარული საიდუმლო განხორციელებისა ღმრთისა სიტყვისა. ეს ქალაქი მდებარეობს გალილეაში, რომელიც შეადგენს ჩრდილოეთის ნაწილსა პალესტინისას. ჰავა ნაზარეთისა არის კეთილშეხავებული და მშვენიერს შთაბეჭდილებას ახდენს ეს ადგილი უცხოეთიდან მოსრულთა მლოცველთაზედა. ნაზარეთში ითვლება ნათასამდე მცხოვრებნი, რომელთაგან მომეტებულს ნაწილს შეადგენენ მართლ-მადიდებელნი ქრისტიანენი და მაჰმადიანნი. დიდის კონსტანტინეს გამეფებამდე, ნაზარეთში არავის არა ჰქონდა ცხოვრების ნება გარდა ებრაელთა, ხოლო ეხლა არ მოიპოვება აქ არც ერთი ებრაელი.

რუსის მისიას აქვს აქ აშენებული სახლი, სადაც დაისადგურებენ რუსეთიდგან მოსრულნი მლოცველნი, რომელნიც მრთელის ქარავანით ორ-სამ ათას სულამდის მოვა ხოლმე ყოველს წელს 25 მარტსა, ხარების დღესასწაულზედ, სალოცავად იმ ადგილისა, სადაც ყოვლად წმიდა ქალწულმა მარიაჲმ მიიღო ხარება ანგელოზისაგან ძისა ღვთისა განხორციელებისათვის. ამ სახლის ადგილზედ არის აშენებული ეკლესია, რომელიც ეკუთვნის მართლ-მადიდებელთა; არის მეორე ეკლესიაც, რომელიც ეკუთვნის ლათინთა, და ესენიც ამტკიცებენ, რომ მათი ეკლესია არის აშენებული იმ ადგილზედა, სადაც ღვთის-შობელმა მიიღო ხარება ანგელოზისაგან. ამათი მონასტრები აშენებულია აქ 1620 წელსა.

ტიმოთე თბილელი მთავარ-ეპისკოპოსი, რომელმაც მოილოცა წმ. ადგილები პალესტინაში 1755 წელსა, მოგვითხრობს თავისს მოგზაურობაში, რომ ქართველებს ოდესმე ნაზარეთში ჰქონიათ ოთხი მონასტერი.

იუდეასა და სამარიაში დედაკაცები გარეთ დადიან


პირბადით ჩამოფარებულნი, ხოლო გალილევას საზღვრიდან ახსნილის პირის სახით და ყველანი ლურჯის პერანგებითა და ფერადის ქვედა სამოსელითა, ხოლო მამა-კაცო არ აცვიათ ქვედა საცვალი, არამედ გრძელის პერანგით აქვსთ დაფარებული ქვემოთი ნაწილი სხეულისა. ქვემო ნაწილი პალესტინისა—ურიასტანი, შედარებით გალილევასთან, არის ხმელი, უნაყოფო კლდიანის ნიადაგით, ხოლო გალილეა ფრიად ნაყოფიერია; პირველზედ - იუდეაზედ—დღესაც მოსჩანს ცხადი კვალი ღვთის რისხვისა უსამართლოდ დათხეულის სისხლისათვის მაცხოვრისა. ხოლო გალილეა, ვითარცა მშვიდობიანი სამშობლო ყოველად კურთხეულისა მარიამისა, სარგებლობს, შემდეგ მისის მიძინებისა, მისისავე უზენაესის მფარველობითა და ზეციერის კურთხევითა. სახელწოდება ნაზარეთისა ე'რაულს ენაზედ ჰნიშნავს „ყვავილსა“.


ნაზარეთში ხარების ეკკლესია არის აღშენებული იმ ადგილზედ, სადაც ყოველად წმიდა ქალწულმა მარიამმა მიიღო ხარება ანგელოზისაგან მუცლად ღებისათვის მაცხოვრისა. ეს ეკკლესია ეკუთვნის ფრანგებსა. ხოლო მართლ-მადიდებელთა ეკკლესია კვალადცა ხარების სახელზედ არის აღშენებულ ზედ იმ წყაროზედ, რომლიდანაც ყოველ-დღე წყალი მიჰქონდა ყოველად წმიდა ქალწულსა მარიამსა თავის სახლის სახმარებელად. დღესაც ამ წყაროდან სარგებლობს ნაზარეთი, რადგანაც თვისის სიდიდით და კეთილ-გემოვნებით ყოველთა აკმაყოფილებს.

ხარების ეკკლესიაში ნაზარეთს, როდესაც მწირველი ყოფილა მიტროპოლიტი თაბორისა და თანამწირველნი რავდენნიმე მღვდელნი, ამ უკანასკნელთა წარმოუთქვამთ ყოველი მშვიდობიანები წირვაზე და მთავარ-ღიაკონების მაგიერობა გაუწევიათ, რადგანაც იგინი არა ყოფილან წირვაზედ; და სახარება. კათედრაზედ წაუკითხავს ერთს მღვდელს, ამავე დღეს ნაზარეთში შეუსრულებიათ.

პანაშვიდი მიტროპოლიტის უპირატესობით მოსახსენებელად ახლად გარდაცვალებულის რუსეთის ხელმწიფე იმპერატორისა ალექსანდრე მეორისა; მშვიდობიანები პანაშვიდზედ წარმოუთქვამთ მღვდლებს რიგზედ და მათ შორის ერთი რუსის მღვდელიც ყოფილა მ. ალექსანდრე ანისიმოვი და ამ უკანასკნელს ორგზის წარმოუთქვამს მიცვალებულისათვის კვერეკსი.

### თ ა ბ რ ი.

წინარეს ორმოცის დღისა თავის ჯვარ-ცმამდის უფალმა იესო ქრისტემ აღიყვანა თავისთან თაბორის მთაზედ მომეტებულად ერთგულნი და განათლებულნი სახარების ნათლითა მრწაფენი — პეტრე, იაკობ და იოანე, და იწყო ლოცვად, და როდესაც ლოცულობდა, ფერი იცვალა წინაშე მათსა ისრეთ, რომ პირი მისი გაბრწყინდა, ვითარცა მზე, და სამოსელნი მისნი იქმნენ სპეტაკ და ელვარე, ვითარცა თოვლი; ყოველივე პიროვნობა მისი აღიბეჭდა ღვთაებრივის ბრწყინვალეებითა. ესეთი ზეციერი ბრწყინვალეება მოციქულთა შეეძლოთ შეეღარებინათ მხოლოდ ნათელთან, თოვლთან და ელვასთან. და აი გარემოს მისსა გამოცხადდა ორი კაცი. როდესაც უდაბნოში მაცხოვარი ამზადებდა თავსა თვისსა დიდის ღვაწლისათვის ცხოვრებისა, მოვიდნენ და მსახურებდნენ მას ანგელოსნი, ხოლო ეხლა, როდესაც იგი ემზადებოდა სიკვდილისათვის, გამოცხადდნენ მის წინაშე მოსე და ილია წინასწარმეტყველნი და საუბრობდნენ მის აღსასრულისათვის, რომლისათვის ქრისტე უწინარეს ეტყოდა თვისთა მოციქულთა. როდესაც ბრწყინვალე ჩვენებამ იწყო დაბნელება და დიდებულნი მნახველნი მზად იყვნენ განშორებისათვის, აღტაცებულმა პეტრემ, შეშინებულმა მათის მსწრაფლის დაშორებითა, არ უწყო-



მთა ოლიმპოსი.

და, რა უნდა ეთქვა, ლალად-პყო: „მოდგენს კეთილ-არს ჩვენ-  
და აქა ყოფა, და გჭქმნეთ აქა სამ ცალაგან (კარაგი), ერთა შენ-  
და, ერთი მოსესა და ერთი აღიასა“. ამ დროს ბრწყინვალე  
ღრუბელმა დაჰფარა იგინი და მოისმა ზეცით ხმა: „ესე არს  
შე ჩქმა საყვარელა, რომელა შე საინო ვიყავ; ამისა ასმა-  
ნეთ“ (ლუკ. 9; 28 - 35). ეს თაბორის მთა არის გამარ-  
ტოებით ამადლებული ეზდრელონის ვაკეზედ, გარშემო  
იგრგვლივ 80 ვერსი სიგანე აქვს, და გარდი გარდმო 12  
ვერსამდის; მწვერვალი ამისი ემსგავსება შუაზედ გაჭრილს  
ვაშლს პირალმა დადებულსა. მთის მწვერვალზედ ნახევარ  
ვერსამდი ვაკე არის; ზევიდან მშვენიერი გარდასახედი  
აქვს ყოვლის მხრით. მუხის ტყე ამშვენებს მისს გარემო  
ბუნებას. აქ იყო აღშენებული IV საუკუნეში სამი ეკ-  
კლესია ნეტარი ელენა დედოფლისა მიერ. ეხლა მათ  
ნანგრევებზედ არის ორი მონასტერი ერთი ბერძენთა, და  
მეორეც ლათინთა. ბერძენთა მონასტერში სცხოვრობს  
მიტროპოლიტი, წოდებული თაბორელად.

### ტიბერიის ზღვა



ახარებაში მოხსენებულია რამდენჯერმე გალილეას  
ტბა, იგივე ერთ გზის იწოდება გენისარეთის ტბად  
და დასასრულ იოანე მახარებელი სახარებაში უწოდებს  
ამავე ტბას ტიბერიის ზღვად. გალილეას ტბად იწოდება  
იგი, რადგანაც მდებარებს გალილეას სამფლობელოში; გე-  
ნისარეთის ტბად იწოდება. ვინაიდან მეორე მხარე ამ ტბისა  
მდებარებს გენისარეთის ანუ გადარინელთა მიდამოსაკენ.  
ტიბერია ერთი უმთავრეს ქალაქთაგანია გალილეასი. იგი  
აღაშენა იროდ ანტიპა მეოთხე-მთავარმა საკვირველის სი-  
ჩქარითა და შექმნა იგი ტახტის ქალაქად გალილეასი, და  
უწოდა მას ტიბერიად, პატივსაცემლად რომის კეისრისა

ტიბერისა, მისის მუარველისა და მწყალობელისა. ახლად აღშენებულის ქალაქისა გამო ამ ტბამ, რომლისა ნაპირზედ აშენდა იგი, მიიღო სახელწოდება ტიბერიის ზღვისა. ეს ტბა სიგრძით არის 25 ვერსი და სიგანით 10 ვერსი. შემდეგ იერუსალიმის დაქცევისა 70 წელსა შემდეგ ქრისტეს შობისა, შესანიშნავნი სწავლულნი იუდეანთა ერისა გადმოსახლდნენ ტიბერიის ქალაქში. ტიბერიადის აკადემიიდან გამოვიდა მიშნა, ანუ ურიათა სჯულის მდებელი წიგნი ტალმუდი, შედგენილი იუდა რაბინისა მიერ. ამ წიგნს ურიანი ჰხადიან უმაღლესად და უსრულესად მოსეს ხუთთა საღმრთო წიგნთა. კონსტანტინე დიდის დროს აქ აღშენებულ იქმნა პირველი ქრისტიანეთა ეკლესია. ურიანი და ქრისტიანენი გამოდევნილ იქმნენ ტიბერიადამ წმწ წელსა, როდესაც სირია დაპყრობილ იქმნა არაბთაგან.

მაგრამ დიდებული დროება ტიბერიადისა უკვე წარხდა; მხოლოდ ნანგრევები მოაგონებენ ძველს მისს დიდად მშვენიერებას. აქ ირიცხება ამ ჟამად ხუთი ათას სულამდის, რომელთა შორის მუსულმანები—თურქნი და არაბნი 700 სულამდის; ქრისტიანები 150 სულნი და დანაშთენნიც ურიანი. ამათი სინაგოგა (სამლოცველო) ირიცხება პირველად აღმოსავლეთში, ხოლო მისი მოძღვარნი - დიდ მეცნიერებად. სხვა ქვეყნებიდამ ურიანი მოდიან ტიბერიადაში დღევანდლამდის, იმავე კეთილმსახურებისაებრ, რომელიც ჩვენ მიგვიზიდავს იერუსალიმს. მრავალნი ურიანი მოდიან სხვა ქვეყნებიდამ, რათა გაატარონ აქ დანაშთენი დღენი თავის სიცოცხლისა, რამეთუ გარდამოცემისაებრ, ადგილობრივთა ურიათა მიერ პატივცემულისა, მესია (ქრისტე) უნდა მოვიდეს კაპერნაუმიდან ტიბერიადას; ამისათვის ბევრნი მათგანნი, განთქმულნი სარწმუნოებითა და ღვთის-მსახურებითა, აღვლენან და დასდგებიან მაღალს ადგილებზედა და იქიდგან გაუწიველად დაჰყურებენ ქალაქის ნანგრევთა და ტიბერიის ზღვასა, საიდ-



განაც ვითამც უნდა მოვიდეს ესრედ ხანგრძლივ მოლოდენ-  
ბული მათ მიერ გამოხსნელი. მომეტებულად შემძლებელ-  
ნი ურიანი ინახვენი მხმილავთა (ყარაულებსა), რათამც იყუ-  
ნენ პირველ მახარებელნი მის ფრიად სასურველისა მოსვ-  
ლისა. ეხლა რომ აღსდგეს საფლავით იროდ ანტიბა და  
დაჰხედოს მის მიერ შობილს საყვარელს შვილსა, ტიბე-  
რიის ქალაქსა, თავს გაიქნევდა და უკანონო-შობილად  
სცნობდა მას.

მაგრამ ტიბერიის ზღვა ვერ შესცვალეს ვერცა ჟამ-  
თა, ვერცა სხვა-და-სხვათა ფიზიკურთა და პოლიტიკურ-  
თა აღრეულობათა. იგი არსებითად დაშთა ისრეთივე, ვი-  
თარცა იყო ქრისტეს ქვეყნად ცხოვრების დროსა. თუმცა  
არ არის ისრეთი მოძრაობა ნავებისა ტიბერიის ზღვაზედ,  
მაგრამ მშვენიერებანი ბუნებისა დარჩნენ ამ დრომდის იგი-  
ნივე: ვარემოს მისა მწვანედ ბიბინებენ ველ-მინდორნი,  
მოჩუხჩუხებენ წყარო-ნაკადუონი და ერთვიან ტბას, ვი-  
თარცა ყრმანი დედის მკერდსა.

გალილეას ტბა და მისნი მიდამონი იყვნენ განსაკუთ-  
რებით საყვარელ მათ შემოქმედის და ღმრთისა, მის ოც-  
დაათცამეტის წლის ქვეყნიერ ცხოვრების დროსა. იგი  
არს განსაკუთრებით სახარების ტბა, რამეთუ მასზედა და  
მის ნაპირებზედა შესრულდენ სახარების მრავალნი მოთხ-  
რობანი; მისნი წყალნი და კლდენი არიან წმიდა ყოველთა  
ქრისტეანეთათვის. აქ იქმნენ აღრჩეულ ქვეყნის მაცხოვ-  
რისა მიერ მოციქულნი: სვიმონ, წოდებული პეტრედ, და  
ძმა მისი ანდრია, იაკობ და ძმა მისი იოანე. აქ ასწავებ-  
და უფალი ერსა, რომელიც მიისწრაფებოდა მისა მი-  
მართ, ვითარცა სულიერად მწყურვალე უკვდავებისა წყა-  
როსადმი, და თვითონ მაცხოვარი შევიდა ნავსა სვიმონ—  
პეტრესსა და აქედან, ვითარცა კათედრიდან, წარმოსტქვა  
თვისნი ღვთაებრივნი იგავნი. აქ იმავე პეტრემ, რომელიც  
მრთელი ღამე უქმად დაშვრა თვისის ამხანაგებითა თევ-

ზის ქერაში, როდესაც ესროლა ბადე ზღვაში ბრძანები-საებრ უფლისა, დაიპირა ესრეთი სიმრავლე თევზთა, რომ განკვირვებამან შეიპყრო იგი და ყოველნი, რომელნი იყვნენ მისთანა, ესრეთის თევზის ნაღორობისაგან. ამ ტბის წყალთა ზედა ვიდოდა მაცხოვარი, ვითარცა ხმელთა ზედა, დააყულა დელვანი და ქარნი ბრძანებითა თვისითა, და დაიხსნა პეტრე ამ ზღვაში დარჩობისაგან. ამის ნაპირზედ — ქალაქს კაპერნაუმში სცხოვრებდა თვით უფალი, როდესაც გადმოსახლდა აქ ნაზარეთიდგან ყოვლად-წმიდა თავის დედით და მოწაფეებითურთ. აქვე იწყო უფალმა პირველივე თვისი ქადაგება: „შეინანეთ, რამეთუ მოახლოებულ არს სასუფეველი ცათა“; მოუწოდა მოციქულებრივს მსახურებაზედა მათესა მეზვერესა, რომელი შეკრებდა ხარკსა, აღადგინა მკვდრეთით ასული იაირისა, განკურნა სისხლისა დინებისაგან დედაკაცი, რომელსაც უსარგებლოდ წარეგო სრული მონაგები თვისი მკურნალთა ზედა; აქვე განკურნა უძლური მონა ასისთავისა; და ფრიად მრავალნი სასწაულნი და ნიშები გულმოწყალებისა უჩვენა ტანჯულს კაცობრივს ნათესავსა.

ამ ტბაში არის 30 გვარის სხვა-და-სხვა თევზი, რომელთაც ყოველთა ზოგად უწოდებენ წმიდად, რადგანაც თვით წმიდა უფალი სჭამდა ამათ. აქ ყოფილა ძველს დროდან მართლ-მადიდებელთა ეკლესია, რომელიც თურქთა გარდაუქცევიათ საჯინიბოდ; და ეხლა აპირებენ ამ ადგილზედ მართლ-მადიდებელნი არაბნი მონასტრის განახლებას.

სარკის მსგავსი ზედა პირი გალილეას ტბისა, რომელიც გაწმენდილ არს მას ზედა მსვლელობითა უფლისა მაცხოვრისათა და ცურვითა მასზედა მოწაფეებითურთ, იზიდავს მაყურებელის გულსა. ზოგნი ბანაობენ ტბის ცივს წყალში, ზოგნი ცხელში, რომელიც იქვე ტბის ნაპირზედ გადმოსჩქევს მაზლობელ მთილამ და ერთვის ტბასავე, და რომელ-



სანახობა წმ. ქალაქის ევრუსადომისა ზეთისხილის მთიდან.

ნიმე ნავით დასეირნობენ ტბაზედა. ტიბერიაში არს ლათინთა ეკკლესია, საკმაოდ შვენიერი და ახლად შეკეთებული, რომელიც შეადგენს შვენებას ქალაქისას:

ჩრდილო-აღმოსავლეთით ტიბერიიდან, სამი საათის მანძილზედ, უჩვენებენ ვრცელს ადგილს, სადაც ყოფილა დაშენებულ ქალაქი კაპერნაუმი, რომელსაც უფალმან წინასწარ რქვა სამწუხარო მომავალი: „და შენ, კაპერნაუმ, რომელი ცადმდე ამალღდი, ჯოჯოხეთადმდე ჰშთაჰხდე“. აწ მის ძველის დიდებისა მოსჩანან მხოლოდ შესაბრალისნი, კნინდა შესანიშნავნი ნანგრევნი. ესრეთ ამბარტავება წინააღმდეგია ღმრთისა, და ესრეთ მის მიერ იგი განქარდების და შეირცხვინების.

### ლაჳრა წმიდა საბასი.



ჩრდილო-აღმოსავლეთით ბეთლემიდან და სამხრეთ-აღმოსავლეთით იერუსალიმიდან, სამისაათის მანძილზედ ამ ქალაქებიდან, დასავლეთის კიდებზედ ცეცხლის მდინარისა, სალსა და ლადა-ღუდა კლდეებ შორის, გახურებული ცის ქვეშ იუდიანთა უდაბნოისა, არის გადმოკიდებული, მსგავსად მოურევნელის გოლიათისა, თოთხმეტ საუკუნინი ბურჯი მართლმადიდებლობისა პალესტინაში — ლაჳრა წმიდა საბასი, პირველ-სახე მოღვაწეობითის სისრულისა და სიბრძნისა ქრისტეანობითისა, სახედ თვისის დამფუძნებელისა საბა განწმედლილისა და სახედ იოანნე დამასკელისა, უაღრესის ღვთის-მეტყველისა და გალობათა-აღმწერელისა ქრისტეანობრივის ეკკლესიისა.

ლაჳრა ესე იქმნა დაფუძნებულ წმ. საბას-მიერ 502 წელსა და პირველ-დაწყებით შესდგებოდა იგი რაოდენ-თამე სენაკთაგან; რომლებშიაც სცხოვრობდა თვითონ დამფუძნებელი და მოწაფენი მისნი; ეკკლესია

იყო მოთავსებული დიდს მღვიმეში, სადაცა აწ სამხრეა წმ. ნიკოლოზისა. შემდეგ 27 წელთა სავანეს დაარსებიდან იმპერატორმა იუსტინიანემ, სცნა რა წმიდა სათნოებისათვის საბასი, გარეშემოზღუდა მონასტერი გალავნებითა და ციხეებითა, და განაშენა სხვა შენობებითა და მდიდარის შეწირულებითა. წმ საბა 529 წელსა, დავედრებისაებრ იერუსალიმის პატრიარქის პეტრესი, წარემართა კონსტანტინეპოლს, რათა ეშუამდგომლა წინაშე იმპერატორისა მფარველობისათვის პალესტინის ქრისტიანეთა მიმართ. ამ დროდამ მრთელი სივრცე უნაყოფოთა მათა და ხეობათა მკვდარის ზღვიდამ ბეთლემამდის, სადაც მხეცნიც კი არა სცხოვრობდნენ, დაშენებულ იქმნა გუნდთა მიერ განდევილთა. ლავრა წმ. საბასი თვის არსებობის აღყვავილებულს დროსა დაიტევდა თავის ზღუდეთა შორის უმეტეს ხუთი ათას მონაზონთა, იმათ გარდა, რომელნიც მოღვაწეობდნენ გარემოს მღვიმეთა შინა. 614 წელსა სარკინოზთა ააოხრეს ეს ლავრა და მოსწყვიდეს მრავალი რიცხვი ძმთა. მეექვსე ხაუკუნიდამ მეთე საუკუნის დასასრულამდის ეს ლავრა წარმოადგენდა აკვანსა ქართულის საეკლესიო მწიგნობრობისას. აქ იქმნა თარგმნილი მომეტებული ნაწილი საღმრთო და საეკლესიო წიგნებისა ქართულს ენაზედ. აქვე ყოფილა დასრულებულ თარგმანი ქართულის დაბადებისა. 'შემდეგ ბურჯად ქართულის საეკლესიო მწიგნობრობისა მეთე საუკუნის ნახევრიდამ შექმნილა ათონის ივერიის მონასტერი. აქ დაბოლოებულა სრულიად თარგმანი დაბადებისა; და ამ უკანასკნელთა მოღვაწეთა ძალა დაუტანებიათ საბა წმიდის მონასტრის ძმთათვის დაეწვათ მათ მიერ თარგმნილი დაბადება. ეს შემთხვევა სჩანს წარწერიდამ მცხეთის საპატრიარქო ტაძრის დაბადებისა, რომელსედაც უცნობი ვინმე მწუხარებით მიაწერს დაბადების კაბადონ-

ზედა: „წყულ იყოს ღმრთისაგან, ვინც საბას დაბადება დააწვევინა“. ხოლო გარემოება ამ საქმისა, როდის მოჰხდა ეს სამწუხარო შემთხვევა, და რამ აიძულა ძმანი ათონის ივერიის მონასტრისა, რომ დააწვევინეს საბა წმიდელთა ქართველთა ძმათა დაბადება, არ არის მოხსენებული. ეს შემთხვევა მით უფრო გაუგებარია, რომ თვით ათონის ივერიის მონასტერში არა სჩანს აქამდის სრული ქართული დაბადება. ის დაბადება, რომელიც პლატონ იოსელიანს მოუტანია ათონიდან 1850 წელსა და ტფილისში გადასწერეს ორ ცალად, არ არის სრული, თავიც აკლია, შუა წელიცა და ბოლოც.

რამდენჯერმე ააოხრეს წმ. საბას ლავრა სპარსთა, არაბთა და ბოლოს თურქთა. 1566 წელსა სულთან სელიმ მეორემ დაიპყრა პალესტინა და იერუსალიმში დაჰნიშნეს ახალი სანჯახი (გუბერნატორი). მაშინ მის წინაშე გამოსცხადნენ ძმანი ამ ლავრისა მოსაკითხავად და გამოსათხოვნელად მფარველობისა მცირედის ძღვენით — ახლის ხილით და ბოსტნეულობით; ახალი მმართველი განცვიფრდა, როდესაც დაინახა 1000 კაცი მონაზონნი ღარიბად ერთგვარად მოსილნი; ამ ბარბაროსმა ძღვენი კი მიიღო და ბრძანა მათი ამოწყვეტა ოცს კაცს გარდა, რომელთაც ნება-ღართო დაბრუნებისა მონასტერში.

უფრო ჩვეულებრივი გზა, წმ. საბას ლავრად მიმყვანებელი იერუსალიმიდან, იწყება ნაძოვან ხევზედ ანუ იოსაფატის ღელეზედ მიყოლებული და ეს გზა სწყდება მკვდარ ზღვასთან. ეს ღელე შემდეგ სამის საათის გზისა გარდაიქცევა დაღრმავებულ ხეობად, რომელიც ორის მხრიდგან მოზღუდულია მაღალის საღის კლდეებითა, რომელსაც არაბნი უწოდებენ ამ ადგილას „ცეცხლის ხევად ანუ ცეცხლის ნაკადულად“, ხოლო ბერძნები უწოდებენ „ცეცხლის მდინარედ“, რასაკვირველია, მიზეზისა გამო საშინელ პაპანაქება სიცხეებისა, რომელიც აქ

იცის ზაფხულობით. ლავრასთან მიახლოვების დროს უპირველეს ყოვლისა მოსჩანს გუმბათი ეკკლესიისა და კოშკი ზედ მოწყობილის საათით, და შემდეგ დიდი გოდოლი იუსტინიანესი. ამ ციხეზედ ყარაულობს მორიგობით ერთი ბერთაგანი და ზარის ჩამორეკით აცნობებს მონასტრის ძმათა მოახლოვებისათვის მლოცავთა. და შემდეგ გაადებენ რკინის ბჭეთა, და შევლენ სტოვაში დიდის ეკკლესიისა, რომელიცა არს ღვთის-მშობლის ხარებისა. შუა ეზოში სდგას სამლოცველო მარმარილოთი აღშენებული და დაგვირგვინებული მცირედის გუმბათით; აქ განისვენებდენ ნაწილნი წმ. საბასნი, რომელნიცსაიღულოდ გარდაუტანიათ აქედგან ფრანგთა ვენეციაში. ეხლა მხოლოდ დაშენილა აქ ლუსკუმა (საფლავი), რომელშიაც განისვენებდენ მის წმ. ნაწილნი, და მას ზედ ასვენია ხატი წმ. საბასი. დასავლეთის მხრივ, წმ. ნიკოლოზის ეკლესიის ზემოდგან, არს სენაკი დიდის მნათობისა ეკკლესიისა იოანე დამასკელისა. აქ მან აღსწერა თვისნი მიუბაძენი საეკკლესიო ცალობანი—ქრისტე მაცხოვრის აღდგომისა და ცხრა საუფლო და საღვთისმშობლო დღესასწაულთა, დიდად გულის აღმაფრთოვანებელნი, დამატკბობელნი, და ვგრეთვე მანუგეშებელნი და ლმობიერნი საგალობელნი, რომელნიც ანდერძის წესის შესრულების დროს იგალობებიან და წაიკითხებიან. ამ გვარის დიდის და წმიდა ღვაწლისთვის, რომ იოანე დამასკელმა განაშენა ეკკლესია ქრისტესი ფერად-ფერადთა საღმრთო საგალობელთა მიერ, მას უწოდა წმ. ეკკლესიამ „ოქროს-ნეკტარიანი“.


ღირსია ყურადღებისა წმ. საბას მონასტერში შემდგომი არა ჩვეულებრივი მოვლენა: გარემოს მონასტრისა მრავლად დაჰფრინავენ პატარა ფრანველნი (კრასტელი), შრომნის მსგავსნი, რომელნიც იმ სახით ჰყავთ მიჩვეულნი ხელზედ ბერებსა, რომ პირველსავე მათ დაძახებაზედ

მოჭფრინდებიან და დასხდენიან ხელის გულზედ ანუ მხარზედ და დამშვიდებით ჰკენკავენ საქმელსა, რომელიც ჩვეულებრავ შესდგება ქიშმიშისაგან. მთელი მონასტერი დაშენებულია ნაპრალებზედა და შიგ მონასტერში სიარულის დროს ხან ზევით უნდა ახვიდე, ხან დაბლა ჩამოხვიდე.

წმ. საბას ლავრაში შესვლა დედათა სქესს აღკრძალული აქვს, თვით საბას აღთქმისაებრ. საბამ ამისათვის ნება არ მისცა იქ ყოფნისა თავის მოხუცებულს დედასა, რომელსაც სურდა ეცხოვრა თავის შვილთან ერთად და დაბინავებულიყო მონესტერში.

იქ, სადაც იწყება „ცეცხლის მდინარე“, არის ადგილი, წოდებული „მონაზონთა ფლორცი“ (ბაზარი) ამ ადგილზედ გარემოს მცხოვრებნი ჰყიდიან ბერებზედა საზრდოსა, სამოსელსა და სხვათა, სცვლიან განდევითა ხელ საქმეზედ. ამ ადგილიდამ მიდის გზა აღმოსავლეთისკენ, რომელიც მიაღწევს მკვდარ ზღვამდის. მარჯვენით ამ გზიდან, საკმაოდ ამაღლებულს გორაკაზედ, მოსჩანან ნანგრევი ყოფილის სავანისა აბზა (მამა) პასსარიონისა, ზოლო ბორცვს ეწოდება გორად ყოვლად წმიდისა ღვთისმშობლისა. ამ ბორციდამ სჩანს იორდანეს მდინარე და მკვდარი ზღვა.

### წმ. საუფლო საფლავის ბერძენთა ქობის დაბარება იერუსალიმში და მოქმედება მისი.

ერძენები დაემკვიდრნენ იერუსალიმში სამასის წლის წინაღ. 1534 წელსა, სხვა-და-სხვა გაიძვერაობის საშუალებითა კონსტანტინებოლში, იერუსალიმის პატრიარქად იქმნა დანიშნულ ბერძენი, სახელად გერმანე პელოპონესი. ადგილობრივმა ქრისტიანებმა, რომელთა



ხელშეწყობა იყო უფლება წმ. ადგილების გამგეობისა ომარ ხალიფას დროიდან, არ გაუწიეს არა ვითარიმე წინააღმდეგობა. მათ ეგონათ, რომ გამოცდილი ბერძნები მოიხმარებენ ომარის მანიფესტსა ქრისტიანობრივის სარწმუნოების თავისუფლებისა და განსაკუთრებულ გამგეობისათვის წმ. ადგილებისა ნამდვილ ძალად და გამოიტანენ იქიდან ადგილობრივ მცხოვრებთათვის ყოველს შესაძლებელს სარგებლობასა. მაგრამ მოსტყუედნენ და თავისი მოლოდინი არ გაუმართლდათ. გერმანე შეეცადა მხოლოდ თავის დამკვიდრებას ახალს ადგილზედა. მის გარეშემო დაფუძნდა ბერძენთა მონაზონთა კრებული. შორს მხედველმა გერმანემ შეადგინა საკუთარი პროგრამა თავის მოქმედებისათვის. მან დაიწყო ნელ-ნელა ჩამორთმევა საეკლესიო თანამდებობათა ადგილობრივის შთამომავლობის პირთაგან. როდესაც გარდაიცვლებოდნენ მიტროპოლიტი და მთავარ-ეპისკოპოსნი, იგი აკურთხევდა მათ ადგილზედ ბერძენთა. ჩქარა ყველა თანამდებობანი წმ. საფლავთან იყვნენ დაჭერილ ბერძენთაგან. შემოსავალთა წმ. ადგილებიდან დაიწყეს, ცხადია, გარდასვლა ბერძენთა ხელში. ამ ფულებს ხმარობდნენ საჭიროებისათვის ძმათა და ქრთამისათვის თურქთა მართველობისა. თავის მოადგილეს, რომელიც იყო აგრეთვე არჩეულ ბერძენთაგან, გერმანემ დაუტევა ანდერძი არ მიუშვას არავინ უცხო ეროვნებისა წმ. საფლავის გამგებლობაში და შეძლებისაებრ ყოველს დანაშთენს უმაღლესს სასულიერო თანამდებობაზედა — ადგილობრივ მცხოვრებთაგანი. ეს წესდებულება არა ერთ გზის იქმნა განმეორებულ მისს მოადგილეთა მიერ უფრო მტკიცედ.


მე-16 საუკუნის ბოლოს კონსტანტინეპოლის პატრიარქმა პართენმა მოისურვა შეეერთებინა ერთად საპატრიარქო იერუსალიმისა და კონსტანტინეპოლისა და მართვა-გამგებლობა იერუსალიმისა კონსტანტინეპოლიდან. მაგ-

რამ წმ. საფლავის ძმანი მტკიცედ წინააღმდეგდნენ. ამისათვის ახალი პატრიარქი, პაისი, რომელიც მოვიდა კონსტანტინეპოლიდან იერუსალიმს, უპატივცემულოდ იქმნა მიღებულ ადგილობრივ მცხოვრებთაგან, ასე რომ მის დასამკვიდრებლად ადგილზედ საჭირო შეიქმნა ჩარეულიყო ოსმალთა მართებლობა. ბოლოს მიხედნენ ადგილობრივნი ქრისტიანენი ბერძენთა მზაკვარებას. მაგრამ გვიან-ღა იყო. ძალაუფლებურად უნდა დაჰმორჩილებოდნენ ბერძენთა პატრიარქსა, რომელსაც ამტკიცებდა ოსმალთა მთავრობა.

ღროთა მიმდინარეობაში წმ. საფლავის კრებულმა სცნო, რომ მისი მდგომარეობა უფრო მტკიცე იქმნება, უკეთეს პატრიარქები იქმნებიან არჩეულ მათ შორის, რადგანაც გამსჭვალულ არიან იგინი ერთნაირის აზრითა და მისწრაფებითა. დოსითეოს პატრიარქმა გამოსცა უკვე ბრძანება, რათა პატრიარქი იერუსალიმისა იქმნებოდეს მონაზონთაგან წმ. საფლავის კრებულისა. იმ დროდან, თუმცა პატრიარქები იერუსალიმისა ხშირად სცხოვრობდნენ კონსტანტინეპოლში, სადაც მათ შეეძლოთ ჩქარა მოესპოთ ყოველნაირი დაბრკოლებანი იერუსალიმის პატრიარქიაში და ეცხოვრათ უდიდესის სიბორგილითა და განცხრომა-ფუფუნებითა, წეს-დებულებანი პატრიარქის აღმორჩევისათვის წმ. საფლავის ძმათაგან შეურყვევლად იცვებოდნენ და იცვებიან აწინდელს ღრომდის. ნიკიფორე (ნიკოლოზ ჩოლოყაშვილი), სახელდებული მიტროპოლიტი, იყო ერთი შესანიშნავი მოღვაწეთაგანი წმ. ქვეყანაში (პალესტინაში) მე-17 საუკუნეს. იგი მოგზაურობდა აზიასა, ევროპასა და აფრიკაში იმ აზრითა, რათამცა გაემდიდრებინა თავი თვისი მეცნიერებითა: თანამედროვენი რაცხდენ მას „ფილოსოფოსად, რიტორად, და შვიდი ენის მეცნიერად“. ეს სახელდებული მიტროპოლიტი“, ვითარცა იგი უწოდებეს თავსა თვისსა საქარ-

თველოს მეფეთა მჩწერ-მოწერაში რუსეთის ხელმწიფეებთან, იყო სამ გზის წარგზავნილ დესპანად მოსკოვს მეფე მიხეილ თეოდორეს ძისა მიმართ (1636, 1639 და 1640 წწლ.); ათხუთმეტ გზის იყო გაგზავნილ საქართველოს მეფის თეიმურაზ პირველის დავედრებით (1605 – 1663 წელ.) სხვა-და-სხვა მხარესა და სხვა-და-სხვა ხელმწიფეთა მიმართ აზიისა და ევროპისა. ამან ფრხად განაშვენა ქართველთა ჯგერის მონასტერი იერუსალიმში. პალესტინაში დაიმსახურა მან ესე-ვეითარი პატივი და დიდება, რომ იერუსალიმის პატრიარქმა თეოფანემ თავის სიკვდილის უწინარეს (1645 წ.) დაპნიშნა იგი ნიკოლოზოზ ჩოლოყაშვილი თავის მოადგილედ; მაგრამ გაიძვერაობისა და მზაკვარებისა გამო ბერძენთასა ეს დანიშნულება ანდერძისაებრ უწმირდესის პატრიარქისა არ იქმნა შესრულებულ \*). დღეს წმ. საფლავის ძმანი ჰვლობენ დიდძალის ფულითა, სამასის წლის განმავლობაში მოხვეჭილითა, სარგებლობენ დიდის შემოსავლითა რუსეთის და საქართველოს მამულეზიდან, რომელნიც შეწირულ არიან წმ. საფლავისადმი, და თითქმის აქამომდის იღებენ ფულით შემწეობასაც რუსეთის უუწმიდესის სინოდისაგან \*\*).

### წმიდა შთა სინა.

ერუსალიმს მისრულნი რუსეთიდან მლოცველნი სარგებლობენ დროებით ქრისტეს შობის დღესასწაულიდან დიდ მარხვამდის და მიდიან მოსალოცვად და მოსახილველად სინას მთისა. ეს მსვლელობა შესრულება ორის გზით: პირდაპირ ხმელეთით იერუსალიმიდან წი-

\*) Заслуга грузинскаго монашества и монастырей для отечественной церкви и общества, Епископа Кириона.

\*\*) Русское Богатство, № IX 1900 г.

ნამძღვანელობითა რუსის მონასტრის ბერ-მონაზონისა და მფარველობის ქვეშ პალესტინის ბედუინთასა. ეს საშუალება მგზავრობისა თუმცა მოკლეა, მაგრამ ფრიად შემაწუხებელია. ამისათვის უფროს ამჯობინებენ მგზავრობას სინას მთაზედ იაფფის ქალაქიდან ალექსანდრიასა და ქაირზედა. ამასთანავე მლოცველს ეძლევა შეძლება მიმოიხილოს შესანიშნავნი ქრისტეანეთათვის აღგილნი ეგვიპტეში, სადაც იმყოფებოდა ღვთაებრივი ყრმა იესო ყოვლად წმიდა თვისის დედითურთ და მართალის იოსებით გადასარჩენად დევნულებისაგან იროდ მეფისა.

**ქალაქები: პორტ-საიდი, ალექსანდრია, ქაირ.**



ინას მთაზედ წამსვლელნი ამ გზით იაფფაში იღებენ ბილეთს ცეცხლის გემისას ალექსანდრიამდის. პორტ-საიდი ახალი ქალაქია და განსაკუთრებით არა რაიმეთი არ არის შესანიშნავი. მსურველთ შეუძლიანთ აქ დადგრომა ბერძენთა წმ. იოანე ღვთის-მეტყველის მონასტერში, ალექსანდრია ფართოდ გადაშლილა ხმელთა შუა ზღვის სამხრეთ ნაპირად. იგი დაფუძნებულია ალექსანდრე მაკედონელისა მიერ უწინარეს შპშ წელთა ქრისტეს შობამდის. ალექსანდრია შეიქმნა მეორე ქალაქად შემდეგ რომისა. ალექსანდრიაში წმ. მახარებელმა მარკოზმა დაპნერგა ქრისტეს სარწმუნოება და იქმნა იგი დადგენილ ბირველ ეპისკოპოსად ამ ქალაქისა პეტრე მოციქულის მიერ. ალექსანდრიაში იქმნა აღწერილ წმ. მახარებელ ლუკასაგან „საქმე წმიდათა მოციქულთა“. აქვე, ფაროსის კუნძულზედ, იქმნა გადათარგმნილ დაბადებუ ებრაულის ენიდამ ბერძნულად სამეოცდა ათთა მეცნიერთა ურიათა მიერ ხელმძღვანელობითა განათლებულის დიმიტრი ფალერელისა, დამფუძნებელისა შესა-

ნიშნავის თავის დროზედ აღექსანდრიის ბიბლიოთეკისა (წიგნთ-საცავისა) ორასის წლის უწინარეს ქრისტეს შობამდის. ეს თარგმანი ძველის აღთქმის საღმრთო წერილის წიგნებისა შესრულდა ბრძანებისაებრ ეგვიპტელთა მეფისა პტოლომე ფილოპატორისა. აღექსანდრიაში არის მონასტერი, რომელიც ეკუთვნის მართლმადიდებელს პატრიარქსა. ამ მონასტერში არის ტაძარი წმ. საბა განწმედლის სახელზედა და ამასვე ტაძარშია სამხრე წმ. ქალწულ-მოწამე ეკატერინას სახელზედა; გარდამოცემით ეს სამხრეა იმ ადგილზედა, რომელზედაც ყოფილა საპურობილე, სადაც შეუმწყვედევიათ წმ. ეკატერინა თავის მოწამებრივის სიკვდილის წინად. სხვა მონასტერია კოპტებისა წმ. მარკოზის სახელზედა. საკრებულო ტაძარი კოპტების მონასტრისა აღმენებულია იმ ადგილზედა, სადაც წმ. მოციქულმა მარკოზმა მიიღო მოწამებრივი აღსასრული და სადაც იყო დასაფლავებულ. მის წმ. ნაწილნი გარდაუსვენებიათ ვენეციაში და მხოლოდ წმ. თავი მოციქულისა დაცულია ამ ტაძარშივე მარმარილოს ლუსკუმაში (კუბოში). საზოგადოდ აღექსანდრიაში ბევრი მშვენიერი შენობებია: სრა-სასახლე, მეჩეთი ათასი კამარათი (კოლონა), საზღვაო სასწავლებელი, საზღვაო არსენალი. აღექსანდრია შეერთებულია ქაირთან რკინის გზით. ყოველთა ევროპის სახელმწიფოთა ჰყავთ აქ თავისი კონსულები. მცხოვრებელნი აღექსანდრიაში ირიცხება სა მოც-და-ხუთ ათასამდე.

ქაირი არის უმთავრესი ქალაქი ეგვიპტისა. იგი მდებარეობს მარჯვენით კერძო ნილოსის ნაპირისა, და არის ცენტრი არაბთა მეცნიერებისა და ხელოვნებისა, აქვს ოთხასამდის მეჩითი, რომელთა შორის რამდენიმე შესანიშნავია თავის ხუროთ-მოძღვრებით. ქაირში ითვლება სამას ათასამდის მცხოვრები სხვა-და-სხვა ეროვნებისა; რომელთაც აქვსთ თავის საცხოვრებელ ადგილად თხოვეულსა საკუთარი უბანი.

ძველს ქაირში არის ბერძენთა ვრცელი მონასტერი, შესანიშნავი თვისის სიძველითა და დიდ-ზომიერებითა. უმთავრესი ეკლესია ამ მონასტერშია წმ. მთავარ-მოწამე გიორგისა წმიდანის კუბოთი საკუთარს სამხრეთში, რომელიც გადმოსვენებულია აქ ლიდლიდან; ხოლო საკრებულო ეკლესიის საკურთხეველში ინახება ნაწილი ბექისა და თითი მთავარ-მოწამისა, და მარჯვენე მხარეს კანკელისა ასვენია ძველი, კარგად დაცული ხატი ღვთის-მშობლისა, დახატული წმ. მახარებელის ლუკას მიერ. მახლობლად ბერძენთა მონასტრისა არის კოპტების მონასტერი, აღშენებული იმ სასტუმროს ადგილზედა, რომელშიაც შეაფარა თავი წმიდა სახლობამ, დევნულმა იროდისაგან. უმთავრესი ეკლესია არის ღვთის-მშობლის მიძინების სახელზედა. ამ ეკლესიაშია მარჯვენით აღსავლის კარისა შეუნიშნავი კარები იატაკში, რომელსაც ჩაჰყავს კაცი მღვიმეს, სადაც სცხოვრებდა წმ. სახლობა. ამ მღვიმის აღმოსავლეთის კედლის თახჩაში არის დადებული მარმარილოს ფიცარი ზედ ამოჭრილის ჯვართით; ეს იყო საწოლი აკვანი ღვთაებრივის ყრმისა იესოსი, ხოლო მის გვერდით ქვის ტახტზედ იმყოფებოდა მისი წმიდა დედა. ორივე სარეცელი (საწოლი) ეხლა იხმარება ვრცელ ტრაპეზად. მეორე სარდაფში არის ქვის ემბაზი, რომელსაც ჰხმარობდა ღვთის მშობელი გასაბანებლად მაცხოვრისა. მარცხენით არის ჩასავალი ქისავენ, რომლიდანაც წყალსა ხმარობდა წმიდა სახლობა. ამ ქის წყალი განთქმულია ქაირში, ვითარცა საკურნებელი საშუალება ყრმათათვის: როდესაც ყმაწვილი ავად გახდება, მის სამოსელს დაასველებენ ამ წყალში და ჩააცმევენ სნეულსა, რომელიც დაუყოვნებლივ მიიღებს შემსუბუქებას, სარწმუნოებისაე რ მშობელთა და ნათესავთა.

ძველს ქაირშია შესანიშნავი შენობა რავდენისამე ოთხ-კუთხიანის ეზოთი. იგი გარემოს მოზღუდულია

მაღალის გალავნიდა. ეს პურის მაღაზიებია, რომელსაც ძველის დროდან უწოდებს ერი მაღაზიებად იოსებისა: სამხედრო ციხესთან არის ჯურღმული, რომელსაც უწოდებენ ჭად მამა-მთავრის იოსებისა. გარდამოცემით იგი არის იმ საპრობილის ადგილას, რომელშიაც იყო დამწყვედულ უმანკო იოსებ პენტეფერისა მიერ.

მლოცველნი ქაირში ჩვეულებრივ დადგებიან სინას მეტოქიაში და გამოითხოვენ წერილებსა სინას მონასტრის მწყემს-მთავრისაგან, რომელიც აქ სცხოვრობს.

ჩრდილოეთით ამ უბნისა, სამის საათის მანძილზედ, მდებარეობს სოფ. მატარიე. სოფელში შესვლისათანავე არის ძირკვი ოთხის ტოტით, რომელსაც უწოდებენ ხელ ყოვლად-წმიდისა ღვთის-მშობელისა; ამ ხის ჩრდილს ქვეშ შეეფარა წმ. მოგზაური ღვთის თავის უუსაუკუნესის ყრმითა, ვიღრემდის იოსები გამოსძებნიდა ბინას მათთვის. ეს გარეული ლეღვი ითვლება განუხრწნელ ხედ.


სუეცი პირველი ქალაქია მეწამულის ზღვის პირზედა. იგი შეერთებულია ქაირთან რკინის გზითა (7 საათის მანძილზედ). ბინა მლოცავთათვის იქმნება ბერძენთა სამღვდელოების სახლში წმ. მთავარ-მოწამე გიორგის ეკლესიასთან. სუეცში საჭიროა რუსეთის მლოცავთათვის გამოცხადება რუსეთის კონსულის წინაშე და მიღება წერილებისა სინას მონასტრის რწმუნებულისაგან, ურომლით სოდ შესაძლებელია შეხვდეს დაბრკოლებანი სინაზედ მისვლის შემდეგ.

### სინას მოწასტარი.



ინას მონასტერი თვისის მდებარეობით აწარმოებს განსაკუთრებით უცხო მთაბეჭდილებას მლოცავთა და მომხილველთა ზედა. უზარმაზარის თავის კედლების

რუსთა ეკლესია გეოსიმანიაში.



რუსთა ეკლესია ეფლოს ამილხვისაჲს ზეჲთა ხუროთ დახუცდა.



ზომიერებითა და მოყვანილობით და მაგარის ჯავარიანის ქვებით შენებული ოთხ-კუთხი ყუთი თითქო ზეიდან არის ჩამოშვებული ხეობაშიო; ერთის მხრიდან იგი აწეულია ქორიბის მთის ძირისაკენ, მეორე მხრიდან დაშვებულია წმ. ეპისტიმის მთის ძირისაკენ. იყო დრო, როდესაც სინას მონასტერში აჰყვანდათ მოგზაურნი კედელზედ განსაკუთრებით კედელში გახსნილ ადგილში თანჯრის მსგავსად გოდრითა. მაგრამ ამ გვარი საშუალება მონასტერში შესვლისა დატყვევებულია უკვე ათი წელი იქმნება, მას აქვთ, რაც დრო დამშვიდდა და არღა აქვთ შიში ბედუნიების - ველურის ხალხის თავდასხმისა; ეხლა მოგზაურნი შედიან მონასტერში ვიწრო, მიხვეულ-მოხვეულის კარშიდამოთი, რომელიც შეიყვანს შიგ გალავანში და არის გამაგრებული მძიმე რკინის კარებითა.

საშუალო ოთხ-კუთხედის შენობისა - ციხისა, რომელიც შეადგენს მონასტერსა, განირჩევა გრძელი ეკლესია და მის გვერდით დაქცეული მინარეთი.

უზარ-მაზარი კედლები ბაზილიკასი (ეკლესიისა) ნაცრის, ოქრო-ყოშრალის ფერის მაგარ ჯავარიანს ქვისა მოკლებულია ყოველს შენებასა, გარდა დიდრონის კვიპაროსის ხის ჩუქურთმის კარებისა, რომელსაც ხელოვნებით მიაწერენ 8 და 9 საუკუნეთა. საკურთხეველში დაცულია ვერცხლის კუბო, სადაც განისვენებენ ნაწილნი წმ. ქალწულ მოწამისა ეკატერინასი, რომელზედაც წარწერა მოუთხრობს, რომ იგი შეუწირავთ რუსეთის მეფეთა - იოანე და პეტრე ალექსის ძეთა და დიდს ხელმწიფეს სოფია ალექსის ასულსა 1689 წელს.

ამავე მონასტერში აქვთ მოხსენება დიდთა შეწირულებათათვის საქართველოს მეფეთა: ვახტანგს, წმ. დავით აღმაშენებელსა და ნეტარს თამარსა.

250 წელს შემდეგ ქრისტეს შობისა, დიოკლეთიანე კეისრის დევნულების დროს ქრისტიანებზედა, მრავალნი

ქრისტეანენი შეეფარნენ სინას უდაბნოში. შემდგომ წმ. მოციქულთა სწორმა ელენა დედოფალმა აღუშენა მათ მცირე ტაძარი ადგილსა ზედა „დაუწველისა მაცვალისა“. მესხეთე საუკუნეში იმპერატორმა იუსტინიანემ ბრძანა აღშენება ორის სავანესი: ერთისა იმ ადგილზედა, რომელზედაც აღშენებულ იყო მცირე ტაძარი ელენა დედოფლისაგან, რომელიც არსებობს აქამდის, ხოლო მეორისა — რაითას, მეწამულის ზღვის კიდებზედა. სინას მონასტრის ეზოში არის დაუწვეტელი წყარო, რომელსაც უწოდებენ მოსეს წყაროდ. ამ წყაროდან დააღვინა ღვთისა წინასწარ-მეტყველმა ცხოვართა მადიამის მღვდლის იოფორისათა, რომლებიც მორეკეს ამ წყაროზედ ასულთა მღვდლისათა. კეკლუცად, აღმოსავლურად არის მორთული სამხრე „შეუწველის მაცვალისა“, რომელიც არის საკურთხევლის უკან დიდის ეკლესიისა. აქ შემავალნი წარბხნიან ფეხსაცმელს, ხოლო იატაკი დაფენილია ხალეებითა. ადგილი ჩვენებისა მაცვალისა, რომელიც მდებარეობს შუა სამხრეში, არის დაფარულ ვეცხლის თხელის ფიცრითა, რომელზედაც არიან ამოჭრილ მხატვრობა მთებარე მაცვლის ჯაგისა და სასწაულთა, რომელნიც შესრულდნენ ამ ადგილსა ზედა.

მახლობლად ამ სამხრისა, მარჯვნივ მხარეზედ არის დარბაზი, რომლის კარებზედაც არა დიდის ხნის წინად ბერძნულად იყო წარწერა: „სამკურნალო სულისა“; ეს შესანიშნავი ბიბლიოთეკაა ხელ-ნაწერებისა; ფრიად მდიდარი საწყობი ძველადგანთა ეტრადთა (ტყავზედ დაწერილთა), სადღედაცა გამდიდრდენ მრავალნი წიგნთ-საცავნი ევროპისა, და, სხვათა შორის, რუსეთის საიმპერატორო წიგნთ-საცავი ძველადგანის სინას ხელ-ნაწერ დაბადებითა. მაგრამ ესლა არის კვალადცა ყურადღების ღირსი გროვა ხელნაწერთა სინას წიგნთ-საცავისა; ათას ხუთასი ბერძნული, შვიდასამდის — არაბული, ქართული და სომხური ხელნაწერი მოიპოვება აქ.

ცალკე სამხრეში სახელსა ზედა მიძინებისა ყოვლად-  
წმიდისა ღვთის-მშობელისა მარჯვენით კერძო არის მღვი-  
მე, რომელშიაც განისვენებენ ნაწილნი წმ. სათნო-ყო-  
ფილთა ღვთისათა: ისააკ ასურისა, ეფრემ ასურისა და  
სხვათა ღირსთა მამათა, მომწყდართა სარკინოზთა მიერ  
სინას და რაითასა, ეგრეთვე საფლავი ღირსისა მამისა იოან-  
ნესი, კლემექსის აღმწერელისა; გარნა შესვლა ამ მღვი-  
მეში აღკრძალულია. მეორე სამხრეში უჩვენებენ ადგილ-  
სა, სადაც, ლოცვითა წმიდათა სინაელთა მამათა, გარ-  
დამოხდა ოდესმე ზეთი. გარდამოცემა მოუთხრობს, რო-  
მელ ერთხელ ერთმა მოსამსახურეთაგანმა გაჰბედა გასყი-  
დვა მნახელთა ზედა ამ ზეთის მცირედის ნაწილისა, და იგი  
იმ დღიდგან შესწყდა.

ჩრდილოეთის მხრივ სინას უდაბნოისა არის ხილის  
ბაღი, რომელშიაც არის ძმათა სამაროვანი ეკლესიით.  
ეკლესიის კარებთან არიან ნაწილნი წმ. სტეფანესი, რო-  
მელიც უოფილა მეკარედ სავანესი. იგი განისვენებს სელში  
მჯდომარედ. მას ზედა ჰმოსია მაულის პერანგი და კი-  
სერზედ აქვს ჩამოკიდებული საბერო კირიელისონი.

### წმიდა ადგილები სინას გარემოში.



ოდესაც სინას მონასტრიდამ გაემგზავრებიან მლო-  
ცველნი სამხრეთ-დასავლეთით ქორიბის მთის აღ-  
მართზედა, იგინი მიაღწევენ ესრედ წოდებულსა მქაღის  
მღკაძეს, რომელშიაც მოღვაწეობდა წმ. იოანნე, მეწაღე  
ხელობითა, შთამომავლობით ქაირიდან. აქედან ნახევარ  
საათის შემდეგ, ავლენ რა გორაზედ, მიაღწევენ პატარა  
ეკლესიასა, სახელსა ზედა ყოვლად-წმიდისა ქალწულისა  
ეკონომისსა, რომელიც გამოცეხადა სინას მონასტრის  
იკონომოსისსა და განამტკიცა იგი ძმებითურთ მოთმინება-

ში; რადენისამე დღის განმავლობაში მონასტრის ძმანი დაწინაურდნად, რადგანაც ვერ მიიღეს საგზალი ქირიღგან, და ბოლოც, შიმშილისაგან შეწუხებულთა, გარდასწყვიტეს, დაეტევებინათ სინას მონასტერი; გარნა შემდეგ გამოცხადებისა ყოვლად-წმიდისა ქალწულისა, რადენისამე საათის შემდეგ მოვიდა ქარავანი, ბარაქიანის საგზლით დატვირთული. მოსახსენებულად ამ სასწაულისა არის აღშენებული ეს ეკკლესია.

აქედან ერთის საათის გზის შემდეგ აღვლენ თვით ქორიბის მფაზედ, რომლისა მწვერვალზედ სცხოვრებდა რადენისამე ჟამსა დიდებული წინასწარმეტყველი ილია, როდესაც იმალებოდა დევნულებისაგან აქაბ ისრაელთა მეფისა და მეუღლისა მისისა იეზაბელისა. წყარო ცხოველის წყალისა, რომელიც გამოსთხოვა ღმერთსა წინასწარ-მეტყველმა ლოცვითა, მომდინარებს აქვე მეოდანზედა. აქედან დაიწყება აღსავალი სინას მფაზედ და ერთის საათის შემდეგ ძნელის აღმართიანის გზისა მიაღწევენ მლოცველნი მთის მწვერვალსა, თვით იმ ადგილსა, სადაც უფალი ეჩვენა მოსეს და მისცა ორნი ქვის ფიცარნი, რომელთა ზედაც იყვნენ აღმოკვეთილ მცნებანი სჯულისა იზრაელის ერისათვის.


ჩრდილოეთის მხრით, ქორიბის მთა-გრეხილზედა, ფრიალო კლდეთა შორის, სდგანან პატარა ეკკლესიანი, რომელნიც არიან აგებულ უბრალო გაუთლელ სიპის ქვათაგან; ივინი არიან ნაკურთხი სხვა-და სხვა წმიდათა სახელსა ზედა: იოანე წინამორბედისა, წმ. ანასი, დადებისა პატროსნისა სარტყლისა ყოვლად-წმიდისა ღვთის-მშობელისა და წმ. პანტელეიმონისა. ღელეში, რომელიც იწოდება ღელჯად, არის სინას მონასტრის მეტოქია ეკკლესიით სახელსა ზედა ორმეოცთა მოწამეთასა; ცოტა მოშორებით მეტოქიდან არის მღვიმე წმ. ონოფრისა, სადაც მან იცხოვრა სამოცი წელი; ამ მღვიმის თავზედ აღშენებულია

პატარა ეკლესია ღირსის სახელსა ზედა. რათა მიად-  
წიოს მლოცველმა წმ. ეკატერინას მთასა, საქართვე-  
შვას ღრმა ღელეში, რომელსაც ეწოდება ლეჯა. ამ ღელე-  
ში შეხვდება შესანიშნავი ღოღი ათორმეტის ამოჭრი-  
ლითა. გარდამოცემისაებრ, ამ მყარის კლდისაგან მოსე წინა-  
სწარ-მეტყველმა სასწაულებრივ გამოადინა წყალი იხრე-  
ლის მღრტვინველ ერისათვის. ბედუინები ჩასდებენ ამ ამო-  
კვეთილებში ბალახსა, რომლითაც შემდეგ ასახრდრვებენ  
თავისს აქლემებსა. გარდასვლის დროს ლეჯიდან რაქიის ღე-  
ლეში მარცხნივ მოსჩანს ეკლესია წმ. მოციქულთა პეტრე  
და პავლეს სახელსა ზედა; უწინარეს აქ ყოფილა მონასტე-  
რი. მცირე მოშორებით მარჯვნივ არის სხვა ეკლესია სა-  
ხელსა ყოვლად-წმიდის ღვთის-მშობლის მუხინებისა. რა-  
ქიის ღელეში, ქორიბის მთის ძირში, უჩვენებენ მაგარს  
ჯავარიანს ლოდსა, მიწაში დაღრმავებულსა; მასში არის  
გამოყვანილ ყალიბი ხბოს თავისა ბუნებური სრდღისა.  
გარდამოცემა მოუთხრობს, რომ ამ ყალიბის საშუალე-  
ბითა არონმა ჩამტასხა ხბოს თავი, რომელიც გამოსთხო-  
ვეს მას ისრაიტელთა და რომელსაც თაყვანი-სცეს. მცი-  
რე მოშორებით აქედამ უჩვენებენ ადგირლსა, სადაც მდგა-  
რა კარავი წამებისა და სადაც მიწამ შთანთქა დაჟან და  
აბირონი, რომელთაც არ დაიცვენ წესდებულებანი სა-  
ღმრთო მსახურებისა.

უმალღესი სინას მთის მწვერვალთა შორის არჩს მთა  
წმ. ეკატერინასი: აქ თვით მწვერვალზედ არის აგებული  
ქვათაგან პატარა სამლოცველო ზედ იმ ქვაზედა, რომელ-  
ზედაც განისვენებდენ ნაწილნი წმიდა მთავარ-მოწამის ქალ-  
წულ ეკატერინასი; ორასის წლის განმავლობაში წმ. ნა-  
წილთ იცავდა ანგელოზი. აქედგან შემდეგ გარდასვე-  
ნეს სინას სავანეს 23 ნოემბერსა; ამისათვის ბერძენთა  
ეკლესია დღესასწაულობს წმ. ეკატერინას ჰსენებასა ამ  
დღესა, ხოლო 24 ნოემბერსა მისს წამებრ დღეს დღე-

სასწაულობს, ვითარცა რუსეთისა და საქართველოს ეკლესიანი. ქორიბის მთის ხეობაში არის ნახევრად დანგრეული ეკლესია სახელზედ „ღვთის-მშობლის — დავითიანისა“. ამის აშენებას მიაწერენ საქართველოს მეფეს, წმიდასა და მართალს დავით აღმაშენებელს XI საუკუნეში.

**განსხვავებანი საღმრთო წმინდის შესრულებაში იერუსალიმისა და რუსეთის ეკლესიათა შორის.**

- ართლ-მადიდებლობის დღესასწაულის შესრულებაზედ დიდ მარხვის პირველს კვირიაკესა იერუსალიმში შემოუვლიან ჯვრებიტა და წმ. ხატებიტა ორ-გზის ქრისტე მაცხოვრის საფლავის სამლოცველოსა (კუუუკლიასა) და ერთხელაც აღდგომის ვრცელს ტაძარსა; ხოლო შეჩვენების წესს არ აღასრულებენ იქ, ვითარცა მიღებულია საღმრთო წესად და სრულდება რუსეთისა და საქართველოს ეკლესიათა შორის ყოველსა წელსა დიდ მარხვის პირველს კვირა დღესა. შეჩვენება წარმოითქმება მათზედა, რომელნიც უარ-ჰყოფენ უმთავრესთა დოღმატთა, მართლ-მადიდებელის ეკლესიისა მიერ აღვიარებულთა. წმ. ეკლესია გამოაცხადებს განდგომილებად არა მათ, რომელნიც დაარღვევენ ზნეობრივთა ეკლესიის კანონთა; მათ წმ. ეკლესია დედობრივ სულგრძელებით მოუთმენს უკანასკნელ შეძლებაამდის იმ იმედითა, რომ სჯულის-კანონის დამარღვეველნი შეინანებენ და მოიქცევიან ჭეშმარიტების გზასაზედა. წმ. ეკლესია შეაჩვენებს, განაშორებს მათ, რომელნიც უარს-ჰყოფენ მყოფობასა და გან-

გებასა ღმრთისასა, სულიერობასა ღმრთის არსებისა და უმაღლესთა თვისებათა მისთა, წმ. სამებასა, თანა არსობასა და თანაღირსებასა ძისა ღვთისასა და სულისა წმიდისასა ღმრთისა მამისა თანა; შეაჩვენებს მათ ეგრეთვე, ვინც უარ-ჰყოფს საქიროებას ქვეყანაზედ მოსვლისას, ვნებათა და სიკვდილსა ძისა ღვთისასა კაცთა ცხოვრებისათვის, ვინც არ შეიწყნარებს მადლსა გამოხსნისასა, ვინც უარ-ჰყოფს მარადის ქალწულებასა ღვთისმშობლისას, ვისაც არა სწამს, რომ სული წმიდა მოქმედებდა წინასწარ მეტყველთა და მოციქულთა მიერ, და აწცა იმყოფება ქრისტიანეთა გულთა შინა და დაადგინებს მათ ყოველს ქეშმარიტებაზედ; შეაჩვენებს ეგრეთვე მასცა, ვინც უარ-ჰყოფს სულის უკვდავებასა, აღსასრულსა სოფლისასა, საუკუნო სასჯელსა და საუკუნო მისაგებელსა საქმეთა ებრ კაცთასა, ვინც განაგდებს წმ. შვიდთა საიდუმლოთა: შეაჩვენებს ეგრეთვე მას, ვინც უარ-ჰყოფს წმ. შვიდთა მსოფლიო კრებათა და მათ გარდამოცემათა, არ დაემორჩილება სამეფო ხელმწიფებასა, ღმრთისა მიერ დაწესებულსა, და, დასასრულ, ვინც განაგდებს და ჰგმობს წმ. ხატთა. იერუსალიმში ამას არ წარმოსთქვამენ ასარიდებლად უსიამოვნებისა და ასაცილებლად ამბოხებისა, რომელიც შესაძლებელია მოჰხდეს ქრისტიანობრივის სარწმუნოების სხვა და სხვა აღმსარებელთა შორის; და ამ უსიამოვნებას შესაძლებელია ხელით შეტაკებაც მოჰყვეს და ერთმანერთის სიწმიდეთაც შეეხნენ და შეურაცხყონ.

2. წესა სამღვდელთა ფერხთ-ბანას შესრულებასა ქალაქ აერუსაღამშა დაღს ხუთშაბათსა. წირვის შესრულების შემდეგ, დილის ცხრა საათზედ გამოვალს სამღვდელთათა დასი სრულის შესამოსლითა. მას წინ მიუძღვის

ოსმალთა სამხედრო მწყობრი წეს-რიგის დასაცვე-  
ლად. შემდეგ მათ შეუდგებიან კავასები ღიდის ყა-  
ვარჯნებით; მათ მიჰყვებიან რავდენიმე ყმაწვილი ან-  
თებულის სანთლებითა, ბერნი, მგალობელნი, მთა-  
ვარ-დიაკონნი სასაქმეველებითა, მღუდელნი, კვალად-  
ცა მთავარ-დიაკონნი ორ-სანთლითა (დიკირითა) და  
სამ-სანთლითა (ტრიკირითა) და, დასასრულ, თვით  
პატრიარქი სრულის შესამოსელითა, მაკურთხეველი  
ერისა ჯვართა. გამოვლენ ეკლესიის გარეთ ეხო-  
ში, სადაც არის ამ შემთხვევისათვის გამართული მა-  
ღალი ვრცელი ტახტი; მოფენილი ძვირფასის ხალე-  
ბითა; ამ ტახტზედ ავაღს პატრიარქი და დასჯდება  
მისთვის მომზადებულს ოქროს სელზედ, ხოლო რჩე-  
ულნი ათორმეტნი სამღვდელონი, მიმღებელნი თა-  
ნამონაწილეობისა უფრთ ბანის წესის შესრულებაში,  
დაიჭერენ თავის ადგილებსა ორსავე მხარეს პატრი-  
არქისა. შემდეგ ადვალს მოაჯირზედ პატრიარქის მო-  
ადგილის თანაშემწე და იქიდან დაიწყებს სახარების  
კითხვასა; ხოლო პატრიარქი ადგება თავის დასაჯ-  
დომელოდან და მივალს თითოეულ დასახელებულს  
ამ შემთხვევისათვის მოციქულთან, და მისცემს კი-  
თხვათა, რომლებზედაც იგინი ზეპირად პასუხ-უგე-  
ბენ, ხოლო ზოგნი რვეულიდან, და შემდეგ განმარ-  
ტებისა მდაბლად ფერხთამდის თავს მოუდრეკენ მას;  
შემდეგ პატრიარქი მოიხდის მიტრას, განიძარცვავს  
სხვათაცა სამღვდელო შესამოსელთა და დაჰბანს ფერხ-  
თა მათთა. შემდეგ კვალადცა შეიმოსება, ჩამოვა მა-  
ღალის დასაჯდომელიდან სამის რჩეულის სამღვდელო-  
თურთ, და იწყებს ლოცვასა მახლობლად იმ ადგი-  
ლისა. რომელზედაც იკითხებოდა სახარება, ხოლო  
თანამოგზაურნი მისნი დავარდებიან მიწაზედა ათის  
ნახშირის მანძილზედ. ლოცვის განგრძობაში პატრი-



არქი სამ-გზის მივალს მათთანა და განაღვიძებს მათ. ამას შემდეგ ყოველნი აღვლენ კვალადცა ტახტზედა; პატრიარქს მიართმევენ დიდს კონას ყვავილები-სას უსუბის მაგიერად და იგი ამოაღვიძებს მას ვარდის წყლით სავსე თასში და ასხურებს სამღვდელოთა და ერსაცა. დასასრულ, დიდის ზარების რეკითა სამღვდელოთა კრებული იმავე წესითა დაბრუნდება იმავე აღდგომის ტაძარში, საიდგანაც გამოვიდა. ამ საღმრთო წესის სანახავად მრავალი ხალხი იკრიბება ეკლესიის გარემოს სახლების სართულზედა (ბანებზედა) და მოაჯრებზედა, ვითარცა ქრისტეანები, ეგრეთვე მაჰმადიანები; საზოგადო რიცხვით ში ათას კაცამდის იქმნებიან მაყურებელნი ამ საღმრთო წესის შესრულების დროსა.

3. ბერძნებს არა აქვსთ წესად მიღებული ღამის-თევით შესრულება მწუხრისა და ცისკრისა იმ სახით და წესითა, ვითარცა რუსეთის ეკლესიაშია მიღებული. ბერძნები მხოლოდ პირველს ნაწილს ღამის-თევისას, ესე იგი მწუხრსა პურების კურთხევით შეასრულებენ ყოველთვის საღამოთი სამს საათზედ დიდის გამოჩინებით, ხოლო შემდეგ დილით ცალკე ერთი მღვდელი შეასრულებს მეორე ნახევარს ღამის-თევისას, ესე იგი ცისკარს, სრულიად უბრალოდ, ვითარცა სადაგს დღეში, წაიკითხავს მხოლოდ სახარებასა საკურთხეველში, ხოლო გამოსვენება სადღესასწაულო ხატისა, კმევა და ცხება ზეთითა არ იქმნება, და ან კი რით უნდა სცხონ, როცა პურებთან ერთად ზეთს არ აკურთხებენ იგინი.
4. პატრიარქის წირვაზედ, დიდს გამოსულაზედ, ესე იგი ბარძიმ-ფეშხუმის გამოსვენებაზედ, თანაწირველთა სამღვდელოთა დაურიგებენ ტრაპეზის ჯვრებსა, გვაღრუცებს (კოლოფებს) წმ. ნაწილებითა და ზოგსაც

ზატებსა; მხოლოდ იმ ჯვარსა, რომელშიაც არის ჩასვენებული ნაწილი ნამდვილის ცხოველსმყოფელის ჯვარისა, არა ვის გარდასცემენ გამოსასვენებლად.

5. სიმბოლოს სარწმუნოებისას, ესე იგი „მრწამს ერთი ღმერთი“... არა ჰგალობენ, არამედ წაიკითხავს ერთი მღვდელთავანი აღსავლის კარებში, პირით მიქცეული ერისადმი. ამ დროს მღვდელმთავარნი ემთხვევიან საღმრთოთა ძღვენთა და ტრაპეზსა, შემდეგ ამბორს უყოფენ პატრიარქსა ხელზედა და მხართა ზედა, ხოლო პატრიარქი ამბორს უყოფს მათ თავზედა; მღვდელმთავარნი ურთიერთარს ეპხორებიან ბაგეთა, ხოლო მღვდელნი ემთხვევიან პატრიარქსა და მღვდელმთავართა მარჯვენესა ხელსა ზედა.
6. წირვაზედ მხოლოდ პატრიარქს, ანუ მღვდელმთავარს ანუ სხვა უპირატესსა აქვს კონდაკი და ხმა-მალლა კითხულობს დაწესებულს საიდუმლო ლოცვათა მოსასმენელად თანამწირველთა. რადგანაც მათგან არავის უპყრია ხელში კონდაკი.
7. ქერუბიმთა საგალობელის შემდეგ რუსეთისა და საქართველოს ეკლესიებში მიღებულია წესად, რომ მხოლოდ მწირველმა მღვდელმთავარმა წარმოსთქვას ასამაღლებელნი, ხოლო ბერძენთა ეკლესიაში შემდეგ ქერუბიმთა საგალობელისაც რიგზედ წარმოსთქვამენ ასამაღლებელთა, ვისაც რომელი შეხვდება, განურჩევლად ხარისხისა, არქიმანდრიტი იქმნება იგი, იღუმენი, თუ დეკანოზი ანუ მღვდელი. პატრიარქის თანამწირველობაში თვითონ მე შემხვდა საქმელად ორი ასამაღლებელი, პირველად მეოთხე ასამაღლებელი, ხოლო მეორედ: „და ღირს-მყვენ ჩვენ, მეუფეო, კადნიერებით დაუსჯელად კადრებად და ხდად (მოწოდებად) შენდა ზეცათა ღმრთისა მამისა და თქმად“, თუმცაღა თანამწირველნი ვიყავით რვანი.

8. ბერძენთა ეკკლესიაში მიღებულია წესად, როდესაც მღვდელი ან არქიმანდრიტი მიიღებს წმ. ტარიგის ნაწილსა მღვდელმთავრის ხელიდამ. იქვე უნდა დაადგარეს, მოიდრიკოს თავი ოდიკის წინაშე და იქვე მიიღოს წმ. ნაწილი ქრისტეს თვით უხრწნელის ხორცისა და იქვე გაიწმინდოს ხელნი ღრუბელითა ოდიკზედა. ჩვენნი სამღვდლონი იკითხავენ: როდისღა უნდა წაიკითხონ ლოცვა უწინარეს ზიარებისა? საბერძენთის ეკკლესიაში ამ ლოცვას წარმოსთქვამენ თანამწირველნი მღვდელნი უწინარეს მიღებისა წმ. ნაწილისა მღვდელმთავრის ხელიდამ. ხოლო ბარძიმიდან ეზიარებიან ყოველნი თანამწირველნი სამღვდლონი წესისაებრ რიგზედა.
9. ქრისტე მაცხოვრის საფლავზედ კვეთის შესრულების დროს მღვდელმთავარი ანუ მღვდელი მუხლმოდრეკით ოქროთი მოქარგულს ბალიშზედა შეასრულებს ამ მღვდელმოქმედებას.
10. იერუსალიმში ბაიობის (ბზობის) ცისკრისათვის არ ამზადებენ ბზას საკურთხებელად და დასარიგებლად მლოცველთადმი. ვისაც სურს იდგეს ეკკლესიაში ფინიკის შტოთი, ის წინაღვე შეიძენს თავის ფულით ტოტსა და მიდის ეკკლესიაში დამზადებულის ფინიკის ტოტითა. ამისათვის ბზობის ჰარასკევსა და შაბათსა არაბთა მოაქვსთ ფინიკის ტოტები გასასყიდათ და ეკკლესიის გარეთ ეზოში ჰყიდიან, ორი შაურიდან დაწყებული ვიდრე ორ მანეთამდის თითო რტოს. სიდიდისა და სიმშვენიერის მიხედვით.
11. დღგომას მწუხრას შესრულება იერუსალიმში. ორ საათზედ შუადღის შემდეგ დაიწყება ქრისტე მაცხოვრის ეკკლესიაში გამოჩენილი ცერემონიალური მწუხრი პასექის პირველის დღისა. პატრიარქს შეიყვანენ ეკკლესიაში განსაკუთრებულის ცერემონიი-

თა: მრთელი გზა ტაძარზიდის და თვით ტაძარზიაც ტრაპეზამდის მოფენილია ყვავილებითა, ხოლო მის შესვლაზედ ეკკლესიაში წვიმასავით ესვრიან ვარდისა და სხვა ყვავილების კონებსა გალოფრეებიდამ; პატრიარქს წინა უძღვიან ათი მთავარ-დიაკონი ორ-ტოტიანის სასანთლეებითა, შემდეგ მიაქვსთ ათორმეტი რიბიდა (გრძელ ტარიანი ხატი სერაბიმთა), ხოლო მას შემდეგ შეუდგებიან ასამღი მღვდელნი მდიდარის სამოსელითა, და შესვლისათანავე ტაძარში დაიწყება გამოჩინებით შესრულება მწუხრისა. სა ხარებას კითხულობენ რვა ენაზედა; მწუხრის დასრულების შემდეგ პატრიარქი და მღვდელმთავარნი, მტვირთველნი ხელთა თვისთა ჯვართა და სხარებათა, დაჯდებიან სელში (კრესლოში) და ერი, ვითარცა აღდგომის ცისკარზედ, მივალს მათთან ქრისტეს აღდგომის მისალოცავად.

12. ზოგადი ხმარება კამალავკისა ბერძენთა სამღვდლოებისა მაჟრ. იერუსალიმში და საზოგადოდ ბერძენთა ეკკლესიაში წესად მიღებული აქვს სამღვდლოებას კამილაკით თავის დაბურვა განურჩევლად ხარისხისა, მღვდელია, მონაზონი ანუ თუ მთავარდიაკონი, მხოლოდ კამილაკები შავის ხავერდისა და არა ფერადისა; ვითარცა მიღებულია ჩვენში. ამისთვის პატრიარქის მხრით დიდი პატივის ცემა იყო ჩემის ხარისხისა, რომ ნება მიბოძა წირვისა თავ დაუბურველად კამილაკითა. ბერძენთა ეკკლესიაში არიან მიღებულ მხოლოდ შემდეგნი ჯილდონი სამღვდლო ბირთავის: პანაგია (რგვალი ხატი ღვთისმშობლისა ანუ მაცხოვრისა) გულზედ სატარებელად მღვდელმთავრისაგან, ვითარცა მღვდელ-მოქმედების დროსა, ეგრეთვე გარეშე ეკკლესიისა, როგორც კუთვნილება სამღვდელმთავრო ხარისხისა, და მიტრა თავზედ დასახურავად,

ვითარცა გვირგვინი, მხოლოდ საღმრთო მოქმედების დროს მღვდელმთავრისაოვის; ჯვარი გულზედ სატარებელი არქიმანდრიტისა მიერ, და ენქერი, რომლითაც იმოსებიან, ვითარცა სულიერის ზრმალითა: მღვდელმთავარი, არქიმანდრიტები და წარჩინებულნი იღუმენნი და დეკანოზნი.

13. ათონის ბერძენთა რომელსამე მონასტრებში დიდს გამოსვლაზედ, პატიოსანთა ძღვენთა გამოსვენების ჟამსა, მღვდელი მოიხსენებს მხოლოდ: „თქვენ ყოველნი მართლმადიდებელნი ქრისტიანენი მოგიხსენოს უფალმან ღმერთმან სასუფეველსა თვისსა“... ამას წარმოსთქვამს მღვდელი ოთხ გზის ოთხ მხარეზედ მიბრუნებით. და შემდეგ პირდაპირ შევალს საკურთხეველში.
14. ვინაიდან ყოველს სამშაბათს წმ. ეკკლესია აღასრულებს ხსენებასა წმ. დიდებულისა წინასწარმეტყველისა, წინამორბედისა და ნათლისმცემელისა იოანესსა, ამისათვის მის სახელის მონასტრში იერუსალიმს თითოეულს სამშაბათს დიდმარბვისას შესრულდება პირველ-შეწირული წირვა. ამ წირვაზედ შეინიშნება შემდეგი განსხვავება: პირველს მუხლს „წარემართე ლოცვა ჩემი“ ჰგალობს საკურთხეველში მწირველი მღვდელი, ხოლო შემდეგი მუხლები იგალობებიან კლიროსზედ (საწიგნეზედ) და უკანასკნელს მუხლს „წარემართე ლოცვა ჩემი“ ჰგალობს კვალად-ცა მწირველი მღვდელი საკურთხეველში; ამ დროს არავინ მუხლს არ მოიდრეკს ეკკლესიაში არცა სამღვდლოთაგანი და არცა ერისაგანი. გარდა ამისა, თითოეულის მუხლის გალობის შემდეგ, მწირველი მღვდელი იცვლის ადგილს ტრაპეზის წინაშე; პირველად იგი სდგას და უქმევს ტრაპეზის წინ, მეორე მუხლის გალობის დროს გარდადის მარჯვენით კერ-

ხო ტრაპეზისა, შემდეგ—მარცხენა მხარეს, დასასრულ—  
უკანა მხარესა და სრულიად ბოლოს—კვალადცა წინა  
მხარესა.

15. იერუსალიმის ქრისტე მაცხოვრის აღდგომის ეკკლესიაში მართლმადიდებელთა ტრაპეზი არის სიგანით ექვს ადლამდის განიერის ფერხ-დასადგმელით წინა-დგან. სანაწილე ამ ტრაპეზზედა არის მალახიტისა (მწვანე მარმარილოსი) ეკკლესიის მსგავსად, ტრაპეზს ზევიდამ ადგია მარმარილოს საჩრდილობელი, რომელიც სამღვდელთა ზიარების დროს დაიფარდების გარეშე მაყურებელთაგან, რომელნიც მრავლად იმყოფებიან საკურთხეველში გამოჩენილს დღესასწაულებში; ხოლო ზევით სართულიდამ მრავალნი დედანიც დაუბრკოლებლად უყურებენ ყოველთა და ყოველსავეს, რაც კი მღვდელ-მოქმედება სრულდება საკურთხეველში.

### დაბრუნება პალესტინიდან



ენისის 16 შესრულდა სწორედ ერთი თვე ჩემის სამშობლოდან გამომგზავრების შემდეგ და სწორედ ამ დღეს ვესალმები პალესტინასა, წმ. ქვეყანად წოდებულსა. შუადღის 12 საათზედ ვსხდებით ნავებში, რომლითაც ცეცხლის გემზედ უნდა გადავიდეთ სამის ვერსის მანძილზედ. დიდი ღელვა და ფრთონაა. როდესაც ნაპირზედ მოაყენეს ნავი გადასასვლელად, მე გადავდგი ფეხი ნავში ჩასაჯდომელად; ამ დროს ტალღამ უეცრად მოიტაცა ნავი ნაპირიდან და ერთი ფეხით ზღვაში შევრჩი; გადმოვიქნიე ხელი უკან და იქ მდგომმა კავასმა, ნიკოლოზ შავმთიელმა, რომელიც იერუსალიმიდან გამოგვაყოლეს, მტაცა მარდად ხელი თითის



ИЗДАН. С. ПЕТЕРБУРГ, 1857.

ეკლესია  
ცხოველს მყოფელის საფლავისა უფლისა იერუსალიმში.

წვერებზედ და დამიხსნა ზღვის უფსკრულისაგან. დიდი ტირილი შეიქმნა ნავებში მამრთა და მდედრთა ზღვის ფრთონისა გამო. შიშის ხარმა მოიცვა ყოველნი, რადგანაც ტალღები ორის-სამის საყენის სიმაღლეზედ ისროდნენ ნავებსა. ერთმა მოხუცმა პოლკოვნიკმა ც-კი, რომელიც უკანასკნელ რუს-ოსმალთა ბრძოლის დროს ზარბაზნების ქუხილით და კომლით იყო გამოწვრთილ, ზღვაზედ მხილველმა საშინელის ტალღებისამ და შეშინებულმა მორთო ტირილი; სამხედრო კაცი ვამხილე სულ-მოკლეობისათვის და სხვანიც გავამხნევე სარწმუნოებითა და სასოებით ღმრთისა მოწყალებაზედ. მადლობა ღმერთსა, კეთილის მყოფელსა ჩვენსა! ყოველნი მშვიდობით გადავრჩით აქ დიდს განსაცდელსა. მენავენი, ადგილობრივნი არაბნი, დიდად დახელოვნებულნი არიან ნავოსნობაში; ტალღები რომ წამოვიდოდა, დიდის შრომით და გამოცდილებით ააცილებდნენ ხოლმე ნავსა, რომ ნავში არ გადმოსულიყო წყალი. წარსულს წელს სწორედ ამ თვეში, ამ გვარისავე დიდის დღევის დროს, ამავე ადგილს გადაბრუნებულყო ერთი ნავი, რომელშიაც ყოფილიყო დედა ორის შვილით; დედა და ვაჟი დაირჩენენ და პატარა ქალი-კი დაიხსნეს მენავეთა დარჩობისაგან.

17 ივნისს, დილის რვა საათზედ, მოვედით მშვიდობით ქ. ბეირუთსა. იაფფიდგან დაწყებული აქამდე არ დასცხრა დღევა ზღვისა. ტრიპოლის ქალაქს მოვედით საღამოს რვა საათზედ. დაღამების გამო აქ გაჩერდა ორთქლმავალი, რადგანაც ბარგის მიღება და გარდაცემა არ შეიძლებოდა გათენებამდის.

18 ივნისს, დილის რვა საათზედ, გამოვედით ტრიპოლის ქალაქიდან. ცეცხლის გემზედ, რომელსაც „როსსია“ ეწოდება, წამოვიდნენ ბეირუთის ქალაქიდან იქაურ უნივერსიტეტის სტუდენტები, რომელნიც მიემგზავრებოდნენ კონსტანტინეპოლს ეგზამენისათვის; ესენი საუბ-



რობდნენ ოსმალურად, არაბულად, ფრანგულად და ბერძნულად. და, სარწმუნოებისა და ეროვნების განურჩევლად, ერთგვარად ეცვათ და თავზედ ყველას წითელი ფესი ეხურა. სირიის ქალაქ ბეირუთში 1893 წელსა რომის პაპას ლეონ XIII-ს დაუარსებია იეზუიტების ხელმძღვანელობის ქვეშ სკოლა დიდის სახელწოდებით „კათოლიკეთა უნივერსიტეტი.“

19 ივნისს, საღამოზედ, გემზედ შევასრულეთ მწუხრი და ცისკარი; ერთმა ათონელმა რუსის მონაზონმა მეორე ადგილს წინაღვე იწყო ღვთისმსახურების შესრულება, მლოცავნი საწირავს აძლევდნენ, ხოლო როდესაც მღვდელნი შევასრულებდით ღვთისმსახურებასა, უსასყიდლოდ იყო მოსმენა ლოცვისა, სახარების მცნებისაებრ: „უსასყიდლოდ მიგიღებთ, და უსასყიდლოდ მიჰსცემდით“. (მათ. 10,8.)

21 ივნისს, ორშაბათს, დილის შვიდს საათზედ მოვედით ქ. სმირნას. ვილოცეთ აქ წმ. იოანნე ღვთისმეტყველის ეკლესიაში, რომელშიაც კანკელი ნიგვზის ხისაა. ზედ ხელოვნურად ამოჭრილია ჩუქურთმით წმ. იოანნე ღვთისმეტყველისა, მთავარ მოწამე გიორგისა და წმ. ნიკოლოზ მღვდელმთავრის საკვირველთმოქმედის ღვაწლნი და სრული ცხოვრება. ამ ეკლესიაში უჩვენებენ ბერძნულს სახარებას, ვითომც მოც. იოანნე მახარებელის მიერ საკუთარის ხელით დაწერილს; მაგრამ ამ ერთს წიგნშია მოთავსებული სხვა სამი სახარებაც, არცა ტყავზედ არს დაწერილი, არამედ გასანთლულ ქაღალდზედ, შიგ არიან დახატულნი ოთხნი მახარებელნი ფერადის საღებავით სხვა რაიმე შესანიშნავი არა მოიპოვებარა მასში; უჩვენებენ ამ სახარებას იმისათვის, რომ ისარგებლონ შემოსავლით მნახველთაგან; ცხადია, რომ ეს სახარება მოციქულთ დროებისა არ არის.

### თუში მონაზონი ათონჯად.

**ა**ლაქ სმირნიდგან გამოვედით 22-ს ივნისს, სალამოს 7 საათზედა, და სტამბოლს მოვედით 24 ივნისს, დილის ოთხს საათზედა. აქ დავდექით 26 ივნისს შაბათს ოთხს საათამდე. სტამბოლში გამოვლაზედ აღარ შევსულვარ არც ერთს რუსის მონასტრის მეტოქიაში. მეტოქიები აქვს კონსტანტინეპოლში სამ ათონის რუსთა მონასტერსა და ეს მეტოქიები წარმოადგენენ ოთხ, ხუთ-სართულნიან სახლებსა შინაგან მოწყობილის ეკკლესიებითა. ამ მეტოქიებში წესად აქვთ მიღებული ყოველ დილით ქალაქის გლახაკთა თეთრს პურს დაურიგებენ ხოლმე თითო გირკანქობითა, ეროვნებისა და სარწმუნოების განურჩეველად; ხოლო შაბათობით ზოგს მათგანს წვრილს ფულსაც აძლევენ მოწყალების სახით. ამ ქრისტიანულ სასიქადულო სათნოებასთან ვერ შემითანხმებია ერთი შემთხვევა, რომელიც ათონის ქარაველთა სავანეში მიამბეს წარსულის წლის ენკენისთვეში. სტამბოლში მისულიყო საქართველოდგან ერთი ჩვენის ეროვნების ახალგაზდა თუშთაგანი. გემზედ ფული თურმე მოჰპარეს, დარჩა ცარიელი უცხო ქვეყანაში, უმეცარი ადგილობრივთა ენათა. ამ გაჭირვებაში მიჰმართავს თურმე რუსის მონასტრის მეტოქიას, რომელსაც ხუთ-სართულიანი სახლი აქვს სტამბოლში, სთხოვს შეწყნარებას და ღამის გატარებას მათს საფარველს ქვეშე; არ მიიღეს თურმე იგი უცხო და დავიწყეს სახარების მცნება: „უცხო ვიყავ, და შემიწყნარეთ მე“ (მათ. 25, 35). არ მიიღეს იგი, ცხადია, იმი სათვის, რომ არ იცოდა რუსული ენა, არ ეცვა სერთუკი ანუ კაბა მორჩილისა; არამედ ემოსა ქართული ჩოხა და ეხურა თავს თუშური ქუდი, თუშეცა ის თავის მართლ-მადიდებლობას პირჯვარის გამოსახვით არწმუნებ.

და. როდესაც მიდიოდა იგი ქალოქ გარედ მინდვრად და აპირებდა იქ ღამის გათენებას, მაშინ ღმერთმან მოუვლინა, ვითარცა მფარველი ანგელოზი. დროებით სტამბოლში მყოფი ქართველი სილოვან ანტონის ძე, რომელმაც ძმობრივის სიყვარულით შეიწყნარა იგი, და წაიყვანა თავის სადგომში და სიამოვნებით გაატარებინა ღამე; მეორე დღეს სამგზავრო ფულიც მისცა, გემზედ აიყვანა და გამგზავრა ათონის მთისაკენ. მე ვგონებ მისი არ შეწყნარება რუსის სავანეში მოჰხდებოდა უცნობელად უფროსთა ძმათა. მდაბალ, განუვითარებელ მორჩილთა უმეცრებრთა, რომელნიც მეკარედ სდგანან.

ეს ჩვენი სამშობლოს შეიღი აწ ღირსეულად ჰმოღვაწეობს ათონის ქართველთა სავანეში.

დრონი იცვალნენ! სახელოვანი ტომი ქართველთა ერისა—თუშნი, ქებულნი თვისის რაინდობითა და მამაცობით რამდენსამე საუკუნეს განმავლობაში, დასახლებულნი ქართველთა მეფეთაგან კავკასიის მთის მწვერვალზედ, დალისტნის საზღვარზედ, შიშის ზარს სცემდნენ ლეკაჲა, ჩაჩანთა და დიდოთა თავისის ვაჟკაცობითა და მედგარის მამაცობითა და ლომებრ ბრძოლითა შამილის დამორჩილებაამდე. ერთი მათ შვილთაგანი დღეს იხსნის ლესულსა ხმალსა. თავისს ერთგულს მეგობარსა ყოველსა გაჭირვებაში მტრებთან საბრძოლველად. და ჯანითა და ღონით სავსე ახალგაზრდა. ოცის წლის ჭაბუკი. იღებს სულიერს ხრმალსა. ესე იგი. სიტყვასა ღვთისასა; დასდებს ფარსა, მტერთა მოსაგერებელსა. და იპყრობს ფარსა სარწმუნოებისასა; იხდის თავიდან რკინის ჩაფხუტსა და დაიდგამს ცხოვნებისას; განიძარკვავს წვრილ თვალთა ჯაჭვსა რკინისასა და შეიმოსს სიმართლესა; მოიხსნის ვერცხლის სარტყელსა და შემოირტყამს ჭეშმარიტებასა, ჩამოიხსნის თავის ერთგულსა თოფსა, მეხებრ მგრგვინავსა დღესა ბრძოლისასა, დასაშრეტელად განხურვებულთა ისართა

ბოროტისათა (ეფესელთ: 6; 13—17.) ერთის სიტყვით, ქვეყნიერი უშიშარი მხედარი ხელმწიფისა შეიქმნება ზეციერის მეუფის კეთილ-მორწმუნე მხედრად! თუში მონაზონი, ისიც 19 საუკუნის დასასრულს, ეუცხოვება ყურს. აქ არის განსაკუთრებული მოწოდება ზენაით. ეს ჩვენის საყვარელის სამშობლოს შვილი საზღვარ გარედ მისწრაფის, რათამცა დაფარულ ჰყოს თვისთაგან მოღვაწეობა თვისი სულიერი და დაუბრკოლებელად ჰმსახუროს უფალსა იესო ქრისტესა, სიტყვისაებრ სახარებისა: „ყოველმან, რომელმან დაუტეოს სახლი, მამა ანუ დედა თვისი, ცოლი ანუ შვილნი, ძმანი ანუ დანი, ანუ აგარაკნი, სახელისა ჩემისათვის, ას წილად მიიღოს და ცხოვრება საუკუნო დაიმკვიდროს“ (მათ. 19, 29.) ეს ჩვენი ძმა დღეს აღასრულებს ამ მკენებას უფლისა მაცხოვრისასა. ვისურვებთ, რათა ღმერთმან მიანიჭოს მას ძალი და მადლი კეთილად მოღვაწეობისათვის ამ ახალს სასულიერო სარბიელზედ; სარწმუნოება მტკიცედ დაიცვას და დასასრულ მიიღოს აღთქმული ქეშმარიტთა მოღვაწეთათვის დაუქნობელი გვირგვინი სასუფეველსა ცათსა. ამ გვარნი უმრწემესნი ძმანი უნდა შევიწყნაროთ ქრისტეს სახელით, თორემ ჯვრებითა და ორდენებით შემკობილთა ყოველგან ჯეროვანს პატივსა სცემენ.

ერთი ამ გვარი ამბავი მე შემემთხვა 1888 წელსა 13 აგვისტოს კიევის ლავრის საკრებულო ტაძარში. მივედი ცისკარზედ ღამის ორს საათზედ. მლოცავნი მრავალნი იყვნენ. შესვლა ტაძარში გამიძნელდა. ბოლოს ვნახე ერთი მორჩილი, ეკკლესიად შემავალი. ვთხოვე, როგორმე შემიყვანე-მეთქი ეკკლესიაში; მან მითხრა: „მომკიდე მაგრად ხელი ქამარში და მომყვიო“. როგორც იყო, მიმიყვანა დიდის შრომით სამკითხველო ადგილამდის (კლიროსამდის); სიცხისაგან გული შემიწუხდა; როდესაც ავღგი ფეხი კიბეზედ კლიროსზედ ასასვლელად,

მაშინ შემომხედა მკაცრად ოქროს ჯვარით მოსიღმა მონაზონმა, რომელიც ჰლოტბარობდა ხოროზედ და მითხრა უპატივემულოდ: აქ ყველასათვის ადგილი არ მოიპოვებაო; ამ დროს გადავიწიე გარე ანაფორა, რომლის ქვეშაც ვატარებ ოქროს ჯვარსა და ორდენს; ამისი მხილველი მამა იღუმენი შეკრთა, დიდის ბოდისით მომატანა ხელი, მაშინვე ამიყვანა კლიროსზედ და დამიფთხო სელი შესასვენებლად.

26 იენის, შაბათს, ნაშუადღევის ოთხს საათზედ ცეცხლის გემით „აზოვი“-თ გავემგზავრენით წმ. ათონის მთაზედ. ამავე გემმა პირველად მივიყვანა ქ. ოდესნიდამ იათფამდის და ეხლაც მასვე შეჰხვდა, თვე-ნახევრის შემდეგ, ჩვენი წაყვანა ათონის მთამდე. გემი ძველი მოწყობილობისაა, ზღვაში მცირე ღელვის დროსაც ირყევა, მაგრამ ამ გარეგანს ნაკლულევანებას ავსებს მისი უფროსი (კაპიტანი) ბანი პავლე ვიქტორის ძე ნაგორსკი, კაცი დიდათ კეთილშობილი და კეთილ-მსახური; იგი მზა იყო ყოველთვის შეესრულებინა ჩვენი თხოვნა ღვთის მსახურების შესახებ, თავისუფლად გვაძლევდა ნებას ბაქანზედ ლოცვის შესრულებისას, რომელშიაც მონაწილეობას იღებდა თვითონაც და ხელქვევითნიცა მისნი. აგრეთვე უურადლებას აქცევდა მოგზაურთ მაშინ, როდესაც ვინმე ჩვენთაგანი გავიდოდით სტამბოლში, ანუ სხვა ზღვის პირას მდებარე ქალაქს სასეირნოდ და, უკეთუ დანიშნულს საათზედ ვერ მოუსწრობდით საუბმესა და სადილზედა, გემის უფროსი ნაგორსკი ვალდებულად ჰყოფდა მზარეულთ უხუცესსა, ჩვენთვის საუბმე ანუ სადილი შეენახა და ამისათვის განსაკუთრებული სასყიდელი არ გამოერთმევენა. სხვა გემის უფროსები კი ამას უურადლებას არ აქცევდნენ: თუ ვერ მივუსწრებდით სადილს, ჩვენის ფულით უნდა გვესადილნა. ანუ კიდევ დიდის ღელვის დროს, როდესაც გემი აკვანივით ქანაობს და ამისათვის

ჭამა და სმა შეუძლებელია მათთვის, ვისაც გულის ზიდება მოსდის ამ დროს, ღელვის დამშვიდების შემდეგ, თუ მოვითხოვდით სადილს, ანუ საუზმეს, ან ყავას და ჩაის, ამისათვის საკუთარი ფასი უნდა გარდამეხანდა, თუმცა მრთელის მგზავრობის დროს საზრდოს საფასე წინაღვე ჰქონდათ აღებული პასუხიერებისაგან. ოდესსიდგან სტამბოლამდის „აზოვის“ გემზედ ღვინოც გვეძლეოდა საუზმისა და სადილის დროს, ხოლო სტამბოლიდგან ოდესამდის აღარ მოიტანეს ღვინო სხვა გემზედ.

### წმ. ათონის მთა.




ემდეგ წმ. ქალაქ იერუსალიმისა, რომელშიაც სისხლის ვნებათა მიერ და ჯვარცმითის სიკვდილით განხორციელებულმა ძემან ღვთისამან შეასრულა საიდუმლო ჩვენის ცხოვნებისა, და შემდეგ სხვათა ადგილთა პალესტინისათა, განწმედილთა ცხოვრებითა და ღვაწლითა გამოუთქმელის სიყვარულისა და მოწყალებისა უფლისამაცხოვრისა, არის უპირველეს წმ. ადგილთა შორის ათონის მთა; აქ, ამ მთაზედ მშვიდობით მოღვაწეობენ თვისთა შენაკთა შინა კაცნი, რომელთაც უარ უყვიათ პატივი, დიდება, სიმდიდრე, საერო ცხოვრება და შეუწირავთ თავნი თვისნი განსაკუთრებით სამსახურებლად ერთისა ჭეშმარიტისა ღმრთისა მიმართ და ღვთის სათნო საქმეთათვის.

წმ ათონის მთა ქრისტეს შობამდისაც იყო ეგრეთვე შესანიშნავი; აქ, ვითარცა ეხლა, მოვიდოდენ მრავალნი მლოცავნი, მხოლოდ იმ განსხვავებითა, რომ აქ მაშინ შეასრულებდენ წარმართობის დღესასწაულთა და შესწირვიდენ მსხვერპლთა კერპს აპოლონსა, რომლისაც უმთავრესი სამლოცველო იყო ათონის მწვერვალზედა. გარნა ზანვლეს წარმართთა სიძველის საუკუნეთა და წმ.

ათონის მთაზედაც, ჩქარა შემდეგ უფლის ამაღლებისა, მოეფინა წმ. სახარების ნათელი. ათონის მთა შეადგენს ნახევარ-კუნძულსა, სამის მხრით ეგეის ზღვით გარე მოცულსა; სივრცით არის ასს ვერსამდის; დასავლეთის მხრით უერთდება მაკედონიის ქალაქს სალონიკესა ვიწრო ყელითა. ისტორია გვაძლევს ცნობებს მასზედ, თუ როდის დაიწყო მონაზონობა ათონზედა. მიღებულია დასაწყისად მონაზონობისა ათონზედ მეცხრე საუკუნე. ე. ი. ის დრო, როდესაც დაბინავდა აქ ღირსი მამა პეტრე ათონელი; მაგრამ არიან ნაწყვეტნი ჩვენებანიც, რომ წმ. მთაზედ განდევილთა სავანენი არსებობდა მეხუთე საუკუნის დასაწყისშიაც.

ათონის მთა და საქართველო ითვლებიან ღვთისმშობლის ნაწილად. ეკლესიური გარდაშოცემა მოგვითხრობს ამაზედ შემდგომსა: როდესაც წმ. მოციქულთა იერუსალიმში, შემდეგ უფლის ამაღლებისა, ღვთისმშობლის თანადასწრებითა, განიდეს წილი მასზედ, თუ ვის რომელი მხარე ერგებოდა სახარების საქადაგებლად, მაშინ დედა ღვთისას შეხვდა საქართველო, მაგრამ ანგელოზმა უფლისამ აუწყა, რომ მის მზრუნველობას მიენდობა სხვა მხარე, ხოლო საქართველო განათლდება სახარების სწავლითა შემდგომ. ამ დროს, წმ. ლაზარეს, მეოთხე დღეს მკვდრეთით აღდგენილსა, რომელიც იმყოფებოდა ეპისკოპოსად კვიპროსის კუნძულზედა, გულით ჰსურდა ხილვა ყოვლად წმიდისა ღვთისმშობელისა, მაგრამ დევნულებისა გამო ქრისტიანეთა ურიათაგან, ეშინოდა მოსულიყო იერუსალიმში. ღვთისმშობლის თანხმობისაებრ წარმოგზავნა მისთვის გემი, რომელზედაც გაემგზავრა იგი კვიპროსს მოციქულით იოანე ღვთისმეტყველითურთ და სხვათა მოციქულთა მოწაფეებითურთ; მგზავრობის დროს დაუბერა ძლიერმა პირქარმა და გაიტაცა გემი ათონის მთისაკენ, რომელიც სავსე იყო მაშინ კერ-



წმიდა ათონის მთა.



პებითა და მათ შორის იყო შესანიშნავი კერპი აპოლონისა, რომელიც აძლევდა პასუხსა ყოველს კითხვებზედ ყოველთა მისრულთა მისდამი. მიეახლა თუ არა ყოვლად წმიდა ქალწული ზღვის ნაპირსა, კერპთა დიწყეს ხმა მალდა ძახილი: „ერწო შემცდარწო აპოლონისა მიერ! წარვედით კლიმენტის სადგურზედ (სადაც ეხლა იმყოფება ივერიის საქართველოს კარისა ღვთისმშობლის მონასტერი) და თაყვანიეცით დედასა დიდისა ღმრთისა იესოსსა.“ ესრეთ წინააღმდეგ თავის ნებისა, ეშმაკნი, რომელნიც იმყოფებოდნენ კერპებში, იძულებულ იყვნენ უწყებად ჭეშმარიტებისა, ძალდატანებულნი ძალითა ღვთისათა. ესმათ რა სიტყვები კერპებისა, ერი განცვიფრდა და ყოველნი გაეჩქარნენ ზღვის ნაპირად დასახლებულ ნავთ სადგურისაკენ. იხილეს რა გემი და დედა ღვთისა, მათ მიიღეს კეთილ მოწიწებით და ჰკითხავდნენ: ვითარ შვა მან ღმერთი და რა არს სახელი მისი? ყოვლად წმიდა ქალწულმა აუწყა ერსა იესო ქრისტეზედ და ყოველნი დავარდნენ და თაყვანი-სცეს მისგან შობილსა ღმერთსა, და უჩვენეს მას ყოველნი პატივისცემანი და შემდეგ ირწმუნეს და ნათელ იღეს. მრავალნი სასწაულნი ჰქმნა იქ ღვთისმშობელმა და დაუდგინა მოძღვრად ახალ ქრისტიანეთა ერთი მოციქულთა მოწაფეთაგანი, ხოლო შემდეგ განიხარა სულითა და სთქვა: „ადგილი ესე იყავნ ჩემდა წილად მოცემულად ჩემდა ძისა და ღმრთისა ჩემისაგან; მადლი ღვთისა იმყოფებოდეს ადგილსა ამას ზედა და აქა მცხოვრებთა ზედა, რომელნი დაიმარხვენ მცნებათა ძისა და ღმრთისა ჩემისათა სარწმუნოებითა და კეთილმოწიწებითა. ხოლო სახმარნი ცხოვრებისათვის ქვეყანაზედა კეთილნი იქმნებიან მათდა მცირედის შრომით ნაყოფიერნი და არა მოაკლდეს წყალობა ძისა ჩემისა ამ ადგილსა ვიდრე აღსასრულადმდე სოფლისა. ხოლო მე ვიქმნები მფარველი ამ ად-

გილისა და წინაშე ღმრთისა მხურვალე შუამდგომელი.“  
სთქვა რა ესე, დედა ღვთისამ აკურთხა ერი და წარვიდა  
კვიპროსის კუნძულზედა ლაზარეს სანახავად.

და აღთქმათა თვისთა შესახებ ათონის მთისა ღვთის  
მშობელი იცავს ცხადათ ყოველთათვის. ვითარნი ქარ-  
ტეხილნი არ გამოსცადა ათონმა, ვითარნი დევნულებანი  
არ მოითმინა? გარნა აქამოდის სდგას იგი შეურყეველად,  
განშვენებული თვისის სავანეებითურთ. იგი შეადგენს  
აღმოსავლეთში მართლმადიდებლობის გოდოლ-ბურჯსა.  
დაცემათა და შევიწროებათა ლათინთაგან ჯვაროსანთა  
ომების დროსა და ოთხის საუკუნის განმავლობაში თურქ-  
თა მფლობელობის დროს ვერ შემუსრეს ეს გოდოლი, —  
ეს კიდობანი სიწმიდისა, რითაც მტკიცდება, რაოდენისამე  
სახით, გარდამოცემა, რომ ათონი დაშთება სამკვიდრებე-  
ლად მონაზონთა ვიდრე აღსასრულადმდე სოფლისა.

**რუსთა წმ. პანტელეიმონის მონასტერი წმ. ათონის  
მთაზედ.**



ენისის 27, კვირას, ნაშუადღევის 4 საათზედ მოვე-  
დით მშვიდობით წმ. ათონის მთის ძირამდე. ნავთ-  
სადგური ორს ვერსზედ არის დაშორებული რუსთა წმ. პან-  
ტელეიმონის მთავარმოწამისა და მკურნალის მონასტერ-  
ზედ. ამ მონასტრის მონაზონთა თავისის ნავით წაგვიყვანეს  
მონასტრამდე; მოგვცეს ბინა ერთს ოთახში მე და ერთს  
რუსის მღვდელს იერუსალიმიდგან ჩემთან ერთს გემზედ  
წამოსულს. ჩემი თანამოგზაური მ. დეკანოზი სოლომი-  
ნი კი სტამბოლიდგან თავისის სახლობით ოდესისაკენ  
გაუმგზავრა, რადგანაც მეუღლით იყო, და დედათ-კი  
აღკრძალული აქვთ ათონზედ ასვლა.

28 ივნისს, საღამოს 8 საათზედ, მცირე მწუხრის შემ-

დევ, იწყო საკრებულო მონასტრის ტაძარში ღამისთევით შესრულება მწუხრისა და ცისკრისა და მთელს ღამეს გაგრძელდა იგი, დილის 5 საათამდის. მეც ვალდებულ ვიყავ დავმორჩილებოდი მონასტრის ტიბიკონს, თუმცაღა ჩემთვის ძნელი იყო მთელს ღამეს ფეხზედ დგომა და უძილობა ჩემს წლოვანობაში. მაგრამ სასუფეველისათვის ღვთისა კაცმა უნდა „განკლოს იწრო ბჭე და საჭირველი გზა“ (მათ. 7, 14); „სასუფეველი ცათა იიძულების, და რომელნი აიძულებდენ (ძალს მოიხმარებენ მოღვაწეობაში), მათ მიიტაცონ იგი“ (მათ. 11, 12).

29) იენისს, დღესასწაულსა თავთა მოციქულთასა პეტრესა და პავლესსა, მეც თანამწირველ-ვიყავ. წინამძღვარი მონასტრისა, მამა არქიმანდრიტი ანდრია, თითონაც მწირველი იყო და 12 თანამწირველნი ვიყავით. წინამძღვარს მიტრაზედ ჯვარი აქვს, მკერდზედ ჰმოსია არქიმანდრიტობის ჯვართანა პანაგიაცა ჯვარცმის ხატითა.

ამ პანაგიით დაუჯილდოვებია იგი პატრიარქს იოაკიმეს კეთილის სამსახურისათვის; პანაგიას მხოლოდ მღვდელმოქმედების დროს ატარებს მ. არქიმანდრიტი და მისის სიკვდილის შემდეგ მისთა მოადგილეთ უნდა ატარონ. წირვის შესრულების ყამს, ასამაღლებელთა წარმოთქმაზედ: „მადლი უფლისა ჩვენისა იესო ქრისტესი“... და „იყავნ წყალობანი უფლისა ღმრთისა და მაცხოვრისა ჩვენისა“... ეგრეთვე მოიღო ჯვარი ტრაპეზიდგან და აკურთხა ერი, აღსავლის კართა გაღებით, ვითარცა ზევით მოვიხსენე იერუსალიმს რუსთა მონასტერში გარდახდილ წირვის შესახებ; აგრეთვე აკურთხა სეფისკვერნი სინით; დიდს გამოსვლაზედ აქაც ზურგზედ დააფინეს დაფარნა მთავარ-ღიაკონს.

მწუხრზედ ნაკურთხნი პურნი, მცირედ დალტობილნი მწუხრზედვე ნაკურთხის ღვნით. მკორე დღეს წირვის დასასრულზედ, ფსალმუნის კითხვის დროს: „ვაკურთხო

უფალი ყოველსა ეამსა“, სეფისკვერთან ერთად დაურიგეს ეკკლესიაში მლოცველთ.

წირვის შემდეგ მომილოცეს ჩემის ანგელოზის დღეობა მ. არქიმანდრიტმა წმ. პანტელეიმონის ხატითა და სეფისკვერითა და ძმათა დარბაზში, სადაც შეგვიწვია მ. წინამძღვარმა სტუმარნი და უფროსნი ძმანი და მოგვართვეს ჩაი. შემდეგ მიგვიწვიეს საზოგადო ტრაპეზზედ; თვით წინამძღვარი დაესწრო სადილს; ექვსასამდე მონაზონნი სადილობდნენ; მაღალს კათედრაზედ ჰკითხულობდა მორიგე მონაზონი წმ. მოციქულთა ცხოვრებას. ღვინო არავინ დალია, ვიდრე ხარი არ ჩამოარაწყუნა წინამძღვარმა; თითოეულს ძმას წინ ედგა ღვინო პატარა ტყვიის ჩარეკით. სადილის დასრულების წინ მეორედ დააწარუნა ხარი და კათედრიდგან ჩამოვიდა მკითხველი მონაზონი, მიიღო კურთხევა წინამძღვრისაგან და ერთი ნაჭერი პური და ერთი ჭიქა ღვინო.

სადილის დასრულების შემდეგ წინამძღვარმა კვალად-ცა აკურთხა სუფრა ამ სიტყვებითა: „ქრისტე ღმერთო, აკურთხე ნაშთი პურთა მონათა შენთა“. შემდეგ მოართვეს კალათი, რომელშიაც შთააგდო ორი ნატეხი პურისა და მახლობელ მსხდომარეთაც ჩაჰყარეს კალათაში რამდენიმე ნატეხი პურისა. ეს მონასტრული წესი წარმოგვიდგენს იმ შემთხვევას, როდესაც უფალმა იესო ქრისტემ უდაბნოსა ადგალსა აკურთხა ერთ გზის ხუთი პური და მეორე გზის—შვიდი პური და რამდენიმე ათასნი განაძღო, და შემდეგ უბრძანა მოწ. ფეთა: „შეჰკრიბეთ ნეშტი ეგფე ნამუსრევი, რათა ნუმცარა წარჰსწყმდების“ და მათ ადავსეს 12 სფირიდი ანუ გოდორი. დასასრულ შეასრულეს პანაგიის წესი; წარსთქვეს ლოცვანი და მცირედი ნაწილი ნაკურთხის პურისა ყოველთა მივიღეთ ტრაპეზის შემდეგ: მოსკოვის ლავრაში პანაგიის შესრუ-

ლების დროს ღვინოც შეესვით 29 აგვისტოს 1885 წელსა, ხოლო აქ მხოლოდ აღიაზმა იყო.

მნაშენელაბა პანაგისა. უფლის ამალლებისა შემდეგ, მოწაფენი მისნი როდესაც შეკრებოდნენ სადილად, ერთს უპირატესს ადგილს სადილზედ დაუტყვებდნენ თავისუფლად და ზედ დასდებდნენ ერთს ნაპერს პურს, რომელსაც უწოდებდნენ „ქრისტეს ნაწილად“: და ამ სახით თვალსაჩინოდ წარმოიდგენდნენ ქრისტე მაცხოვრის მათ შორის უხილავად მყოფობასა, მის აღთქმისაებრ: „მე თქვენთანა ვარ ყოველთა დღეთა ვიდრე აღსასრულადმდე სოფლისა“ (მათ. 28, 20). სადილის დასრულების შემდეგ ალამალებდნენ პურსა, ქრისტეს ნაწილად წოდებულსა, და იტყოდნენ ლოცვასა: „უფალო იესო ქრისტე, ღმერთო ჩვენო, შეგვეწიენ ჩვენ“; მერე შესჰამდნენ ყოველნი ამ პურისაგან, ვითარცა სიწმიდისაგან. შემდეგ ღვთისმშობლის მიძინებისა, მესამე დღეს, საღამოზედ, როდესაც ჩვეულებრივ ალამალებდნენ ქრისტეს ნაწილს პურსა, იხილეს მოციქულთა ჰაერში ყოვლად წმიდა ღვთისმშობელი, რომელი ეტყოდა მათ: „ნუ გეშინინ, მე თქვენთანა ვარ“. მოციქულთა, ამ ხილვის შემდეგ, შემოიღეს თქმა ლოცვისა: „ყოვლად წმიდაო ღვთისმშობელო, გვაცხოვნენ ჩვენ“. თვით სიტყვა „პანაგია“ ჰნიშნავს ბერძნულს ენაზედ „ყოვლად წმიდასა“. საქართველოს მონასტრებში არა სრულდება პანაგიის წესი, ვგონებ, ძმათა სიმცირისა გამო.

30 ივნისს, ადრე წირვის მოსმენის შემდეგ, დილის 8 საათზედ, პანტელეიმონის მონასტრიდამ გამოგვაყოლეს გზის მაჩვენებელი მოხუცი მორჩილი, ორი კაცი მეჯინიბე და მონასტრის ჯორებით წამოვედით მე და ერთი რუსის მღვდელი, და ერთიც ახალგაზრდა ვაჰრის შვილი რუსთაგანივე, მონასტრების მოსალოცავად. 15 ვერსის მანძილზედ თუმცა აღმართია, მაგრამ ტყე არის,

დაზრდილებული მომეტებულ ნაწილად წაბლოვანითა, მუხნართა და რცხილით. მოვედით სამის საათის შემდეგ პატარა ქალაქ კარეაში, რომელსაც გარს შემორტყმული აქვს ვენახები, ბერძნულ თხილისა და ზეთის ხილის ბაღები. ამ ქალაქში აქვთ მუდმივი კრება, ანუ პროტატი ათონის მონასტრების წარმომადგენელთა, განსახილველად და გარდსაწყვეტად ურთიერთ შორის დავათა და საჩივართა. წმ. ათანასეს ლავრას და თვითოეულს პირველის ხარისხის მონასტერს აქა აქვსთ თავისი მეტოქია, ვგრეთვე ივერიის მონასტერსა და ერთი მათი წარმომადგენელიც ყოველთვის აქ იმყოფება. ხოლო დიდისა და შესანიშნავის საქმის განხილვის დროს თითონ წინამძღვრები იკრიბებიან. შევედით აქაურს ტაძარში, თაყვანივეცით ღვთისმშობლის სასწაულთ-მოქმედსა ხატს, წოდებულსა „ღირს არს“.

ამ ხატის შესახებ ათონის მამანი აი რას მოგვითხრობენ: აქ საკუთარს სენაკში სცხოვრობდა ერთი მეუღაბნოე, დიდი მოღვაწე, რომელიც ჰლოცულობდა ჩვეულებრივ შუაღამისას ამ ღვთის მშობლის ხატის წინაშე; როდესაც დაასრულა საგალობელი: „ღირს არს ჭეშმარიტად, რათა გადიდებდეთ შენ, ღვთის-მშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩვენისა“, მოესმა ხმა ღვთის-მშობლის ხატისაგან, განაგრძე საგალობელი შემდეგის სიტყვებით: „უპატიოსნესსა ქერუბიმთასა, და აღმატებით უზესაიასსა სერაბიმთასა, განუხრწნელად მშობელსა სიტყვისა ღმრთისასა, მხოლოსა ღვთისმშობელსა გალობით ვადიდებდეთ“. ამის შემდეგ შემოიღო მართლმადიდებელმა ეკკლესიამ ეს საგალობელი.

აქედგან ჩავედით მახლობლად მდებარე წმ. ანდრია მოციქულის რუსთა სკიტში. სკიტად იწოდებიან მეორე ხარისხის მონასტერნი, რომელნიც აღშენებულ არიან სხვა

მონასტრისაგან შესყიდულს მამულზედ და იმყოფებიან მის დამოკიდებულების ქვეშე; არ შეუძლიანთ სკიტში აღაშენონ რაიმე მონასტრის წინამძღვრის ნება დაურთველად, რომლისაგანაც მამული შეუსყიდნია სკიტსა; არ შეუძლიანთ ხელდასხმა ანუ კურთხევა ღიაკონად ანუ მღვდლად ბატონის წინამძღვრის ნება-დაურთველად. ვითარცა ხარკსა ყოველ-წლობით სკიტი გარდაიხდის რამდენსამე ათსა, ანუ ოცსა, ასსა ოქროსა მონასტრის სასარგებლოდ, რომლის მამულზედაც სცხოვრებენ, თუმცა შესყიდულიც აქვთ მამული. ეს ანდრიას სკიტი ღიდად კეთილგანწყობილია და, თავის კეთილ მდგომარეობით თუ არ აღემატება, არ დაუვარდება ბერძნის ვატოპედის მონასტერსა, რომელსაც ემორჩილება იგი, მაგრამ მონასტრის სახელწოდებას მაინც ვერ ატარებს, თუმცა საკუთარი წინამძღვარი არქიმანდრიტი ჰყავს და სამასამდი ძმანი. ამ ანდრიას სკიტში აღუშენებიათ ღიდად მშვენიერი ტაძარი, რომელიც შეადგენს შვენებას მთელის ათონისას და ღიდის ტახტის ქალაქისას. დახარჯულია ამაზედ ნახევარ მილიონი მან., თუმცა მარმარილო იქვე ახლოს აქვთ მოსაქრელი. ამ ეკკლესიის კანკელი ხატებით ღირებულია 120 ათას მანეთად; ჯერ არ დაუსრულებიათ შინაგანი მუშაობა, და ერთის წლის შემდეგ იქმნება მზად კურთხევისათვის. როგორც საეკკლესიო უწყებათაგან ვესტანი, ეს ღიდებული ტაძარი უკვე უკურთხებიათ მაისში 1900 წ. ამ სკიტში ჰმოღვაწეობენ მხოლოდ რუსნი მამანი მონაზონნი. ამ სკიტის წინამძღვარმა, მ. არქიმანდრიტმა იოსებმა, ჯერ შუა ხნის კაცმა, სიყვარულითა და პატივისცემით მიგვიღო, დაგვატარა ძველი და ახალი ეკკლესიანი და შენობანი; შემდეგ მიგვიწვია ტრაპეზზედა; ჩვენთან იყვნენ სადილად ორი ინგლისელი ახალგაზრდა. თუმცა წინამძღვარმა გვთხოვა ღამის გათევა მათ მონასტერში, მაგრამ მადლობა მოვასხენეთ, რადგა

ნაც დაღამებამდის სამი საათი დრო კიდევ იყო და მახლობელს მონასტერში მივიდოდით. ამ ანდრიას სკიტს აღმოსჩენია ერთი დიდი კეთილისმყოფელი, მდიდარი რუსთაგანი, გვარად სიბირიაკოვი, რომელსაც შეუწირავს ერთი მიწიერი მანეთი და თვითონაც შეუმოსნია კერძო მონაზონობა (присоединился), და აქვე მონასტრის გარედ საკუთარს ფლიგელში სცხოვრებს მ. დავით არქიმანდრიტთან, რომელმაც შეაწირვინა ეს ფული ჟამსა მისს სამსახურისასა პეტერბურგში. სახელი მონაზონობაში სიბირიაკოვს ეწოდება ინოკენტი. ერთი ცალი საქართველოს წმიდათა ხატისა ვუძღვენი მ. წინამძღვარს ამ სკიტისას, რაცა დიდის სიამოვნებით მიიღო.

30 ივნისს, საღამოს წ საათზედ, მოვედით რუსთა წმ. ილია წინასწარმეტყველის სკიტში. ამასაც ესეთი დამოკიდებულება აქვს ბერძენთა ბანტოკრატორის (ყოვლისა მპყრობელის) მონასტერთან, ვითარცა წმ. ანდრიას სკიტს ვატობედის მონასტერთან. აქ დავრჩით ღამის გასატარებლად; ახალ საკრებულო ტაძრის აღშენებას ეხლა აპირებენ; ვიწრო ეზო აქვთ; ეკლესიის საძირკვლისათვის ხევს ასწორებდნენ მიწითა და ქვითკირით; ეზოში ბევრი ლიმონისა და ფორთოხალის ხეები არის, და ესენი ამშვენებენ ეზოს. მ. არქიმანდრიტი და ძმანიცა მცირე რუსეთიდან არიან. მ. წინამძღვარი რაფაელ ფრიად თავმდაბალი, ღმობიერი და მეურნე კაცია, აღმასრულებელი მაცხოვრის მცნებისა: „რომელსა უნდეს თქვენ შორის პირველ ყოფაჲ, იყოს ყოველთა მონა“ (მარკ. 10, 44). წყლის ნაკლულევანება აქვთ ამ მონასტერში; ჯორებით ეზიდებიან ოთხის ვერსის მანძილიდან წყალს აღმართზედ. ამ სკიტშია საკვირველთმომქმედი ხატი ყოვლად წმ. ღვთისმშობელისა, წოდებული „რძით მასაზრდოებელი—млекопитающая“. ღვთისმშობელს უპყრია ხელში იესო ქრისტე ძუძუ მწოვარად.



პირველ ივლისს, დილით ცისკრისა და წირვის მოსმენის შემდეგ, მადლობა მოვახსენეთ მ. წინამძღვარს რაფაელსა და მივართვი სახსოვრად ერთი ცალი ქართველთა წმიდათა ხატისა, რომელიც დიდის კმაყოფილებით მიიღო და თვითონაც გარდმომცა კურთხევა მონასტრისა— ღვთისმშობლის ხატი ამ სკიტს აქვს საკმაოდ ვრცლად გამოცემული წიგნი „გზის მაჩვენებელი პალესტინისა“, რომელიც შევიძინე ფულითა.

ამ ილიას სკიტიდგან გამოვემგზავრეთ პირდაპირ ქართველთა ახალ-დაფუძნებულ საეპისკოპოსოსს, სადაც მოვედით სამის საათის შემდეგ. გამოვლით ვნახე ჩვენნი ქართველნი ძმანი, შევისვენეთ აქ ერთს საათს და დავპირდი შემდეგ ხანგრძლივ ნახვასა. აქედგან გამოვიარეთ იმავე დღეს ივერიის ქართველთა ძველს დიდებულს მონასტერში; შევედით ეკლესიაში დაუბრკოლებლივ, როგორც რუსნი, თაყვანივეციტ კარისა ღვთისმშობელის ხატს; შევედით საკრებულო ტაძარშიაც, დავათვალიერე და ყოველგან მოუსპიათ ნაშთნი და კვალნი ქართველთა მამათა აქ მოღვაწეობისა; რომ შესაძლებელი იყოს, სახელსაც ივერიის მონასტრისას მოსპობენ, მაგრამ არ შეიძლება, რადგანაც სიგელ-გუჯარნი ამ მონასტრის მამულებისა ივერიის მონასტრის სახელზედ არიან ბოძებულნი ბიზანტიის იმპერატორთა და საქართველოს მეფეთაგან.

გამოვიარეთ ამავე დღეს რუსთა წმ. მთავარ-მოწამის არტემის კელიაში (მესამე ხარისხის სავანეა); აქ ვისადილეთ; ახალი აღშენებულია ეს სავანე. აქედგან გამოვიარეთ წმ. ათანასეს ლავრაში, რომელიც პირველობს ათონის სავანეთა შორის. შესანიშნავი მხოლოდ ერთი ფეხუმი მიჩვენეს ამ ლავრაში, ძვირფასი, მხოლოდ არა ოქროსი. ეს ლავრა დაფუძნებულია თითქმის ივერიის დიდს მონასტერთან; მომეტებული ნაწილი ათონის მამულებისა მას ეკუთვნის; ბევრი სავანე, ამათ მამულზედ

აღშენებული, ღღესაც იხდის ხარკსა მის სასარგებლოდ.

ათონის მთაზედ მხოლოდ ეს ერთი იწოდება ლავრად. ჩვენდა სამწუხაროდ, არ გვაჩვენეს ამ ლავრაში შესანიშნავნი სამკაულნი და არც წიგნთ-საცავი, სადაც ქართული წიგნებიც არის.

გარდმომცეს, რომ ათონის ბერძენთა წმიდა ათანასეს ლავრაში არის დაცული ბიზანტიის უკანასკნელ იმპერატორის კონსტანტინე მე-XI პორფირა, გვირგვინი და სკიპტრა; რომელიც კონსტანტინეპოლიდგან წარმოუგზავნიათ ამ მონასტერში დასაცველად სატახტო ქალაქის ოსმალთაგან დამორჩილების წინად, და ამ სახედ გადაურჩენიათ ეს სამეფო რეგალიები ოსმალთა წარტაცებისაგან, რადგანაც ოსმალნი არ შეჰხებიათ ათონის მონასტრებს. წელიწადში ერთ გზის, სამეფო ძვირფასს პორფირას შეიმოსს პატრიარქი, როდესაც სწირავს ამ ლავრაში წმ. ათანასეს ღღესასწაულში. უკანასკნელი დედოფალი ბიზანტიისა მარიამ იყო ასული საქართველოს მეფისა. ამ დედოფალს შეუწირავს ათონის მონასტრებისათვის დიდი სახნავი მამულები და მონასტერთათვის საკირო პური იქ ითესება. ამ დედოფალს უწოდებენ: „კალი მარიამ“, ესე იგი „კეთილი მარიამ“.

ამ ლავრის საკრებულო ტაძრის წინ არის მარმარილოს აუზი, ზევიდგან დახურული; ამ აუზში გადმოსჩქეფს მშვენიერი წყაროს წყალი; აქ აკურთხებენ წყალსა ნათლისღების ღღესასწაულში. საზოგადოდ პირველ ხარისხის მონასტრებსა აქვსთ ამ გვარი აუზები.

მწუხრად მოვედით მოლდავანების სკიტში, რომელიც თუმცა ახლად აშენებულია, მაგრამ კარგად განწყობილია; ღვთისმსახურება თვისს სამშობლო ენაზედ აქვთ. საეკლესიო წიგნები ღათინურის ანბანით აქვთ დასტამებული; წესები ღვთისმსახურებისა სრულიად მართლმადიდებელის ეკლესიისა აქვთ. რუსული ენა არ ესმით.

„უფალო შეგვიწყალენ“ მათ ენაზედ ითქმის: „ღომნე მილიეშტე“.

დილის ხუთს საათზედ, ცისკრის მოსმენის შემდეგ, გამოვემშვიდობეთ და შევეუდექით აქედგან ათონის მთის მწვერვალის გზას.

ორს ივლისს, დილის 9 საათზედ მივედი ათონის მთის მწვერვალის ძირში. აქ არის სამლოცველო ნიში ღვთისმშობლისა. აქ შევისვენეთ; ვისაუზმეთ; აქედან ქვევითი შევეუდექით აღმართს ხუთი ვერსის სიშორეზედ; 12 ათასი ფუტი სიმაღლე აქვს ამ მწვერვალს; ზედ მწვერვალზედ არის პატარა ეკლესია ფერისცვალებისა, რომელიც აღმოსავლეთის მხარეს კლდეზედ არის მიშენებული, საიდგანაც საშინელი დასახედია ზღვის უფსკრული. მწვერვალზედ ასვლისათნავე უსიამოვნო სანახაეო წარმოგვიდგა: წინა დღეს ყოფილიყო აქ ქეჭა-ქუხილი, ჩამოვარდნილიყო მეხი და გარშემო ეკლესიისა დაეხოცა ოცამდე თხა, რომელნიც დაბერილნი და ასუნებულნი ეკლესიის კარებზედ ეყარნენ; თხები ეკუთვნოდა ათონის ბერძენთა ლავრასა. ვილოცეთ, შევისვენეთ ნახევარს საათს და წარმოვემართენით დაღმართზედ, რომლის ჩამოსვლას მოვუნდით საათ ნახევარს. საღამოს მოვადწიეთ რუსთა წმ. გიორგის კელიასა. აქ გავატარეთ ღამე; ახალ მოშენე სავანეა; ბევრი მლოცავნი იყვნენ მდაბიოთაგან—რუსები. მეორე დღით, ცისკრის შემდეგ, ჯორები გავგზავნეთ პანტელეიმონის მონასტერში, ხოლო ჩვენ დაღმართით ჩავიარეთ ქვევითად ოთხის ვერსის მანძილი და მივედი ბერძენთა მონასტერში წმ. და მართალთა მშობელთა ღვთისათა იოაკიმ და ანნასი; აქ ვილოცეთ, შევისვენეთ ერთს საათს, შემდეგ ჩავედით ზღვაზედ, დავიქირავეთ ნავი, ჩავსხედით შვიდნი სულნი; ჩვენთან იყო რუსის ახალგაზრდა მღვდელი, რომელიც მსახურობს სამხრეთს საფრანგეთს, მეტონის ქალაქში, სადაც ზამთრო-

ბით სცხოვრებენ გულით სნეულნი, რუსეთიდან მისულნი, მაღალის წოდებისა და გვარის კაცნი. შუადღის 12 საათზედ მშვიდობით დაებრუნდით წმ. პანტელეიმონის მონასტერში. ასე შევასრულე, ღვთისა შეწვევითა, პირველი ჩემი მოლოცვა და მიმოხილვა რამდენისამე მონასტრისა ბერძენთა, რუსთა და მოლდავანთა.

4 ივლისს, კვირა ღდეს. ვწირე პანტელეიმონის მონასტრის საკრებულო ტაძარში; წინამძღვრის მოადგილე იყო მწირველი რვა თანამწირველითურთ. ამ წირვაზედ აი რა შევნიშნე: შემდეგ დასრულებისა სიმბოლო სარწმუნოებისა დიდს დაფარნას ყოველნი თანამწირველნი ემთხვევნენ. იმ ღდეს საზოგადო ტრაპეზზედ იყო კოლიო პატივად და მოსახსენებლად ამ ღდეს ხსენებულის წმიდისა მამისა ანდრია კრიტელისა; ამ გვარივე კოლიო იყო წმ. მოციქულთა პეტრე და პავლეს ღდესასწაულზედაც.

კოლიოს წმიდათა ხსენებაზედ ამზადებენ ხორბლისაგან არა თაფლითა, არამედ მშრალად, ქიშმიშით შემკობილს; სადილის ბოლოს ჩამოურიგებენ თითო კოვხსა კოლიოს.

ამ ღდეს სადილად შემოვიდა ბერძენი ილუმენი ამავე პანტელეიმონის მონასტრისა. წინ მოუძღოდნენ ორის ანთებულის სანთლითა და გალობითა ბერძნულად. კურთხევა სადილისა წარმოსთქვა ბერძნულადვე, იყო მოსილი მანტიითა სადილზედ; ამ დროს კითხულობდა ბერძნულად კათედრაზედ ბერძენი მონაზონი; კითხვა უცხო ენაზედ, რასაკვირველია, არ ესმოდათ რუსთა მონაზონთა. უფროსობდა სადილზედ ბერძნის ილუმენი, რომელიც იჯდა მარჯვენით, ხოლო მარცხენით იჯდა რუსის წინამძღვრის მოადგილე, ხოლო წინამძღვრის ადგილი ცალიერი იყო, რადგანაც იგი არ შემოსულა ამ ღდეს სადილად. როგორც შევნიშნე და დავრწმუნდი კიდევ ბერძენთა მონაზონნი ამ მონასტერში მონაწილენი არიან თანასწორის

უფლებითა, თუმცა ბერძენნი არიან ამ მონასტერში 40 ბერნი, ხოლო რუსნი 500 კაცი. ამ პანტელეიმონის მონასტრის ტაძარში სწირავენ ბერძნულად, ხოლო დიდს საკრებულო ტაძარში და სხვა რამდენსამე ეკკლესიაში ღვთის-მსახურებას ასრულებენ სლავურს ენაზედ, და ყოველთა ძმათა, ეროვნების განურჩევლად, ზოგადი ცხოვრება აქვთ.


4 ივლისს, საღამოს 7 საათზედ, იწყეს ღამის თევით მწუხრი და ცისკარი, რომელიც დილის ექვს საათზედ დაასრულეს. სადაც ღღეებში შუაღამის ლოცვას იწყებენ ღამის 1 საათზედ.

5 ივლისს, ორშაბათს, ხსენებაა ღირსისა მამისა სერგი რადონეველისა. ამ დღესასწაულში გამოჩინებით შესრულდა წირვა და პარაკლისი; უპირატესობდა მოადგილე წინამძღვარისა, მ. ილუმენი. თანამწირველნი იყვნენ ათნი, რომელთ შორის მეც მივიღე მონაწილეობა.

5 ივლისს, ორშაბათ დღეს, მოვიდნენ ათონის რუსთა პანტელეიმონის მონასტერში ორი ინგლისელი სტუდენტი, ერთი ოქსფორდის უნივერსიტეტისა, ხოლო მეორე—კემბრიჯისა; ესენი მოსულიყვნენ ათონზედ ძველის ხელ-ნაწერების სანახავად. გავიცან ესენი მონასტრის სასტუმროში საღამოს ჩაიზედ. ველაპარაკებოდით ჩვენ რუსის მონაზონის (თავად ვიაზემსკის) შუამავლობით, რომელიც თავისუფლად ჰლაპარაკობს ფრანგულად. ამ სტუდენტებმა რომ შეიტყეს ჩემი, ქართველია ეროვნებითაო, სთქვეს, ათონის წმ. ათანასეს ლავრაში ვნახეთ სახარება ბერძნული მერვე საუკუნისა, რომლის უკანასკნელი თავი იოანნეს სახარებისა განსხვავდება ეხლანდელ ეკკლესიის-მიერ მიღებულ ტექტისაგანაო. ამაზედ მე მოვახსენე, რომ ძვირფასი იქმნება-მეთქი ღვთისმეტყველების მეცნიერებისათვის შეთანასწორება ქართულს სახარებასთან, რომელიც ეკუთვნის მეშვიდე საუ-

კუნესა და დაცულია აწ ტფილისის სიონის საარქეოლოგო მუზეუმში. სტუდენტებმა სთქვეს, რომ ჩვენ გადავიღეთ ფოტოგრაფიით რამდენიმე ფურცელი ძველის ქართულის პერგამენტისა და მნიშვნელობა მისი არ გვემისო. ვუთხარი: მე მზა ვარ გემსახუროთ ამ საზოგადო სამეცნიერო საქმეში, ძალისაებრ ჩემისა. აღმითქვეს, გაჩვენებთ იმ ხელ-ნაწერსაო. მეორე დღით ისინი ადრე წასულიყვნენ ბერძენთა გრიგორიანთ მონასტერში ზღვით, ხოლო მე ამ დღესვე, დილის 8 საათზედ, ჯორებით გავემგზავრე ქართველთა სავანეში და, სამწუხაროდ, ის სტუდენტები შემდეგ აღარ შემხვედრიან.

**ათონის ძველი ივერიის მონასტერი და ახალი ქართველთა სავანე, და ბათი ურთიერთ-შორისი დამოკიდებულება.**

 ვლისის 6, დილის 7 საათზედ, აღრიან, წირვის მონასტრის შემდეგ, გავემგზავრე პანტელეიმონის მონასტრის ჯორებითა და ერთის მსახურის თანამგზავრობითა. მივედით პირდაპირ ჩვენს ქართველთა ძმათა ახლად დაფუძნებულს სავანეში. მომეგებნენ ყოველნივე ძმანი კეშმარტის ძმობრივის სიყვარულითა; გაიხარეს სულიერად ჩემის მისვლით და გავიხარე მეც ფრიად უცხოებაში ასეთის მოგებებით. როდესაც ვიხილე ქართველთა ძმათა შორის მშვიდობა, სიყვარული, პატივისცემა, მორჩილება და საზოგადოდ კეთილი განწყობილება ურთიერთ-შორის, გაშასხენდა სახარების სიტყვანი: „ნუ გეშიინინ მცირესა მაგას სამწყსოსა, რამეთუ სათნო-იყო მამამან ზეცათამან მოცემად თქვენდა სასუფეველი“ (ლუკ. 12, 32). ასე ეტყოდა უფალი იესო ქრისტე მოწაფეთათვისთა, რიცხვით მცირეთა, გარნა სიყვარულის საკრე-

ლით შეერთებულთა, ეტყოდა მათ გასამხნევებლად და სანუგეშებლად.

ამ ქართველთა ძმათ შეუსყიდნიათ ივერიის მონასტრისაგან 1870 წ. ორმოცი დღიური მიწა 2,000 მანეთად; და აქ დაუფუძნებიათ ახალი სავანე წმ. მოც. იოანე ღვთისმეტყველის სახელზედა. ივერიის ათონის მონასტერი, ქართველთა მამათა სამკვიდრებელი, არს აღშენებული ძეათე საუკუნის დასასრულ თორნიკე ერისთავის მეთაურობით, ქართველთა მეფეთა და მთავართა საფასეთი და შეწირულებითა, ქართველთა მამათა შრომით, რუდუნებითა, მოღვაწეობითა და სისხლის ოფლით, ლოცვითა და ცრემლით დამუარებული. ამ ივერიის სავანეში დასრულდა თარგმანი საღმრთო და საეკლესიო წიგნებისა ქართულს ენაზედ. იგი იყო ნერგი სასულიერო განათლებისა ქართველის ერისათვის; ამ ივერიის მონასტერს აწ ძალ-მომრეობით ჰფლობენ ბერძენთა მონაზონნი, 1850 წლების შემდეგ. ეს მონასტერი იძვლება ათონის მთაზედ პირველ ხარისხოვნად ოთხ სხვა ბერძენთა მონასტერთა შორის. მონასტერს აქვს შეწირული საქართველოსა და რუსეთშიაც დიდი შემოსავლიანი მამულები, რომლითაც ჰსარგებლობენ ბერძენები სრულიად უკანონოდ, ძალმომრეობით. ამავე ივერიის მონასტერში ასვენია საკვირველთ-მომქმედი ხატი ყოვლად წმიდისა ღვთისმშობლისა, წოდებული ივერიის კარის ღვთის-მშობლად. ეს ხატი ზღვიდგან გამოასვენა ღირსმა მამამ გაბრიელ ქართველმა. სადაც პირველად დაუსვენებიათ, ზღვიდგან გამოტანის შემდეგ, იმ ადგილზედ აღშენებულია სამლოცველო და არის წყარო ცივის წყალისა.

7 ივლისს, დილის 4 საათზედ, მივადექით ივერიის მონასტრის ეზოს კარებსა. იგი შემოზღუდულია მაღლის ქვითკირის გალავნითა და ზღვის მხარეს მაღალი ექვს-სართულიანი ციხე აქვს აშენებული ქართველთა მამათა

მათა მიერ მტერთაგან მოსაგერებლად. გაადეს ბჳენი ეზოსანი; ჩემთან იყვნენ ამ დროს ქართველთა სავანეს ძმანი: მღვდელ-მონაზონი გიორგი, კაცი დიდად გამოცდილი სულიერს მოღვაწეობაში და მცოვანი წლოვანობითა, მღვდელი ალექსი ბაქრაძე, აგრეთვე მოხუცებული, მაგრამ შრომით ქაბუკი მოხუცი, დიდი მშრომელი წმ. მამათა თხზულებათა გადაწერაში და მთარგმნელი რუსულიდგან ქართულად, და მონაზონი გაბრიელ (აბაშიძე), ჯერ წლოვანობით ახალგაზრდა, გარნა განვითარებული და მცოდნე ბერძნულის ენისა. მორიგე მეკარე მონაზონმა ბერძენმა იკვნეულად შემოგვხედა და ჰკითხა მ. გიორგის, ვითომცვერ იცნო: ვინა ხართ და რა გინდათ? ეს სიტყვები გვითარგმნა მამა გაბრიელმა. ქართველთა ძმათა ახალი სავანე მდებარეობს ივერიის მონასტერზედ სამის ანუ ოთხის ვერსის მანძილზედა, მაშასადამე, ესენი კარგად იცნობენ ერთმანეთს. მ. გიორგიმ უჩვენა ჩემზედა, და უთხრა რომ მოსულა საქართველოდგან, ჰსურს თაყვანი-სცეს კარის ღვთისმშობლის ხატსაო. უფრო უსიამოვნოდ შემოგვხედა მონაზონმა და არ უნდოდა ჩვენი შეყვანა ეკკლესიის ეზოში. არ მიჰბაძა მან ამ შემთხვევაში ლაზანს, რაჟამს მოეგება იგი ელვაზარს, მონასა მამათავრის აბრაამისსა და უთხრა: შემოვედ, კურთხეულო უფლისა მიერ, სახლსა ჩემსა, რასათვის სდგებარ გარე? მომიბრუნდა მ. გიორგი და მითხრა მე: მ. ღეკანოზო, რა უყავ შენი ჯვარი? რათ ჰფარავ ანაფორას ქვეშ? გავიხსენ ზევითი ანაფორა და როდესჳც დაინახეს ბერძენთა მონაზონთა მკერდზედ ჯვარი, ამას სცეს პატივი და შეგვიყვანეს ეზოში. მოვისმინეთ აღრე წირვა, თაყვანი-ვეცით ივერიის ღვთის მშობლის ხატსა და ვილოცეთ წინაშე საფლავისა წმ. მამათა იოანე და ეფთვიმისა. წირვაზედ პატივი არა გვცეს და არა გვთხოვეს სიმბოლო სარწმუნოებისა და საუფლო ღოცვა წაგვეკითხა ქართულს ენა-



ზედ, ვითარცა აქვთ მიღებულ წესად სხვა მონასტრების ბერძენთა, ბოლგართა და მოლდავანთა წირვის დროს. შემდეგ შეგვიყვანეს მონასტრის წინამძღვართან, მ. არქიმანდრიტ გერასიმესთან. ამას ტფილისში დიდხანს უმსახურნია; გამომკითხა ამბავი საქართველოს სამღვდლოებისა, ვისაც იცნობდა. ვთხოვე მისს მალალ ღირსებას, რომ გვიჩვენონ მონასტრის საუნჯენი და წიგნთ-საცავი, ქართველთა მამათა მოღვაწეობის ნაყოფნი. წინმძღვარი დამპირდა შესრულებას ამ საღმრთო წადილისას.

წავგიყვანეს წიგნთ-საცავში, რომელიც მეორე სართულშია. გვიჩვენეს ის წიგნები, რომელიც შკაფების თავზედ ეყარა, ნახევარზედ ჩრჩილითა და მტვრით შეკუმულნი; მათ შორის მომეტებული ნაწილი დასტამბულია მე-18 საუკუნეში. როდესაც ძიუთითე დაკეტილ შკაფზედ და ვთხოვე ეჩვენებინათ ის წიგნები, მაშინ მომიგეს პასუხად: აქ არ არის ამ შკაფების გასაღების მქონი; კარეაში წაუვიდა 12 ვერსზედა და არ ვიცით, როდის დაბრუნდება; შევწუხდი და ვუპასუხე: მათასის ვერსის მანძილზედ მოვსულვარ აქ წიგნების სანახავად და პატივი უნდა სცეთ ამ გარემოებას, ანუ იმ სამეცნიერო აზრს, რისთვისაც მინდა წიგნების გადათვალიერება, ანუ პატივეცით ჩემს მოხუცებას და ხარისხსა. არ შეიძლება ეხლაო, მაინც უარი გამომიცხადეს. მეც, რა გამეწყობოდა, უნებლიედ დავმორჩილდი ამათ წინადადებას, რადგან დამპირდნენ წიგნების ჩვენებას ოთხის დღის შემდეგ. როგორც შემდეგ მითხრეს, წიგნების მცველიც იქა ყოფილიყო და გასაღებიც იქვე ჰქონოდათ, მაგრამ არ გამიღეს პირველს მისვლაზედ შკაფი, რადგანაც ჩვენის წამოსვლის შემდეგ მონასტრის ძმობას თათბირი ჰქონოდათ და გარდაეწყვიტათ, რის ჩვენება შეიძლებოდა და რა უნდა დაეფარათ ჩვენთვის. დანიშნულის დროის წინა საღამოს გამოვეზავნათ ივერიის მონასტრიდან მორჩილი

ქართველი — მეგრელი მაკარი, მხოლოდითი კაცი ჩვენის ქვეყნისა ივერიის მონასტერში. ამას მონასტრის გარეშე აქვს მიცემული სენაკი სასაფლაოს ეკლესიასთან და მონასტრიდან საზრდოობს; ეს მორჩილი წარმოეგზავნათ ჩემთან და დაებარებინათ, ხვალ ჩამოვიდეს მ. დეკანოზი და თან არავინ წამოიყვანოს ქართველთა სავანეს მღვდელ-მონაზონიო. აქედგან ცხადად დაინახავს ქართველი მკითხველი, თუ რა სიძულვილით უყურებენ ბერძენნი ქართველთა ძმათა.

მეორე დილით აღრე. 11 ივლისს, ცისკრის დასრულების დროს, წავედი ივერიის მონასტერში, რომელიც მდებარეობს ერთის საათის სავალს მანძილზედ. ჩემთან წამოვიდნენ: მღვდელი მ. აღექსი ბაქრაძე, დახელოვნებული მკითხველი ქართულის ძველის ხელთ-ნაწერებისა და ერთიც გაბრიელ მონაზონი, ბერძნულის ენის მცოდნე. წირვის მოსმენის შემდეგ წინამძღვარი ვერა ვნახეთ, უძლურად არისო, და პირდაპირ წიგნთ-საცავში შევედით. წინ გვიძღოდნენ ილუმენი, სრულიად ახალგაზრდა კაცი, პროილუმენი და მღვდელ მონაზონი — ბერძენნი; გააღეს დაკეტილი შკაფი, გადმოიღეს რამდენიმე ქართული წიგნი, რომელთაც მეცნიერებისათვის არა ვითარებე მნიშვნელობა არა აქვს. მოვიკითხე კატალოგი ქართულის წიგნთსაცავისა, რომელიც არ აღმოჩნდა შედგენილი. მდაბიო მედუქნეს აქვს შედგენილი სია თავისის საწვრილ-მანოსი, და ამათ კი სასულიერო საუნჯის სია ჯერ არ შეუდგენიათ. ამისათვის, რასაც თვალითა ვხედავდით, ის წიგნები გადმოვაწუობინე. შემდეგ ვთხოვე ეჩვენებინათ ძველი ქართული სახარება და დაბადება. გადმოიღეს სახარება მხატვრობით, ტყავზედ დაწერილი, რომელსაც მრთელი თაბახები ჰქონდა ამოჭრილი სურათებით. შევნიშნე, ასე ბარბაროსულად როგორ ეპყრობით ამისთანა ძვირფასს წიგნებსამეთქი? იმათ მიზასუხეს: რუსის მეცნიერმა

ბორფირი უსპენსკიმ ეპისკოპოზმა ამოსჭრა ჩუმიდ ეგ სურათებიო. შემდეგ გადმოიღეს ქართული დაბადება. გადმოვშალე პირველი კაბადონი, წავიკითხე, რომ იგი დაიწყებოდა შექმნათა წიგნის 12 თავით, 11 მუხლიდგან. გადმოვფურცლე ბოლო, რომელსაც აქვს ზედ წარწერილი, რომ იგი გადაწერილია ქორონიკონსა რქს, 978 წელსა. გადავათვალე რე შუაში და აღმოჩნდა, რომ შიგ მრავალი თავი აკლია სრულიად. ერთის სიტყვით, სრული დაბადება არ არის. მაშინვე დავრწმუნდი, რომ ეს დაბადება ამ ივერიის მონასტრიდგან მოიტანა პლატონ იოსელიანმა 1848 წ. ქ. ტფილისს. აქ გადასწერეს ორი ცალი ამ დაბადებისა, ერთი სიონის საკრებულო ტაძრისათვის, მიტროპოლიტის ისიდორეს ბრძანებით, და მეორედ სამეგრელოს მთავრის დადიანის სურვილისაებრ, და ეს ძველი დაბადება უკანვე მიაქციეს ივერიის მონასტერში. ორივე პირი ამ დაბადებიდან გადმოწერილი ჩემს ხელში იყო 1894—1896 წლებში, როდესაც სინოდის ქართლ-კახეთ-იმერეთის კანტორის მონდობილებით ვასწორებდი დაბადების პირველ წიგნებს.

ეს დაბადება, რომელიც შეადგენდა საკუთრებას ნეტარხსენებულის მთავრის დადიანისას, მისს შემკვიდრეთაგან შეწირულია ეხლა „ქართველთა შორის წერა-კითხვის გამავრცელებელის საზოგადოების“ სასარგებლოდ. მე ვუთხარ ბერძენს იღუმენსა: ამ დაბადებას მე კარგად ვიცნობ და მოკლედ მოვუთხარ ისტორია დაბადებისა. მერე მოვსთხოვე, მაჩვენეთ დაბადება, რომელიც თვით წმ. მამის ევთიმისაგან იყო თარგმნილ ბერძნულის ენიდგან. მათ მიპასუხეს, რომ ამაზედ მეტი დაბადება არ მოიპოვება აქაო. მე განვაგრძე: წმ. ევთიმის ცხოვრების აღწერაში არს მოხსენებელი, რომელ ახლად უთარგმნია მას ქართული დაბადება. მიპასუხეს,—არ არის სხვა დაბადებაო. მე შევნიშნე: ამისთანა დიდებულს ძველს მონას-

ტერს არ შეიძლება, რომ არ ჰქონდეს ძვირფასი სახარება და დაბადება, და საღმრთონი ჭურჭელნი; მიპასუხეს: ერთხელ დაიწვა ქართული წიგნთ-საცავი და მეორედაც მოიპარეს ექვსი ჯორის საპალნე ძველი ქართული წიგნებიო, და რაც გადარჩა. ეს არისო. მე ვუთხარი: ერთგულნი მცველნი არა ყოფილხართ. როდესაც დაკეტულ ეზოდგან, დახშულის ციხიდგან იპარავენ რაოდენსამე საპალნე წიგნებსა და თქვენ ვერ გაიგეთ. ეს ცხადია დღესაჲთ, რომ მოპარული კი არა, გასყიდულია მათგან. ამის გამგონს ცეცხლი ამეგზნა გულში. ჩვენს წმ. მამათა სისხლითა და ოფლით ნაშრომს სულიერს საუნჯეს ასე ბარბაროსულად წარიტაცებენ. უფრო ადამიანურად მოიქცა ომარ ხალიფი, როდესაც დაიპყრო იერუსალიმი მეშვიდე საუკუნეში, მან არ ინება მაჰმადის წესზედ შესარულება ნამახისა ქრისტე მაცხოვრის საფლავის ტაძარში, ვიდრე ეხლა ბერძენთა მონაზონნი ეპყრობიან ჩვენს წმ. მამათა სამკვიდრებელს.

დანაშთენი წიგნები სრულიად გადავათვალიერეთ. მომეტებული ნაწილი ეტრადზედ დაწერილი მოძღვრებანი და თარგმანებანია (განმარტებანი) წმ. მამათა: ვასილი დიდისა, გრიგორი ღვთისმეტყველისა, გრიგორი ორმეტყველისა, იოანე ოქროპირისა. ეფრემ ასურისა, დოროთეოს, იოანე სინაელისა, კლემენტის აღმწერელისა. ამათაც ზოგს თავი აკლია, ზოგს—ბოლო. აქ უნდა შევნიშნო, რომ ივერიის მონასტრის ქართველთა ღირსად მოსახსენებელთა მამათა არცა ერთი თხზულება სულიერის შინაარსისა და ფილოსოფიურიც არ დაუტყვევებიათ, რომ არ გადმოეთარგმნოთ ბერძნულის ენიდგან ქართულად.

ქართველთა ათონის სავანეს ძმანი სთხოვენ გადასაწერად ამ წიგნებს და ამითაც არ აკმაყოფილებენ მათს საღმრთო სულიერს წყურვილს. ამ გულის შემამფოთებელის სურათის ხილვის შემდეგ თითონ დაგვი-

ხოვეს, ანუ უკეთ ვსთქვა, გამოგვდევნეს, ჩვენის სადილის დროა და აქედგან გაბძანდითო. მიუზბრუნდი ქართველთა ძმათა და ვუთხარ მ. ალექსი მღვდელსა და გაბრიელ მონაზონს: ძმანო, ჯიბენო უჩვენეთ კარგად ამ ზედაშხედველთა, რათა არ იფიქრონ, რომ მოვიბარეთ რამე ამ მონასტრის წიგნთ-საცავიდგან. ამათაც ნამდვილ გადმოიბრუნეს ცალიერი ჯიბენი. ამ წიგნთ-საცავის გადახილვის დროს დაესწრო ერთი პროილუმენი დანიელ, რომელიც კარგად ჰლაპარაკობს ქართულად, რადგანაც საქართველოში ნამყოფია და ქართველის ერის პურადობა გამოუცდია. იმანაც-კი არ მიგვიწვია, რომ სიცხისაგან დამაშვრალთა ყელი ჩაგვესველებინა ერთი ჭიქა ღვინითა. ქართველთა ძმათა ათონის სავანეს ბერძენნი სთვლიან კელლიად; აქაურის წესით, ქართველთა ძმათ არ შეუძლიანთ ჰყავდეთ მომეტებულ სამ. მღვდელ-მონაზონისა. ნება არ მისცა ივერიის მონასტრის კრებულმა ქართველ ძმათა სავანეს, რომ გუმბათი დაადგან ეკლესიას. მონასტრის შიგნით ეზოში ბერძნის ბერებმა, ვითარცა ხატის მბრძოლთა, აუგლიჯეს ქართველებს ხატი წმ. იოანე ღვთისმეტყველისა. ნებას არ აძლევენ ქართველთა ძმათ, გამოიყვანონ წყალი მილით ეზოში. ზაფხულობით ეს მცირე ნაკადული, მზეზედ მომდინარე, ჰშრება, პირუტყვი აუწმინდურებენ. ამ გვარს შევიწროებაში არიან ქართველნი ძმანი ბერძენების მონაზონთაგან, და ყოველსავე ამას სულგრძელებით ითმენენ. მე-XIX საუკუნის დასაწყისს, როდესაც საქართველოში არეულობა იყო, ძალ-მომრეობით გამოსდევნეს ბერძენთა ჩვენნი ძმანი ქართველნი და დაიპყრეს, ვითარცა ავაზაკთა, ჩვენი ღიდებული ივერიის მონასტერი.

აი ასეთი დამოკიდებულება არსებობს ივერიის მონასტრის ბერძენთა და ქართველთა სავანის ძმათა შორის, და როდის უნდა გასწყდეს ეს დაჭიმული ნასკვი გორ-

დისა? დროა კვლადცა განვაახლოთ ჩვენი შუამდგომლობა რუსეთის უმაღლესის მთავრობის წინაშე, რომლისა შვილებად ვირიცხებით და ვართ ერთგულნი ქვეშევრდომნი რუსეთის ხელმწიფე იმპერატორისა. პირუთენელი ისტორია სხვა-და-სხვა საუკუნეთა მწერალთა პირით მოგვითხრობს, და ქვანიც-კი ჰღალადებენ, რომ ათონის ივერიის მონასტერი ქართველთა ძმათა სამკვიდრებელია; ამას ჰმომოზენ და ამტკიცებენ მრავალნი სიგელ-გუჯარნი და გრამატანი ბიზანტიის კეისართა, ქართველთა მეფეთა და პატრიარქთა. ცხადია, ბერძენი მონასტერს თავის ნებით არ გარდმოგვცემენ. ერთი საშუალება-და დაგვრჩენია: რუსეთის მთავრობამ კეთილ ინებოს გამოსარჩლება თავისის ერთგულის ქართველთა ერისა და შეუკრას შემოსავალი მამულებისაგან, რომელიც მდებარეობს საქართველოსა და რუსეთში და რომელიც შეუწირავთ ივერიის მონასტრისათვის ქართველთა მეფეთა და მთავართა, და შემდეგ რუსეთის ხელმწიფეთა. საქართველოში მდებარე მამულებიდან, რომელიც შეუწირავთ ქართველთა მეფეთა და მთავართა და აგრეთვე ქ. მოსკოვის მამულებიდან, რომელიც შეუწირავთ რუსეთის მეფეთა ივერიის ათონის მონასტრისათვის, ბერძენთა მონაზონნი ამ მონასტრისა წელიწადში იღებენ შემოსავალს არა ნაკლებ ოცი ათასის თუმნისა. ასე მოიქცა რუმინიის მთავარი, რომელმაც 1860 წლებში სრულიად ჩამოართვა ბერძენთა მონასტრებს თავის სამეფოში მდებარე მამულები. ამ სახედვე მოიქცა რუსეთის მთავრობა 1870 წ. ბესსარაბიაში, სადაც 120 ათასის მანეთის შემოსავლიდგან წელიწადში, მხოლოდ ნახევარს აძლევენ ბერძენთა მონასტრებს. ეს ამბავი მოჰხდა ბესსარაბიაში მღვდელ-მთავრობის დროს მთავარ-ეპისკოპოზის პავლესა, შემდეგ საქართველოს ექსარხოვისა.

მეორე საშუალება, ჩემის აზრით, ეს არის: ქართველნი ძმანი მიღებულ იქმნენ ივერიის მონასტერში თანასწო-

რის უფლებით ბერძენთა თანა, მხოლოდ იმ პირობით-კი, რომ ყოველთვის მიუცილებლად წინამძღვარი მონასტრისა და ეგრეთვე ეკონომოსი ამოირჩეოდნენ ქართველთა ძმათაგან, რადგანაც ივერიის მონასტერი ქართველთა სამკვიდრებელს შეადგენს; ერთს ეკლესიაში განუწყვეტელად ქართულად შესრულდებოდეს ღვთის-მსახურება, ხოლო მეორეში—ბერძნულს ენაზედ, ვითარცა ვხედავთ ამ გვარს დამოკიდებულებას პანტელეიმონის მონასტერში რუსთა და ბერძენთა მონაზონთა შორის.

### წარწერა ათონის ივერიის მონასტრის კარისა ღვთისმშობლის ხატზედა.

✠ დედოფალო, დედაო კაცთმოყვარისა ღმრთისაო, ყოველად უბიწოო ქალწულო მარიამ, შეიწყალე სული პატრონისა ჩემისა დიდისა ყვარყვარეს შვილისა ქაიხოსროსი და მე, მონა შენი და ყოვლითურთ უღონო ქმნილი საბრალო ამბროსი. გმადლობ, რომელმან ღირს-მყავ უღირსი ესე მოჰქედასა და შემკობასა წმიდისა ხატისა შენისა პორტიკისა (კარისა). ეჰა, დედოფალო, შეიწირე მცირე ესე ჩემ ცოდვილისა მიერ კადრებული, და დაიცევ ნეშტი ცხოვრებისა ჩემისა უცოდველად; და, ჟამსა საწყალობელისა სულისა ჩემისა განსლვისასა, შემეწიე, და უჩინო ჰყვენ ყოველნივე ცოდვათა ჩემთა ხელით-წერილნი, და წარმადგინე ცოდვილი საყდართა ძისა და ღმრთისა შენისათა დიდებად ძისა შენისა, და თანადაუსაბამოსა მამისა მისისა, და ყოვლად წმიდისა სულისა მისისა. აწ, და მარადის, და უკუნითი უკუნისამდე ამინ“.

ეს ზემო მოყვანილი წარწერა გადმოვწერეთ ათს იველის 1899 წელსა ათონის ივერიის კარისა ღვთისმშობლის ხატიდან, თანადასწრებითა პატრიოსანის მღვდლის მ. ალექსი ბაქრაძისა, რომელიც მოღვაწეობს ათონის

ქართველთა სავანეში, და მონაზონის გაბრიელისათა (აბა-შიძისა). როდესაც თაყვანივეცით ამ სასწაულთ-მოქმედ-სა ხატსა, მაშინ ვსთხოვეთ ბერძენს ილუმენს, იქ მდგომარ-ესა, დიდის მუდარებით ნება-რთვა ამ წარწერის წაკი-თხვისა და გადმოწერისათვის; მან პირველად დიდი უარი განგვიცხადა ჩვენს საღმრთო თხოვნაზედ, ხოლო მეორე და მესამე თხოვნის შემდეგ ნება-დაგვართო, და ჩვენ, დი-დის ანთებულის კელაპტრების მპყრობელთა ხელთა ში-ნა, აგვიხადა ფარჩა, რომლითაც დაფარულია ზედწარწე-რა ყოვლად წმ. ღვთისმშობლის ხატზედა. ამ წარწერას არა აქვს ნაჩვენები ქორონიკონი; ან თუ ყოფილა და შემდეგ მოუშლიათ, ესეც შესაძლებელია. მაგრამ თვით შინაარსი წარწერილისა ცხადად მოგვითხრობს, ვისგან და როდის არის შემკობილი ეს ყოვლად დიდებული ხატო, და ვის სამეოხოდ, და მოსახსენებელად. აქ მოხსენებული ამბროსი არის ეპისკოპოსი სამცხესი. იგი ყოფილა აღ-ზრდილ ქაიხოსრო ათაბაგის მიერ (1492-1502 წ.). ამის შვილს მხეჭაბუკს (1502-1516 წ.) წარუგზავნია ეს ამბროსი მოსალოცავად და მოსახილველად იერუსალიმისა, სინა-სა და წმ. ათონის მთისა დიდის შესაწირავებითა; და ივე-რიის ქართველთა მონასტრისათვის შეუწირავს 25,500 ოთმანი ოქროთი და ვეცხლითა. ამ ხსენებულს ამბროსი ეპისკოპოსს შეუძვია ოქრომოჭედილის სამოსელითა ანუ კვართითა ივერიის კარისა ღვთისმშობლის ხატი. ამის მეტი წარწერა ქართულს ენაზედ სრულიად მოსპობილია ბერძენთაგან ივერიის მონასტერში, ჩვენდა სამწუხაროდ, ვიფარცა ხატებზედ, ვგრეთვე კედლებზედ, შიგნით და გარეთ. სადაც ის იკადნიერეს, რომ ამ წმ. სავანის აღმა-შენებელს თორნიკეზედ მოუშლიათ ქართული წარწერა და ბერძენთა კვისარის სახელზედ გადაუწათლავთ, სხვას რაღას დაინდობენ?

ათონის ქართველთა სავანეში გარდმომცეს, რომ ივე-



რის მონასტრის ბერძენთა კრებულსა ქ. მოსკოვში მოემზადებინა ახალი კვართი (პერანგი) ივერიის კარისა ღვთისმშობლის ხატისათვის ბერძნულის წარწერით, რომელიც მე თვითონ მაჩვენა ბერძნის ილუმენმა. მაგრამ გაძარცვა ძველის ოქროჭედილის პერანგისა, შეწირულისა ქართველის ეპისკოპოზის ამბროსისაგან და შემოსვა ღვთისმშობლის ხატისა ახლის პერანგითა ველარ იკაღნიერეს, რადგანაც ერთს ბერძენს ძმათაგანს ჩვენება უხილავს, რომ არ გაჰბედონ შეხება მის წმ. ხატისა, გაძარცვა ძველის პერანგისა და შემოსვა ახლისა.

ქართულის წიგნების გადახილვის დროს ივერიის მონასტერში, ვისარგებლეთ რა მოკლე დროებით, ამოვწერეთ რავედენიმე შესანიშნავ ხელნაწერის წარწერანი თავსა და ბოლოს.

1. ცხოვრება წმ. იოანე ოქროპირისა და ნაწილთ-აღმოცენება მასა— ფორმატით სახარების ტანის ოდენი. წარწერა ამ წიგნისა არს შემდგომი: „წადიერად მსახურებისათვის ღვთივ-დიდებულთა უფალთა, პირველად იოანე თორნიკ სინგელოზისათვის და ვარაზუაჩე იოანესთვის და შვილთა მათათვის, ერთობით აღიღენინ ღმერთმან და შეეწიენ წმ. იოანე ოქროპირი, რომლისა მსგავსნი არიან; და აღესწერე წმ. ესე წიგნი, ცხოვრება წმ. იოანე ოქროპირისა და ნაწილთ-აღმოცენება, რომელთა (რააცა) კნინსა ბუნებასა ჩემსა შეეძლო, არ დამიკლია, და გავასრულე ნებითა ღვთისათა, და მადლითა წმ. ოქროპირისათა. ღმერთმან უბედნიერე თორნიკ სინგელოზსა, და წმ. ოქროპირსა თანადაუსაყდრენ. იოანე თორნიკეს და იოანე ვარაზუაჩეს და შვილთა მათთა ორთავე ცხოვრებათა მეოხ-ეყავ, წმ. ოქროპირო. დაიწერა წმიდა ესე წიგნი ლავრასა შინა დიდებულსა ოშკს ნათლისმცემელისასა, წინამძღვრობასა წმ. მამისა საბასსა.

ღმერთმან ადიდენ და ცოდვანი შეუნდვენ. ხელითა ჩემ გლახაკისა საწყალობელისა იოანე ჩირასითა. ღმერთმან დაგაჯეროსთ. ვინცა იკითხვიდეთ, ხსენებულმცა ვარ წმიდათა ლოცვათა თქვენთა, რათა თქვენცა უფალმან მადლი მოგანიჭოს. ამინ. ხალო რომელი სიუცბით დამეკლოს, ღმერთმან დაგაჯეროს. შენდობა ჰყავთ, რათა ღმერთმან თქვენცა შეგინდოს. კურთხევა მამისა მწერალსა ზედა, წყალობა ძისა მკითხველსა ზედა, მადლი სულისა წმიდისა მსმენელსა ზედა.“

2. საშოთხე—დიდი მარხენის ტანის ოდენი. ამას აკლია თავში 1 რვეული და მეორე რვეულისა 1 ფურცელი. თავზედ აქვს შემდეგი წარწერა: ამ წიგნს სახელად ეწოდების საშოთხე, თორნიკის შემოწირული. მე, ფრიად უღირსი, მთავარეპისკოპოს ყოფილი, ტიმოთე მოვიწიე წმიდასა მონასტერსა 1756 წელსა. დაიწერა წმიდა ესე წიგნი დიდებულსა ლავრასა ოშკს საყოფელსა წმიდისა ნათლის-მცემელისასა, მამობასა საბასსა, ხელითა სტეფანე დეკანოზისათა, ქორონიკონსა „რჟზ“ (977 წელსა.)
3. მასამე აღმსარებელის წიგნი, ჟამნის ტანისა.
4. მათეს სახარების თარგმანი შემდეგის წარწერითა: „და აღესრულა თარგმანება ესე ნუსხად მათეს თავისა სრულიად ხელითა გლახაკის ეფთვიმესითა, მთასა წმიდასა ათონს, საყოფელსა წმიდისა ღვთისმშობელისასა.“
5. შორე ტომას სახარების თარგმანის ბოლოს აქვს შემდეგი წარწერა: „დაიწერა მთასა წმიდასა ათონს, მონასტერსა ქანთველთასა წმიდათა მამათასა იოანე და ეფთვიმესა, ბერძულად დასაბამითგანი წელნი იყვნეს „ხვივ“ ინდიკტიონს ვ. ქრისტეს ჯვარცმდიგან „შპბ; ქართულად დასაბამითგანი წელნი „ხქიბ“, ქორონიკონი მეთორმეტე, მეცამეტე მოქცეული სკპ.“

6. წმინდა დადი მკაცრის წიგნი. შუას ქვემოთ აწერია: „ქრისტე, აღიღე წმიდა მამა ეფთვიმე, ამის წიგნისა მთარგმნელი, და მამა გრიგოლი მომგებელი შვილითურთ სულიერით, და ვისცა შრომა თავს უცს. ხოლო დაიწერა მთასა წმიდასა ოლიმპოს საბერძნეთისასა, ქვაბსა საყოფელსა ქართველთასა, ეკლესიასა წმიდისა ღვთისმშობელისასა, ბრძანებითა მამისა გრიგოლისათა, ფედ ცოდვილის ისაკისითა მნკნლისათა: მეფობასა რომანოსისა, ოდეს სარკინოზეთს წარვიდა წარმოტყვევნად, ქორონიკონსა სნ. ბოლოს აწერია: „გლახაკი ისაკის ხელითა: ამ წიგნში არის მაკარის ეპისტოლენი, და წამება წმიდა ბაგრატიისა და აკეფსიმაეთი.“
7. დადი სახარების თარგმანი მათესა, რომელსა ზედა წარწერილია: „დაიწერა მთა წმიდას, ათონის მონასტერსა წმ. მამათასა იოანნე და ევთიმისა, საყოფელსა წმ. ღვთისმშობელისასა, ქორონიკონსა სკც.“
8. ღირსოთეს წიგნი, სამი კონდაკის ტანისა; თავი და ბოლო აკლია.
9. წყნაღა სამოკელ ქართლის კათალიკოსისა, გადმოვწერეთ იმ პირიღგან, რომელიც ფოტოგრაფიის შემწეობით გადმოვლო ივერიის ათონის მონასტერში ბ.ნს მარსს მარტში 1899 წელსა. „მე, სამოკელ, ქრისტესმიერ ქართლისა კათალიკოზი, უფალსა იოვანეს საბანის ძესა, სულიერად შეიღსა წმნსა კათოლიკე ეკლესიისასა და საყვარელსა ჩნსა, ლოცვით მოგიკითხავ უფლისა მიერ. მშვიდობა იყვენ შენზედა, და ყოველთა სახლისა შენისა კრებულთა ქრისტეს მიერ. ჩვენ თვით უწყით წადიერებაჲ შენი ღვთის მსახურებისათვის და ღვთივ მიმადლებული შენი მეცნიერებაჲ საღთოთა წიგნთაჲ და გულმოდგინებაჲ შენი კეთილთა საქმეთა მოღვაწეებისათვის. შენ

თვით უწყი ახლისა ამის ქაშისა ჰანატრელისა აბო-  
სი, რ'ი დღეთა ამათ შინა“ (წამებულ იქმნა) და  
შემდეგი დაუსრულებელია: ქორონიკონი ბოლოში  
უზის "თ".

ქართველთა სავანეს ძმათ დაუწყიათ დავა ივერიის  
მონასტრის გამო 1883 წელსა და აქამდე დასასრული არა  
აქვს მათს საჩივარსა. მაღლობა ღმერთს, რომ ხელმწიფე  
იმპერატორმა ალექსანდრე მესამემ, აწ ღვთივ. განსვენე-  
ბულმა, კეთილ-ინება და მამობრივ შეობრალა ქართველ-  
ნი ძმანი ათონის სავანისანი და ჰბრძანა დაენიშნოს მათ  
რუსეთის სახელმწიფო ხაზინიდან საძა ათასი მანეთი წე-  
ლიწადში შემწეობად, ვიდრე გადასწყდებოდეს დავა,  
ივერიის მონასტრის გამო დაწყებული; უამისოდ შიმ-  
შილით ამოსწყდებოდნენ ქართველნი ძმანი, როდესაც  
ამავე დროს ჩვენის საქართველოს პურიტა და ღვინით  
და სხვა კეთილით სუქლებიან ბერძენთა მონაზონნი. რა  
მელსა ასხენ ყურნი სმენად, ისმინენ!

ეკკლესიის აღსაშენებლად ქართველთა სავანეს კვა-  
ლადცა უწყალობა ათას წყასა თუჰანი ნეტარ ხსენებულმა  
იმპერატორმა ალექსანდრე მესამემ. ეს ფული რომ მიი-  
ღო წინამძღვარმა ქართველთა სავანისამ, ეკკლესია უკვე  
დასრულებული ჰქონდათ, და რაში დაიხარჯა ეს ფული,  
წინამძღვარს მონასტრისას ჯერაც ანგარიში არ მიუცია  
სავანის ძმათათვის თვისის მოვალეობისამებრ. ქართველ-  
თა ახალ სავანეში აწ ჰმოღვაწეობენ 33 ძმანი, მათ შო-  
რის სამი მღვდელ-მონაზონი: მოძღვარი ამ სავანესი დიდ  
სქემოსანი, მამა თეოდორე; იგი დიდად პატივცემულია  
არა თუ მხოლოდ ქართველთა სავანეში, არამედ მთელის  
ათონის მთის შეგნებას შეადგენს თვისის სულიერის წმი-  
და მოღვაწეობის ცხოვრებით. დიდ შესანიშნავს კეთილ-  
ზნეობის საგნების განსამარტებლად ყოველთვის იმას მიჰ-  
მართავენ ხოლმე ყველა მონასტრიდან, ეროვნების გა-

ნურჩველად. ღირსად ჰმოდვაწეობენ ქართველთა სავანეში აგრეთვე მ. მ. გიორგი და იონა მღვდელ-მონაზონნი. (ეს უკანასკნელი დროებით განაგებს სავანესა და ყრველ დღე მწირველია) და ჰზრუნავენ იგინი სავანის კეთილმდგომარეობისათვის. ხოლო წინამძღვარ ამ სავანისა და ფუძენებიდგანვე, მ. ბენედიქტე მღვდელ-მონაზონი, აგერ ხუთი წელია განშორებია მონასტერსა და იმყოფება სოხუმსა და ბათუმში, ვითომც მონასტრის საქმეების წარმართვისათვის.

მამა გიორგი (გოგოლაძე) უკვე გარდაიცვალა 25-სა დეკემბერსა 1899 წელსა, და განვიდა ამიერ სოფლით; მისმა მართალმა სულმა დაუტევა თვისი ხორციელი საყოფელი იმ დღესა, როდესაც ქრისტეანეთა ეკლესია დღესასწაულობს ქრისტე მაცხოვრის ხორციელად შობასა, და ისარედაც რიცხვ-მცირე ქართველთა ძმათა სავანეს სამშობლოს გარედ მოაკლდა ეს ღირსი, მხნე, დიდი მოღვაწე და მშრომელი ძმა სასიქადულოდ საქართველოს ეკლესიისა და ერისა.

ყოვლად მოწყალე მაცხოვარმა, უფალმა იესო ქრისტემ მიაგოს მას ზეციერს სასუფეველში სანატრელი განსვენება, და ვითარცა კეთილა და სარწმუნო მონა, რომელი მცარესა ზედა სარწმუნო იქმნა და იწრო ბჭენი და საჭირველად გზა სარწმუნოებით განვლა, მრავალსა ზედა დაადგინოს იგი უფალმან და შეიფანოს იგი დაუსრულებლას სახარულსა (მათ. 25, 23).

დაფუძნებიდამ ათონის ქართველთა ახლის სავანისა ნეტარ-ხსენებულმა, სულით კურთხეულმა გაბრიელ, იმერეთის ეპისკოპოსმა, წარგზავნა ათონის მთაზედ გელათის მონასტრიდამ ორნი ცნობილნი მოღვაწენი მამანი—თეოდორე და გიორგი, აწ დღეთისა მიერ განსვენებული, ვითარცა მტკიცენი სვეტნი დასამყარებლად და დასამტკიცებლად ახლად დაფუძნებულის ქართველთა სავანისა საზღვარს გარედ, ათონის მთაზედა.

1900 წლის დამდეგს მ. ბენედიკტე დანიშნულ იქმნა საქართველოს ეგსარხოზისა მიერ წინამძღვრად დავით-გარესჯის მონასტრისა საქართველოში; ხოლო აპრილში 1900 წელსა აღყვანებულ იქმნა ზგი ილუმენის ხარისხზედა, რადგანაც საზოგადოდ შემცირებულია რიცხვი მონაზონთა საქართველოს მონასტრებში, ამისათვის გამოწვეულ იქმნენ ათონის ქართველთა ძმათა სავანიდან სამნი მონაზონნი: პიმენ, სვიმეონ და გაბრიელ, სამოღვაწეოდ დავით-გარესჯის უდაბნოში, ნოემბრის თვეში 1899 წელსა. მაგრამ სამწუხაროდ ქართველთა, რომელნიც თანაუგრძნობენ სულიერს სარწმუნეობრივ-ზნეობრივს წარმატებას საქართველოში, ამ ზემოხსენებულთა ძმათა ვერ ჰპოვეს გარესჯის უდაბნოში სულიერი მშვიდობა და ძმობრივი სიყვარული ამ მონასტერში მოღვაწეთა ძმათა შორის. ამისათვის, ორნი მათგანნი მღვდელმონაზონნი პიმენ და სვიმეონ იძულებულ იქმნენ უკანვე დაბრუნებულიყვნენ ათონის ქართველთა ძმათა სავანედ იანვარში 1901 წელსა. ხოლო გაბრიელ დიაკონი დაშთა საქართველოში დროებით და აწ მოღვაწეობს იოანე ნათლისმცემლის უდაბნოში მახლობლად ქ. ტფილისისა. და ამ სახით, სადაც ჩვენ გვსურდა დათესვა სულიერის იფქვას (ხვარბლისა), ჩვენდა სამწუხაროდ, იქ აღმოსცენდა ღვარძლი, დათესილი მტრისაგან ყოვლისა კეთილისა—(მათ. 13, 24—30) ეშმაკისა, ამისათვის ჩვენ გვედრნეთ უფაღესა ღმერთსა, რათა არა მოაკლდეს სარწმუნოება ქართველს ერსა და გამოავლანოს ღირსნი მოღვაწენი და მოქმედნი სამკაფსა თვისსა განსამტკიცებელად ძმათა ჩვენთა (მათ. 9, 37), (ლუკ. 22; 31, 32).

სხვა-და-სხვა შევიწროებათა გარდა, ქართველთა ძმათა შეშით სარგებლობის ნებასაც არ აძლევენ ბერძენთა მონაზონნი ივერიის მონასტრისანი არცა საფასითა. ერთხელ ნება გამოსთხოვეს ქართველთა ძმათ შეშის მოჭრისა და დაამზადეს შეშა ჩამოსატანად. ამ დროს მოცვივ-

დნენ ივერიის მონასტრის ბერძენთა მონაზონნი, მორეკეს 12 ჯორი, დატვირთეს და წაიღეს თავის სასარგებლოდ. ქართველთა ხმა ვერ გასცეს, რადგანაც ისინი რიცხვით მცირედნი არიან და სულგრძელად მოითმინეს, ხმაც არ ამოუღიათ და სავანეს ეზოდგან გარედ არავინ მათგანი არ გასულა; რადგანაც კეთილგონიერება მოითხოვდა ამას, უკვდავ პოეტის რუსთაველის სიტყვისაებრ, „სადაც არა სჯობს, გაცლა სჯობს კარგისა მამაცი საგანაო“.

ყოველის ამის მხილველნი და მსმენელნი მაინც დიდის პატივისცემით ვეპყრობით ბერძენთა მონაზონთა, როდესაც ისინი მობრძანდებიან საქართველოში; ამავე დროს ისინი წყურვილით არჩობენ ჩვენთა ძმათა, ნებასაც არ აძლევენ ჩვენთა ძმათა სუფთად წყალის გაყვანისას სავანეს ეზოში, არ აძლევენ ნებას, ისარგებლონ მათ იმ წყალით, რომლითაც თითონ ბერძენები არა სარგებლობენ, რადგანაც თითონ არა საქიროებენ: უკეთესი წყარო თვით მონასტრის ეზოშივე აქვთ.

ივერიის მონასტერში გაუტარებია ბ-ნს მარტს წარსულს წელში 40 დღე, ბევრი უშრომია, ბევრი ამოუწერია ქართულ წიგნებიდგან და ფოტოგრაფიითაც გადმოუღია. ამასთანავე ბ-ნი მარი დაჰპირებია მონასტრის ძმათა ქართული წიგნების კატალოგის შედგენას, რადგანაც არ არის იგი აქამდე შედგენილი. მოგახსენებენ, რომ ბოთლისათვის საცობი რომ დასჭირდეთ, ქართულის წიგნის ეტრადზედ მოჰხევენ ტყავს და ჰხმარობენო, ანუ თევზის დასაჭერად ჩანგალზედ ამ წიგნების ტყავსავე ჰხმარობენო. რა ეწოდება ამ გვარს მოქმედებას? ბარბაროსობა. აი ნიმუში გონების სიბნელისა განათლებულს 19 საუკუნის დასასრულს!

იქამდის მიაღწევს სიძულილი ივერიის მონასტრის ბერძენთა მონაზონთაგან, რომ ნებას არ აძლევენ ქართველთა სავანის ძმათა თავისუფლად შევიდნენ თაყვანისა-

ცემლად ივერიის კარის ღვთისმშობლის ხატისა, საქართველოს ეკლესიისა და ერის მფარველისა.

ათონის ივერიის მონასტერი დაფუძნებულია მეათე საუკუნის დასასრულს იმ ადგილზედ, რომელიც შეუძენიათ საქართველოს დიდებულთა შვილთა თვისის სისხლითა, თვისი სისხლი დაუთხევიათ მათ ბერძენთა სამეფოს დასახსნელად მტერთაგან; იგი მონასტერი აღშენებულია საქართველოს მეფეთა და მთავართა უზვის შეწირულებითა, მორწყული და განაყოფიერებულია ქართველთა წმ. მამათა მოღვაწეობის სისხლის ოფლითა, ლოცვითა და ცრემლითა, დამყარებულია იგი ყოველად წმიდა ღვთისმშობლის მფარველობითა, რომლისაც წილ-ხლომილნი ვართ, და ჰგიეს იგი უფლისა იესო ქრისტეს მოწყალებითა.

ახლაც ყოველად წმიდა ღვთისმშობელი არ აკლებს თავის მოწყალე მფარველობასა და ნუგეშსა ძმათა ქართველთა ათონის საეპისკოპოსოსა, უსამართლოდ დევნილთა ბერძენთაგან.

ამის დასამტკიცებლად ქართველთა ძმათა შემდეგი ღომითხრეს: ზევით უკვე მოვიხსენე, რომ დაბა კარეას ტაძარში არის სასწაულთმოქმედი ხატი ღვთისმშობლისა, წოდებული „ღირს არსის ხატად“. ამ ხატს წელიწადში ერთ გზის ლიტანიით გამოასვენებენ ტაძრიდან 11 ივნისს და შემოუვლიან გარეშო დაბა კარეას. ორის წლის წინად გადასწყვიტეს ათონის მონასტრების ეპიტროპთა ანუ წინამძღვართა, გადაიღონ პირი ამ საკვირველთმოქმედის ხატისა, აკურთხონ იგი და გამოასვენონ ყოველ წელსა ლიტანიით ტაძრიდან. ეს გარდაწყვეტილება მიიღეს ყოველთა კრებულთა თეოთოეულის მონასტრისაჲს; თეოთოეულმა წინამძღვარმა, დასამტკიცებლად თავისის თანხმობისა, დაასვა ღერბი თავისის მონასტრისა. გადაიღეს მეორე პირი საკვირველთ-მოქმედის ხატისა, გარემოს შემკობილი თეოთოეულის ფთონის მონასტრის ღერბითა



ეროვნების განურჩევლად. როდესაც სრულიად მზად იყო ახალი ხატი ღვთისმშობელისა, მაშინ გადიფიქრეს, პირველი იგი გარდაწყვეტილება გააუქმეს და დაამტიკეს კვალადცა გამოსვენება პირველის ხატისა ყოველს წელსა სალიტანიოდ. ახლა შეუდგათ ბაასი, რა უყონ მეორე ხატსა, ახლად დახატულსა და შემკობილსა?

გარდაწყვიტეს საზოგადო კრებაზედ წილის ყრა ამ ხატზედ, შეადგინეს სია ხელის მომწერთა და დანიშნეს ბილეთი თითო მანეთად. ქართველთა სავანეს მხრივ მოაწერა ხელი მამა იონა მღვდელ-მონაზონმა და წილის ყრაში ერგო ეს ხატი ღვთისმშობელისა ქართველთა ძმათა სავანეს. წამოავლო ხელი რუსთა პანტელეიმონის მონასტრის წარმომადგენელმა და გამოეწურა გარდასაცემად ხატისა ქართველთა ძმათათვის, რადგანაც წილის ყრას ქართველი ძმათაგანი არავენ დასწრებია. შეხვდა შემთხვევით გზაში ქართველი მორჩილი, გარდასცა იმას ხატი და უთხრა: მიიქეც მსწრაფლ ქართველთა სავანედ, რომ ბერძენთა არ წაგართვან ეს ხატიო. ისიც გამოიქცა რვა ვერსის მანძილზედ და ოდეს მოუახლოვდა ქართველთა სავანესა, იწყო მალალის ხმით დაღაღება: გამოვედით, ძმანო, მიგვებად ყოვლად წმიდის ღვთისმშობლისა, ჩვენის მოწყალე მფარველისა. გამოვიდა მსწრაფლ სრული საღმრთო კრება შემოსილი წინძლოლითა სანთლებისა და საკმევლისათა, დაასვენეს ხატი იგი გარეთ ეზოში, გარდაიხადეს პარაკლისი ღვთისმშობელისა და დააწესეს შემდეგ ამისა ყოველდღე მწუხრის დასასრულ შესრულება დაუჯდომელისა ყოვლად წმიდისა ღვთისმშობელისა. მიიღეს ამ წმ. სავანის ძმათა ეს წმ. ხატი, ვითარცა ცხადი ნიშანი ღვთისმშობლის მფარველობისა და მოწყალეობისა ქართველსა ერსა და ქართველთა ათონის სავანესა ზედა.

მეორეჯერ ბერძენთა ერთმა მონასტერმა ჩააგდო ლატარიაში ვერცხლის ფეშხუში, მოაწერინეს ხელი მსუ-

რველთ. ამაზედაც მოაწერა ხელი ერთმა ქართველთა სავანეს ძმათაგანმა და წილის ყრის დროს ეს ნივთიც ერგო ქართველთა სავანეს. შემდეგ ამ ორის შემთხვევისა ქართველთა ძმათაგანს აღარავის აწერიებენ ხელსა ბერძენნი, როდესაც ლატარიაში საეკლესიო ნივთს ათამაშებენ, იმ შიშისა გამო, რომ ქართველებს არ ერგოთ ნივთიო.

ბ-ნ მარის ყოფნის დროს ივერიის მონასტერში მოსულა იქვე სხვა პროფესორი რუსეთიდან, ბ-ნი კონდაკოვი, რომელსაც მოუთხოვნია, რათა ეჩვენებინათ მისთვის ქართული შესანიშნავი ეტრადნი, (ტყავზედ დაწერილი წიგნები) და სხვა შესანიშნავი ძველი ნივთები ივერიის მონასტრისა. არაფერი არ უჩვენებიათ და პროფესორი მეტად გაბრაზებულია; ან კი ვინ არ განრისხდება ბერძენთა ამგვარ ველურ საქციელისაგან? 7 ათასის ვერსის სიშორიდან მოსულა მეცნიერი კაცი მოსახილველად ძველთა არქეოლოგიის ნაშთთა და არ აკმაყოფილებენ მისს საღმრთო მოთხოვნილებას.

ივერიის მონასტრის ციხის ზევით სართულში აქვთ დაკრძალული უძვირფასესი სამეფო და საეკლესიო სამკაულნი: გვირგვინები და სკიპტრანი ქართველთა მეფეთანი, ძვირფასი სამი სახარება და ამ მონასტრის აღმაშენებელის, მარად მოსახსენებელის თორნიკე ერისთავის საქურველნი (საომარნი იარაღნი): ხმალი, ჩაფხუტი, ფარი, ჩაჩქანი და მშვილდი, რომელთაც არავის ქართველთაგანს არ უჩვენებენ. ეს ცნობები გარდმოცემულია ქართველისათვის მეგობრობით ერთის ბერძენის ბერისაგან.



ივერიის მონასტრის დამფუძნებლის თორნიკე ერის-  
თავის ღირსი მამის იოანეს ხატის მოსპობა ბერ-  
ქანთაბან.



თონის ივერიის მონასტრის საკრებულო ტაძრის დასავლეთის კარებზედ დახატულია აღმაშენებელი ამ წმ. საენისა და ტაძრისა თორნიკე ერისთავი, შეჭურვილი სამხედრო იარაღითა; ამაზედ ყოფილა ქართული წარწერა 1880 წლამდის; ხოლო შემდეგ მოუშლიათ ეს ქართული წარწერა და გადაუკეთებიათ ბერძნულად; და მაგიერ ჩვენის დიდებულის სპასპეტის თორნიკისა მოსჩანს ეხლა ნიკიფორე, ბერძენთა კეისარი. დასამტკიცებლად ამ ფაქტისა მომყავს ვაზ. „ივერიის“ № 26-დან 1900 წლისა კორესპონდენცია ბნ ნადიკვრელისა, რომელიც სიტყვა სიტყვით მოგვითხრობს გარდამოცემულსა ბნ გერასიმე ნადარეიშვილისას, რომელსაც ორგზის მოულოცნია პალესტინის და ათონის სიწმიდენი და აწ სცხოვრებს ქ. თელავში.

„1882 წელს მე ვიყავ ათონის მთაზედ და სხვა მონასტრებთან ერთად ივერიის მონასტერიც ვლოცე. დავათვალიერე ისტორიული მხატვრობა და წარწერანი. გუმბათის პირდაპირ იატაკზედ ივერიის ტაძარში თითბრის ასოებით არის წარწერა, რომელიც სავსებით აღარ ეტყობა და რომლიდგანაც შეიძლება კიდევ ამოიკითხოს ადამიანმა სიტყვები „აღმაშენებელი გიორგი ქართველი“. ტაძრის სამხრეთის მხარეს არის დახატული სამღვდლო შესამოსით თავზედ შარავანდედითა და ზედ ბერძნულად აწერია: წმიდა მღვდელ-მონაზონი მარკოზი ქართველი“ რომელსაც, ბერძენ პროფესორის გედეონის სიტყვით, მეთექვსმეტე საუკუნის გასულს უცხოვრია, გამოჩენილი მხატვარი ყოფილა, მისი მხატვრობა მრავალს ეკლესიაში ახლაც საუკეთესო მხატვრობად ითვლება. თვით ივე-

რის მონასტრის სხვა ეკლესიებიც ამ მარკოზ ქართველს დაუხატავს.

„ამავე ტაძრის კარის ბჭეზედ იყვნენ დახატულნი ათამლის მეფენი, რომელთაგან შუა ადგილას დახატულს თავზედ შარავანდელი ჰქონდა და ერთიც სამხედრო ტანისამოსით იყო დახატული. როდესაც ვათვალიერებდი, ერთმა მოხუცებულმა ბერძენმა ბერმა მითხრა: „ესენი, შვილო, საქართველოს მეფენი არიან, ამ მონასტრის აღმაშენებელნი და განმაახლებელნი და აი, ეს მხედრულად ჩაცმული,—თორნიკე ქართველიაო“. მეფეებს ზემოდან საერთო ჰქონდათ წარწერა: „მეფენი საქართველოსანი“.

მერე იყო წარწერა თითოეულისა ცალკე, მაგრამ ერთის მეტი ყველა ისე იყო წაბღალული, რომ არ ამოიკითხებოდა, ერთს-კი ეწერა: „დედოფალი ნესტან დარეჯანი.“

„მონასტრის მახლობლად არის მალლობი ადგილი, რომელსაც „ილია წინასწარმეტყველის დასაყუდარი“ ეწოდება. აქ ვნახე ღრმად მოხუცებული ქართველი ბერები, რომლებიც ივერიის მონასტრის ძმებად ირიცხებიან და იქიდგან საზრდობენ. ამ მამებს ხელში ივერიის ღვთისმშობლის ტაძარი ჰქონიათ და მეტის მოღვაწეობისათვის გამოსულან მონასტრიდგან. ამათ შემდეგ ქართველთა მიღება ივერიის მონასტერში შეუწყვეტიათ.

„1887 წელს მეორედ ვიმოგზაურე ათონის მთაზედ, სხვათა შორის მივედი ივერიის მონასტერშიაც. კარის ბჭეზედ შევიხედე და დავინახე, რომ ჩემგან ნანახი მხატვრობა მეფეებისა განეახლებინათ და წინანდელის საერთო წარწერის—„საქარველოს მეფენი, აღმაშენებელნი და განმაახლებელნი ივერიის მონასტრისა“—მაგიერ ეწერა: „ბიზანტიელნი მეფენი, აღმაშენებელნი ივერიის მონასტრისანი“; დედოფალის ნესტან-დარეჯანის მაგიერ ეწერა: „ირინა დედოფალი“...“

ათონის მთაზედ მონასტერნი: ივერიის კარისა ღვთის-  
მშობელისა და წმ. ფილოთეოსისა, პალესტინაში—ცხო-  
ველსმყოფელის ჯვარისა და წმ. საუფლო საფლავისა, და  
სინას მთაზედ—წმ. ეკატერინასი ყოველ წლივ იღებენ  
დიდს შემოსავალსა საქართველოდან. საქართველოს მე-  
ფეთა და მთავართა შეუწირავთ ზემოხსენებულს სავანე-  
თათვის სოფელნი, ვენახები, აგარაკნი, დუქნები და ყმე-  
ბი. ყოველთა ამათ შემოწირულებათაგან აქამომდის სარ-  
გებლობენ ბერძენთა მონაზონნი; და ამავე დროს ქარ-  
თველთა მონაზონთაგანი რომ მივიდეს ვინმე სალოცავად  
ამ ზემოხსენებულ მონასტრებში, ბერძენნი ისე უყურე-  
ბენ, ვითარცა მაწანწალასა, რომელსაც გამოჰკვებავენ  
შებრალებითა და არა მოვალეობისაგებრ. აგერ ორმოცი  
წელი შესრულდა, რაც ყმები განთავისუფლდნენ მონები-  
საგან რუსეთის იმპერიაში ნეტარ-ხსენებულის იმპერატო-  
რის ალექსანდრე II-ს მეფობის დროს, რისათვისცა აკურ-  
თხვევენ მისს ხსენებას ორმოცი მილიონი განთავისუფლე-  
ბულნი გლეხნი; ხოლო ბერძენთა ბერების უღელსა ქვეშე  
მონებისა და კირთებისაგან, არ იქმნა, ვერ ეღირსნენ გან-  
თავისუფლებას მონასტრების ყმანი, თუმცა იგინი აქა-  
მომდის ითმენენ არა მცირედთა შევიწროებათა და ქენჯ-  
ნათა.

**შამენა მამულისა ათონის მთაზედ ქართველთა ძმა-  
თაგან და ღვთის გამოცხადება მათგან ივერიის მო-  
ნასტერზედ.**



ათონის ახალს ქართველთა სავანეს შეუსყიდნია მა-  
მული ივერიის მონასტრისაგან 2,000 მანეთად 1867  
წელსა. გარდა ამისა, ვითარცა შემოღებულთა ათონზედ,  
ყოველ წლივ უნდა ეძლია ხარკად ივერიის მონასტრისა-  
თვის რამდენიმე ლირა ოქრო (თითო ლირა ეთანასწო-

რება რვა მანეთს) და აგერ ათი წელია ქართველთა ძმათა სავანე აღარ იხდის ამ ხარკს, რადგანაც მას აქვს დაწყებული ივერიის მონასტერთან დაჲვა 1883 წლიდან და ითხოვს იგი, რათამცა დაუბრუნდეს მას ივერიის მონასტერი თვისის მამულებითა, რომლითაც სარგებლობენ აქამომდის ბერძენნი სრულიად უსამართლოდ, ვითარცა მკრეხველნი და არა ვითარცა ნამდვილი პატრონები. თვით ნეტარხსენებულნი ქართველნი მართლმადიდებელნი მეფენი წინასწარ ხედავდნენ კეთილ გონიერებითა და უშიშარ ყოფისათვის მომავალში, როდესაც წყალობის სიგელს ანუ გუჯარს აძლევდნენ რომელისამე შეწირულებისას ივერიის მონასტერს, ასრე მოიხსენებდნენ: ამა წყალობას წერაღეს გაძლეფთ ანუ გუბოქუბო ჩვენს ქართველთა ათონას აგერაის მონასტერს, რადგანაც წინასწარვე ჰქონიათ სახეში, რომ დაჲვა არავინ აღძრას ამ ივერიის მონასტრის მფლობელობის გამო უცხო ტომმა ანუ ერმაო.

ეს დაჲვა ივერიის მონასტერზედ ქართველთა ძმათაგან პირველი არ არის. ბიზანტიის იმპერატორის კონსტანტინე მე-XI დროსა, კონსტანტინეპოლის ოსმალთაგან დაპყრობის რამდენისამე თვის წინად, ქართველთა სასარგებლოდ გარდასწყვიტა ბერძენთა კეისარმაც ფლობა ივერიის მონასტრისა და რადგანაც დღე-დღეზედ მოელოდებოდა კონსტანტინეპოლის აღებას მტერთაგან, უკვე გარემოდგომილთგან, ამისათვის ისწრაფა კეისარმა და ხომალდით წარგზავნა ინგლისის დროებით დასაცველად სახელმწიფო მნიშვნელობის სიგელნი და მათ შორის ის საბუთის ქალაღდიც, რომლითაც კვალადცა მიანიჭა ქართველთა ძმათ ყოველის მხრივ უფლებანი ათონის ივერიის მონასტერზედ, ვითარცა მათ ეროვნულს სამკვიდრებელზედა.



ათონის ივერიის მონასტრის ქართულს დაბადებაზედ.

**ს**თონის ივერიის კარისა ღვთისმშობლის მონასტერში არის დაცული ორი ცალი ქართულის დაბადებისა, ერთი მათგანი შეუქმენია დამფუძნებელს ამ სავანისას ღირსსა იოანეს, მამას წმ. ევთიმისას, 978 წელსა, ვითარცა არის მოხსენებული ზედ მიწერითა ამავე დაბადებაში თანამედროვე მწერალთაგან, რომელთაც გადაუწერიათ ეს დაბადება. ხოლო მეორე ცალი დაბადება ახლად შეუსწორებია ღირსსა ევთიმის, ვითარცა უფროს მეცნიერს ბერძნულის ენისას. წმ. ევთიმისა მიერ შესწორებულს დაბადებას არავის უჩვენებენ, არცა ქართველთა და არცა რუსთა. ამ დაბადების შესახებ აი რას იწერება ერთი ქართველი მონაზონი ათონის მთიდაძე: „უწმიდესის სინოდის მოთხოვნით თესლონიკის კონსულმა გამოსთხოვა ივერიის მონასტრის წინამძღვარსა ქართული დაბადება პერლამენტისა (ტყავზედ ნაწერი) ორი ტომი წარსადგენელად რუსეთის სინოდში. ამაზედ მონასტრის ძმათა ბერძენთა მონაზონთა ორი კვირა დიდი და განუწყვეტელი ბაასი ჰქონდათ: უმეტესობა ძალიან უარზედ იდგა და უმცირესობა თანხმობას აცხადებდა დაბადების გაგზავნისას. ბოლოს უმეტესობამ უარ ჰყო მოთხოვნილება სინოდისა და ასეთი პასუხი შეუთვალა: „ვინაიდან ორი ტომი დაბადება არის გადმოთარგმნილი და დაწერილი წმ. მამისა ევთიმე ქართველისაგან; შიგ არის შეჩვენება და კრულება საუკუნოდ და მეორედ ქრისტეს მოსლვასა პასუხის-გება მისდა, ვინც მათ შეეხება და გასცემს, ამ მიზეზით ჩვენ არ ძალგვიძს სადმე გავგზავნოთ. ამის გამო, ვისაც სურდეს გადაწერა მათი, მობრძანდნენ ივერიის მონასტერში. სახლს, ბინას მივართმევთ და ხარჯზე უზრუნველ-ვყოფთ, დაბრძანდნენ, გა-

დასწერონ, რაოდენი ხანიც ენებოსთ. ეს პასუხი მისცეს კონსულს წარსადგენელად უწ. სინოდში, 16 თებერვალს 1900 წელსა.“

ზემოხსენებულის წერილიდან სჩანს, რომ ქართული დაბადება, რომელიც 1848 წელს მოუტანია ათონის ივერიის მონასტრიდამ პლატონ იოსელიანს, არ არის დაწერილი და შესწორებული წმ. ევთიმისა მიერ, რადგანაც ამ დაბადებაში არ არის გამოცხადებული არა ვითარიმე წყვეა და შეჩვენება მათზედა, რომელნიც გარდასცემენ ვსმე ამ წიგნსა და ეგრეთვე მათზედაც, რომელნიც წამოიღებენ ათონის ლავრიდან.

ხოლო ამ წმ. ევთიმის დაბადებასთან შედარება და შესწორება ახლად დასტამბულის ქართულის დაბადებისა, და ეგრეთვე სლავურისა და რუსულისა, მიუცილებლად საჭიროა და სასარგებლო ვინაიდან არცა საქართველოში, და არცა რუსეთში არ მოიპოვება დაბადება იმა დროისა და ღირსებისა. ჩვენს ქართულს დაბადების ტექსტში მრავალი შეცდომაა და მისი გასწორება ყოვლად საჭიროა. ბრიტანიის ბიბლიის საზოგადოება ტფილისში ჰყიდის თითქმის სამოცს ენაზედ დაბადებას და ქართულს ენაზედ კი არ მოიპოვება, რომ ქართველმა ერმაც ისარგებლოს ამ ღვთაებრივის სულიერის საზრდოთჲ.

### ქართული ბალოგის მდგომარეობა ათონზედ.

ათონის ქართველთა სავანეში ყოფილა კეთილ განწყობილი მწყობრი ტკბილად მგალობელთა 1880 წლებში, ვიდრემდის ყოფილან ათონზედ მგალობელთა შორის: თავ. მელქისედეკ ნაკაშიძე, მ. გიორგი მოლარიძე, ღირსეულად მოღვაწე შემოქმედის მონასტერში გურიიში; მ. მ. კონტრიძე, ქინჭარაძე და მ. ფილიპე შარაშიძე,



ქართველთა მგალობელთა გუნდსა აღტაცებაში მოჰყვანდა ყოველნი მსმენელნი რუსნი და ბერძენნიცა. ამ ზემოხსენებულ პირთა შეუსწავლიათ ქართული გალობა საფუძვლიანად რვა ხმაზედ ბ. ანტონ ღუმბაძის ხელმძღვანელობის ქვეშ. ხოლო აწ ქართველთა სავანე ველარ იქების ამ გვარის კეთილგანწყობილის გალობითა. ამისათვის ფრიად სასურველია, კვალადცა გაძლიერდეს ქართული გალობა ათონზედ აღსადგენელად ჩვენის ძველი ეროვნულის ღირსებისა, დიდებისა და პატივისა სხვათა ეროვნობათა წარმომადგენელთა მოღვაწეთა შორის ათონის მთაზედ. ოდესმე ათონზედ დროშა პირველობისა ეპყრათ ივერიის კარისა ღვთისმშობლის მონასტრისა ქართველთა ძმათა.

### ბოლგართა სკიტი ღირსისა მამისა იოანესი ჩილელისა.



ვლისის 12, ორშაბათს დილით, კვალადცა წარვემართე ათონის დანაშთენის მონასტრების მოსალოცავად და მოსახილველად. თანამოგზაურად მყვანდა მხოლოდ გაბრიელ მონაზონი ქართველი. ჩამოვიარეთ ანდრიას და ილიას რუსთა სკიტების მახლობლად. რადგანაც ეს სავანენი წინა კვირას მოვილოცე, ამისათვის ეხლა აღარ შევედი იქ. მოვედით დილით ბოლგართა სკიტში, სადაც მოვისმინეთ წირვა. როდესაც სცნეს ბოლგართა ძმათა ჩვენი ეროვნება და მართლ-მადიდებლობა, პატივისცემით მოხვეს სიმბოლო სარწმუნოებისა და საუფლო ლოცვის წარმოთქმა წირვაზედ ქართულად, საშუალ ეკკლესიისა. წირვის შემდეგ მიგვიწვია ჩიზზედ თვით მწირველმა, მონასტრის გამგებელმა მღვდელმონაზონმა მ. სტეფანემ. კარგად მოწყობილი მონასტერი

აქვთ. სლავურს ენაზედ აღასრულებენ ღვთის მსახურებას, მხოლოდ გაღობის კილო ბერძნული მიუღიათ. წარსულს იანვარში გარდაცვალებულა მათი წინამძღვარი არქიმანდრიტი. ეხლა მის მაგიერ ამოურჩევია მონასტრის ძმათა ღირსად პატივცემული მ სტეფანე, მაგრამ მათს არჩევანს არ ამტკიცებს რუსთა მონასტრის წინამძღვარი, თხოულობს, რომ იმას დაემორჩილნენ; ხოლო ბოლგარნი უარყოფენ ამ წინადადებასა და თანახმა არ არიან დაჰკარგონ თავისუფლება მონასტრისა. შემდეგ ვისადილეთ ერთად ტკბილის ძმობრივის საუბარით. მ. სტეფანემ მთხოვა იქ ღამის გათევა და ხვალისათვის წირვა; მე მადლობა მოვახსენე ყოვლისა ამისათვის და განვაგრძეთ მგზავრობა. სახსოვრად გარდავეცი მას ერთი ცალი ქართველთა წმიდათა ხატისა, რაიცა დიდის კმაყოფილებით მიიღო.

### ბერძენთა ვატოპედის მონასტარი.



ქედგან წარვედით და მშვიდობით მივალწიეთ საღამოზედ ბერძენთა ვატოპედის მონასტერსა. ამ წმ. მონასტრის დაფუძნების მიზეზად მოუთხრობენ შემდეგს: ბიზანტიის კეისრის თეოდოსეს შვილი მოჰყავდათ დიდებულთა ხომალდითა, აღელდა ზღვა და მეფის ძე გადაუვარდათ ზღვაში; ამ უბედურის შემთხვევის გამო ფრიად შეწუხებულთ ვეზირთ არ იცოდნენ რა მოეხერხებინათ და რა პასუხი მიეცათ მეფისათვის. როდესაც ხომალდი ღელვისაგან მიმოტაცებული მიადგა ზღვის კიდეს, ათონის მთის ძირსა, გაკვირვებულთა და გახარებულთა დიდებულთა იხილეს, რომ ჯაგის ქვეშ ჩრდილში სრულიად დასველებულს მეფის ძეს სძინავს. დიდი მადლობა შესწირეს ღმერთს ამ გვარის საკვირვე-

ლებისათვის და მოახსენეს მეფესა და დედოფალსა ეს შემთხვევა. ხოლო ამათ სახსოვრად ამ სასწაულისა და სამადლობელად ღმრთისა აღაშენეს ამ ადგილის დიდებული ტაძარი და მასთან მონასტერი, წოდებული „ვატობედი“, რაიცა ნიშნავს ბერძნულს ენაზედ: „ყრმა ჯაგის ქვეშ“. ამ მონასტერში ვათიეთ ღამე. მეორე დილას მოვისმინეთ ცისკარი, ვეამბორეთ წმ. ნაწილთა, რაიცა წესად არს შემოღებული ყველა ათონის მონასტერში. მოვისმინეთ აღრე წირვა, შემდეგ მიგვიწვია წინამძღვარმა მ. არქიმანდრიტმა, რომელმაც მოუწოდა ათორმეტთა უფროსთა ძმათა სადარბაზოდ და სამუსაიფოთ ჩვენთანა, ვითარცა უცხო სტუმართათანა; მათ შორის მღვდელმონაზონი გერმანე აღმოჩნდა კარგად მცოდნე რუსულის ენისა, რადგანაც მოსკოვში უმსახურნია და იქ შეუსწავლია რუსული ენა და ამის შუამავლობით ვესაუბრე ამ წმ. მონასტრის ძმათა. ვიწყე მე მათთან დაახლოვებით შემდეგი საუბარი:

— ვმადლობ მე უფალსა იესო ქრისტესა, ღმერთსა ჩვენსა, რომელმან ღირსმყო მე. ეამსა მოხუცებისა ჩემიასა, მოლოცვად ცხოველს-მყოფელისა მისის საფლავისა და სხვათა წმ. ადგილთა პალესტინისათა. აწ მისივე მადლითა მოვალწიე წმ. ათონის მთასა მოსალოცავად წმ. სავანეთა. მოვილოცე მე რუსთა მონასტერნი, სკიტნი და კელიანი, რაოდენნიმე ბერძენთა მონასტერნი და შემდეგ—დიდებული წარსულ ისტორიულის მნიშვნელობით, სახელოვანი მართლ-მადიდებელს ქვეყანაზედ ივერიის მონასტერიც. გარნა სულიერის სიხარულის და ნუგეშის მაგიერ, მისის მოხილვით მივიღე სულიერი მწუხარება. მკითხავთ თქვენ, რად? მოგახსენებთ, ვითარცა საღმრთოსა კრებასა მე უცხო, საქართველოდგან, რ ათასის ვერსის მანძილზედ მოსული. ვთხოვე ძმათა ივერიის მონასტრისათა ეჩვენებინათ ჩემთვის საეკლესიო საუბჯე, შე-

კრებილი ივერიის მონასტერში ქართველთა მარადის მოსახსენებელთა ღირსთა მამათაგან, თქვენ კარგად მოგესენებათ ისტორიიდან, ქრისტეს მიერ საყვარელნო ძმანო, რომ ივერიის მონასტერი დაფუძნებულია და დამყარებული ქართველთა მეფეთა და მთავართაგან, მორწყული და გაპოხიერებული, ვითარცა ვენახი ქრისტესი, ცრემლთა ნაკადულითა, სისხლის ოფლითა და მოღვაწეობითა ქართველთა წმ. მამათა: თორნიკე, იოანე, ეთიმე, გიორგი, გაბრიელისა და სხვათა მამათა, რომელთა სახელები დაწერილ არიან წიგნსა ცხოველთასა. შემდეგ თვით ყოვლად წმიდა ღვთისმშობელმა ინება მინიჭება თვისის წმ. ხატისა ამ სავანისათვის, ნიშნად მისის მოწყალებისა და მფარველობისა ამ ქართველთა—ივერიელთა სავანეზედა, ვითარცა თვით ივერია—საქართველო ითვლება მისს საღმრთო ნაწილად. ვთხოვე ძმათა ივერიის მონასტრისათა ეჭვენებინათ ჩემთვის შესანიშნავი ძველი დაბადება, სახარება და სხვა ქართული და ბერძნული წიგნები. პირველ მისვლაზედ სრულიად უბრალო წიგნები მიჩვენეს; მე ამით არ დაკმაყოფილდი და კვალადცა ვთხოვე შესანიშნავის წიგნების ჩვენება. მათ უარპყვეს ეს ჩემი თხოვა იმ მიზეზით, ვითომც კარეაში წასულიყო მცველი წიგნებისა და თან წაეღოს ვასაღებიც შკაფისა, მაგრამ ეს ცხადი სიცრუე იყო. დამინიშნეს მეორე დრო, მომავალი კვირა დღე. დანიშნულს დროზედ ჩაველ დილით აღრე ცისკარზედ ივერიის მონასტერში; წირვის შემდეგ შემიყვანეს წიგნთსაცავში, გააღეს შკაფი, და არა რაიმე შესანიშნავი წიგნები არ მაჩვენეს, გარდა ტყავზედ დაწერილის, სახარებისა რომელშიაც ამოჭრილი აღმოჩნდა სურათები და მრთელი ფურცლები, და ერთიც ქართული დაბადება მაჩვენეს, რომელსაც თავიდანვე აკლია 12 თავი, შუაშიც და ბოლოშიაც მრავალი თავი აკლია. შემდეგ ვთხოვე ქრისტეს სარწმუნოებისა და მე-

ცნიერების სახელით, ჩემის მოხუცებულობის პატივსაცემელად, ეჩვენებინათ უძველესი ნივთები, რომელნიც ზემო სართულში აქვთ დაცული. მათ მიპასუხეს: არაფერი იქ ქართული არ მოიპოვება. მე ვკითხე: მაშ რა უყავით წმ. ევთიმის დაბადება? მათ მიპასუხეს: ერთი ნაწილი ქართულის წიგნებისა დაიწვა, მეორე ამოჭრით დაიკარგაო და მესამე ნაწილიც „ექესის ჯგორის საპალნე წიგნები მოიპარესო“. აი ასეთი მცველნი ჰყავს ივერიის მონასტერს. ოსმალონი უფრო კეთილშობილად მოიქცოდნენ ამ გვარს საქმეში, ვიდრე ივერიის მონასტრის ბერძენთა ძმანი მოიქცნენ. მომიტევეთ, ღირსნო მამანო, ესრეთი ფიცხელი საუბარი. მე უცხო ვინმე სტუმარი მოვსულვარ და აღვიარებ თქვენს წინაშე ჩემის გულის მწუხარებასა, „შური სახლისა ღვთისა,“ ივერიის ეკლესიისა, „შემქამს მე“ (ფსალ. 68, 10). და გულის მწუხარებით ვიტყვი ამას, **დაჰეთჳ ნამეტნაჳსაგან გულისა ზარა იტყჳან.** (მათ. 12, 34) თქვენ რომ ჩემს ადგილზედ იყვნეთ ეხლა, ცხადია, არც თქვენ მოითმენდით მონასტრის სიძველეთა გაოხრებას; თქვენ კარგად უწყით საღმრთო წერილიდან, რომ განრისხება საღმრთო საქმეზედ საღმრთო მოვალეობა არს ყოვლისა კეთილმორწმუნისათვის. ამ გვარს შემთხვევაში კაცი არ შეიძლება გულგრილად დაშთეს. ანუ, სიტყვისამებრ იოანნე მახარებელისა „არცა გრილი იყოს და არცა ტფილი“. (გამოცხ. იოან. 3, 15). წმ. მღვდელმთავარმა ნიკოლოზმა, რომელსაც ეკლესია უწოდებს კანონად სარწმუნოებისა და ხატად სიმშვიდისა, ვერ მოითმინა, როდესაც ესმა მწვალებელის არიოზისაგან გამობა ქრისტეზედ, და განრისხებულმას ყვრიმალსა სცა მას. თვით უფალმა იესო ქრისტემ, როდესაც იერუსალიმის ტაძარში იხილა საშინელი უწესობა, დამარღვეველი ღვთის-მსახურებისა, აღევზნო საღმრთო ცეცხლითა და შოლტით გამოდევნა ღვთისა ტაძრიდან გამსყიდველნი და მსყიდველნიც ძროხათა, ცხოვართა

და ტაბლები იგი მეკერმეთა მათ (ფულეების დამხურდავე-  
ბელთა) დაამხვა, და დასასხდომლები იგი ტრედის მო-  
ფარდულთა (გამსყიდველთა) დააქცია. (მათ. 21, 12.) ანუ  
მეორე მაგალითი წმ. სახარებიდანვე: „მოჰკვირდეს იე-  
სოსა ყრმებსა, რათა ხელი დასდვას მათ და აკურთხოს;  
ხოლო მოწაფენი აყენებდეს მათ. ვითარცა იხილა იესო,  
შეჰრისხნა მათ. (მარკოზ. 10; 13, 14.)

მაშასადამე არის დრო, ჟამი და შემთხვევა, როდესაც  
პრისხანება იქმნება მართალი და სათნო, მაგალითებრ: რო-  
დესაც ვხედავთ და გვესმის, რომ გმობენ სახელსა ღვთისა-  
სა, შეურაცხოფენ ეკლესიასა და მის წმ. საიღუმლოთა,  
განკიცხავენ კეთილმსახურებასა, და მასთანავე შეძრწუნდე-  
ბიან სულითა. ეგრეთვე უკეთუ განრისხდებიან, როდესაც  
შეხვდებიან შემადრწუნებელთა შემთხვევათა, სადაც უმან-  
კოება მოყვასისა შეუბრალებლად იღვენების, კეთილი,  
პატიოსანი სახელი შეურაცხ-იქმნების, საცხოვრებელი და  
ქონება წარეტაცებათ. ყოველს ამ გვარს და ამის მსგავს  
შემთხვევაში განრისხება იქმნება მართალ და სათნო.

ქვანიცა ჰღადადებენ, რომ ივერიის მონასტერი ქარ-  
თველთა ერის სამკვიდრებელია; თქვენ საღმრთო კრებას  
მოვმართავ, თქვენ დასდევით მართალი სამართალი ამ სა-  
ქმეში, თვით უფალი გვიბრძანებს სახარებაში: „უკეთუ შე-  
გცოდოს შენ მამან შენმან, მიჰყვ და აჩილე მას, რაჟამს შენ და  
„იგი ხოლო იჰყნეთ მარტოა“. მე ეს შევასრულე, ვინაიდგან  
პირდაპირ ვამხილე მათ: ხოლო უკეთუ არა ისმინოს, მიჰყვ-  
ნე შენთან ერთა ანუ ორი სხვა, რათა ზარათა ორისა და სმი-  
სა მოწმისათა დაემტკიცოს ყოველი სიკვება.“ (მათ. 18, 15—16).  
ესლა თქვენ მოგმართავთ, სახარების მცნებისამებრ, ვი-  
თარცა საღმრთო კრებასა, წარმოსთქვათ თქვენი მსჯაე-  
რი. „ნუ სჯით თვალდებით, არამედ სამართალი სსჯელი ჰსა-  
ჯეთ.“ (იოან. 7, 24). მოსე წინასწარმეტყველი იტყვის:  
„არცა თუ აღხანეთ გლახასა, არცა დაგიკვირდეს ზარი ძლა-

ეწას, სამართლით საკო მოკვასი შენა (ლევიტ. 19, 15).  
„იუ განსდრეკო სასჯელსა შწინისასა.“ (მეორე სჯულ. 24, 17)  
თქვენნი ვალია პირადად ამხილოთ კრებული ივერიის მო-  
ნასტრისა, ვითარცა თქვენნი ძმანი, სახარებისაებრ.

ამის მოსმენის შემდეგ მხცოვანმა მ. არქიმანდრიტმა  
წარმოსთქვა: „თქვენ ამ საქმეში მართალი ხართ“. მთელ-  
მა კრებამ აღიარა ესევე; მაგრამ დაუმატეს მათ: ჩვენ ვერ  
შევეჩებით ივერიის მონასტრის შინაგან საქმეთ. მაინც  
დარწმუნებული ვარ, რომ ამ ჩემს საუბარს სიტყვა სიტ-  
ყვით გარდასცემდნენ ივერიის მონასტრის კრებულსა იმა-  
ვე დღესა.

ყავით შექცევის შემდეგ, შემიყვანეს, ვატოპედის მო-  
ნასტრის ძმათა წიგნთ-საცავში, რომელიც სამაგალითოდ  
აქვთ მოწყობილი. სამნი ძმანი იყვნენ მაჩვენებელნი წიგნთ-  
საცავისა. მოვითხოვე კატალოგი, რომელიც მაშინვე მო-  
მიტანეს, ყოველს ენაზედ, ყოველს განყოფილებას წიგ-  
ნებისას თავისი სია აქვს. კატალოგშივეა გამოცხადებუ-  
ლი, რომელი ხელნაწერი რომელს საუკუნეს ეკუთვნის  
ან რომელს ავტორსა და რა შინაარსისაა.

მაჩვენეს ძვირფასი სახარება ბერძნულს ენაზედ, ოქ-  
როთი დაწერილი თვით იოანნე ოქროპირისაგან; ამ სა-  
ხარებაში ტექსტის გარეშემო დაწერილია განმარტება  
თვითოვეულის თავისა. შევამოწმეთ რაოდენიმე ადგილი  
სახარებისა და ღვთისმშობელის დაუჯდომელისა ქარ-  
თულს, ბერძნულსა და სლავურს ენებზედ, რომელნიც  
განსხვავდებიან ერთმანერთისაგან. სრული სამი საათი გა-  
ვატარე ამ წიგნთ-საცავში ღიღის კმაყოფილებით. მოხუ-  
ცებულმა იღუმენმა კარგად იცოდა საეკლესიო ღვთის-  
მსახურების წიგნები: ჩქარა პოულობდა ბერძნულს ენა-  
ზედ იმ ადგილებსა, რომელსაც ზეპირად ვეუბნებოდით,  
რადგანაც ხელში არა მქონდა არცა სლავური და არც  
ქართული წიგნები. დამატებო სულიერად ამათმა ძმობ-

რივმა ყურადღებამ და პატივისცემამ და მეცნიერებისა მიმართ თანაგრძნობამ. ყოვლისა ამისათვის გრძნობილი მადლობა მოვახსენე. მერე მიმიწვიეს სადილად; სადილს შემდეგ მთხოვეს ღამის გათევა მათ სავანეში. მადლობა განუცხადე გულითადის მმობრივის შემწყნარებისათვის და გარდავეცი სახსოვრად ერთი ხატი საქართველოს ეკლესიის წმიდათა, რომელიც მიიღეს დიდის სულღიერის სიხარულით, და დასასრულ ვსთხოვე მონასტრის ნავით გამგზავრება ჩვენი, რადგანაც ზღვა დამშვიდებული იყო; სიამოვნებით დამითმეს ნავი ოთხის მენავეთი და ორის საათის განმავლობაში მივედით ვესილმენის ბერძენთა მონასტერში, სადაც ჯორებით ხუთს საათზედ უადრეს ვერ მივიღოდით აღმართ-დაღმართ გზების გამო.

ვესილმენის სავანეში გავატარეთ ღამე. ეს მონასტერი სხვასთან შედარებით ღარიბთაგანია, მაგრამ მაინც სჯობია ქართველთა უდაბნოთ. პირველად ვნახე ათონის მთაზედ, ამ მონასტრის გარეთ, რომ ერთმა მორჩილმა მოწყალემა მოითხოვა.

### ხილანდარის მონასტერი.

**მ**ეორე დღით წარვემართენით აქედან ხილანდარის მონასტერს, სადაც მივალწიეთ სადილობისას და აქვე ვისადილეთ. ფრიად კეთილად განწყობილი მონასტერია იგი, მშვენიერი ეკლესია და სახლებიც ჩინებული, ორ-სამ სართულიანი აქვს. აქა ჰმოღვაწეობენ ბოლგართა ძმანი, გარნა ეს მონასტერი დაფუძნებით ეკუთვნის სერბიელთა; ამათაც ის დღე დასდგომიათ, რაც ქართველთ.

ვახშამზედ არხიდრომმან, სტუმართ შემწყნარებელმა უფროსმა, რომელსაც ვაუწყეთ ჩვენი ეროვნება, დაივიწ-



ყა წესი სტუმართ-მოყვარეობისა და დაიწყო შემდეგი საუბარი ივერიის მონასტერზედ: „თუმცა ივერიის მონასტერი ქართველებს აღუშენებიათ, მაგრამ შემდეგ დაუდევნელობით თავი დაუნებებიათ და ეხლა ვერღა დაიბრუნებენო“. ამაზედ ვუბასუხე მე, აღგზებულმა სამშობლოს სიყვარულის ცეცხლითა: ჩვენის ერის სამკვიდრებელი—ივერიის მონასტერი ისევ დაქცეულიყო ყოვლად შემმუსრველის დროების ხელითა, იმას უფროს შევურიგდებოდით, ვიდრე ამ უსამართლო გარემოებას, რომ წმ. სავანე ჩვენთა წმ. მამათა სისხლის ოფლით დამკვიდრებული, შემდეგ უბედურ ისტორიულთა გარემოებათა გამო ძალმომრეობით და სრულიად უსამართლოდ წარუტაცნიათ ბერძენთა მონაზონთა და იგინი სარგებლობენ იმ მამულებითა, რომელნიც საქართველოს მეფეთა და მთავართა შეუწირავთ ქართველთა ძმათა სასარგებლოდ. სხვისა უბედურებაზედ დაფუძნებული ბედნიერება მკვიდრი არ იქმნება. ღვთის წყალობა გაქვსთ, მკითხველნო მამულის შეიღწო, რომ ამ გვარის მკაცრის პასუხის შემდეგ არხიდრომმა იკადრა დადუმება. ხოლო მეორე დღეს დილით, ცხენებზედ რომ ვსხდებოდით, შენდობა მოითხოვა ჩემს წინაშე, წუხელ თუ რაიმე გაწყენინე, მომიტევეო. შემდეგ აღმოჩნდა, რომ თურმე ეშინიანთ ბოლგარელთა ძმათა, რომელნიც ხილანდარის მონასტერში მოღვაწეობენ, რომ სერბიელთ არ დაიბრუნონ ეს თვისი ძველადგანი სამკვიდრებელი; და ამისათვის ეხლა ეფიქრებათ, რომ უკეთუ ქართველთა ძმათა დაუბრუნდათ ივერიის დიდებული მონასტერი, მაშინ სერბიელნიც ისარგებლებენ ამ მაგალითითა და მოითხოვენ ბოლგართაგან დაბრუნებას სერბიელთა მიმართ ხილანდარის მონასტრისას, ვითარცა თვისის ეროვნულის სამკვიდრებელისას.

ამავე მონასტერშია სამარე სერბიელთა კეთილმორწმუნის მეფის სვიმეონისა; აქედან მისი გვამი გარდაუსვენ-

ნებია მის შვილს, სერბიის მთავარებისკობოზს წმ. საბასა. ამ საფლავზედ არის ამოსული დიდი ვაზი.

10 ივნისიდან 1900 წელსა ქართველნი ძმანი ათონიდან იწერებიან ხილანდარის მონასტრის შესახებ შემდეგსა:

„მის მაღალ-კურთხევას,

დიდ-ბუნებოვან მრავალ-მოღვაწეს დეკანოზს მ. პეტრე კონკოშილს!

მწირნი ხორციითა შორს, გარნა ახლოს სულითა, ვითარცა უძვირფასესისა და მარადის დაუვიწყებელის სამაგალითოსა ძმისა და მამისა, საღმრთო სიყვარულით და სურვილით ურთიერთ მარჯვენისა ამბორებას მოგახსენებთ ყოველნი ძმანი, წმ. ათონის ქართველთ სავანესა შინა დამკვიდრებულნი, და გვსურს მარადის თქვენი ბედნიერად წარმატება ყოველსა ღვთის-მსახურებასა შინა და სათნოებათა საღმრთოთა.

მამაო დეკანოზო! ახალ ამბავს და თავ-საკიდურ მასალას, შესაღარებლად ჩვენის ივერიის ქართველთ მონასტრის აწინდელის მღვდლმარეობისას, მოგახსენებთ შემდეგომს: ათონზედ არის სერბიის მეფეთაგან აღშენებული ხილანდარის მონასტერი თავის კუთვნილებით; და აქვს გუჯრები ბიზანტიის იმპერატორთაგან დამტკიცებული და შემდგომითი შემდგომად ბეჭედ დასმული. ჟამთა ვითარებისა გამო XIV საუკუნეში, შემცირების მიზეზით სერბიის ილუმენთა და ძმათა—მონასტერი ესე დაუპყრიათ ყოველის უფლებით ბოლდარის ბერთა ვითარცა საკუთრება. სერბიელთა ბოლოს ქონებით სურვილი, რათა უფლების აღდგინებით მიეღოსთ თვისი საკუთარი ხილანდარის მონასტერი მათ; გარნა ბოლდარის ბერებს აღარ შეუშვიათ იგინი, აგულიანებისა გამო პროტატისა და მათის მხრის დაჭერისა.

1897 წ. მობრძანებულა სერბიის მეფე ალექსანდრე

ათონს ხილანდარის მონასტერში მინისტრებით, მიტროპოლიტით, არხიმანდრიტებით და კრებულებით; ვნების კვირის დიდ ხუთშაბათსა მონასტრის მმართველს მიუღია დიდის პატივით; მეფეს მიუღია წმიდა საიდუმლო ქრისტესი. პროტატი წამდგარა და მიულოცავს მეფისათვის პასეჟის დღესასწაული და მიმოხილვა წმიდა ათონის მონასტრისა. ამ დღესასწაულებზე მეფემ დაჰყო რაოდენიმე დღენი და ბრძანა, რათა უჩვენონ მას ყოველნი სახსოვარნი მონასტრისანი დაწვლილებით. მაშინ უჩვენეს მას წინაპართა მისთა და მეფის სტეფანესაგან დანერგულნი უზარმაზარნი კვიპაროზისა და ზეთის ხილთა ხენი და სხ. ეგრეთვე ბიბლიოთეკა და ყოველნი ძვირფასნი ნივთნი, შეწირულნი წინაპართა მათთაგან, რომელიც დიდად ესამოვნა.

უკანასკნელ გამოითხოვა სერბიის მეფემ მონასტრის მმართველისაგან გუჯარი მონასტრის კტიტორისა, დამტკიცებული ბიზანტიის იმპერატორთაგან. თუმცა დეცათ შიშის ზარი ბოლღარის ბერებს მეფის მოთხოვნილობაზე, მაგრამ რადგან ძალა აღმართს ხნავდა, სრულებით უღონო იქმნეს. დაუყოვნებლივ მოართვეს მეფეს გუჯარი ხილანდარის მონასტრის დამფუძნებელთა; დახედა რა თავზე საბუთს, ბრძანა: შემდგომ წავიკითხავ მოსვენებით; და ეს საბუთი თავის საკუთარი მუნდირის საცაეში შთაიღვა;—მერმე წაბრძანდა მოსასვენებლად. მეორე დღეს უბრძანა მეფემ მონასტრის იღუმენს, დაშადება საჯდომის ცხენებისა ლიმენამდი, რომელსაც იახლნენ ყოველნი. მეფე ჩაბრძანდა თავის ცეცხლის გემში მხლებლებით და გუჯარიც თან გაიყოლა სერბიაში.

ერთის წლის შემდეგ სერბიის მეფემ წარმოგზავნა ეპისკოპოსი, იღუმენნი და მონაზონნი და უბრძანა, რათა მივიდნენ თავის საკუთარ მონასტერში და მართონ ჩვეულებისაებრ. გარნა მეორედაც, ათონის მონასტერთ

პორტატის შთაგონებით—ბოლღარის ბერებმა არ მიიღეს სრულებით სერბიის მეფისაგან წარმოგზავნილნი. რაოდენისამე ხნის შემდგომ დაბრუნდენ სერბელნი—არქიერი თავისი კრებულით,—და ყოველივე მათი შეურაცხება მოახსენეს სერბთა მეფეს.

1900 წელსა, შემდეგ პასეკისა, სერბის მეფემ მეორედ გამოგზავნა ეპისკოპოსი, არხიმანდრიტი. მღვდელმონაზონნი,—და რაოდენნიმე მეფის მინისტრნი და შევიდენ თავიანთ საკუთარს მონასტერში მეფის ბრძანებით. ამაზედ ბოლღართ ბერებმა მოახსენეს თავიანთ ექსარხოსს, ხოლო მან ბოლღარის კონსული გამოგზავნა, ხილანდარის მონასტერში საქმეთა ცნობაში მოსაყვანად სერბიის და ბოლღარიის ბერებთ დავისა, და რადგანაც ბოლღარიის კონსულმა, იხილა რა სერბიის მეფის მინისტრი, და ეპისკოპოსი არხიმანდრიტით და კრებულით სცნო გარემოება; და რაკი შეატყო, რომ ველარაფერს არგებდა ბოლღართ ბერებს, მდუმრიად ჩაფიქრებული უკუნ იქცა თესალონიკეში. სერბიის მინისტრმა და ეპისკოპოსმა არხიმანდრიტებითურთ მოიწოდეს პროტატი (სინოდი) და მივიდენ რა (უარი ვერ გაბედეს), თანახმა შეიქმნენ ხილანდარის მონასტრის აღდგენაზე, და შთააბარეს მათ ყოველივე კუთვნილება ძველის უფლებით სერბიელთა, რომელთა წინამძღვრად სერბიის არხიმანდრიტი დაადგინეს იმ პირობით, რომ არა განახსნან ბოლღართ ბერები, არამედ რომელთაც ენებოსთ, იცხოვრონ მონასტერში, მხოლოდ მარადის სერბიის წინამძღვრის მორჩილებისა ქვეშე.

ამით გათავდა ამ წელს, სახარულევანი დღესასწაულობა „იუპიტერის აღმობრწყინებებით“ სერბიელთ ხილანდარის მონასტრისა, და პირველი სამაგალითო საქმე ათონის მოუდრეკელთ პორტატის უკანადახრისა!

მამაო წმიდაო! აჰა მაგალითი ღა მასალა შედარებით

ჩვენის ივერიის ქართველთ მონასტრისა. თქვენის შრომით, შთაგონებით და ღვაწლით—მრავალნი განათლებულნი პირნი, სახსოვრად ნეტარხსენებულთა მამა-პაპათა მათთა, ღვთის სიყვარულით მხურვალედ განმსჭვალულთა, სახელთა მათთა არ დაამდაბლებენ და მიაქცევენ ამაზედ ყურადღებას.

ივერიის მონასტრის ბერძენთა ბერები ამ მაგალითით ძალიან ჩაფიქრდნენ, თუმცა უწინაც იზიშვოდნენ, ხოლო აწ ხილანდარის მონასტრის სერბიელთ ბერების შთაბარების გამო ნამეტნავად ფიქრობენ და საიდუმლოდ დასაკვიან: „თუ სულ ქართველთ საზოგადოება აღიძრა საჩივრით ჩვენზე, კითხვა აღარ უნდა, ქართველები აღადგენენ უფლებას ამ ივერიის მონასტერზედამ“.

თქვენის ლოცვის მსასოებელი ათონის ქართველთ სავანის კრებული. მმართველი სავანისა მღვდელმონაზონი იონა ქრისტეს მიერ მშებიუროთ“.

ეს ზემოხსენებული მაგალითი ჩვენთვის დიდად შესანიშნავია და ხელსამძღვანელო ივერიის მონასტრის დებურუნებისათვის ქართველთა ძმათათვის. უკეთუ ორმა ერთს სლაფურის ტომისამ ერთმანერთს პატივი არა სცეს და სერბიელთა არ დაუთმეს თვისი ეროვნული სამკვიდრებელი — სავანე — ბოლგარებსა, მით უმეტეს ჩვენ უფროს დიდი საფუძველი გვაქვს, გამოვსთხოვოთ უცხო ტომის ერსა—ბერძენთა—ჩვენი ეროვნული, წმ. და ღმრთობული სამკვიდრებელი, რომლის კუთვნილებას ქართველის ერისადმი ქაზანსა ჰქვამდებენ; მით უმეტეს კიდევ, რომ რუსეთის იმპერიის კანონმდებლობით ვადა არ არის განსაზღვრული საეკლესიო მამულების სადავოდ.

ამ ხილანდარის მონასტერში სცხოვრებს კერძოდ ერთი რუსის არქიმანდრიტი მელქისედეკი, რომელიც ვნახე, და რაკი გამიცნო, რომ ქართველი ვარ, დამიწყო და

უბარი ივერიის მონასტრის შესახებ და ამ საქმის წარმართვისათვის რამდენიმე კეთილი რჩევა წარმოსთქვა.

### ათონის ზოგრაფის მონასტარი.



ვლისის 15, მწუხრად, მივედით ზოგრაფის მონასტერში. აქაც ბოლგარნი ძმანი მოღვაწეობენ, თუმცა ეს სავანე უწინარეს აღუშენებიათ სერბიელთა. ეს სავანე ფრიად კეთილად განწყობილია ყოვლის მხრით, როგორც ეკლესიებით, ეგრეთვე სახლებით, რომელშიაც სცხოვრებენ ძმანი. ამ მონასტერში მოიპოვება სამი შესანიშნავი საკვირველთ-მომქმედი ხატი წმ. მთავარ-მოწამისა. ძღვევა-შემოსილისა გიორგისა. ამ მონასტრის შუა-ეზოში არის აღმართული მარმარილოს ძეგლი იმ ადგილას, სადაც დაუწვავთ 26 ღირსნი მამანი აღსარებისათვის მართლმადიდებელის სარწმუნოებისა იმ დროსა, როდესაც 1204 წელსა მეოთხე ჯვაროსანთ ლაშქრობისას, ფრანგთა დაიპყრეს კონსტანტინეპოლი და დასვეს ამ ქალაქში თავის სარწმუნოების პატრიარქი; ხოლო ბერძენთა სამღვდლოება თავის პატრიარქით სრულიად გამოდევნეს აქედან, და რაოდენიმე მათგანნი დასტანჯეს; ამ დროსვე აწამეს ეს ზემოხსენებულნი ღირსნი მამანიც. ადგილი, რომელიც გაპოხიერებულია მასზედ დათხეულის წმ. მამათა სისხლითა, აწ შემკობილია მარმარილოს ძეგლითა და გარემოს დამშვენებულია ფერადის ტროპიკულის მცენარეებითა.


### ქართველთა სოფელი იერისო.



სთონის მთიდგან თესალონიკის მახლობლად ვასავალში არის ქართველთა სოფელი. უკანასკნელ ორ წლამდე აქაურ ეკლესიის ქვაზედ იყო წარწერა ქარ-

თულს ენახედ, რომ იგი აღშენებულია ქართველთ მეფისაგან და ეხლა მოუსპიათ ბერძენთა ეს წარწერაც; აქ დასახლებულნი ქართველნიც გადაგვარებულან, ქართული ენაც დავიწყებითა და ბერძენთაგანაც განირჩევიან ეროვნულის თვისებითა და შეხედულობითა. ამ სოფელს უწოდებენ: „იერისო“. ეს ცნობა გარდმომცეს ათონის ქართველთა საეანის ძმათა.

**დაბრუნება ქართველთა სავანედ, გამოკვთვიდება მართველთა ძმებთანა და ავალადცა მოგზავნება რუსთა პანთელეიმონის მონასტრად.**

 ელისის I<sup>წ</sup> დავბრუნდით ქართველთა ძმათა სავანეში. ამ დღეს მოსულიყო იერუსალიმით ნიკოლოზ ჩიკვაძე, რომელსაც პალესტინაში მოსწყენოდა, ათონზედ ამოვიდა და აპირებდა ქართველთა ძმათა სავანეში მოღვაწეობასა.

ორის თვის პალესტინაში და ათონზედ მიმოვლის შემდეგ 17-ს ევლისს გამოვეთხოვე საყვარელ ძმათ ქართველთა სავანისათა, რომელთაც, ვითარცა სიყვარულითა მიმიღეს, ეგრეთვე გამომაცილეს გულმოწოდებითა. ამ დღეს საღამოს რვა საათზედ ჩამოვედით რუსთა პანთელეიმონის მონასტერში, გამომაცილა იეროდიაკონმა გაბრიელ ქართველმა; იგი, ვითარცა მამსა შეაღო, ეგრე მესახურა მე, მოხუცებულსა წმ. ათონის სავანეთა მოხილვის და მოლოცვის დროსა (ფილიპ. 2, 23) და დასასრულ გამომაცილა ცეცხლის გემზედ ასვლამდის. ყოველისა ამ შრომისათვის მიაგოს მას ზეციერმა მამამ ასწილ სიყვარულისათვის სიყვარულითა, კეთილისათვის კეთილითა და სიმდაბლისათვის სულიერის სიმადლითა: ამ საღამოზედვე გამოვეთხოვე წინამძღვარს მ. არქიმანდრიტ

ანდრისა, მადლობა მოვახსენე გულ-კეთილ შეწყნარებო-  
სა და პატივისცემისათვის, რომელმაც, კურთხევად წმ.  
მონასტრისა, გარდმომცა წმ. პანტელეიმონის ხატი.

შეზავრობა სტამბოლიდაჲ მ. ოდესსამდის.

**მ**ეორე დღით, ადრე წირვის მოსმენის შემდეგ, გავე-  
შურე ცეცხლის გემზედ. ეს გემი იყო „ალექსანდრე  
II“, უფროსობდა დრაგომირ ჩერნოგორჩევიჩი, დიდად  
პატივსანი და კეთილშობილი კაცი და სამღვდლოთა  
ღრმად პატივისცემელი; სტამბოლში გამოვლით დავრ-  
ჩით ორს დღეს.

ეს ცეცხლის გემი წარმოვიდა ბოლგარია-მაკედონ-  
ნიის საზღვრის პირზედ. გამოვედით თუ არა კონსტან-  
ტინეპოლის ლიმანს, აღელდა ზღვა და მეორე დღის  
სადილობამდე აღარ დასცხრა. ამოვიარეთ ბოლგარიის  
ქალაქს ბურგოსს; აქედგან ამოვიდა გემზედ ივანე თეო-  
დოსის ძე გრეკოვი, ბოლგართაგანი, დრაგომანი რუსეთის  
საიმპერატორო სავიციე-კონსულოსი, რუსეთში აღზრდი-  
ლი, დიდად პატიოსანი ახალგაზრდა; იგი მიემგზავრებო-  
და სიმფეროპოლის გუბერნიაში მშობლების სანახავად.  
ამანაც გადმომცა, სხვათა შორის, რომ ბოლგარიაში,  
ფილიპოპოლის მახლობლად, მთაში არის მონასტერი,  
რომელსაც უწოდებენ ქართულ სავანედ და ეკკლესია  
წმ. ნინოს სახელზედაო და ქართული წიგნებიც არისო იქ.  
ამ მონასტერში ეხლა ჰმოღვაწეობენ ბოლგარნიო“. სად  
არს აწ ჩენი ძველი დიდება? კოგელსა ქვეყანასა განსჯა  
ხმა მისი...

ამოვიარეთ ვარნა, ბოლგართა ქალაქი, რომელსაც  
კარგი ბოლაზი აქვს. აქვე არის ქალაქს გარედ ახლად  
აშენებული საზაფხულო სასახლე იმათის მთავრისა. აწ



სტკებებიან ბოლგარნი თავისის ეკლესიურ და პოლიტიკურ დამოუკიდებლობისა და თავისუფლების ნაყოფით; ქება და ღიღება მათ მწყემს-მთაფართა, რომელთაც იწყეს ეს საქმე, არ შეუშინდნენ მრავალ მწუხარებათა და დევნულებასა, რომელნიც დაითმინეს სამშობლოს სიყვარულისათვის, და დასასრულ მაინც თავისის ეროვნების სასიკადად დააბოლოვეს ეს საქმე.

22 ივლისს შესრულდა ორი თვე ჩემის მგზავრობისა იმ დღიდან, როდესაც ოდესსიდან გამოვედი და წარვემართე იერუსალიმს; სწორედ ამ რიცხვივე, ორის თვის მოგზაურობის შემდეგ, მოვბრუნდი ოდესსაშივე. ოდესსაში დავიბანაკე ანდრიას სკიტის მეტოქიაში. როდენად დიდად კეთილ-მდგომარეობაშია ანდრიას, ათონის მთაზედ, სკიტი, მისს მეტოქიას ჰშვენის უკეთესი კეთილ-მოწყობილობა ოდესსაში. სხვა ათონის რუსთა მონასტრების მეტოქიებს ოდესსაში უკეთესი კეთილ-მდგომარეობა ეტყობა; ილიას სკიტს, რომელიც ეხლა აპირებს საკრებულო ტაძრის აღშენებას ათონზედ, ოდესსაში აქვს მშვენიერი ტაძარი, რომელიც დიდად დაამშვენებს ყოველს სატახტო ქალაქს. ესევე ითქმის ოდესსაშივე მყოფ პანტელეიმონის მონასტრის მეტოქიას შესახებ. სამ-სართულიანი სახლები აქვთ ორსავე ამ მეტოქიებს. ოდესსაში ფრიად ცხელოდა. გულით მოვისურვე ნახვა ოდესსაში ღირსად პატივცემულის მამულიშვილის ვასილ პეტრიაშვილისა. ერთ გზის მისს სადგურში ვიკითხე, ორჯელაღ უნივერსიტეტსა და ლაბორატორიაში, შემდეგ მითხრეს აგარაკად წასვლა მისი; წაველ რკინის გზით და ბევრი ვეძიე და, სამწუხაროდ ჩემდა, ვერსად ვიხილე. ესევე დამემართა 1885 წელსა აგვისტოს თვეში. ვნახე ოდესსაში დიდად მშვენიერი შენობანი ფოსტა-ტელეგრაფისა და დახურული ბაზარი; ქალაქისაგან გამართული, სადაც ყოველი სანოვაგე მასალა ისყიდება. ამ დუქნებში ვაჭრობენ, ვითარცა მამრნი,

ეგრეთვე მდედრნიცა, ეროვნებისა და სარწმუნოების განურჩევლად: რუსი, ურია, ნემეცი, ბერძენი და სხვანი.

### ბანზრძობა მგზავრობისა ოდესსიღამ სუხუამადის.



ვლისის 27 წამოვედით ოდესსიღამ შუადღის პირველს საათზედა, ჩამოვიარეთ ევპატორია, სევასტოპოლი და ერთს საღამოს ჩაიზედ ვიწყეთ საუბარი; ჩემთან თანამოგზაურობდა ცეცხლის გემზედ ვლადიმირ ივანეს ძე ზაიოჩევსკი, დირექტორი კიევის ბრმათა სასწავლებლისა, ყოფილი პროფესორად კიევის უნივერსიტეტისა. მკითხეს ჩემის მოგზაურობის ამბავი და მეც, გულდამწვარი ათონის ივერიის მონასტრის ბერძენთაგან, მოუუთხოობდი მსმენელთა, რომ მე მსურდა ათონზედ მენახა ქართული ძველი დაბადება, რომლისა ღირსი ვერ გავხდი. მაშინ გვითხრა ერთმა ჩვენმა თანამეინახეთაგანმა: თქვენ მ. კ—ი ხომ არა ხართ? მე განცვიფრებული შევხედე და მოვახსენე; სწორედ ის გახლავარ, საიდგან უწყით ჩემი ვინაობა? მან მიპასუხა: მე ყურადღებას ვაქცევ ქართულს ლიტერატურას და მომისმენია ისტორია თქვენ მიერ შესწორებულის დაბადებისა. აღმოჩნდა, რომ ეს იყო ბ-ნი ოლივერ ვარდროპი, ინგლისელი, თვისის დით ქ-ნ მარჯორი ვარდროპით. ესენი მოდიოდნენ ქ. ქერჩს, სადაც პირველი ასრულებს ინგლისის ელჩის თანამდებობას.

ბ-ნმა ვარდროპმა, რომელიც ჩვენთან ერთს ცეცხლის გემზედ მოგზაურობდა ოდესსიღამ კერჩამდის, საუბრის ბოლოს მითხრა, რომ ბრიტანიის ბიბლიის საზოგადოება დაჰბეჭდავს ათონის ქართულს დაბადებას თავისის საფასით, ვითარცა შესანიშნავს არქეოლოგიის მხრივ, თუმცა იგი არ არის სრული ბერძენების დაუდევნელობითაო. ამისათვის ჩვენნი ქართველთა სასულიერო წოდების წარმო-

მადგენელნი მოვალენი არიან ეცადნენ აღძრან შუამდგომლობა წინაშე მთავრობისა ათონიდგან ქართულის დაბადების მოტანისათვის; ამასთანავე სთხოვონ ბრიტანიის საბიბლიო საზოგადოებას, დაჰბეჭდოს ქართული დაბადება იმ ასო-მთავრულით, რომლითაც იგი არის დაწერილი. ეს მაინც არ დაიკარგოს, ვიდრემდის უძველესი ამისა ვარიანტი დაბადებისა აღმოჩნდებოდეს, თორემ ნუ გაგიკვირდებათ, რომ ამ დაბადებასაც ის დღე დაადგეს, რაც დღე დაადგა ექესის ჯორის საპალნეს ქართულთა წიგნთა, ვითომ მოპარულთა, ნამდვილად-ეი ქურდულად გაყიდულთა.

მადლობა მოვასხენე ასეთის ყურადღებისათვის ქართულ მწიგნობრობის მიმართ, არა მხოლოდ საერო, არამედ სასულიეროსიც. მკითხა ამბავი ქართულის დაბადებისა და მეც ვუთხარი გარემოება ამ საქმისა. უცხო ქვეყნის შვილნი სიამოვნებით ყურადღებას აქცევენ ჩვენს ლიტერატურას და ჩვენ, სამწუხაროდ, არა თუ გარეშე, არამედ ჩვენის საკუთარის ზოგად ჰირისა და ვარამისა არა ვუწყით-რა. დროა გამოვიღვიძოთ და განვიფრთხოთ ღრმა ძილი. ქერჩის კიდეზედ დავშორდით ამ დიდებულის სახელოვანის ერის ღირსეულთ შვილთა, ბ-ნთ ვარდროპთა. აქედგან განვაგრძეთ გზა და მოვედით ახალ ათონის მონასტერში. აქ აღუშენებიათ მშვენიერი ტაძარი და სახლები გარემოს მისსა მონაზონთათვის; აქეთ სკოლა აფხაზთა ყრმათათვის, სადაც სწავლობს 15 მოწაფე-რუსულს ენას ასწავლის ბ-ნი ნიკიფოროვი, ოდესმე სამხედრო პოლკოვნიკი და აწ ანაფორა მოსილი მონაზონი; ამ ნიკიფოროვს ტფილისის საზოგადოება კარგად იცნობს. ბოლოს დროს იგი ასრულებდა თანამდებობას მთების სკოლების ინსპექტორისას ქრისტეანობის აღმადგენელს საზოგადოების უწყებაში. აქ დავრჩი ორს დღეს. პირველ აგვისტოს, საღამოს 5 საათზედ, წამოვედი

ეტლით ჩემის თანამოგზაურის ოდესსიდგანვე შრმათა სას-  
წავლებლის დირექტორთანავე, იგი თვისის სახლობით  
პირველად ჰმოგზაურობდა კავკასიაში და აღტაცება-  
ში მოდიოდა აქაურის მდიდარის ბუნებით. სალამოს 8  
საათზედ მოვედით ქ. სუხუმში, რომელიც ჰშორავს ახალ  
ათონის მონასტერს 24 ვერსით. აქ ენახე ძველი მეგობა-  
რი, მრავალ პატივცემული მ. დეკანოზი დავით მაჭავა-  
რიანი, რომელთანაც ვისაუბრეთ ზოგად ჭირ-ვარამის შე-  
სახებ, ენახე აგრეთვე მ. ბენედიქტე, წინამძღვარი ათო-  
ნის ქართველთა სავანისა. გარდავეცი, რა მდგომარეობა-  
შია მისი სავანე, რადგანაც იგი უკვე ხუთი წელია დაჰშო-  
რებია მონასტერსა და იმყოფება სუხუმსა და ბათუმში.

#### ქ. სოხუმის ქართველთა აწინდელი მღვდლმარტოვა სარწმუნოებრივი და ზნეობრივი.

**ქ**უხუმშია ორი ათასამდე ქართველთა ტომის ერი,  
რომელთაც სამშობლო ენა ქართული აქვთ. მრავალთა  
შემომჩიველეს, რომ მოკლებულნი არიან ისეთს  
სულიერს ნუგეშსა და საზრდოს, როგორც არის მოსმენ-  
ნა სამშობლო ენაზედ წირვა ლოცვისა, რომელსაც და-  
მატკობელი, განმაცხოველებელი და მაცხოვარებითი  
ძალა აქვს მორწმუნე კაცის გულზედ.

ძალიან ადვილიც არის დაკმაყოფილება ამ საღმრთო  
მოთხოვნილებისა. აქაურს საკათედრო ტაძარში ჰმსახუ-  
რებენ რამდენიმე ქართველნი სამღვდელთა. ნუ თუ  
იმათ არ შეუძლიანთ გამოსთხოვონ ნებართვა მწყემსთა-  
ვარსა ქართულს ენაზედ წირვა-ლოცვისა? იერუსალიმის  
და სრულიად ბალესტინის ეკკლესიებში მიღებულია სა-  
ღმრთო წესად რამდენსამე ენაზედ წაკითხვა სახარებისა,  
როგორც დიდს დღესასწაულებში, ეგრეთვე ყოველ დღი-

ურს წირვაზედაც კი როდესაც ჰხედავენ სხვა და სხვა ეროვნების მლოცველთა. მთელს საქრისტიანოში მიღებულია ეკკლესიურის კანონით ბრწყინვალე აღდგომის დღეს სხვა-და-სხვა ენაზედ წაკითხვა სახარებისა, და ყოვლად მიუცილებელად—სამშობლო ენაზედ. და აი უბედურება! ამ ნუჯეშა და ღვთიურს სიხარულს მოკლებულ არიან აქაურნი ქართველნი. ამაზედ მომეტებული უბედურება სულიერი განაღა იქმნება, რომ კაცმა ქრისტეს აღდგომის დღეს ვერ გაიგონოს სამშობლო ენაზედ: „ქრისტე აღსდგა მკვდრეთით“, მაშინ როდესაც სულიერნი მწყემსნი თვისის ეროვნებისა თვალ წინ უდგანან.

თვითოვეულს სულიერს მწყემსს უნდა მტკიცედ გვახსოვდეს, რომ ჩვენ მოგველის პასუხის გება სიკვდილის შემდეგ, როდესაც წარვსდგებით წინაშე ქრისტე მეუფისა და მოვასხენებთ: „აჰა, უფალო, მე და ცხოვარნი ჩემნი, რომელნი მომცენ მე, ვმწყსიდი მათ და არცა ერთი მათგანი არ წარვწყმიდე“. ნეტარ იქმნება ის მწყემსი, რომელსა ექმნება კადნიერება ამის წარმოთქმისა. ქრისტე მაცხოვრის მცნებისაებრ, ცხოვართა უნდა ესმოდეთ ხმა მწყემსისა და ვილოდენ შემდგომად მისა, და მწყემსთა უნდა უწყოდენ სახელები ცხოვართა თვისთა და მოუწოდებდნენ. როდესაც სამწყსოს არ ესმის ხმა მწყემსისა ეკკლესიაში, ანუ გარეშე მისა, მაშინ მათ შორის არ არსებობს არა ვითარი კავშირი სარწმუნოებრივი და ზნეობრივი. მწყემსმან კეთილმან დასდვის თავი თვისი ცხოვართათვის. აი ნამდვილის მწყემსის იდეალი, ვითარცა გამოიხატების იგი სახარებაში: „ხოლო უფროსა ამისა საყვარულა ზნავის აქვს, რათა სულა თვისა დასდვას მკვდართა თვისთათვის“ (იოან. 15, 13). რომელთა ასხენ ყურნი სმენად, ისმინენ!

4 აგვისტოს, ოთხშაბათს, დილის 8 საათზედ, წარ-

მოვემართენით სუხუმიდგან ჩემის ცნობილის თანამგზავრებით. ვიდრემდის ჩავსდებოდით ცეცხლის გემში, ზღვა უკვე ჰღელავდა, შუადღისას უფრო ძალიან იმატა ფრთონამ, მოგზაურთა მომეტებული ნაწილი პირქვე დაეცა. ვერც მე გადაურჩი ზღვის სნეულებას; ფოთში ვერ შევიდა გემი და ღამის 10 საათზედ მივალწიეთ ბათუმს. იქამდის საგრძნობელი იყო ღელვა, რომ მეორე დღესაც არ შემეძლო სიარული და თავ-ბრუ მეხვეოდა.

ვლადიკავკაზის ქართველთა საზოგადოების სასიქადულოდ უნდა აღვიარო, რომ მათ უმჯობესად და თითქმის სამაგალითოდ მოაწყეს თვისი საქმეები შესახებ ღვთისმსახურების შესრულებისა მშობლიურს ენაზედ. თავგანწირულებით ეცადნენ და აღაშენეს თავისათვის საკუთარი ეკლესია, მიიწვიეს საკუთარი მოძღვარი, რომელსაც საღმრთო მოვალეობად დაუდგინეს ქართულს ენაზედ ყოველის მღვდელმოქმედების შესრულება. დაარსეს ეკლესიასთანვე საკუთარი სასწავლებელი და აწ სტუბებთან ნაყოფიან ნაშრომთა ოფისთას. თუმცა აქაური ქართველი საზოგადოება შედარებით უფრო მცირეა რიცხვით ბათუმელ და სუხუმელ ქართველთაზედა, მაგრამ ვლადიკავკაზის ქართველობამ აღმოიჩინა ისრეთი სულიერი ძალა და სიმტკიცე, რომ არ შეეშინდა საქმის სიძნელეთა და დაბრკოლებათა; თვისს პირადს სიამოვნებას და განცხრომას მოაკლეს, ვითარცა შემსჭვალულთა ეროვნულის სიყვარულითა, და თავის წმიდა წადილის შესასრულებელად გაიწერეს შეძლებისაებრ ყოველ წლიური ხარკი. თუმცაღა, კვალადცა ვიტყვი, აქაური ქართველი საზოგადოება, როგორც რიცხვით, ვგრეთვე ნივთიერის შეძლებით გაცილებით დაბლა სდგას ბათუმის და იქმნება სუხუმის ქართველებზედაც.



საუზმველნი, ძალი და მნიშვნელოვან აზრობლიურსს.  
ენაზედ უმსრულეზისა და მოსმენისა ღვთისმსახუ-  
რებისა და სახარების ქადაგებისა.



აბილონის გოდოლის დარღვევის დროს, გვასწავებს წმ. ეკკლესია, ვითარცა განმმარტებელი და გამომათარგმანებელი ბრძანებათა და სიტყვათა ღვთისათა, „რადჟამს იგა განდაშოხდა და ენანი შეურაჯან, მაშინდაჟანს მაღალმან ნათესაგნი“ (კონდაკი დღესასწაულისა სულისწმინდის გარდამოსვლისა). მაშასადამე ღვთის განგებულების ნება არს, რათა არსებობდენ ქვეყანაზედა მრავალნი ერნი და ტომნი კაცთანი, და თითოეული ერი აღიდებდეს, აქებდეს და ჰმადლოდეს ღმერთსა თავის სამშობლო ენაზედ. შემდეგ ამადღებისა ქრისტე მაცხოვრისა, როდესაც განდაშოგდაჟან უფალმან უფუჯად წმადს სკლი თვასთა მოციქულთა სახითა წყნისა ენათა და შით განსათოსნა იგინა (ტროპარი მესამე ჟამისა), მყისვე ყოველთა მოციქულთა მიიღეს დიადი სიბრძნე და გულის-ხმის-ყოფა საუბრობად და აღიდებად ღმრთისა უცხო ენებითა. ეს ნიჭი გარდამოეცა მათ, ვითარცა ყოველად საჭირო საშუალება და მიუცილებელთ იარაღი სახარების ქადაგებისათვის ყოველთა კიდეთა ქვეყანისათა ყოველთა ერთა და ტომთა მიმართ, რათამცა „უხალთა და შოესმინათ ყოველთა კიდეთთა ქვეყანისათა მანგოჯარება ღმრთისა ჩვენისა“ (წარდგომა ცისკრად ჯვარის ამადღების დღესასწაულზედ). თვინიერ ამ ნიჭისა, უცხოთა ენათა მეცნიერებისა, სახარების ქადაგება დაშთებოდა სრულიად უნაყოფოდ და იქმნებოდა იგი მსმენელთათვის „ვითარცა სპილენძი, რომელი წკრიაღებს, ანუ წინწილი, რომელი ხმობედ, ჟღერს“ (კორინთ. 13, 1). ხოლო როდესაც სახარება იქადაგების და წირვა-ლოცვა შესრულდების მშობლიურს ენაზედ, მაშინ მხოლოდ გამოიღებს იგი მაცხო-

ვარებითა ნაყოფთა სულიერის ცხოვრებისას: „წამეთუ მხოლოდ ძაშის იქმნების ცხოველ და ძღაერ სიტყვას ღმრთისა და უშეგეტლეს უფროს ვოვლისა მახვადისა ორბარისა; და მახვადისა იგავე განსყოფელადმდე სამშენიკელისა და სულისა, ნაწევართა და ტვინთა, და განშეთიხველ განებათა და წანახვათა გულისათა“ (ებრაელ. 4, 12).

ლოცვა არს საუბარი კაცისა ღმრთისათანა, რომელიც გამოიხატება კეთილმოწიწებითის სიტყვებითა ღმრთისა მიმართ. ვითარცა ჩვეულებრივს საუბარში მიუცილებლად ყოვლად საჭიროა რათა ესმოდეთ მოსაუბრეთა ის ენა, რომელზედაც მათ სურთ გარდასცენ ერთმანერთს თვისნი აზრნი, გრძნობანი და თხოვანი; ამ სახედვე მიუცილებლად საჭიროა, რათამცა ესმოდეს მლოცველსა ის ენა, რომელზედაც შესრულდება გედება, ღოგება, თხოვა და მადლობა და ყოველი ჭფთისმსახურება (1 ებისტ. ტიმოთ. 2, 1). წმ. მოც. პავლე ესრეთ გვასწავებს კორინთელთა მიმართ პირველს ებისტოლემში (14 თავი) საჭიროებისათვის მშობლიურის ანუ გასაგების ენით წირვა-ლოცვის აღსრულებისას, ქადაგებისათვის სახარებისა და საზოგადოდ მოძღვრებისათვის ეკკლესიაში: „რომელი იგი იტყვიან უცხო ენითა, არა კაცთა ეტყვიან, არამედ ღმერთსა, რამეთუ არავის ესმის მისი. რომელი იგი იტყვიან უცხო ენითა, თავსა თვისსა აღაშენებს (ასწავებს) და არა კრებულსა. ხოლო აწ, ძმანო, მოთუვიდეთ თქვენდა და უცხო ენათა ზედა ვიტყოდეთ, რამეთუ გარგო თქვენ ანუ გამოცხადებითა, ანუ მეცნიერებითა, ანუ მოძღვრებითა? ეგრეთვე უსულოთა მათ (ნივთთა) ხმა გამოსციან, ანუ ნესტებმა (სალაშურმა), ანუ ებანმან (ჩონგურმა); უკეთუ გამოცხადება ხმათა მათ ვერ გამოსცენ, ვითარმე საცნაურ იქმნეს სტინივაჲ იგი ანუ ებნაჲ (მუსიკალური ხმა). უკეთუ საყვირმან უჩინოდ (განურჩევლად, გამოურკვეველად) ხმა გამოჰსცეს, ვინმე განემზადოს ბრძოლად? ეგრეცა



თქვენ ენისა მიერ უკეთუ არა გამოცხადებულად სიტყვაჲ იგი გამოსცეთ, ვითარ საცნაურ იქმნეს თქმული იგი? რამეთუ იყვნეთ ვითარცა ჰაერსა მეტყველნი. უკეთუ არა ვიცოდე ძალი იგი ხმისა მის (მნიშვნელობა სიტყვათა), ვიყო მე მეტყველისა მის ჩემისა, ვითარცა სხვა ენა (უცხო ქვეყნელი), და რომელი იგი მეტყუოდეს მე, ვითარცა სხვა ენა (უცხო ქვეყნელი ჩემთვის). რამეთუ უკეთუ ვილოცვიდე უცხო ენითა, სული ჩემი ილოცავს, ხოლო გონება ჩემი უნაყოფო არს. ხოლო უკეთუ აკურთხევდე სულითა, რომელი იგი აღასრულებდეს ადგილსა მას უცხისასა (იქ მდგომარე თუ უმეცარია), ვითარმე სთქვას ამინი შენსა მას ზედა მადლობასა? ვინაიდგან რასა იგი იტყვი, არა იცის (არ ესმის მას). რამეთუ შენ სამკეთილად ჰმადლობ; არამედ მოყვასი შენი არა აღეშენების (არ დაიმოდღვრეპის, რადგანაც არ ესმის). ვმადლობ ღმერთსა, რამეთუ უფროს თქვენ ყოველთასა ენათა ვიტყვი, არამედ ეკლესიასა შინა მნებავს ხუთ სიტყვა გონებითა ჩემითა სიტყვად (თქმად), რათა სხვათაცა უმოდღვრო, ვიდრე ბევრთა (ათი აფასდა) სიტყვათა უცხო ენითა.“ იგივე ღვთაებრივი მოციქული კვალადცა გვასწავებს თავისსავე ეპისტოლესა: „ყოველთა ვექმენ ყოვლად, რათა ყოველნი ვაცხონნე“ (პირველი კორინთ. 9, 23).

პალესტინიდან დაბრუნებული მოვედი ქალაქ ბათუმს ნ-საგვისტოს 1899 წელსა. მეორე დღესვე წარვემართე სოფელს მარადიდს, რომელიც მდებარეობს მდინარე ჭოროხის ხეობაში, 24 ვერსის მანძილზედ ბათუმიდან. აქაურნი მცხოვრებელნი ძველნი ქართველნი, აწ სარწმუნოებით მაჰმადიანად გარდაქცეულნი, შემოაუერთდნენ სრულიად ბაჟუმის ოლქთან ერთად ძველს თავის სამშობლო საქართველოსა რუს-ოსმალეთის ზრძოლის შემდეგ 1878 წელსა. ესენი არიან ძველნი საქართველოს ღვიძლნი შვილნი, ძვალთა ძვალთა ჩვენთაგანსა და ხორცთა ხორცთა ჩვენთაგანს.

ნი (შექმ. 2, 23). ესენი ძალმოძრეობით მოპვლიჯეს გუ-  
ლიდამ საყვარელს სამშობლოს, მოაშორეს ქართველსა  
ერსა 1822 წელსა. ეხლა ჩვენს საღმრთო მოვალეობას  
შეადგენს, ძალმოძრეობით წარტყეხუნი ტკბალის დედის წა-  
დგან, კვლადტა შემოვიერთეთ შობრივის აღწრით და სი-  
ყვარულათა. აქაური ხალხი საზოგადოდ კარგად ლაპარა-  
კობს ქართულად; მაგრამ უფროს წმინდად დატულია  
ქართული ენა სახლობაში დედათა შორის. ჩაცმა, დახუ-  
რვა, ლხინი, სიმღერა და მიმოხვრა სრულიად გურული  
აქვსთ, მხოლოდ ძალდატანებით მიუღებინებიათ მათთვის  
მაჰმადის სჯული. ვითარცა გარეგანის შეხედულობით  
სჩანს, ისრე მტკიცედ უბყრიათ მაჰმადის სარწმუნოე-  
ბა, რომ ქრისტიანობრივის სჯულის წარმომადგენელს  
მძულვარებით და ფანატიზმით უყურებენ. ჩემს იქ მყო-  
ფობაში, პირველს შეხვედრაზედ გზას მიქცევდნენ, მერი-  
ღებოდნენ; ჩემს საღამსა მოკითხვაზედ ან ხმას არ იღებ-  
დნენ, ანუ თათრულს ენაზედ მაძლევდნენ პასუხსა. მაგ-  
რამ როდესაც სცნეს ჩემი ვინაობა, რომ სხვა ეროვნობას  
არ ვეკუთვნი, არამედ იმ სამშობლოჲსა შვილი ვარ, რო-  
მელსაც ეკუთვნიან მათნი მამა-პაპანი, მას შემდეგ ქარ-  
თულად მომიკითხვიდნენ და მაძლევდნენ პასუხსა. ჩემს კი-  
თხვაზედ, თუ რომელის ერის შვილია, ერთმა ახალგაზრ-  
დამ მიპასუხა: თათარი ვარო. ამაზედ მე ვუპასუხე: სარ-  
წმუნოებით, სჯულით, შესაძლებელია, თათარი იყო, მაგ-  
რამ ეროვნობით, შთამომავლობით ჩვენი სისხლ-ხორცი  
ხარ, ჩვენი ძმა ხარ. ამ სიტყვების გაგონებაზედ, ისრეთს  
გრძნობაში მოვიდა, რომ ცრემლები ჩამოსცვივდა. რო-  
მელნიმე მათგანნი განსაკუთრებითაც მესაუბრებოდნენ იმ  
საგანზედა, თუ რა მიზეზით ჰშორდებიან იგინი ძველს  
სამშობლოსა და უტევენ მვირფასთა თვისთა წინაპართა  
შშობელთა და ნათესავთა საფლავებსა. მრავალნი მათგან-  
ნი დღესაც, უკეთუ ნივთიერი შეძლება ნებას მისცემს,

თავის მიტვალეზულს გარდაიტანენ ხოლმე დასამარხავად ოსმალეთში. სულის და გულის შემაწუხებელია მორწმუნე ქართველ ქრისტიანესათვის, როდესაც უყურებს ამ ხალხსა, ჩვენთა ღვიძლ ძმათა, განზეულთა ვითარცა ცხა-ვართა თჳნიერ მწვექსისა, რომელნიც უბედურთა ისტორიულ გარემოებათა გამო დაგვშორებიან. შემაშფოთებელი უნდა იყოს ჩვენთვის, როდესაც ვხედავთ, რომ ეროვნულადაც დაგვშორებიან ესენი, რადგანაც თვის თავს ქართველებად აღარ უწოდებენ, სულიერადაც წარწყმდებიან, ვითარცა უარისმყოფელნი ქრისტე მაცხოვრის სარწმუნოებისა; ამათ ეხლაც ცალი თვალი კვალადცა სტამბოლისაკენ აქვთ მიპყრობილი. ერთი ძმა რომ აქ სტახოვრებს, მეორე სახვანთქროშია, ანუ მშობელნი აქვთ იმყოფებიან, ხოლო შვილები მათი საზღვარს გარეთ, ოსმალეთში.

ჩვენ, უფროსთა ძმათა ქართველთა, უნდა ვიზრუნოთ მათთვის, რომ მომავალში სრულიად არ გადაგვარდნენ და არ დაიღუბნენ ჩვენთვის ეს ჩვენნი სისხლ-ხორციით ძმანი, სამოძღვრებლად გვახსოვდეს ღვთაებრივნი სიტყვანი წმ. მოციქ. პავლესნი: „მწეხარება არს ჩემდა და და მოჴკლებულა საღმობა გულისა ჩემისა: რამეთუ ვალტყეოდ მე შეჩვენებულ-ერაფად (დაშორებად) თავსა ჩემსა ქრისტესგან ძმთა ჩემთათვის და ნათესავთა ჩემთათვის ხორციელად (რომაელ. 9; 2, 3). ძმანო, ნება გულისა ჩემისა და გედრება ჩემი ღმრთისა ძმანთ ისრაელისათვის არს საცხოვრებელად“ (რომაელ. 10, 1) ამ ქართველ მაჰმადიანთა შორის ბევრს შეუუსწავლია წერა-კითხვა იმ წიგნებით, რომელიც გაუვრცელებია მათ შორის ჩვენს ეროვნულს მოღვაწეს ზაქარია ჭიჭინაძეს, საყვარელს მამულის შვილს. თიფოელმა ჩვენთაგანმა მცირედი მსხვერპლი, რომ შესწიროს სამშობლოს საკურთხეველზე, უფალი მაცხოვარი მიიღებს მას სულიერ საყნობელად, კეთილ სუნელებად, და მისივე მადლითა შე-

საძლებელი იქმნება კვალადცა მოქცევა ჩვენ დაკარგულ წარწყმედილთა ძმათა წმ. ეკკლესიის დედობრივს წილთა, და ფრიად სასიხარულო იქმნება მოქცევა მათი, ვითარცა უძღების შეიღის მობრუნება სახლს მამისასა. გარნა წმ. მოციქ. პავლეს სიტყვისაებრ: „სარწმუნოება სამე (ხომ) სმენისაგან არს, ხოლო სმენაჲ სატყვეთა ღმრთიანთა. ვითარ იგი მოუწოდონ, რომლისა მამართ არა რწმენა?“ ესე იგი, როგორ ახსენონ სახელი უფლისა მაცხოვრისა იესო ქრისტესი, რომელიც არა რწამთ? ვნე ვითარ ირწმუნონ იგი; რამეუფიდაც არა სმენათ? ვითარმე ასმენეს თვინაურ ქადაგებისა? ანუ ვითარმე ქადაგებდენ, არა თუ წარივლინენ? (რომაელ. 10; 13—17). მაშასადამე, მთ შოსაქცეველად ძველს მამა-პაპათა ქრისტიანობრივს სარწმუნოებაზედა, აუცილებელად საჭიროა მქადაგებელნი წმიდისა სახარებისა მშობლიურს ქართულს ენაზედ, ვინაიდგან „ქნა ტკბილად შაუბარი გველსაც ხგრულით გამოიყვანს,“ ამბობს დიდი რუსთაველი. ხოლო მშობლიურს ენაზედ უტკბილესი ხომ არა რომელიმე სხვა ენა იქმნება. ეს ცხადი და შეურყეველი ჭეშმარიტება არს. ამისათვის ჩვენს საღმრთო მოვალეობას შეადგენს გულითადი მეცადინეობა ქრისტეს სარწმუნოებით მათ განათლებისათვის, ხოლო წარმატება და სასურველის ნაყოფის მოტანა ამ წმიდა საქმეში უნდა მივანდოთ მაცხოვარსა ქვეყანისასა, უფალსა იესო ქრისტესა; რამეთუ მოციქულის სიტყვისაებრ სახარების ქადაგების წარმატებაში „არცა დამსხმელი (დამნერგველი) რაჲ არს, არცა მოძრწეველი, არამედ აღმარბინებელი (აღმომაცუნებელი) ღმრთი (1 კორინთ. 3, 7); ანუ სახარების იგავისაებრ: „ესრეთ არს სასუფიველი ღმრთისა, ვითარცა იგი ვაჭმან დასთვისს თესლი ქვეყანასა, და აღმოსასა, და აღსდგის ღამე და დღე, და ვითარ თესლა იგი აღმოსცენდის, და განარბინდებან, (გაიზრდება), მან არა უწყის“ (მარკოზ. 4; 26, 27).

ქრისტიანმა სახარების მქადაგებელმა (მისიონერმა)

სიყვარულით უნდა უქადაგოს მსმენელთა წმ. სახარების სწავლა-მოდღერება, სიტყვისაებრ მოციქულისა: მონას უფლასა ანა ჯერ ანს ღაღა, ანამედ რათა იყოს მეუღრო და სასიერ ეოველთა მიმართ, მასწავლელ, უმასკო, მშვიდობით მასწავლელ წინააღდგომთა მათ, მოხლო-თუ ქსცეს მათ უფლმან სინსელა მეცნიერებად ჭეშმარიტებასა (2 ტიმოთ. 2; 24, 25). გარნა ნაყოფის გამოღება ამ საღმრთო საქმეში, ესე იგი შეწყნარება, მიღება სახარების მოძღვრებისა მსმენელთაგან, ღვთის ნებას და მადლსა უნდა არწმუნოს მქადაგებელმა, ვინაიდგან ძალით მოქმედება სარწმუნოების საქმეში კეთილს ნაყოფს არ გამოიღებს. ამ შემთხვევაშიაც წმ. სახარება ესრეთ გვამცნებს: „ნუ ძაქსცემთ საწმადესა მადლთა, ნუცა დაუფენით მარგარატსა თქვენსა წინაშე ღოგთა“ (მათ. 7, 6). სარწმუნოება უნდა მიიღოს კაცმა სრულის გულისთადის რწმუნებითა და დაჯერებითა; წინააღმდეგ შემთხვევაში იგი უარპყოფს ქრისტეს სარწმუნოებასა და კვალადცა მიიქცევა იგი ურწმუნოებაზედა, წმ. მოციქულის პეტრეს იგავისაებრ: „მადლი მაქცეს ნათიგანსა თვისსა, ესე იგი რააცა ძაღლმა ამოანთხია, მიბრუნდება რავდენისამე წამის შემდეგ და თვითონვე შესთქვლეფავს; მეორე იგავიც ამბობს ამავე მოციქულისა: „ღორა ინწუბა (გაიბანა) და სანგორელსა მწგირასასა (წუმბეში) კვლადცა მიექცა. ამასთანავე დასძენს წმ. მოციქული; „უმჯობეს იყო მათთვის (ურწმუნოთათვის) არ ეცნათ გზა იგი სიმათღისა, ვადრე ცნობასა და მართლ-უგუნ ქვევასა (მიბრუნებასა) მოცემულისა მათდა წმიდისა მცნებას (2 ეპისტ. პეტრ. 2; 21, 22). ამისათვის კეთილგონიერება მოითხოვს ჩვენის მხრით, რათამცა პირველად გავადვიდოთ ბათუმის ოლქის მაჰმადიან ქართველთა შორის ეროვნული თვით-ცნობიერება, ვუჩვენოთ ჩვენს დაკარგულ ძმათა თანაგრძნობა და სიყვარული, რათამცა იგინი თავის ეროვნობად თათრობას კი არ უწოდებდნენ, არამედ

ქართველობას. ვინაიდან ჩვენ ვხედავთ ბევრს სახელმწიფოთა შორის, რომ ერთი და იგივე ერი, ერთის ტომისა და ერთის ენით მოსაუბრე ერთსა და იმავე სახელმწიფოშივე აღიარებს სხვა და სხვა სარწმუნოებას, და ეს სრულიად არ არღვევს მათს ეროვნობას. მაგალითებო: გერმანიის და ავსტრიის იმპერიებში მომეტებულს ნაწილს შეადგენენ ნემცები, რომელთა შორის ზოგნი აღვიარებენ რომის კათოლიკის სარწმუნოებას და ზოგნიც პროტესტანტობას, მომეტებულად გერმანიაში; და ესრეთი განსხვავება სარწმუნოების აღსარებაში არ აბრკოლებს ერთის ანუ მეორე ხელმწიფისადმი ქვეშევრდომობას და ერთგულ მამულის შეილობას.

როდესაც ეროვნული თვითცნობიერება გამოიღვიძებს ბათუმის ოლქის ძველთა ქართველთა შორის, მაშინ ეს თვითცნობიერება თვითონ გამოიწვევს მათ შორის სრულს ძმობრივს შეერთებასა და შეკავშირებას ჩვენთან, ვითარცა ეროვნულის ნაწევარი, ვერეთვე სულიერის სარწმუნოებრივის კავშირითა. ამ წმიდა საქმის განსახორციელებლად ანუ არსებაში მოსაყვანად დიდს სამსახურს გაუწევს ქართველს ერსა ბათუმის ქართული სკოლა და ქართულს ენაზედ შესრულება ღვთისმსახურებისა საკუთარს ქართველთა ეკკლესიაში ბათუმს, კეთილგანწყობილის ქართულისავე გალობითა. ბათუმის სკოლაში ეხლაც სწავლობენ ქართულს ენას ქართველთა მაჰმადიანთა შვილები თანასწორად ქრისტიან ქართველთა ყმაწვილებთანა. აქ ნასწავლი ქართულს ენაზედ მაჰმადიანთა შვილები დაჰკარგვენ ჩვეულებრივ ფანატიზმს ანუ სიძულვილს ჩვენდა მომართ და დიდს გავლენას იქონიებენ იმ სახლობასა, წრესა და საზოგადოებაზედ, რომელთა შორის იგინი იცხოვრებენ და იმოქმედებენ. ბათუმში ეხლაც მომეტებული ნაწილი მცხოვრებელთა ქართველს ეროვნობას ეკუთვნის და მომეტებულად, შინ და

გარეთ, აქ ისმის ქართული საუბარი. რავდენთამე ბათუმის ოლქის მაჰმადიანთა ქართველთა უკვე უარ-უწყვიათ მაჰმადის სჯული და მიუღიათ ქრისტეს სარწმუნოება; ქრისტეანობრივს სარწმუნოებას ბათუმის ოლქის ქართველნი აღვიარებდენ თითქმის მოციქულთა დროედან მეცხრამეტე საუკუნის დაწყებამდის. ამას ჰმოწმობს პირუთვნელი ისტორია, მრავალნი დიდად შევნიერნი ტაძარნი და სავანენი, გაფანტულნი მრთელს ბათუმის ოლქში, და რომელნიმე მათგანნი სიმრთელით დაცულნი აქამდის; ხოლო რომელთამე დაჰპატრონებია უცხო ტომის ერი, რომელიც სპობს ყოველს ძეგლს და წარწერას, რაც კი მოიპოვება ქართულს ენაზედ იმ დიდებულ ტაძარ-სავანეთა შორის. ამ შემთხვევაში მოგაგონდება ერთი ქართული ანდაზა: „აზამბურელი თათარი ჩემს საცალოს თავის ტომარად უწოდებდაო“. ქართული ენა-კი, რომელზედაც დღესაც ლაპარაკობენ თითქმის ტრაპიზონამდის, სახლში და გარეთაც, მათი ლხინი და სიმღერა ქორწილებში, მუშაობის დროს ანუ მგზავრობაში, წმინდა გურულის კილოთი, ყოველივე ეს ხომ ნამდვილი, შეურყვევლი და ჭეშმარიტი ნიშნებია მათის ქართულის ეროვნობისა. ამისათვის შემაერთებელ ხიდათ ბათუმის ოლქში მცხოვრებელთა ქართველ მაჰმადიანთა ჩვენთანა უნდა შეიქმნას პირველად ქართული ენა; ამ ენაზედ საჭიროება მოითხოვს გავრცელდეს მათ შორის კითხვა, წერა და ამ საშუალებით თანდათანობით გამოიდევნოს ხმარებიდამ თათრული და არაბული ენები, ვინაიდგან ამ ენებზედ ლოცულობენ და კითხულობენ მოლლები ყურანსა. ყურანს სულ არაბულს ენაზედ კითხულობენ, თუმცა ბევრს მათგანს არ ესმის შინაარსი ყურანისა, და ჩვეულებრივს საუბარში ხმარობენ ხშირად ფოლოცში (ბაზარში) თათრულს ენას ქართულთან ერთად. ხოლო მეორე, სრულიად შემაერთებელ ხიდად და დამაკავშირებელ

ქართველობას. ვინაიდან ჩვენ ვხედავთ ბევრს სახელმწიფოთა შორის, რომ ერთი და იგივე ერი, ერთის ტომისა და ერთის ენით მოსაუბრე ერთსა და იმავე სახელმწიფოშივე აღიარებს სხვა და სხვა სარწმუნოებას, და ეს სრულიად არ არღვევს მათს ეროვნობას. მაგალითებრ: გერმანიის და ავსტრიის იმპერიებში მომეტებული ნაწილს შეადგენენ ნემცები, რომელთა შორის ზოგნი აღვიარებენ რომის კათოლიკის სარწმუნოებას და ზოგნიც პროტესტანტობას, მომეტებულად გერმანიაში; და ესრეთი განსხვავება სარწმუნოების აღსარებაში არ აბრკოლებს ერთის ანუ მეორე ხელმწიფისადმი ქვეშევრდომობას და ერთგულ მამულის შვილობას.

როდესაც ეროვნული თვითცნობიერება გამოიღვიძებს ბათუმის ოლქის ძველთა ქართველთა შორის, მაშინ ეს თვითცნობიერება თვითონ გამოიწვევს მათ შორის სრულს ძმობრივს შეერთებასა და შეკავშირებას ჩვენთან, ვითარცა ეროვნულის ნაწევარი, ვერეთვე სულიერის სარწმუნოებრივის კავშირითა. ამ წმიდა საქმის განსახორციელებლად ანუ არსებაში მოსაყვანად დიდს სამსახურს გაუწევს ქართველს ერსა ბათუმის ქართული სკოლა და ქართულს ენაზედ შესრულება ღვთისმსახურებისა საკუთარს ქართველთა ეკლესიაში ბათუმს, კეთილგანწყობილის ქართულისავე გალობითა. ბათუმის სკოლაში ეხლაც სწავლობენ ქართულს ენას ქართველთა მაჰმადიანთა შვილები თანასწორად ქრისტიან ქართველთა ყმაწვილებთანა. აქ ნასწავლი ქართულს ენაზედ მაჰმადიანთა შვილები დაჰკარგვენ ჩვეულებრივ ფანატიზმს ანუ სიძულვილს ჩვენდა მომართ და დიდს გავლენას იქონიებენ იმ სახლობასა, წრესა და საზოგადოებაზედ, რომელთა შორის იგინი იცხოვრებენ და იმოქმედებენ. ბათუმში ეხლაც მომეტებული ნაწილი მცხოვრებელთა ქართველს ეროვნობას ეკუთვნის და მომეტებულად, შინ და



გარეთ, აქ ისმის ქართული საუბარი. რადენთამე ბათუმის ოლქის მაჰმადიანთა ქართველთა უკვე უარ-უყვიათ მაჰმადის სჯული და მიუღიათ ქრისტეს სარწმუნოება; ქრისტეანობრივს სარწმუნოებას ბათუმის ოლქის ქართველნი აღვიარებდენ თითქმის მოციქულთა დროედან მეცხრამეტე საუკუნის დაწყებამდის. ამას ჰმოწმობს პირუთენელი ისტორია, მრავალნი დიდად შვენიერნი ტაძარნი და სავანენი, გაფანტულნი მრთელს ბათუმის ოლქში, და რომელნიმე მათგანნი სიმრთელით დაცულნი აქამდის; ხოლო რომელთამე დაჰპატრონებია უცხო ტომის ერი, რომელიც სპობს ყოველს ძეგლს და წარწერას, რაც კი მოიპოვება ქართულს ენაზედ იმ დიდებულ ტაძარ-სავანეთა შორის. ამ შემთხვევაში მოგაგონდება ერთი ქართული ანდაზა: „აზამბურელი თათარი ჩემს საცალოს თავის ტომარად უწოდებდაო“. ქართული ენა-კი, რომელზედაც დღესაც ლაპარაკობენ თითქმის ტრაპიზონამდის, სახლში და გარეთაც, მათი ლხინი და სიმღერა ქორწილებში, მუშაობის დროს ანუ მგზავრობაში, წმინდა გურულის კილოთი, ყოველივე ეს ხომ ნამდვილი, შეურყეველი და ქეშმარიტი ნიშნებია მათის ქართულის ეროვნობისა. ამისათვის შემაერთებელ ხიდათ ბათუმის ოლქში მცხოვრებელთა ქართველ მაჰმადიანთა ჩვენთანა უნდა შეიქმნას პირველად ქართული ენა; ამ ენაზედ საკიროება მოითხოვს გავრცელდეს მათ შორის კითხვა, წერა და ამ საშუალებით თანდათანობით გამოიდევნოს ხმარებიდამ თათრული და არაბული ენები, ვინაიდგან ამ ენებზედ ლოცულობენ და კითხულობენ მოლლები ყურანსა. ყურანს სულ არაბულს ენაზედ კითხულობენ, თუმცა ბევრს მათგანს არ ესმის შინაარსი ყურანისა, და ჩვეულებრივს საუბარში ხმარობენ ხშირად ფოლოცში (ბაზარში) თათრულს ენას ქართულთან ერთად. ხოლო მეორე, სრულიად შემაერთებელ ხიდად და დამაკავშირებელ

ოქროს ჯაჭვად თავისთავად შეიქმნება, ღვთისა შეწევნითა, ქრისტე მაცხოვრის სარწმუნოება. სახარება ქრისტესი ჰქადაგა დსავლეთს საქართველოში წმ. ანდრია მოციქულმა, პირველწოდებულმა, და ქრისტეს სარწმუნოებას აღვიარებდნენ შეურყეველად ბათუმის ოლქის, სამცხე-საათაბაგოს ქართველნი ვიდრე 1580 წლამდე, ხოლო ამ უბედურს წელსა ყვარყვარე ათაბეგმა თვითონ უარჰყო სარწმუნოება ქრისტესი და დაუმორჩილა თვისი სამთავრო ოსმალეთის ხონთქარსა, და ამას შემდეგ თანდათანობით წვალება-ღვენითა და ქენჯენითა გამოიღვენა სარწმუნოება ქრისტესი სამცხე-საათაბაგოლამ.

მარადიდში მცხოვრებელ მაჰმადიანთა ქართველთა მითხრეს სხვათა შორის შემდგომი: იგინი ბრკოლდებიან ქრისტეს სარწმუნოების მისაღებელად სხვათა შორის იმისათვისაც, რომ მათ ქრისტეანობის მიღების შემდეგ გაიყვანენ ჯარში სამსახურებელად და სხვა ქრისტეანებთან ერთად აქმევენ მათ ღორის ხორცსა, რასაც იგინი ვერას გზით ვერ შეიწყნარებენ, ხოლო ეხლა რავდენისამე მანეთის გარდახდით თავისუფლდებიან სავალდებულო სამხედრო ბეგარისაგან. ამაზედ მე ვუბასუხე შემდეგი: ქრისტე მაცხოვრის მოციქულთა მოძღვრებისაებრ: ყოველივე დაბადებული ღმრთისა კეთილ არს, და არა რაა არს განსსკდუბელ, მადლობით მადებელა, რამეთუ ყოველივე განწმინდუბის სიტყვითა ღმრთისათა და ღოცვითა (1 ებისტ. ტიმოთ. 4, 4). ამავე საგანზედ იგივე წმ. მოც. პავლე გუასწავებს: „გადა და მწმამს უფლისა იესო ქრისტეს შიერ, რამეთუ არა რაა შეგისებულ არს (უწმინდურია) თავით თვისით; განა თუ რომელი იგი შეგისმარტახის შეგისებულად, იგი არს (უწმინდურ); სიტყვისაებრ ამავე მოციქულისა: „არა არს სსსუფეველი ღმრთისა სსჭმელ და სსსმელ, არამედ სიმართლე, და მშვიდობა, და სსხნრკელი სელითა წმიდითა (რომაელ. 14; 4, 17). ამისათვის ქრისტეანები არა ვსთვლით უწმინდურად ღორის ხორც-

სა, ვინაიდან წმინდათათვის ყოველგვარ წმიდა ანს. ხოლო შეგანებულთათვის და ურწმუნოთა ანა რა.ა ანს წმიდა, ანამედ შეგანებულ ანს მათა გულისა და გონებასა (ტიტეს 1, 15). გარდა ამისა, ქრისტიანებში არიან არა მცირედნი იმ გვარნი, რომელნიც სრულიად არა სჯამენ ღორის ხორცსა, ანუ აღთქმისაებრ, ვითარცა ჩვენი მთიულეები, ანუ არა სჯამენ იმისათვის, რომ მათი სტომაქი ვერ შეიწყნარებს ღორის ხორცსა.

მაჰმადიანნი ქართველნი იქადიან სხვათა შორის იმითაც რომ მაჰმადის სჯულისაებრ იგინი ლოცულობენ დღეში ხუთ გზის, თუმცა ლოცვა მათი გარეგანია მომეტებულად და მდგომარეობს ხელთა და ფერხთა დაბანვაში, და არ გასცილდება ათს წამსა. ამაზედ პასუხად ვამცენ მათ, რომ ქრისტიანობრივი ეკლესია დღეში ცხრაჯერ მოუწოდებს დედობრივის ხმით ლოცვა-ვედრებისათვის, ანუ ქრისტეს მაცხოვრის მოციქულისაებრ: გასუ წიგნტელად უნდა ვალოცვაყო, რომელსა შექმლემულ ანს დატეხსად, ღაბტეინ. (მათ. 19, 12).

### დაბრუნება სამოზგლოდ.



კეთუ დაგივიწყო შენ, იერუსალიმ, დაივიწყენ მარჯვენაცა ჩემი (ფსალ. 136, 5)

გზანი შენნი, უფალო, მაუწყე მე და აღაზნი შენნი მასწავენ მე. მიძელე მე ჰეშმარიტებითა შენითა, და მასწავე მე, რამეთუ შენ ხარ ღმერთი, მაცხოვარი ჩემი, და შენზედა ვსასოებ მარადდღე (ფსალ. 24; 4, 5). მოვიხსენო აწ საქმენი უფლისანი, და რომელი ვიხილე, უთხრობდე. (ზირაქ. 42, 15). ნუ განმადებ მე, უფალო, ჟამსა სიბერისა ჩემისასა და მოკლებასა ძალისა ჩემისასა ნუ დამადებ მე. და მიმხცოვანებადმდე და სიბერედმდე, ღმერთო

ჩემო, ნუ განმაგდებ, ვიდრემდის მიუთხრა ნათესავსა ამას ძლიერება შენი და მომავალთა საკვირველება შენი. (ფსალ. 70; 9, 18). სლვანი კაცისანი უფლისა მიმართ წარიმართებიან.

ამისათვის სამადლობელსა შევსწირავ ყოველად მოწყალე ღმერთსა, რომელი თანამავალ მეყო მე ჩემს მოგზაურობასა და მიმოხილვაში წმიდათა ადგილთა და მშვიდობით და უვნებელად მომაქცევა სამშობლოდვე, 31 აგვისტოსა 1899 წ. დიდება ღმერთსა, კეთილისმყოფელსა ჩვენსა აწ და უკუნისამდე!

### დროა ბოლო მოეღოს!

(ათონის ქართველთა საეპისკოპოსოს მამათა მდგომარეობის შესახებ)

გაზეთ „ივერიიდან“, № 217, 1899 წ.



ვენმა საზოგადოებამ კარგად უწყის, რა უკიდურესად სამწუხარო მდგომარეობაში არიან ათონში ქართველთა საეპისკოპოსოს ბერნი, რომელთაც მოსვენება და თავისუფლად ცხოვრება არ ძალუძთ ბერძენთაგან. ამის შესახებ დიდი ხანია გამოძიება სწარმოებდა და ხმაც დადიოდა, რომ ბერძენები ალაგმულნი იქმნებიან და ჩამოერთმევათ მათ მიერ დაჩემებული ქართველთა მამულები და წმიდა ადგილნიო, მაგრამ ავერ დღესაც ისევ იმავე მდგომარეობაშია საქმე, თუმცა დიდი ხანი დროა ბოლო მოეღოს ასეთს ვითარებას. იმის გასათვალისწინებლად, თუ როგორ არიან შევიწროებულნი ქართველნი ძმანი ათონის ძმის საეპისკოპოსოსანი, ვბეჭდავთ თვით იმათს წერილს, პატივცემულის პეტრე კონკოშვილის მიერ მიღებულს, რომელსაც წინ წარემძღვარების თვით მ. დეკანოზის წერილი, ჩვენდა მომართული. აი, რას იწერება პატივცემული მ. კონკოშვილი:

ჩემის მოგზაურობის აღწერა უკვე შესრულებული მქონდა, როდესაც 30-ს სექტემბერს 1899 წელსა მივიღე გულ-შემზარავი წერილი ათონის მთიდგან ქართველთა სავანის ძმათა. ამ წერილით გვაცნობებენ ივინი, თუ რაოდენს შევიწროებას, დევნულებასა და მწუხარებას ითმენენ ქართველნი ძმანი ივერიის მონასტრის ბერძენთა მონაზონთაგან, ვითარცა პირველ საუკუნოების ქრისტეანენი წარმართთაგან. ბერძენთა მონაზონთ განუზრახავთ სრულიად გამოდევნა ქართველთა ძმათა ათონის მთიდგან და აღგვა მათი პირისაგან ქვეყანისა. ამავე დროს ათონის მთაზედ მყუდროებით ჰმოღვაწეობენ სხვა-და-სხვა ეროვნობათა სავანეთა შინა: რუსნი, ბოლგარნი, მოლდავანნი, სერბიელნი, ვლახელნი, შავთიელნი, არაბნი და არნაუტნი. მაშ რა არის მიზეზი ქართველთა ძმათა დევნულებისა ბერძენთაგან? სხვა არა რაიმე, არამედ მხოლოდ ის, რომ ქართველი ერი 1883 წლიდგან დავობს თვისის თავად-აზნაურობის წინამძღოლების შუამავლობით, რათა დაუბრუნდეს ათონის ქართველთა სავანის ძმათა ათონის ივერიის მონასტერი თავის მამულებით, ვითარცა სამკვიდრებელი ქართველის ერისა.

ამისათვის ქართველთა ათონის სავანის ძმათა წერილსა ამასთანავე სრულიად შეუცვლელად და უნაკლულად დაუერთავ, რათამცა ამ წერილიდგან ნათლად დაინახოს ქართველმა საზოგადოებამ, თუ რა უკიდურესს მდგომარეობაში იმყოფებიან ჩვენნი ძმანი ათონის მთაზედ. ამ წერილის წამკითხველი ანუ მომსმენი ქართველი საზოგადოება, განურჩევლად წოდებისა და სქესისა, ვისაც-კი მცირედი სიყვარული უღვივის გულში სამშობლოს მიმართ, მოვალეა წინაშე ღმრთისა და კაცობრიობისა აღმოუჩინოს შემწეობა ქართველთა ათონის სავანის ძმათა გამოსახსნელად მათდა ბერძენთა ბერების მტარვალობისაგან. ამას მოითხოვს ჩვენი ეროვნული ღირსება, პატი-

ვო, ძველი ისტორიული დიდება ქართველის ერისა და მოყვასთა მიმართ სიყვარული, ვინაიღვან ქართველთა ათონის სავანის ძმანი არიან ხორცნი ხორცთა ჩვენთაგანი და ძვალნი ძვალთა ჩვენთაგანი (შექმ. 2, 23).

ღმერთმან ინებოს, რომ ამ საქმის წარსამართებელად აღმოჩენილ იყვნენ საქართველოს ნიადაგზედ მსგავსნი დიდებულთა, სახელოვანთა წმიდათა მამულიშვილთა: ესთერისა, მარლოქესი, ეზდრასი, ნეემიასი და იერემიასი, რომელი გოდებდა დარღვეულის იერუსალიმის და მის ტაძრისათვის, ზორობაბელ მთავრისა, ისუ და სვიმონ დიდთა მღვდელთა, რომელთაც კვალადცა აღადგინეს დანგრეული ტაძარი და ქალაქი იერუსალიმი და განაშენენეს იგი, ვითარცა თვისი ეროვნული დიდება. ყოველთა ამათ დიდებულთ ზემოხსენებულთა პირთა, ვითარცა სამშობლოს სიყვარულითა შემსკვალულთა, იშრომეს, იღვაწეს ვიდრე თავგანწირულებადმდე მამულის კეთილდღეობისათვის.

ქრისტეს მოციქულის სიტყვისაებრ: **დაცა დაწყებად ანს, ეოველივე ჩვენა სამომდგრებულად და სასწავლელად დაწერად ანს. ამასათვის ებამეადეთ მართალთა საქებულთა საქმეთა შინა; ხოლო ვეკლტადეთ ხენეშთა მათ და ბაღწათა ცოდვთა შებოურთასა (წმ. ანდრია კრიტელის მერვე სძლის პირი, დიდ მარხვის პირველის შვიდეულის სამშაბათს).**

რომელსა ასხენ ყურნი სმენად, ისმინენ!

დეკანოზი პეტრე კონქოშვილი

ვბეჭდავთ აქვე შეუცვლელად ათონის ქართველთა სავანის ძმთა წერილს, გამოგზავნილს მ. კონქოშვილის სახელობაზედ ამ წლის 10 სექტემბერს:

თქვენო მაღალ-კურთხევაჲ, ყოვლად პატიოსანო დეკანოზო, მამაო პეტრე!

უწინარეს-ყოველისა, ძმანი წმიდისა ათონის ქართ-  
ველთ სავანისასანი, გამოვითხოვთ თქვენგან ლოცვა-კურ-  
თხევას, და "ამასთანავე ვართ მსურველნი თქვენის მრ-  
ვალ-ქამიერ სათნოდ ღვთისა და სასიქადულოდ ივერიი-  
სა—სიციოცხლისა.

ვინაიღვან უკვე ვართ დარწმუნებულნი, რომ ჩვენს  
ქირსა და ლხინსა, ვითარცა თვისთა მოძმეთასა, განიზი-  
არებთ, როგორც ქეშმარიტი ქართველი; ამისათვის ვკად-  
ნიერობთ, გაუწყოთ ჩვენი გარემოება, რომელი თქვენც  
დავაფიქრებსთ, და რასმე საშუალებას მოგაგონებსთ  
თქვენთა ძმათა მწირთათვის, რომელნიც იმყოფებიან  
უსამართლოდ დევნულებაში და ფრიად შეიწროებაში  
ბერძენთა მიერ ეს ოცდა-თორმეტი წელიწადია!...

ფრიადი მიუცილებელ საჭიროებისა გამო ვიწყეთ  
ერთ კედელზედ მიშენება უბრალო ხის ბოძებზე შეშის  
დასაწყობად ფანჩატურისა, რომელის მიზეზის გამო, უა-  
მისოთაც მეძიებელნი რაიმე შემთხვევისა ბერძენთ ბერ-  
ნი, აწ მცხოვრებნი ჩვენს ივერიის მონასტერსა შინა, ვი  
აგვისტ. ამავე წელსა—დილით ადრე, ჟამსა საღმრთო ლი-  
ტურდიის შესრულებისასა, როდესაც მწირველი ამბობ-  
და: „შიშითა ღვთისათა და სარწმუნოებით მოვედით“,  
მოგვიხდნენ რიცხვით ოთხნი პროილუმენნი, მონასტრის  
წარჩინებულნი პირნი—ამათში ორს თქვენც იცნობთ, ერ-  
თი ამ წლის მეორე ეპიტროპოსი პორფირი, რომელმანც  
საზოგადო სიყვარული გამოგიცხადათ, როდესაც თქვენ  
საზოგადო კრებაში სთხოვეთ ბიბლიოთეკის განხილვა,  
პირველ ნათხოვი არხიმანდრიტ გერასიმეზე. მეორე—მამა  
დანიელ, რომელიც ლაპარაკობდა ქართულს ენაზედ, და  
რომელსაც ეოცნების შემდგომში საქართველოში არხი-  
მანდრიტობა და ჩვენი საწყალი ხალხის გლეჯა-ცარცვა  
მათის თეთრის კბილით და ორნი ერის კაცნი, მსახურნი  
მათნი, შეჭურვილნი თოფებით, მახვილებით და რევოლ-

ვერებით და ირგვლივ. წელზედ მექონნი სასწრაფოთა საე-  
სე ვაზნებითა.

ვინაიდან პირველ იყენენ ბოროტ-მოქმედების გან-  
მზრახველნი, ესე ვითარმა მათმა განზრახვამ იმ ზომამდის  
დაავიწყათ მათ თავიანთი მოვალეობა, რომ სამღვდელო  
პირნი არც კი შემობრძანდნენ ეკლესიასა შინა თაყუანის  
საცემლად იმ წმიდის ხატისა, რომლის სახელსა ზედაცა  
აღვებულთა სავანე ჩვენი, არამედ გარე მდგომნი მსწრაფლ  
ითხოვდნენ გამოგზავნითა თვისთა იასაულთა, რათა მივი-  
დგეს მათთან უფროსი სავანისა; ხოლო ვინაიდან დროე-  
ბით მმართველი მ. იონა იყო შინაგან ეკლესიისა და  
ლიტურლიაც სრულდებოდა და არ ჰქონდა დრო, ამის-  
თვის მივიდა მათთან მამა გაბრიელი, რომელთაც სთხოვა  
ბერძელის ენით, რათა მობრძანდნენ სასტუმროში ჩაის  
მისართმევად, ხოლო მათ ცივის სიტყვით უპასუხეს, რომ  
იგინი არ მოსრულან ჩაისათვის, არამედ აქესთ სხვა საქ-  
მე, რომლისათვისაც მოსრულან. ნახა რა მამა გაბრიელ-  
მა იგინი აღშფოთებულად, არლარა მიუგო მათ. ამ დროს  
წირვაც გათავდა და შეატყობინეს მამა იონას, რომელიც  
დაუყოვნებლივ გამოეგება მათ თავაზით და პანცა სთხო-  
ვა, რათა თითო სტაქანი ჩაი მიერთმიათ. ხოლო მათ  
განძვინებულთ, თუმცა კადნიერ არს სიტყვა ესე, გარნა  
შეგვიძლიან ესთქვათ, რომელ ბარბაროზებრივი შეხედუ-  
ლობით და ქცევით იწყეს ყვირილი და ბრძანება, რათა  
ჩვენ ქართველებს მსწრაფლ დაგვემგვრიოს ზემოხსენებუ-  
ლი თანჩატური, რომლისთვისცა იყო დასობილი ხოლო  
ოთხი ხის სვეტი ჯერ-ჯერობით. მამა იონამ დაუწყო  
მათ ლაპარაკი სიმშვიდით და სურდა, რათა აესხნა შესა-  
ხებ ამ თანჩატურის აგებისა, ხოლო მათ სიტყვაც არ  
აცალეს, და გადაწყვეტით ბრძანეს: „დაარღვევთ თუ არა  
თქვენის ხელით უკვე დაწყებულს?!“ ამაზედ უპასუხა მ.  
იონამ, რომ დასარღვევად არ გვიშრომია, და არც ჩვენ



დავარღვევთ, და არც სხვას ვაძლევთ ნებას მისის დარღვევისას, თვინიერ ჯეროვანის მართებლობისა. მაშინ თაოსნობითა პროილუმენი პორფირისათა იქმნა ბრძანება ბერძენთა მიერ თვისთა მსახურთადმი: „აბა, ბეჭებო, დაამგვრიეთ, დაამსხვრიეთ, დაღეწეთ“. და მიეშურენ ბიჭები და თან მიჰყვნენ პროილუმენნი დასამგვრევად სვეტებისა; ხოლო ვინაითგან მ. მ. იონა და გიორგი ახლოს იყვნენ სვეტებთან, ამისათვის არ დაანებეს დაემგვრიათ. მათ ბერძენთ ველურ ყვირილზედ, არა თუ ძმანი წმ. ჩვენისა სავანისანი, არამედ უკეთუ ყოფილ იყვნენ ახლო მახლოს ვინმე მეზობელნი, იგინიცა იქმნებოდენ მოწამენი ყოველივე აქა შემთხვევისა. იხილეს რა ბერძენთა, რომ არ ვაძლევთ ნებას მათის გულის წადილის აღსრულებისას, უნდოდათ ეხმარათ იარაღებრივ ძალა, და მ. გიორგის და ერთს მონაზონს მახვილით შემოუტყვეს, ხოლო განგებითა ღვთისათა ერთმა პროილუმენთაგანმან უბრძანა მათ, რათა უკან დაბრუნებულიყვნენ და ესრეთ ბრძანებისაებრ მისისა უკან დაიწიეს და დიდის მუქარით; რომ მოვლენ შემდგომში უმეტესის ძალით და არ დაგეტოვებენ აღუოხრებელად, მიბრძანდნენ შინისკენ. ამ ეამად, წყალობითა ღვთისათა, მფარველობითა ყოვლადწმიდისა ღვთის-მშობლისათა, მეოხებითა ყოვლად ქებულისა იონანე ღვთის-მეტყველსათა და თქვენის ლოცვით გადავრჩით მშვიდობით. ამავე დღესა ყოველივე ჩვენი გარემოება მოვახსენეთ ადგილობრივ უფროსს, რომელმაც არავითარი ყურადღება არ მოგვაქცია, ვითარცა ყოველის მხრით კაცთა მიერ შეუწყვენელთა, ღარიბთა და მწირთა, გარნა მსასოებელთა წყალობასა ზედა ღვთისასა, რომელ იგი ყოვლად ძლიერი და ყოვლისა შემძლებელი შეუწყვენელთა შემწე, მწირთა და ობოლთათვის მზრუნველი, არ დაგვიტყვებს თვინიერ მისის შეწყვენისა, და მით არ განხარებს ხილულთა და უხილავთა მტერთა ჩვენ მდაბალთა

ხედა—შთაგონებითა ზეგარდამო; მიემართეთ ჩვენს ელჩს კონსტანტინეპოლში და თესალონიკის ვიპატოსს, რომელთაც მოახდინეს ჯეროვანი განკარგულება... აგვისტოს 31-სა მობრძანდნენ ჩვენს სავანეში თხოვნისამებრ ბერძენთა აქაური პროტატიდგან ანტიპროსოპნი (მოადგილენი), რომელთა გამოგვიცხადეს, რადგანაც ივერიის მონასტერს არ სურს, რათა აღშენდეს ჩვენს ეზოში შეშის დასაწყობი, ამისათვის დაგვემგვროს ჩვენ, წინააღმდეგ შემთხვევაში, თვით იგინი დაამგვრედენ და შეადგენდნენ განაჩენს ჩვენდა სავნებელად, რომელსაც მოჰყვებოდა ჩვენ ქართველების ათონიდამ გადარეკა. ვიხილეთ რა, რომ სიმაართლე თვის მახვილს ვერ მოიქნევდა, რადგანაც ყოველივე ღონე და ძალა ათონის მთაზე არის ბერძენების ხელში და გუშინდელნი შეშინებულნი აქაური მოსამართლისაგან, რომელმანცა გვითხრა სხვათა შორის, რომ თუ ბერძნები უბრძანებენ, რათა ქართველნი იქმნენ განდევნილნი ათონიდამ, მაშინ ის მოვალე არის აღასრულოს დაუყოვნებლივ ბერძნების ბრძანება, — დავემორჩილენით, ვითარცა ცხოვარნი მგელთა, და იმ ზომად დაგვიმონეს, რომელ ჩვენისვე ხელით, მხილველთა მიერ შესაბრალებელად, დაგვანგრევინეს სვეტები თავის მოწყობილებით. როდესაც ბერძნებმა შეასრულეს მათი გულის წადილი, დიდის ბოროტის სიხარულით აღფრთოვანებულნი წაბრძანდნენ თვისად, ხოლო ჩვენ დაგვტოვეს შეუწყალებელად.

იმედი გვაქვს, თქვენო მაღალ-კურთხევაე, რომ ამ ჩვენს გაჭირვებულს მდგომარეობას გაიზიარებთ და სხვასაც გააცნობთ, ვისთან და სადაც ჯერ არს, რათა იცოდეს მთელმა ივერიამ, რომ მათს მამულში მცხოვრებს ქართველებს არ აძლევენ ნებას უკანასკნელ ფანჩატურის აშენებისასაც-კი!

დიდის პატივისცემით მოგიკითხვენ ყოველნი ძმანი

ჩვენის სავანისანი, მარადის მომხსენებელნი უტკბილეს უფროს თაფლისა და გოლეულისა თქვენის საუბრისანი.

ვხოვთ გვანუგეშოთ თქვენის ძვირფასის ეპისტოლით.

რუსის ბენერალის შთაგეჴდილება მიმოხილვის  
დროს ქართველთა წმიდათა სავანეთა პალეს.  
ტინაში და წმ. ათონის მთაზედა.

**ვ**ახულები 1900 წელსა მოულოცნია წმ. ადგილები პალესტინისა და წმ. ათონის მთისა ერთს ღვთის-მოყვარე გენერალს რუსთაგანს ა. ვენერ—ს. ეს გენერალი სწერს ერთს სულიერს მამას ქართველთაგანსა გულმტკივნეულობით თავის შთაბეჭდილებას შემდეგ წმ. ადგილების მიმოხილვისა საზღვარს გარეთ: „ქართველებს ოდესმე ჰქონიათ იერუსალიმში სამი მონასტერი, ორს მათგანში ეხლა სცხოვრებენ ბერძენთა ბერებიო, სახელდობრ წმ. მამათმთავარის აბრაამის და წმ. ჯვარის მონასტრებში; ხოლო მესამეში—წმ. იოანე ღვთისმეტყველის სავანეში—აწ იმყოფებიან ფრანგთა მონაზონნი. აგრეთვე ათონის მთაზედაც ჰქონიათ ქართველებს დიდებული ივერიის კარისა ღვთისმშობლის მონასტერი, რომელშიაც აწ იმყოფებიან ბერძენთა ბერები, რიცხვით 150 სულამდის.“ როდის და რა სახით დაუკარგავთ ქართველებს ეს დიდებული სავანენი? გულმწუხარებით ეკითხება ბოლოს. შემდეგ განაგრძობს: „ათონის კელლიაში მოღვაწენი ქართველნი ძმანი ამ ეამად დიდს შეწუხებაში არიან, სულგრძელებით ითმენენ ბერძენთა მონაზონთაგან სიყმირსა, მწყურვალებასა და ყოველის მხრით დევნულებასაო. ხოლო ამავე დროსა მახლობლად ქართველთა ძმთა კელიისა ივერიის-მთა-

ნასტერში კი, ძველს ქართველთა სამკვიდრებელში ბერძენთა ბერები დიდს განცხრომაში იმყოფებიანო. ეს უსამართლოება ღმერთს ტირილით შეჰლაღადებსო და გამოითხოვს შურის-ძიებასაო.“ უცხო ტომის შვილს, მაგრამ ჩვენს ძმას მართლმადიდებლობით და ერთის სახელმწიფოს ჩვენთან ერთად ქვეშევრდომობით, საქართველოში უმსახურნია, შეუსწავლია ჩვენი ეროვნული ხასიათი და ზნე ჩვეულებანი და ღირსებანი და ამისათვის გული სტკივა ჩვენს დიდებულ ნაშთთა დაკარგვისათვის; ჩვენ კი ჯერ ღრმა ძილში ვართ და ჩვენს სარწმუნოებრივს სამკვიდრებელსა, რომელიც ამასთანავე შეადგენს დიდებას ქართველის ერისას, არ ვეძიებთ გულმხურვალედ. თვითონ ამ ღვთისნიერს, სარწმუნოებით გაბრწყინებულს გენერალს, უკვირს ეს ჩვენი გულგრილობა და დაუდევნელობა ამ გვარს წმ. საქმეში. რას აკეთებენ, კითხულობს იგი, საქართველოს დიდებულნი და დარბაისელნი შვილნი? რატომ არ ეძიებენ ამისთანა ძვირფასს სამკვიდრებელსაო? ამასთანავე ასახელებს ქართველთა წარჩინებულ გვარების დიდებულთა წარმომადგენელთა. რომელთა ასხენ ყურნი სმენად. ისმინენ! ამ კეთილმსახურის გენერლის სარწმუნოებრივს გულ-მხურვალეობაზედ მოგვაგონდება სიტყვანი პეტრე მოციქულისა: „ყოველთა შორას თესლთა, რამელსა ეშინის ღმრთისა და აქმს სამართლესა, სათნო არს ღმრთისა და ღირს არს ქებისა (საქმე მოციქ. 10, 35).

**წმინდი ათონის ქართველთა სავანის ძმათაგან**

10. ს. ივნისს 1900 წელსა.



მალღესი შთავრობის განკარგულებით ივერიის მონასტრის ბერძნის ბერებს დაუკავეს ბესარაბიის მეტოხის შემოსავალი უმეტეს 90,000 მ., რომელსაც აღარ

აძლევენ, განმავლობს ეს მეთხუთმეტე წელიწადი; შესახებ ჩვენის საჩივრისა ეს შემთხვევა ბერძნებს ძალიან აშინებს.—კონსტანტინეპოლის პოსლანიკი (დესპანი) და თესალონიკის კონსული ეუბნებიან ივერიის მონასტრის ბერძნებს: „ როდესაც საქართველოს გაურიგდებით, მაშინ მიიღებთ ამ ფულებს, თორემ ისე არ შეიძლება“. ეს შემთხვევა და გამოცხადება ძალიან აშინებს ბერებს.

უწინდელმა პოსლანიკმა (დესპანმა) წელიდოვმა თვით პირისპირ გვითხრა: „თუმცა უმაღლესმა მთავრობამ მეტოქი რუსეთის და საქართველომსა დაუკავა და არ მისცა ბერძნებს, იმ შემთხვევაში სუბუქად გათავდა თქვენი საქმე და მშვიდობიანად. ამისთვის დაკავება მეტოქეების ინოსტრანის სამინისტროში (პეტერბურგში) მე თითონ წარვადგინე, მაგრამ ჯერ-ჯერობით ცნობა არ მრმილიაო.“

მოგვიტევეთ, პატიოსანო მამაო, მცირე ბარათისათვის, მაგრამ რადგანაც ცხადად ვხედავთ, რომ თითქო სრული საკუთარი საქმეაო, ისე მონაწილეობ ამ საქმეში, როგორც ქვეშარიტი ქართველი, მისთვის გწერთ ასე მცირესაც, როგორც საქმის მასალას.

მმართველი მღვდელმონაზონი იონა ქრისტეს მიერ ამჟებოთურთ.



### შეპარული შეცდომანი:

გვ.	სტრიქონი	დაბეჭდილია	უნდა იყოს
35	ზევ. მე-10	მენელსაცხებელთა	მენელსაცხებლეთა
41	ქვე. მე-11	წითელის ქვითა	წითელის ქვითა.
52	ზევ. მე-7	ნიკოლოოზისა	ნიკოლოოზისა;
60	ქვე. მე-11	.ოსმალთა.	ოსმალთა
77	ქვე. მე-2	ელვიარებინა	ალეარებინა
126	ზევ. მე-17	მოაჯირი	მოაჯარი
182	ზევ. მე-5	ქვეშ	ქვეშ;
202	ქვე. მე-9	შეეშინდა	შეუშინდა
203	ქვე. მე-3	კორინთელ.	1 კორინთ.
210	ზევ. მე 7	ალვიარებენ	ალიარებენ
211	ზევ. მე-5	ალვიარებდენ	ალიარებდენ
212	ზევ. მე-5	ალვიარებდენ	ალიარებდენ
205	ქვე. მე-11	გამოტოვებულია შემდეგი სათაური: ქოროხის ხეობაში მცხოვრებთა ძველთა ქართველთა აწინდელი სარწმუნოებრივი და ზნეობრივი მდგომარეობა.	

505/24

შასი ერთი მანეთი

შმავე ზეტონისაგან გამოცეპულია:

1. საღმრთო სჯულისა და მცნებათათვის. 30 კ.
2. კითხვანი აღსარებასაზედა . . . 30 კ.

### შეპარული შეცდომანი:

გვ.	სტრიქონი	დაბეჭდილია	უნდა იყოს
35	ზევ. მე-10	მენელსაცხებელთა	მენელსაცხებლეთა
41	ქვე. მე-11	წითელის ქვითა	წითელის ქვითა.
52	ზევ. მე-7	ნიკოლოზისა	ნიკოლოზისა;
60	ქვე. მე-11	.ოსმალთა.	ოსმალთა
77	ქვე. მე-2	ელვიარებინა	ალეარებინა
126	ზევ. მე-17	მოაჯირი	მოაჯარი
182	ზევ. მე-5	ქვეშ	ქვეშ;
202	ქვე. მე-9	შეეშინდა	შეუშინდა
203	ქვე. მე-3	კორინთელ.	1 კორინთ.
210	ზევ. მე 7	ალვიარებენ	ალიარებენ
211	ზევ. მე-5	ალვიარებდენ	ალიარებდენ
212	ზევ. მე-5	ალვიარებდენ	ალიარებდენ
205	ქვე. მე-11	გამოტოვებულია შემდეგისათაური: ქოროხის ხეობაში მცხოვრებთა ძველთა ქართველთა აწინდელი სარწმუნოებრივი და ზნეობრივი მდგომარეობა.	



505/24

შპსი ერთი მანეთი

ამავე ავტორისგან გამოცემულია:

1. საღმრთო სჯულისა და მცნებათათვის. 30 კ.
2. კითხვანი აღსარებასაზედა . 30 კ.